



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>







LEONARDI BRUNI
A R R E T I N I
EPISTOLARUM
P A R S P R I M A.



Bruni, Leonardo Aretino

LEONARDI BRUNI
A R R E T I N I
EPISTOLARUM
L I B R I V I I I

AD FIDEM CODD. MSS. SUPPLETI, ET CASTIGATI

Et plusquam XXXVI Epistolis, quae in Editione quoque
Fabriciana deerant, locupletati

RECENSENTE

LAURENTIO MEHUS

ETRUSCAE ACADEMIAE CORTONENSIS SOCIO,

Qui Leonardi Vitam scripsit, Manetti, & Poggii Orationes
praemissit, Indices, Animadversiones, Praefationemque adjecit,
Librumque Nonum, ac Decimum in lucem protulit.

A C C E S S E R E

*Ejusdem Epistolae Populi Florentini nomine scriptae,
nunc primum ex Codd. MSS. in lucem erutae.*

P A R S P R I M A .



FLORENTIAE . MDCCXXXI.

Ex TYPOGRAPHIA BERNARDI PAPERINII.

Sumptibus Josephi Rigaccii .

SUPERIORUM PERMISSU.

DC

531.3

B8

A3

11
10-5-3
16-6-2
EMINENTISSIMO, AC REVERENDISSIMO PRINCIPI

ANGELO MARIAE

S. R. E. CARDINALI PRESBYTERO

QUIRINO

SEDIS APOSTOLICAE BIBLIOTHECARIO

EPISCOPO BRIXIENSI

ec. ec. ec.

LAURENTIUS MEHUS FELICITATEM.



Uae res, & eae
plane non con-
temnendae, PRINCEPS EMINENTIS-
SIME, me impulerunt, ut ego ho-

DEDICATIO.

mo Tibi novus, & nullo adhuc titulo benevolentiam Tuam promeritus ad Tuum Patrocinium, clientelamque confugerem. Nam cum omne studium, cogitationemque meam ad id potissimum contulerim, ut eum mihi patronum compararem, qui & auctoritate sua invidorum impetus propulsaret, aliorum vero animos nominis sui claritate ad legendi studium excitaret; Tu unus, PRINCEPS EMINENTISSIME, mihi prope divinitus oblatus es, in quem tanta, ac manu tam larga congeffit DEUS OPT. MAX., ut summa eruditio cum maxima auctoritate, maxima vero auctoritas cum summa eruditione certare videatur. Et quidem undenam.

DEDICATIO.

exordium sumam, PRINCEPS EMINENTISSIME? An ab illa admirabili, ac prope divina Majorum Tuorum virtute, quam per abavos, atavosque ad posteros transmissam, totam in Te uno conlocatam intuemur, ac veneramur? Sed egone haec generis Tui praeconia longe clarissima in laudem Tuam, PRINCEPS EMINENTISSIME, conferam, qui quamvis avitis illis Familiae Tuae splendoribus caruisses, Tu unus fuisses eorum amplitudinem, ac gloriam non aequiperaturus modo, sed longo superaturus intervallo. Et quidem propter egregias virtutes Tuas ad eum dignitatis apicem evectus es, ut paucos habeas pares, superiorem ve-

DEDICATIO.

ro fere neminem: tantis præterea omnigenae eruditionis adminiculis imbutus, tantaque utriusque linguae cognitione instructus, ut difficile dictu sit, utrum plus Tibi laudis afferat æquabile illud Tuum, ac ornatum dicendi genus, an veterum Scriptorum, ac numismatum monumentis veluti quibusdam luminibus distincta oratio. Testes sint Ecclesiastica illa Graecorum Officia, de quibus tanta veterum Patrum ubertate disseruisti, quasi omnem aetatem Tuam in sacrorum voluminum lectione posueris. Testes, & illa Tua Corcyrae Primordia: quam multa sunt de illa Insula & gravia, & utilia a Te accurate copioseque con-

DEDICATIO.

tra Marmoram, Spanhemium, aliosque disputata? Ita ut omnem monumentorum copiam, quae ex Homero, Apollonio, aliisque Graecis Scriptoribus, ac nummis peti poterat, penitus exhausisse videaris. Equidem & Corcyraeos existimo, cum ea, quae a Te de eorum patria tradita sunt, legissent, admirabilem ingenii Tui vim subspexisse, Tibique Italo Antistiti honorem tribuisse meo iudicio longe maximum, ut omnem de ritibus controversiam, de quâ tamdiu disceptaverant, Tuae curae, atque integritati componendam committerent. Quod quidem opus magnum plane, ac difficillimum prudentissime a Te, & summa

cum

DEDICATIO.

cum laude confectum est. Quum vero Brixienſi Eccleſiae praefe-
ctus fuiſſes, tantum operae in ea
excolenda poſuiſti, ut & Graecos
caracteres advehendos curaveris,
Graecaeque linguae magiſtrum
magno evocatum ſtipendio con-
duxeris, juvenumque animos ad
virtutem erexeris, atque inflam-
maris. Quid enim nunc com-
memorem Litteraturae Brixianae
Specimina? In quibus improbo
labore, acerrimoque ingenio id
adſecutus es, ut ea litteris man-
dares, quae nec ante erant nota
hominibus doctis, & erant co-
gnitione digniſſima. Atque ut
oſtenderes, quam par eſſes in ſa-
crae eruditionis facultate, & vete-
res Eccleſiae Tuae Patres in unum

volu-

DEDICATIO.

volumen redactos edidisti, & luculentissimam Ephraem Syri operum editionem omni elaboratam industria adgressus es; ita ut in quibus studiis tantum temporis ab initio tribuisti aetatis, in iisdem nunc gravissimorum munerum molestias honestissime deponas. Quae cum ita sint, PRINCEPS EMINENTISSIME, mirum non est, si amplitudinis Tuae gloria excitatus hoc quaecumque tandem sit industriae meae monumentum. Tuo potissimum Nomini consecraverim: cum praesertim id efflagitare videretur LEONARDUS ipse, qui admirabilium Virtutum Tuarum fulgore invitatus in sinum Tuum evolare gestit. Sperat enim eadem Te benevolentia ex-

ceptu-

DEDICATIO.

cepturum suarum epistolarum munusculum, quâ præstantissimi olim Cardinales, idest Tui similimi eas scribentem, dictantemque prosequi dignati sunt. Hunc itaque serena fronte laetus excipe, qui se totum Tibi tradit; dum nos interim Deum obsecramur, ut Te diu sospitem servet ad Religionis Catholicae, & litterarum incrementum.

Dabam Florentiae Nonis Martiis MDCCXXXI.





CANDIDO LECTORI

LAURENTIUS MEHUS S. P. D.



Rigesimus octavus agitur annus, ex quo Vir Clar., & de Rep. Litteraria optime meritis Anselmus Bandurius novam, Epistolarum syllogen pollicitus est, in qua & Francisci Petrarchae, & Colucii Salutati, & Leonardi Arretini, aliorumque literarum gloria praestantium epistolas ex Codd. mss. tunc primum erutas edidisset, ejusque propositum tam laudabile patefecerant jam ab anno 1703. Mense Septembri Diarii Trevoltienſis Auctores. Sed ad hoc, quod moliebatur, opus curis aliis distentus nunquam se adcinxis, doctissimorumque

Tom. I.



ho-

hominum spem, quam tamdiu sustentaverat, adimplere neglexis. Et tamen nihil umquam utilius excogitari poterat, nihil praestantius, quam tantorum Heroum Epistolas in Bibl. MSS. pulvere delitescentes in lucem producere, quarum elegantiam si spectes, ea summa est, si vero argumentum consideres, historicum plerumque, ac multiplex, ita ut ex iis, & litterarum jam tum reviviscentium incunabula, & Principum, ac Populorum res gestas summa cum voluptate percipiamus. Quod cum ego animadvertirem, optimeque nossem, quam sollicitè hujusmodi cimelia a Cl. Viris Jo: Mabillonio Bernardo Montfauconio, Petro Lambecio, Stephano Balutio, Edmundo Martene, Urfino Durand, aliisque perquisita, atque e tenebris crepta fuerint, meam quoque operam, qualiscumque ea tandem futura sit, ad hanc spartam conferre decrevi, & quid valeant humeri mei, quidve recusent, experiri. Itaque amplissimam earundem epistolarum collectionem aggredior, magnum profecto opus, quid neget? Sed tibi, ut spero, haud displiciturum. Nunc vero consilium meum paucis accipe. Ex epistolis Virorum saeculo decimoquinto Illustrium nonnullae sunt, quae typis editae circumferuntur, plurimae vero in Codd. MSS. adhuc latitant. Has publici juris facere utilissimum, ac praestantissimum esse satis perspicuum.

arbitror, nec dubitandi relinquitur locus. Quis enim bonarum litterarum amore inflammatus non gestias contemplari in his epistolis, ac veluti insucri animatam, ut ita dixerim, effigiem Coclucii Salutati, Bartholomaei Fontii, Francisci Barbari, Candidi Decembrii, aliorumque, quomplurimorum, quorum tantum est in litteris nomen? Illae vero, quae typis excusae fuerant, rarissimae sunt, innumeris praeterea mendis adeo inquinatae, ut quid sibi velint, ut Oedipus ipse intelligeret. Testes sint elegantissimae Antonii Campani epistolae, in quibus emendandis per litteras elaborarant Cl. duoviri Daumius, & Reinesius, medicamque postremo manum adplicuit Cl. Burchardus Menckenius. Multa tamen emendatae adhuc supersunt, & cum ope Codd. MSS. pristino eas citiori restituerim, quis michi jure succenseat, si rursus excudendas curavero? Jo: Albertus Fabricius (at qualis, & quantus vir?) novam editionem Epistolarum Leonardi Arretini an. 1724. elaboravit, quae prodit Hamburgi; formamque, ut ajunt, octavi prae se fert. Haec vero nibilo minus inquinata est, & ut specimen degustationis loco tibi adponam, in Epist. VIII. libr. IV. legitur in Edit. Fabriciana: Quo ergo facilius, eo minori conatu maxime delectaretur rogatus, in quid laudes meas apte concinneret. Nulla plane sententia. Le-

ge ex Codd. MSs. Quo ergo facilius, eo minori conatu opus est ad id, quod volumus assequendum. Nam & Themistocles ille summus vir quonam cantu maxime delectaretur rogatus, ejus inquit, qui laudes meas apte concineret. *Et Epist. XXII. Lib. IV.* Nec sane in vobis reprehendo, quod tam leviter de rebus incognitis judicium proferatis. *Cum scripserit Leonardus, ut patet ex MSs.* Nec id sane in vobis reprehendo: non est enim cuiusque ista discernere; sed id reprehendo, quod tam leviter de rebus incognitis judicium proferatis. *In Epist. vero VIII. Lib. I. ad Nicolaum Nicolum:* Verum ego laboraturum quidem me, ne id contingat polliceor praestaturum: *Sed verba Leonardi haec sunt.* Verum ego laboraturum quidem me, ne id contingat, polliceor; praestaturum vero non polliceor. *Omitto confusam periodorum distinctionem, orationis membra passim non integra, sed mutila, ac barbare truncata, alia etiam pro aliis substituta, alia praetermissa nonnulla vero adeo corrupta, ut si reviviscere Leonardus, suas esse epistolas sedulo negaret. Quae cum ita sint, omnem operam, curam cogitationemque meam in id contuli, & conferam, ut quae editae sunt, ad fidem Codicum MSs. recenscantur, iisque adjungantur, quae publica nunquam luce donatae fuerint. Id autem*

tem omne praestitimus in Epistolis ejusdem Leonardi, quas primas omnium nunc prodire jubemus. Harum editiones duas exstitisse scribit Julius Niger in Hist. Script. Florent. pag 353. Augustanam videlicet apud Knoblochium an. 1521., & Basileensem apud Henricum Petri an. 1538. His tertiam adjecit Cl. Fabricius Lib. 2. Bibl. med. & Inf. Lat., eaque est Hamburgensis, quam ipse an. 1724. Hamburgi edidit. Sed aliam harum omnium vetustissimam nobis recensuit Tom. XXV. Memor. Niceronus, quam ab Antonio Moreto Brixienſi, & Hieronymo Alexandrino an. 1493. prodiſſe ſcribit. In quo deceptus eſt vir Cl. Nam cum id acceptum referat Annalibus Typographicis Michaëlis Maittairii, bujus verba Tom. I. Annal. ed an. 1495 haec ſunt: Leonardi Arretini Epistolae Familiares per Antonium Moretum Brixienſem, & Hieronymum Alexandrinum ſol. Haec Cl. Maittairius, qui an. 1495., non 1493. veterem epistoliarum editionem excuſam fuiſſe tradit. Altera tamen recenſenda eſt, & ea quidem longe vetuſtior, atque a Jul. Nigro, Jo. Fabricio, Michaële Maittairio, aliisque praetermiſſa, quae an. 1472. lucem adſpexit. Simillima, imo eadem eſt, atque illa, quam an. 1495. editam fuiſſe diximus, ejuſque curam ſuſceperunt Antonius Moretus Brixienſis, & Hieronymus Alexandrinus, hi videlicet,

qui superiorem illam praeclarissimam nobis dederant. In utraque occurrit eorum Epistola ad Jacobum Zenum Episcopum ea aetate Patavinum, quae octavo Epistolarum Libro subiecta est, & quum nonnulla contineat, quae in rem nostram sint, eam haec adponere lubet.

Reverendissimo in Christo Patri, & Domino
 Jacobo Zeno Episcopo Patavio Antonius
 Moretus Brixienſis, & Hieronymus
 Alexandrinus S. P.

IN emendandis, imprimundisque Leonardi Arretini epistolis, Patavine Pontifex, libenter tibi paruimus. Turpe enim erat tibi apprime erudito nolle perlibenter morem gerere, quum praesertim in hoc & satisfacere tibi, ac caeteris impense doctis, qui minus invidia obcaecantur, & Leonardi Lucubrationibus aliquam gratiam referre possemus, qui de nobis tam bene meritus est omnibus linguam Romanam colentibus. Quoi quae viro doctrina, & eloquentia sit, praeter aemulos omnes judicent. Doctissimi quoque omnes hujus viri admirabilem eloquentiam, ingenii acumen, verborum copiam, maiestatemque sententiarum intueri poterunt. Complectere igitur, Clementissime Pater, hilari fronte opus, cujus te jampridem cupidissi-

diffimum intelleximus. Scimus tamen plerosque livore quodam debilitari. Sed qui volunt, legant. Nos vero quanti fecerimus, hinc cognoscitur. Nam quicquid nobis erat pecuniarum, laeti impendimus. Bene vale, & nos, ut soles, ama.

Hanc itaque editionem cum non vidisset Cl. Fabricius, plus vice simplici deceptus est. Nam Lib. 3. Bibl. Med. & Inf. Lat. pag. 1122. indicat ex MSS. Codice epistolam Colucii ad Innocentium VII. hactenus, ut putat, ineditam, quam Lib. II. ejusdem Bibl. pag. 798. integram adtulerat, cujus initium tale est. Innocentio Papae Linus Colucius Salutatus post humilem recommendationem, &c. Verum haec publica jam luce donata fuerat in Vet. Edit., quod animadvertere poterat ex Tom. I. Bibl. Germanicae Art. V., ubi Jacob. Lenfantius nonnulla ex illa Colucii epistola adfert, cum praesertim Lenfantium se vidisse fateatur ipsemet Fabricius. Praeterea Lib. 2. ejus, quam diximus, Bibl. pag. 802. postquam Editiones Epistolarum Leonardi recensuerat, haec addit. Ab eo tempore autem beneficio meritissimi viri Joachimi Negelein Pastoris ad S. Mariae, & Professoris Norimbergensis evolvi codicem MSS., qui non modo editas illas epistolas pluribus locis emendatiores exhibebat, sed etiam epistolas adhuc

ineditas LII. quas ad praelum paratas ad nos misit, eisque libellum de Temporibus suis ex editione antiqua Veneta subjungi laudatus Negelinus voluit. Haec Fabricius, qui idcirco LII. epistolas adhuc ineditas se reperisse scribit, quod Codicem illum cum Edit. Basileensi contulerat. Sed si contulisset cum Edit. Vett. multo pauciores esse dixisset, quae ineditae adhuc essent. Nam in Vett. Edit. XXXVII. Epistolae leguntur, quae & in Augustana, & in Basileensi, & in Hamburgensi desunt. Nos vero in his epistolis recudendis Edit. Vett. expressimus, adeo ut nostra haec prae Fabriciana longe locupletior evaserit. Duas tamen libri VII. ex Fabricio accepimus, quae fato nescio quo in Vett. illis omissae sunt. Porro $\sigma\alpha\lambda\mu\alpha\tau\alpha$, quae vetustas quoque Editiones occupaverant, omnia sustulimus ope Codd. MSS. quos magno numero consulimus. Horum primus adservatur in Bibl. Mediceo-Laurentiana Plut. LII. Cod. VI. membranaceus ille quidem, & nitidissimo caractere exaratus, in cujus prima pagina elegantissima Leonardi nostri imago exhibetur. Titulus est: Incipit Liber Epistolarum Leonardi Arretini. Liber primus incipit foeliciter. Alter exstat in eadem Bibl., eodemque Plut. num. VII. non membranaceus, sed chartaceus, ac nullo librorum numero insignitus. Tertius quoque ibidem delitescit, Cod. scilicet XXIII.

XXIII. *pariter Chart., atque initio mutilus: deest enim Epistola prima, ac dimidium secundae, ad calcem vero nonnullae desiderantur. In his tribus Codd. MSs., etsi multas deesse viderim, quae in editis excusae sunt; aliquas tamen exscripsi, quas nunquam e tenebris erutas fuisse arbitror: illam puta ad Bernabam Seneensem, quae incipit. Multa continentur, &c. Ad Franciscum Piccolpassum: Admirabiles profecto, &c. Ad Archiepiscopum Mediolanensem, eundem videlicet Franciscum: Vidi exempla, &c. Ad Marcum Dandulum. Ego tuis ornatissimis, &c. ad Franciscum Philelphum. In bonam quaeso partem accipias, &c. Praeter hos tres Codices, alia MSs. exemplaria nactus sum, quae non solum superiorum Codd. epistolas, sed etiam Librum novum haecenus ineditum mihi subpeditarunt. Ex his unum accepi a Cl. Barone Philippo Stosch Antiquariorum hujus saeculi facile Principe, qui ab Julio Gualtierio illud habuerat: alterum vero inveni in Bibl. Abbatiae Florentinae Monachorum Cassinensium Cod. nempe XXXXIII., in cujus fronte legitur: Leonardi Arretini Epistolarum Liber primus incipit feliciter. Alia duo mihi subministravit Bibl. Marchionum Riccardiorum, Cod. videlicet N. I. XXI., & Cod. N. II. XVII. Itaque quatuor illa MSs. exemplaria in charta exarata*

rata sunt, librumque, ut diximus, unum habent, qui epistolas XIII. continet: scilicet Ad Regem Aragonum, Laurum Quirium, Nicolaum Cebam, Cyriacum Anconitanum, Cardinalem Columnensem, Leonardum Dathum, Andreoccium Petruccium, Jo: Tortellium, Baptistam Albertum, Alphonsum de S. Maria, sive de Carthagera Episcopum Burgensem, Jo: Cirignanum Lucensem, & Regem Aragonum, & haec quidem omnes inditas sunt, si unam excipias ad Regem Aragonum, & alteram ad Cyriacum: primam, siquidem ad calcem editionis Hamburgensis edidit Cl. Fabricius, aliam vera jampridem in Cod. 4537. Bibl. Colbertinae eruit Tom. VI. Miscell. eruditissimus Stephanus Balutius. Nos autem horum Codd. ordinem religiose servavimus, multaeque nos rationes movent, ut credamus, ab ipsius Leonardi autographo fuisse exscriptos. Nam quod epistolae in unum redactae volumine ab eo fuerint, non solum in Annalibus ad an. 1368. testatur Laurentius Bonincontrius, sed etiam Franciscus Poggius, Jannotius Manettus, ac Leonardus ipse in Epist. X. Lib. IX. ubi: cum intellexissem, inquit, quasdam pro meis circumferri, quae meae non essent, conquirere illas coepi, & quas postea scripsissem, servare, non tamen omnes, sed eas tantum, quae haberent in se narrationem rei
non

non quotidianae. Porro hos, quos diximus Codd. exscriptos fuisse ex Auctoris autographo, plane ostendit MSs. Chartaceus Epistolarum ejusdem Leonardi, quem possidet diligentissimus Typographus noster Bernardus Paperinius, in cujus fronte legitur: Epistolae Divi, & Laureati Leonardi Aretini ex suis originalibus per Hieronymum Bartoli de Pensauero transumptae anni Domini MCCCCXXXIII. die X. Januarii Florentie. Is etsi ad calcem mutilus sit, idem tamen est, atque illi quatuor, de quibus nuper mentionem fecimus, si pauca tollas, & ea quidem non maximi facienda, ut pro Nicolao habet hic MSs. Nicolao Nicolo, vel de Nicolis, sive Nicolao Strozzae: pro Nicolae, exhibet Nicolae de Medicis, & alia hujus generis quamplura. Cum hoc labore perfunctus essem, schedulasque meas typographo traderem, indicavit Cl. Staschio Antonius Reditus Arretii Codicem adservari, in quo librum nonum aliae epistolae nunquam editae excipiebant. Quamobrem humanissimum Redium precibus sollicitare non destiti, donec a Mario Florio Patricio, atque Advocato Arretino hujus codicis possessore ejus exscribendi copia facta fuerit. Itaque voti compos factus, eas ad calcem rejeci, librumque decimum ex his confeci, quibus etiam addidi aliam epistolam & illam quidem elegantissimam de Origine Urbis Man-

Mantuae ex Codd. membr. III., & V. Plut. LII. Bibl. Laurentianae, *quam ad Jo: Franciscum Gonzagam Principem Mantuanorum ab ejusdem familiaribus efflagitatus conscripsit ex Florentia VI. Kal. Junias MCCCCXIIIX. ut in fine ejus epistolae legere est. In Cod. VII. Chart. ejusdem Plutei alteram epistolam deprehendi, quae a Leonardo nostro missa fuit ad Archiepiscopum Mediolanensem, Franciscum scilicet Piccolpassum, in qua Alphonso respondet. Nam Alphonso de S. Maria, sive de Carthagenae, quem nunc Alphonsum, nunc Episcopum Burghensem in epistolis adhuc ineditis adpellat Poggius, vir eo aetate doctissimus nonnulla in Aristotelis Ethicis a Leonardo in Latinam linguam conversis reprehenderat. Quae improbarat Alphonso, defendere conatus est Leonardus in epistola ad eundem Archiepiscopum, quam nos Lib. VIII. num. IV. posuimus. Sed Alphonso non satisfecit, qui adversario reposuit Declinationes. Novae Alphonso disceptationi objecit Arretinus epistolam, de qua verba facimus, incipitque Archiepiscopo Mediolanensi. Tu michi videris optime Pater, &c. In altero Cod. Chart. ubi plures Panormitae epistolae leguntur, exstant nonnullae ad Jo: Marrasium Netinum Philosophiae, ac. Medicinae Doctorem eximium, & Poëtam celeb., de quo Pirrus, Mongitorius*

rius, Littara, Fabricius, *atque*. *Hujus carmina, & ea quidem non pauca MSs. exhibent Codd. membr. LIII., & chart. L. Plut. XXXIV. Bibl. Mediceo-Laurentianae. Inter haec excellit carmen, quod inscripsit Angelinetus, poema scilicet amatorium elegiaco versu scriptum quod ab eo aetate jam confecto elucubratum fuisse perperam tradit Fazellus. Hoc autem Leonardi Arretini nomini consecravit, cujus proemium, quoniam ejusdem Arretini operibus lucem aliquam adfert, heic ex Codd. subjicere lubet: Marraſii Sicilienſis Poëtae ad eloquentiſſimum virum Leonardum Arretinum Praefatio in Angelinetum feliciter incipit:*

Hunc Leonarde tuo volui obſignare libellum

Nomine, quo titulus luceat ipſe magis.
Si quoi dandus honos graii, pariterque
Latini

Eloquii, & quicquid laudis in orbe fuit:
Si quoi debetur fama immortalis avorum,
Arretine tibi gloria prima manet.

Effingis priſcos nimia gravitate parentes,
Et ſuperas veteres tu probitate viros.
Non ſolum dicant tibi ſe debere Latini,
Verum & Argolici teque, tuosque co-
lant.

Non minus in graium converſus ſermo La-
tinus,

Quam

Quam graium per te lingua latina tenet.
 Eloquitur lepida, ac ornata voce latinus
 Factus Aristoteles, barbarus ante fuit.
 Punica bella diu tot in annis mortua
 vivunt,

Rex Cicero vivit, non moriturque Plato.
 Quid recitem libros te traduxisse Pelasgos
 Innumeros? totidem composuisse novos?
 Italiae lumen, per te venire Camoenae
 In Latium, per te dicta vetusta placent.
 Indulgere velis nostro Arretine furori, &c.

His itaque amicissimis verbis compellatus Leonardo Marrasio respondit epistola quadam, cujus initium in Cod. MSS. tale est. Leonardi Aretini viri eloquentissimi ad Cl. Adolescentem Marrasium Siculum epistola feliciter incipit: Fons quidam, &c. Ea nempe est, a qua Liber sentus exordium sumit. Post hanc Leonardi epistolam sequitur in Cod. Chart. Marrasi Siciliensis epistola responsiva ad eloquentissimum virum Leonardum Arretinum de laudibus Fontis Gaii feliciter incipit:

Non opus est scythicum senibus disquire-
 re fontem,

Quo sibi demersis prima juventa redit.
 Siccus apud scythiam per saxa latentia repit,
 Funditat & lymphas ante Senense fo-
 rum, &c.

Hanc

Hanc Marrasii responsionem excipit in Codd. mss. Leonardi Arretini epistola ad doctum Juvenem Marrasium Siculum, quae ita incipit: Nuper suavissime Marrasi cum apud quosdam praestantissimos juvenes, &c. ac numquam lucem adspexit. Quamobrem hac omnes Libro decimo adcessere, easque illis praeposui, quas ex Cod. Marii Flori habuisse diximus. Porro Philibertus de la Mare Senator Divionensis Vir Cl., omnia Leonardi opera non solum impressa, sed etiam ex MSS. Codd. eruta edere decreverat, eorumque catalogum an. 1653. publici juris divisione fecit. Inter haec promiserat Epistolas Leonardi Arretini pro parte Communitatis Florentiae variis Dominis, & Communitatibus destinatas. Itaque cum multa sint, eaque praeclara, quae ex his monumentis erui possunt, easdem quoque in lucem producere, publicoque eruditorum commodo inservire conabimur. Eam autem orthographide rationem plerumque in his servandam putavimus, quam ab Auctore usurpatam fuisse deprebenditur. Quare mihi, & nihil per litteram C michi, & nichil edidimus, cumque Antonius Grammaticus, quem perperam cum Antonio Cremonae Epist. XVI. Lib. I. confundimus, causam a Leonardo petiisset, cur ita scriberet; respondit Epist. 2. Lib. VIII. se ad id faciendum impulsus fuisse auctoritate Dantis,

tis, Petrarchae, Boccacii, ac Colucii Salutati, quos eadem scribendi ratione usos fuisse testatur. Hinc excudimus etiam leticiam, negocium, tristiciam: sic jocunditatem, jocundum, jocundissimum: malivolum, malivolentiam, benivolum, benivolentiam, &c. ut prae se ferunt Codd. MSS. His omnibus adjunximus nonnullas animadversiones, nec eas prolixas quidem, sed perbreves, quas plerumque hausimus aut ex Dialogis Pauli Cortelii, & Benedicti Accolti, vel ex Italia Illustrata, Blondi, sive ex Volaterrano, vel ex Leandro Alberto, aut denique ex Dialogo Lillii Gyraldi, quem de suorum temporum Poëtis conscripsit. Sed maximo mihi usui fuit Diarium elegantissimum, quod elucubravit, & ad Eugenium Papam IV. misit Cyriacus Anconitanus. Nam cum singula loca enumeret, quae ad colligenda vetera monumenta adierat, homines quoque eruditionis gloria praestantes diligentissime recensuit. Hoc cimelium praestantissimum, & adhuc ineditum possidet in Cod. Chart. locupletissimae suae Bibl. Vir. Celeb., Philippus Stofchius, eodemque humanissime adnuente cum multis aliis Cyriaci Epistolis publicae luci donabimus. Leonardi litteris vitam praefiximus, quam ex ejus operibus, synchronisque auctoribus concinnavimus, scriptorumque tam editorum, quam ineditorum cata-

lo-

legum subjunximus. Dolendum sane est, quod ex Annalibus Sozomeni Praesbyteri Pistoriensis ea pars exciderit, quae ab an. 1410. ad annum 1450. producta fuerat. Nullus enim dubito, quin multa de Leonardo nostro nos edocuiſſet hic auctor synchronus, quum ad 1370. natalem Arretini annum copiosius in ejus se obitu dicturum pollicitus eſſet. Sed dolorem meum leniit Oratio elegantissima, quam in Templo S. Crucis ante cadaver habuit Jannotius Manettus Eques Aureatus, & Ambrosii Camaldulensis discipulus, qui propter Linguae Latinae., Graecae, & Hebraicae cognitionem Trilinguis a Verino nuncupatus est, de quo plura pag. IV. seq. Italiae Orientalis Cl. Wolfii notis illustratae Celeb. Paulus Comelius. Hanc Manetti Laudationem memoraverant jam Naldus Naldius in vita ejusdem Manetti, quam Tom. IX. Thes. Script. Ital. ediderat P. Burmannus, & ex Cod. MSS. Bonagiuntae Manetti Cl. Ludovicus Antonius Muratorius Tom. XX. Script. Ital. Naldio addendi Ammiratus, Pocciancius, Julius Niger, Oudinus, Fabricius, Zenus, ac Philippus Labbeus, qui in Append. Bibl. MSS. suppl. V. pag. 237. tradit in Cod. MSS. Gabrielis Naudaei esse quinque orationes Jannotii Manetti, quarum prima funebris est, ea scilicet, quae dicta fuit in solempni Leonardi Ar-

tini Historici, Oratoris, ac Poëtae Laureatione. *Inde orationis principium exhibet, quod tale est: Si immortales Musae, divinaeque Camoenae praestantissimi cives, &c. Eamdem quoque delitescere Oxonii Cod. XV. Collegii Lincolnienſis colligitur ex Part. 2. Catal. Cod. mſs. Angliae, & Hiberniae pag. XXXX., ubi: Jannotii Manetti oratio funebris in ſolemni Leonardi Aretini Laudatione. Quum hanc ſedulo perquirerem, ac Bibl. MSS. excuterem, eam reperi in Cod. Chart., quem poſſidet Illuſtriſſ. & Reverendiſſ. Salvinus Salvinus Canonicus Florentinus, atque Antonii Mariae Salvini Viri ſummi Frater optimus, atque doctiſſimus, qui MSS. Codicem humaniſſime mihi exſcribendum tradidit. Eamdem quoque adſervat Cod. MSS. Bibl. Illuſtriſſimi, & Reverendiſſimi Gabrielis Riccardii Marchionis, & Canonici Florentini, e cujus Muſeo longe locupletiſſimo plura in hac ſylloge producentur. Itaque etſi adeo prolixa ſit, ut merito a Naldio Liber nuncupetur, integram tamen Auctoris vitae ſubjungere voluimus, quum ſcripta fuerit tanto cum ornatu verborum, atque tanta cum ſententiarum gravitate, ut ex ea non modo ſumus honor ad ſcriptorem veniret, verum etiam is dies, quo recitata fuit, univerſae Civitati honeſtiſſimus haberetur, ut idem Naldius luculentiffime teſtatur. Et quidem Ala-*

man-

mannus Luna in *Epist. adhuc inedita ad Jan-*
notium Manettum Virum, ut ipse cum nomi-
nat, Litteratissimum. Laudationem, inquit,
praestantissimi Leonardi nuper a te habitam
per hunc meum puerum remitto, quam a
vertice ad calcem, ut aiunt, usque diligen-
ter, accurateque perlegi, & eam tanta co-
pia, ac suavitate refertam esse conspexi, quod
procul dubio propriis eam manibus transcri-
bere non praetereundum esse putavi, & apud
me semper ipsam detinebo. Nam huic no-
stro admodum Leonardo tantas laudes, prae-
claraque facinora tribuis, quantas, & vir-
tus sua postulat, & meretur, &c. & plura
alia his simillima congeris. Aliam quoque
saebrem Orationem dixit in obitu Leonardi
nostri Poggius Bracciolinus, quam ex veteri
Codice MSS. Bibliothecae Colbertinae edi-
dit Clariss. Stephanus Balutius Tom. III.
Miscell. pag. 248., ac post Balutium recu-
rendam curavit Tom. VIII. Tbes. Scripts. Ital.
P. Burmannus, eamque Hamburgensi Episto-
larum Editioni praemisit Cl. Fabricius. Eam-
dem & nos Manetti Laudationi subjecimus.
In MSS. Cod. Chart., ubi nonnulla Landini,
Campani, aliorumque carmina, & epistolae
continentur, se se mihi obtulit Elegia quae-
dam Caroli Arretini, quam in obitu Leonardi
composuit, idemque esse puto, ac Elogia Ca-

roli Arretini, *quae in Bibl. Mediolanensi ex-
 stare tradit Cl. Montfauconius, vel Caroli Arc-
 tini in obitu Leonardi Aretini funebre elo-
 gium, ejus meminit ex Cod. 80. Bibl. Lincol-
 niensis* Cas. Oudinus *Tom. 3. de Script. Ec-
 cles., sive Laudes Leonardi Arretini, quas pag.
 119. Script. Florent. recensuit Julius Niger,
 & ex Nigro Lib. 2. Bibl. med. & Inf. Lat.
 eruditissimus Albertus Fabricius. In Bibl.
 quoque Gabrielis Naudaei delitebat Caroli
 Arretini Elegia pro obitu Leonardi Arreti-
 ni viri doctissimi ad Benedictum Jurisconsul-
 tissimum ut pag. 61. Bibl. MSS. tradit Lab-
 beus. Verum quum ea edita fuerit Tom. VI.
 Lat. Poëtarum Inlastrum, qui Florentiae an.
 1720. excusi sunt, heic omittendam duximus,
 eo praesertim consilio, quod prolixitate sua mo-
 lestiam potius, quam jucunditatem adlatura
 esset. Habes, Candide Lector, omnem curam,
 industriam, sedulitatemque nostram, quam in
 adornanda hac nova Epistolarum editione po-
 suimus, eandemque operam ponemus in aliis,
 quae deinceps sequentur. Sed quoniam ex non-
 nullis ejusdem saeculi scriptoribus paucae super-
 sunt epistolae, & haec sane brevissimae, ut vo-
 lamen conficere non possint; hinc nos postquam
 amplissimis collectionibus defuncti fuerimus, no-
 strum ad hoc Studium potissimum conferemus,
 producemusque aliqua volumina, quae inscri-
 ben-*

A D L E C T O R E M . X X I

*bentur Miscellanea Epistolarum, in quibus
multiplices illae variorum Auctorum epistolae
ordine chronologico digestae legentur. At de
his plura fortasse, quam nollem. Tu fructuere,
Lector Benevole, & vale, &c.*







LEONARDI BRUNI

V I T A.



Leonardus ex Gente Bruna ab Arretio Etruriae civitate, in qua natus est, *Arretini* cognomen obtinuit. Natum fuisse anno MCCCLXX. scribit *Matthaeus Palmerius* in *Libello de Temporibus*, quem magna ex parte adhuc ineditum, & ex autographo an. MCCCCLVIII. exscriptum adservat Cod. membr. *Ablatiae Florentinae Monachorum Casinensium*, de quo Cap. XXV. *Diarii Italici* Cl. *Montfauconius*. *Palmerii* verba ad an. MCCCLXX. haec sunt: *Leonardus Brunus Historicus Aretii nascitur*. *Vossius* V. Cl. quum *Lib. III. de Hist. Lat. Cap. V.* *Palmerium* produxisset, ea ad an. MCCCCLXX. adnotata fuisse perperam adseruit, quem operarum potius typographicarum, quam *Vossii* errorem animadvertit. *Celeb. Apostolus Zenus* Tom. IX. *Ephem. Venet.* *Sozomenus* quoque *Praesbiter Pistoriensis*, &

auctor synchronus paria cum *Palmerio* tradiderat in *Chron:* cuius specimen *Tom. XVI. Script. Italic.* edidit *Cl. Ludovicus Muratorius*: *Leonardus Brunus*, habet ille ad an. *MCCCLXX.* qui *Florentini populi historias scripsit*, *Aretii nascitur*, de quo infra dicitur plenius in obitu suo. *Laurentius tamen Bonincontrius* *Miniatus* ejusdem aetatis scriptor anno *MCCCLXVIII.* ortum fuisse scribit in *Annalibus*, quos eruit *Tom. XXI. Script. Ital.* idem *Muratorius* vir doctissimus. Anno *Gratiae MCCCLXVIII* *Leonardus Brunus Aretii nascitur* vir singulari doctrina litteris graecis, & Latinis eruditus. Haec *Bonincontrius*, de quo minime laborandum existimo, quum quoquomodo poterat & poemata scripserit, & *Historiam*, ut optime de eodem observavit pag. 54. *Dialogi sui Paulus Cortesius*. Sed ab his quos diximus, dissentit *Jannotius Manettus*, qui de natali *Leonardi* anno verba faciens in ea oratione, quam infra produximus: *Leonardus noster*, inquit, *Aretii antiquissima, ac nobilissima urbe, & jampridem quorundam mirabilium ingeniorum productrice, ut a prima ejus origine ordiamur, trecentesimo sexagesimo nono supra millesimum Christianae salutis anno honestis quidem, sed non admodum generosis parentibus cum egregiis quibusdam naturae muneribus feliciter nascitur*. Pater ei fuit *Franciscus Brunus*, quod intelligitur ex *Colucii* epistola haecenus inedita, quae inscribitur: *Leonardo Cecco Bruno Aretino*, ut etiam ex altera ipsius *Leonardi*, quam nos nunc primum ex *Cod. MS. erutam Num. VIII. Lib. X.* edidimus: ex qua etiam constat eundem *Franciscum* obiisse, tum cum *Leonardus* adolescens esset. Genere vero minime claro prognatum fuisse, sed a se ipso sibi nominis claritatem, & generis nobilitatem peperisse innuit his verbis *Poggius*: Et genere *Leonardus* mi-
nime

nime claro fuit. Sed quod natura non attulit, virtus elargita est. A se ipso enim nominis claritatem, ac generis nobilitatem traxit, quae vera est, & perfecta nobilitas. Ejus quoque parentes honestos quidem, sed non admodum generosos a Manetto adpellatos fuisse supra vidimus. In Bibl. Mediceo-Laurentiana Plut. LII. Cod. Chart. Num. V. adservatur *Leonardi nostri* invectiva ita inscripta: *Leonardi Florentini oratio in nebulonem maledicam*. In ea praeter alia legitur: Genus igitur meum qua ratione spernis? Parentes enim habui, ut leviter dicam, ingenuos, & honestos; addo etiam, siquid ad hanc rem id pertinet, nec illocupletes, & cunctis honoribus in libera civitate perfunctos. Quamobrem et si e genere minime claro fuerit, ex iis tamen parentibus ortus est, qui in libera civitate non solum non ignoti erant, quum ad omnes honorum gradus evecti fuissent, verum etiam inter primos adnumerabantur. Is ab ineunte adolescentia in patria Latinis litteris imbutus est, cumque ab hostibus captus in honesto quodam carceris cubiculo detineretur, ubi *Petrarchae* imago depicta erat, tanto studiorum ejus ardore inflammatus est, ut non multo post Florentiam se contulerit, in qua uberior discendi facultas, & amplior consequendae laudis campus esse videbatur: Quae *Poggii* verba sunt. Cum Florentiae moraretur, *Leonardi* ingenio faeces veluti quasdam admovevit *Jo: Ravennas* Grammaticus, ac Rhetor ea aetate celeberrimus, qui *Petrarcham* senem puer novit, atque ut ex *Leonardo* percepit *Blondus*, primus fuit, a quo eloquentiae studia tantopere tunc florentia longo postliminio in Italiam fuerint reducta. Quin imo sub eodem Grammatico Eloquentiae operam dedisse ex his *Blondi* verbis ostenditur: Hic enim, scribit idem *Blondus* de *Jo:* verba faciens, suo pte ingenio

nio, & quondam Dei munere, sicut solitus fuit dicere Leonardus, cum, Petrum Paulumque Vergerium, Omnebonum Schola Patavinum, Robertum Rossum, & Jacobum Angeli filium Florentinos, Poggiumque, Guarinum, Victorinum Feltrensem, ac alios, qui minus profecerunt auditores suos, si non satis, quod plene nesciebat, docere potuit, in bonarum, ut dicebat, litterarum amorem, Ciceronisque imitationem inflammabat. Sed ad Leonardus eloquentiam magnum sane adjumentum adtulit Colucius Salutatius vir optimus, atque sapientissimus, qui Cancellarii officio apud Florentinam Remp. summa cum laude fungebatur, ac fatente Poggio communis doctorum omnium parens, atque educatur habebatur. Hic itaque Leonardum jam cum patre orbatum tamquam filium excepit; Leonardus vero parentis loco Colucium semper habuit, ita ut alicubi patrem, ac praeceptorem suum adpelleret. Quanta autem eloquentiae vi, ac copia ab hac nova consuetudine utriusque ingenium auctum sit, difficile dictu est, praestatque ex ipsius Colucii verbis hoc percipere, qui in *Epist. ad Innocentium VII.* mutua illa studia sic describit: Cum enim ipsum jamdiu recepissim in filium, ipse se totum conversatione domestica michi dederit, totum agnosco, totumque discussi, nec me potest in aliquo tanto tempore latuisse. Continua, & studiosa ejus consuetudo fuit, & cum de cunctis, quae componerem, judex esset, & ego suarum rerum arbiter versa vice, nos mutuo, sicuti ferro ferrum acuitur, exercebamus, nec facile dixerim, & ex hoc dulci, & honesto contubernio uter nostrum plus profecerit. Uterque tamen eruditior evasit, ut fateri oporteat, mutuo nos nobis fuisse vicissim discipulos, & magistros. Plura ad eundem Pontificem his similia scripsit Colucius. Suspicatur Jacobus Lenfantius in *Ep. ad Cl. de la Motte*

Motte, inserta Tom. I. *Bibl. Germanicae Art. V.* duos Colucios existisse, qui Populi Florentini scribae fuerint & junioris familiaritate Leonardum usum fuisse. Nam postquam ea ipsa Colucii verba ad Innocentium VII. adtulit, haec comminiscitur: Il semble, qu'on puisse conclure de cette lettre, que si d'un côté Coluce profitoit des lumieres de Leonard par rapport aux belles lettres, de l'autre il avoit sur Leonard cette superiorité, que donne l'âge, & l'experience. Ce qui pouvoit bien être de L. Colucius Salutatius, quand même ce ne seroit pas celui, qui écrivoit en 1378., puis qu'en 1404. Leonard Aretin n'avoit, que dix-sept-ans. Ce, qui semble déterminer à croire, que ce sont deux personnages differens de la même famille, c'est, que le P. D. Mabillon nous apprend, qu'il avoit vu dans l'Abbaye de Vallombrosa un ouvrage manuscrit de Colucius Pierius de Stignano Chancelier de Florence touchant le siècle, & la religion. Il n'y a nulle apparence, qu'un même homme se donne des nom differents dans ses ouvrages, sur tout, quand il y met son nom de famille, & qu'il ne paroît point par conséquent, qu'il ait voulu se cacher. Haec more suo, idest ineptissime Lensantius. Nam Jo: Mabillonii verba leguntur Tom. I. *Itin. Ital.* pag. 181., & hujusmodi sunt: Multae sunt ibidem aliae Beatorum Domesticorum Reliquiae, quorum elogia Hieronymus Radiolensis vulgo de Reggiola ejusdem loci Monachus scripsit ad Laurentium Medicum. Hic codex baud vulgatus superest in Bibliotheca cum aliis nonnullis, uti & Colucii Pierii de Stignano Cancellarii Florentini Libri duo de Saeculo, & Religione ad Hieronymum de Uzano Camaldulensis Ordinis Monachum Florentiae apud Sanctam Mariam de Angelis, quem Hieronymum in saeculo Nicolai nomen tulisse idem auctor tradit. Ita Mabillonius, qui hoc, ut puto

puto, adnotavit, ut *Possevinam* inlustraret, apud quem *Tom. 2. Appar. pag. 55.* legitur, *Colucium de vera Religione scripssse*. Sed quid ex his *Mabillo-*
nii verbis erui possit, quod suffultus *Lenfantius* *Colucium Pierium de Stignano* diversum a *L. Colucio* *Salutato* esse conjiciat, haud equidem video; imo eundem esse testantur MSS. Codices, in quibus legere est *L. Colucius Pierius Salutatus de Stignano*, ut praeter alios prae se fere *Codex Pergamenus Bibl. Menarsianae*, ut ex ejus catalogo pag. 159. didicimus. Porro labitur idem *Lenfantius*, dum *L. Colucius*, interpretatur *Lucus Colucius*, quod etiam ante *Lenfantium* perperam fecerat *Cl. V. Stephanus Balutius* quum *Tom. IV. Miscell. pag. 510. ex Cod. 1562. Bibl. Colbertinae Colucii* epistolam ad *Nicolaum de Auximo* edidit. Nam *Linum*, non *Lucium* legendum esse non solum ostendunt MSS. Codices, sed etiam ipsemet *Leonardus*, qui quum in *Ep. VIII. lib. X. Colucium* irideat, quod jam senex se *Linum* nuncupare incoeperit, ita jocatur: *Itaque nescio, an graeciter a te sumptum Lini vocabulum. Cum enim Colucius Salutatus bellissime dicatur secundum antiquos, qui nomina, aut cognomina habuerunt, nec linum, nec stupam adungere necesse fuit ad tuum nomen illustrandum.* Praeterea an. 1404. *Leonardus* non agebat annum decimum septimum, ut parum considerate scribit *Lenfantius*, sed trigessimum quartum, cum an. 1370. ut supra diximus, natus sit; neque illa *Colucii* epistola ad *Innocentium VII.* scripta fuit an. 1404., sed Mense Majo an. 1405., cum *Arretinus* Pontificiarum epistolarum Magister electus est. Sed ut revertamur, unde digressi sumus, adeo *Colucii* exemplo, atque adhortationibus erectus est *Leonardi* animus, ut in *Ep. XI. Lib. 2. ad Bonifacium*, aliosque *Colucii* filios missa fateatur: *Quod graecar*

ens didici litteras, Colucii est opus. Quod latinas non leviter inspexerim, Colucii est opus. Quod poetarum, quod Oratores, quod Scriptores ceteros legerim, didicerim cognorim, Colucii est opus, &c. Eloquentiae praeceptis satis instructus, ad Philosophiam animum adplicuit, & Aristotelis Libros sic audivit, ut etiam publice de iis disputationes ex ordine studiorum sustineret, solidoque biennio ab illius disciplinae magistris incredibili aviditate imbutus est. Consule *epist. XX. Lib. IV.*, ubi ea, quae diximus, iisdem pene verbis reperies. Postquam in dialecticis biennium posuerat, ad jus civile cognoscendum se contulit, quumque in hoc quadriennium jam insumpisset multumque profecisset, an. 1399. *Manuel Chrysoloras* magno conductus stipendio Florentiam venit, quem ab an. 1396. Venetiis commorantem *Nicolaus Nicolo*, *Colucio Salutato*, ac *Jacobo Angeli* adniten-
tibus invitaverat Florentinorum Respublica. Hinc *Bonincontrius* ad an. 1399. *Emmanuel Chrysolora Byzantius* per id tempus litteras graecas in Italiam adduxit, quae septingentis jam annis in Italia deservant cognosci. Hic patria a Turcis obsessa Venetiis salario illas edocebat. Deinde magno pretio a Florentinis conductus juvenes eorum publice erudiebat. Cum itaque ludum aperuisset *Chrysoloras*, quamplurimos auditores nactus est; inter quos praestiterunt *Robertus Ruffus*, *Pallas Onuphrii filius Stroza*, *Jacobus Angeli*, ac *Petrus Vergerius Justinopolitanus*, qui Patavio, ubi florebat, ad *Emmanuelem* audiendum se contulerat. Novae linguae inlecebris adliciebatur *Leonardus*, totumque se *Chrysolorae* tradere exoptabat; sed, ut ait *Manettus*, deferendorum studiorum suorum pudore commotus transfugii crimen expavescebat. Ego, inquit ipsemet *Leonardus* in *Comment. per id tempus Juri civili operam dabam*,
non

non rudis tamen ceterorum studiorum. Nam & natura flagrabam disciplinarum amore, & Dialecticis, ac Rhetoricis non segnem operam impenderam. Itaque in adventu Chrysolorae anceps factus sum, quum studium juris deserere flagitiosum ducerem, & tantam occasionem litterarum graecarum ediscendarum praetermittere scelus quodammodo arbitrarer, saepiusque ipse ad me juvenili motu inqueiebam: Tu quum tibi liceat Homerum, Platonem, & Demosthenem, ceterosque Poetas, & Philosophos, & Oratores, de quibus tanta, ac tam mirabilia circumferuntur, intueri, atque una colloqui, ac eorum mirabilis disciplina imbui, te ipsum deseres, atque destitues? Tu occasionem hanc divinitus tibi oblatam praetermites? Septingentis jam annis nemo per Italiam graecus litteras tenuit, & tamen doctrinas omnes ab illis esse confitemur. Quanta igitur vel ad cognitionem utilitas, vel ad famam accessio, vel ad voluptatem cumulatio tibi ex linguae hujus cognitione perveniet? Juris quidem civilis doctores passim complurimi sunt, nec te deficiet unquam discendi facultas. Hic autem unus solusque litterarum graecarum doctor, si e conspectu se auferet, a quo postmodum ediscas, nemo reperietur. His tandem rationibus expugnatus Chrysolorae me totum tradidi tanto discendi ardore, ut quae per diem vigilans percepissem: ea nocte quoque dormiens agitarem. Haec ille: quem tres circiter annos in graecis litteris sub Chrysolora insumpsisse auctor est Manettus; atque ipsemet in iisdem Commentariis supra biennium ab eodem se fuisse institutum tradit. Cum autem Florentiam reliquisset, & Mediolanum ad Imperatorem suum se contulisset Chrysoloras, ne id, quod ex praeceptore acceperat, dedisceret, sed potius augeret, in graecorum librorum versione elaborare coepit, sermonemque Basilii ad discipu-

cipulos instituendos, tam apte, atque ornate trans-
tulit, ut summam nominis gloriam consequutus sit.
Sed cum res domi angusta ejus conatibus obstaret,
inopia pressus ad juris civilis cognitionem se referre
necessitate coactus est. Inter haec *Poggius Braccio-*
linus maxima cum *Leonardo* nostro familiaritate con-
junctus a *Bonifacio IX.* tunc Pontifice Romam evo-
catus, non multo post, anno scilicet 1403. Epistola-
rum Apostolicarum scriptor factus est: cumque an.
1404. diem obierit *Bonifacius*, successusque fuerit *In-*
nocentius VII., tunc *Leonardus Poggium* per litteras
obtestatus est, ut aliquid sibi munus in Romana Cu-
ria cum utilitate, honestateque conjunctum compa-
raret. Ut amici postulationibus satisfaceret *Poggius*
duorum praesertim opera, qui Pontifici proximi erant,
utebatur, ac *Leonardum* extollendo, ejusque scripta
eisdem ostentando id adsecutus est, ut ille licet igno-
tus Romam accersiretur. *Poggii* litteris Romam ac-
citus ad VIII. Kal. Apriles ad Urbem pervenit, ut
ipsemet scripsit ad *Colucium Epist.* 1. *Lib.* 1., quod
incidit in an. MCCCCV., non in an. MCCCCIV.
ut *pag. XI. Poggian.* tradit *Jacob. Lensantius*, eumque
secutus *Cl. Fabricius Lib. 2. Bibl. Med., & Infir-*
mae Latin. Nam mense Martio an. MCCCCIV. vi-
vebat adhuc *Bonifacius IX.*; *Innocentius* vero VII.
an. MCCCCIV. mense Octobri Pontifex electus est.
Ut primum Pontificis adeundi copia facta fuit, eidem
se exhibere non omisit, qui adeo junior *Innocentio*
visus est, ut rumor per Urbem diffunderetur, a
Pontifice ob aetatem rejectum fuisse. Romae tunc
versabatur *Jacobus Angeli* filius, quem *Jacobum An-*
gelum Rinuccinum fuisse ex Cod. MSs. *Bibl. Regiae*
innuit *Labbeus suppl. VIII. Bibl. MSs. pag. 317., &*
ex Labbeo Lib. IX. Bibl. med. & Inf. Lat. Cl. Jo. Al-
bertus Fabricius. Quisquis is sit (nam *Jacobum*
An-

Angelum apud Labbeum sejungendum arbiteror a *Rinuccino*, intelligendumque de *Alamanno*) summam graecae linguae cognitionem habuit, quam sub *Chrysolora* Florentiae hausit, ac *Cnei Pompeii* vita ab eo traducta exstat in *Bibliot. Mediceo-Laurentiana* *Plut. LXV. Cod. membr. num. XXVII.* adservatque *Bibl. Marciana* in *Cod. membr. Cosmographiae Ptolemaei Libros VIII.*, quos *Jacobus Angelus* e graeco transtulit, ac *Beato Papae Alexandro V.* nuncupavit. Summa quoque eloquentiae vi praestitisse testatur elegantissima epistola, quam ad *Emmanuellem Chrysoloram* praeceptorem suum de *Gregorii XII.* electione conscripsit, atque ea adhuc delitescit in *Bibl. Sanctae Crucis* *Plut. XXII. Cod. membr. num. IX.*, ejusque meminit *Tom. 1. Itin. Ital. pag. 162.* vir eximius *Joann. Mabillonius*. Is itaque graecis, latinisque litteris probe instructus, & *Leonardo* natu major, & quadriennio jam solido in Curia commoratus acerrime petere incoepit, nihilque intentatum omisit, ut ipse dignitatem adipisceretur, animumque Pontificis adeo ambiguum reddidit, ut mensis fere totus elaberetur. Interea litterae ex Gallia a Duce *Biturigensium* ad Pontificem adlatae fuerunt. Tum Patres eum cohortati sunt, ut respondendi provinciam ambobus committeret: ita enim cognituros, uter veri praestaret. Quid postea factum sit, ex ipsius *Leonardi* verbis ad *Colucium* *Epist. II. Lib. I.* scribentis audiamus. *Rescripsi*, inquit, uti praeceptum fuerat, biduoque post constituto tempore meae illiusque litterae Pontifici, Patribusque recitatae sunt. Quibus lectis quantum interesse visum sit, nescio: illud tantum scio, fautores illius, qui tam arroganter illum michi praeferebant, aperte jam confiteri, se falsa nimium opinione ductos errasse. Pontifex certe ipse michi statim gratulatus,

re-

rejectione illo, me ad officium dignitatemque recepit. Haec Leonardus ad Colucium: qui ubi hoc accepit epistolam quamdam Innocentio scripsit, quae in aliquibus Codd., & duabus Vett. Edd. est tertia Libri primi, in eaque Pontifici gratias agit, alumnumque suum pluribus commendat. Errat Cl. Niceronus, dum Tom. XXV. Memor. eandem a Colucio scriptam innuit, cum nondum dignitatem adeptus esset Leonardus: Falsa quoque effingit Varillafius, qui Lib. IV. Florent. Anecd. pag. 161. testatur, Romanam Curiam indignisse Leonardum nostri propter negocia, quae cum Orientalibus Episcopis tractabat; ideoque Romam accitum fuisse. Nam si res ita se haberet, nunquam dixisset Poggius multas ac graves contentiones a se susceptas adversus quosdam, qui illud idem summopere ambiebant. Dum Romae esset, nonnullas ad Colucium exaravit epistolas, quae Lib. I. leguntur, interque alias commemoranda est Epist. IV., qua cum certiore fecit de proelio, quod cum Innocentio VII. gesserant Romani. Decipitur Lenfantius, dum in Epist. ad Cl. de la Motte pag. 135., de qua supra mentionem fecimus narrat, Colucium a Leonardo monitum fuisse de tumultu, qui in electione Innocentii VII. accidit. Nam nondum Romam viderat Leonardus, dum Innocentius VII. electus est. Mense Augusto an. 1405. cum Pontifice Viterbium profectus est, ut colligitur ex Epist. V. Lib. I., ibique per litteras cum Colucio disceptavit, quoniam modo veteres, ac praesertim Homeris rebus, personisque nomina imposuerint. Duas illas epistolas idem Lenfantius pag. 136. ejusdem Epist. scriptas ad Poggium fuisse perperam tradidit, quum ad Colucium scriptae sint, qui Florentiae versabatur; Poggius vero utpote Leonardi collega in eadem urbe erat, ita ut nihil esset opus epistolis, sed prae-

sentem alloqui poterat *Arretinus*. Quum autem *Viterbii* aegrotasset, & ad *Colucium* scribens tamquam apud parentem questus esset, quod *nec vina, nec medicos, nec aliud quicquam aegrotantibus aptum in ea urbe reperisset*, ab eodem acerrime reprehensus est, quasi afficeretur circa corporis voluptates. Epistolae initium, quam scripsit *Colucius*, tale est: *Linus Colucius Leonardo Cecco Arretino Salutem, &c.* Rescripsit *Leonardus* paululum subiratus, ejusque epistolam ex Cod. MSS. nunc primum *Lib. X. numer. VIII.* edidimus, quae incipit. *Vereor mi Coluci, ne te poenituerit, &c.* Consule *ep. X. Lib. I.*, in qua *Niculum* de hac re certiore fecit. Eadem, quae nos, adnotavit pag 132. seq. *Ep. ad Cl. de la Motte Lenfantius*, sed *Romae*, non *Viterbi* aegrotasse perperam, & contra ipsius *Leonardi* verba contendit. Illa igitur causa fuit, quae mutuam familiaritatem, tot officiis inter *Leonardum*, & *Colucium* confirmatam distraxerit. Mense Martio an. 1406. *Romam* repetiit Pontifex, quem *Leonardus* secutus est, quumque arma adversus *Innocentium* rursus sumeret *Romanus Populus*, imminerentque hostium copiae, *se auxiliorum convocandorum causa in Picenum, & Gallicum agrum dimissum fuisse* significat *Nicolio* in *Epist. XI. Lib. I. Romae VIII. Idus Aprilis*, ut ad calcem epistolae legitur. *Ariminum* reliquerat, & *Caesenam* versus contendebat, cum ei adlatus est nuncijs de obitu *Colucii*, quo ego audito, inquit ille, *ita mente concidi, ut post longum spacium vix me recipere valuerim. O me infelicem, qui tali parente orbus sim?* Flebilibus hisce modis praeceptoris, ac parentis sui mortem deflet in *Ep. XXII. Lib. I.* quam ad *Nicolaum* misit. *Romam* reversus ejusdem *Colucii* Laudationem elucubrare coepit, & *Nicolio* adhortante procedebat sane opus satis luculen-

te. Interea *Innocentius* Pontifex, qui *Leonardi* virtutem cognoverat, eidem Episcopatum ultro obtulit, quem ille respuit. Adi *Epist. XI. Lib. 2. ad Colucii* filios scripta. Aliis quoque titulis, atque honoribus ab eodem Pontifice affectum fuisse testatur ipsemet in *Comment.* Exeunte an. 1406. diem obiit *Innocentius VII.*, evectusque fuit ad Pontificiam dignitatem *Gregorius XII.* qui votum suum, ac iurjurandum, quod pro tollendo Ecclesiae schismate fecerat, *Benedicto XIII.* adversario Pontifici per litteras nunciare, eumque ad pacem invitare debuit. Harum litterarum cum de industria cunctis his, qui peritiores haberentur, mandata cura fuisset, tandemque scripta forsum cujusque Pontifici, Patribusque recitarentur, *Arretina* civitas, quam nonnulli contemnendam putant, iudicio omnium palmam tulit, junior inter seniores, nova inter veteres, ac diu exercitata. Quae *Leonardi* verba sunt in *Ep. VI. Lib. 2. ad Nicolaum* sribentis. Increbescente itaque *Arretini* nomine, *Nicolaus Niculus* per epistolam Decembri Mense an. 1406. scriptam *Leonardum* hortatus est, ut Cancellarii munus peteret. Florentinorum enim Respublica *Benedictum Fortinum Colucii* successorem amiserat. Illud (respondit *Leonardus* X. Kal. Januariarum ejusdem anni) ante omnia praemisisse velim, quoniam de morte successoris *Colucii* per tuas litteras admones, me, nec si praesens essem, candidatum profiteri velle, nec absentem cupere, ut meum nomen per suffragium edatur. Quamobrem Pontifici adhaerens an. 1407. Mense Septembri Senas profectus est, quumque *Antonius Castnus Senensis* Canonicus tunc Florentinus, atque Ecclesiae Praepositus Fesulanæ ad Episcopatum Pisauri sublatus esset, Canonicatum Florentinum, ac Praeposituram Fesulanam pro se petiit, quae petenti a Pontifice concessa sunt, ut de-

prehenditur ex *Ep. XI. Lib. II.*, quam adire operaepretium est. Atque ea, ut opinor, causa fuit, qua impulsus *Cl. Oudinus* in *Indice Cbron. Script. Ecclesi.* de *Leonardo* notaverit. *Presbyter, Summorum Pontificum Secretarius*. Quae cum ita sint, lapsus est *Niceronus*, dum *Tom. XXV. Memor. Oudinum* reprehendit, quod *Leonardum* Presbyterum nuncuparit, contenditque, numquam clericorum habitu indutum fuisse ea suffultus ratione, quod uxorem duxerit. Sed dubium non est, quin *Leonardus* clericali habitu processerit illo saltem tempore, quo Canonici titulo insignitus fuit. Nam exeunte Mense Octobri an. 1408. nondum se Canonicatu abdicaverat, quem postea *Salutato Colucii* filio contulit, pro quo illud Ecclesiasticum Beneficium quaesierat, moraque quaedam interposita eidem, ut diximus, concessit. *Jacobus Lenfantius* pag. 134. *Ep. ad Cl. de la Motte*, quum verba faciat de his duobus Beneficiis, quae *Salutato* comparaverat *Arretinus*, ita scribit: *Il demanda pour lui-même au Pape, ce qu'il ne pouvoit obtenir pour son ami absent, & il lui procura deux Bénéfices considérables l'un à Florence, l'autre à Pesaro Ville de l'état de l'Eglise, qui venoient à vaquer par la promotion d'un autre à l'Evêché de Fiesole.* Haec *Jacob. Lenfantius*, qui quantum a vero aberret, ex ipsa *Leonardi Epist. XI. Lib. II.* disci potest, ubi haec plenius enarrat. Nam *Antonius Casinus*, qui Episcopus creatus fuit, non ad Fesulanam Dioecesim, sed Pis Laurensem assumptus est. Praeterea nullum ex Beneficiis duobus, quae *Leonardo* concessit Pontifex, Pisauri erat, sed ambo Florentiae, Praeposituram puta Fesulanam, & Canonicatum Florentinae Ecclesiae. Addit ad haec idem *Lenfantius* a *Bonifacio IX.* tunc Pontifice ea impetrasse. Sed hoc puerile est, quum *Bonifacius IX.*

Ec-

Ecclesiae gubernacula tractarit ante *Innocentium VII.* eo videlicet tempore, quo *Leonardus* Romam non dicam viderat, sed ne cogitarat quidem. Sed ad instituta pergamus. Senis cum *Gregorio XII.* egressus, Lucam an. 1408. Mense Januario adcessit, quumque omnes fere Patres, ac plerique ex Curialibus *Gregorium* reliquissent, ipse cum nonnullis aliis Pontificem Senas repetentem Mense Julio ejusdem anni comitatus est. In hac Urbe *Leonardus* agere coepit cum *Poggio*, qui Florentiam profecturus erat, ut suo, amicorumque usus consilio curaret, ut in patriam revocaretur, idque etiam a *Nicolao Nicolio* per litteras Senis XV. Kal. Octobribus scriptas postulavit: *sed omnem, inquit, hujusmodi deliberationem in reditum meum a balneis reservo.* Constituerat enim ad VI. Idus Octobres ad aquas Petriolanas (mendose in textu Puteolanas) lavandi causa proficisci. Ad has profectus maximo cum honore exceptus fuit a Senensibus, quod ipse commemorat in Epist. dat. *Florentiae VIII. Kal. Decembres 1438.*, qua unum Politicorum volumen Senensi Magistratui misit. *Dona siquidem, ait ille, & munera vel magno alicui Domino congruentia antecessores vestri tunc in Magistratu amplissimo constituti summa cum humanitate, summaque benivolentiae significatione usque ad ea loca michi transmittere dignati sunt, ac tanto me honore affecere, quantus est pusillum hominem a Civitate maxima publice honorari.* A Balneis reversus Arretium Kal. Decembribus se contulit, ubi cum per dies multos *Poggii* litteras, a quibus totus pendebat, frustra expectasset, Ariminum contendit, quo confugerat *Gregorius* Pontifex. Nam praestare censuit, ut vulgo dici solet, *ruere semel, quam semper pendere*, ut scripsit ipsemet *Poggio Ep. XVII. Lib. X.* quam nos ex *Cod. Chart. Marii Flori* nunc primum

protulimus. Cum Arimini esset, misit X. Kal. Martias an. 1409 ad Nicolaum Nicolum epistolam elegantissimam, in qua vetustatis reliquias, quae ea in urbe supererant, diligentissime recensuit, & ad calcem adjecit praestantissimam laudationem Caroli Malatestae ejusdem civitatis Principis, cum quo maximam familiaritatem habuit, ille vero eo amore, ac benevolentia Leonardum prosequutus est, ut hic in *Ep. VII. Lib. VI. ad Attum Militem* testetur ita cum eo vixisse, ut neque mensa, neque venatio; neque studia litterarum ipsum ab eo sequestrarent. Qui, sequitur ibidem, peractis ad occasum venationibus ita redire Arimnum solebamus, ut duobus vel tribus passuum millibus disputando summis interdum contentionibus, ac desperatis prope clamoribus certaremus. Quae quidem verba cum Cl. V. Jo: Georgio Schelbornio nota essent, miror equidem, qua ratione impulsus Tom. 3. *Amoenit. Litter. pag. 225. seq. ex MSS. Cod. Bibl. Kraffianae* ediderit Leonardi Aretini in Carolum de Malatestis propter derogationem statuae in memoriam Maronis factae investivam. Nam quamvis MSS Codex Aretini nomen prae se ferret, ejus tamen auctorem discere poterat Schelbornius ex *Chronico Philippi Foresti* vulgo *Bergomatis*, qui pag. 375. de *P. Paulo Vergerio* seniore verba faciens, ejusdemque opera recensens: *Adversus*, inquit, *Sigismundum* (lege Carolum) *Malatestam*, qui *Maronis statuam e foro Mantuano dejici fecit*, *nobilem edidit investivam*. Eam veto *Pauli Vergerii* elucubrationem esse aperte indicat Cod. MSS., qui exstat in *Bibl. Lipsiensi*, cujus indicem adornavit *L. Joachimus Fellerus Cygneus* apud quem pag. 295. legitur: *Petri Pauli Vergerii investiva in Carolum Malatestam, qui Virgilio, & cunctis Poetis detrabebat*. Porro testatur Cl. Muratorius Tom. XV. *Script. Ital. pag. 112.* eandem olim se

se legisse in MSs. Cod. Bibl. Ambrosianae post *Leonardi Arretini Librum de Institutione adolescentium ad Ubertinum Carrariensem*, eamque ita fuisse inscriptam: *Investiva contra Karolum de Malatestis pro everfione, & destructione statuæ Virgilii Mantuani Poëtarum maximæ*. Itaque etsi auctoris nomen desideretur, tamen in fine hæc leguntur: *Bononiae XIV. Kal. Octobris MCCCXCII. Petrus Paulus Vergerius de Giampietris de Sarnano*. Ex quibus verbisprehenditur, & quis eam elucubraverit, & locus ubi elucubrata fuerit, & annus, ac mensis, quibus eadem prodierit. Quin imo quum idem *Muratorius Tom. XVI. Script. Ital.* ex MSs. Cod. Bibl. *Estensis* orationes ejusdem *Vergerii*, atque epistolas edidisset, epistola prima est: *De Virgilii statua Mantuæ eversa per Carolum Malatestam ad Ludovicum ubi Alidosum* supplet ex Cod. olim Urbinatæ, nunc autem Vaticano Vir ille Celeber. Quamobrem deceptus est *Clar. Fabricius*, qui *Lib. II. Bibl. Med. & Inf. Lat. Schelhornium* sequutus pag. 803. inter *Leonardi* opera illam investivam enumeravit, erraruntque etiam *Cl. Duumviri Edmundus Martene, & Ursinus Durand*, qui *Tom. III. Vet. Monument.* pag. 868. eandem sub *Guarini* nomine ediderunt. Sed ut ad *Leonardum* redeamus, quum Arimini vitam duceret, ac *Gregorio XII.* adesset, non quod illam causam probaret, sed propter jus quoddam familiaritatis, a quo tantummodo se detineri fatebatur, gravissimo Florentinae Civitatis decreto Florentiam revocatus est, quo cum pervenisset, per crebras litteras a *S. R. E. Cardinalibus* evocatus, Pisas ad *III. Nonas Apriles* ejusdem anni 1409. commigravit. Celebrato Concilio Pisano, electoque *Alexandro V.* huic quoque Pontifici operam suam præstitit, cum quo per autumnus tempus *Pisis* abiens, *Pistorium* concessit, ibique tota

hyeme commoratus circa initia veris anno 1410. Bononiam cum eodem profectus est. Paulo post e vita decessit *Alexander V*, successusque *Balthassar Cossa*, qui *Jobannes XXIII.* nuncupatus est, apud quem quum eo ipso Epistolarum scribendarum munere fungeretur, eodem anno 1410. in Cancellarium a Populo Florentino accitus est. Tradit *Clar. Niceronus Tom. XXV. Memor.*, *Leonardum* a Florentinis evocatum fuisse, tum cum *Jobannes Pontifex* Bononiam properabat. Sed hoc a veritate abhorret; nam *Jobannes* Bononiam profectus est an. 1413. exeunte: *Leonardus* vero an. 1410. Cancellarii munus adeptus est. Itaque scribere debuerat *Niceronus*, *Leonardum* Florentiam invitatum fuisse, tum cum *Jobannes* Bononiae morabatur: quod etiam his verbis confirmat *Poggius*: *Sed cum Jobannes esset Bononiae, Leonardus accitus est a vobis in Cancellarium.* Sed tum propter novi exercitii difficultatem, tum majoris spem emolumenti paucis mensibus Reip. inservivit, abdicatoque Cancellarii munere ad priorem vitam rediisse, Romamque, in qua *Jobannes Pontifex* aderat, regressum fuisse testatur idem *Poggius*. Porro *Jobannes* Bononia Romam se contulit circiter mensem Aprilem an. 1411. itaque necesse est, ut post mensem eundem anno 1411. ab illo munere se abdicaverit *Arretinus*. Scribit *P. Niceronus V. Clar. Tom. XXV. Memor.*, antequam Romam rediret, uxorem duxisse: sed hunc refellit *Poggius*: *Romam* inquit, *in qua Jobannes Pontifex* aderat, profectus est. Pauloque post uxorem ducit adolescentem optimam, ex qua unicum filium suscepit, quem moestum, & sordidatum, flentemque videtis. Tum ad Urbem rediens, &c.. Itaque paulo post quam Romam redierat, Florentiam rursus venit, inde Arretium, ubi uxorem duxit adolescentem nostrae civitatis, ut Jan-

notii

notis verbis utar, primariam. Ex epistola XVII. Lib. III. ad XV. Kal. Apriles Poggio scripta, ubi de suarum nuptiarum impensis agit, colligitur Januario mense, aut Febuario an. 1412. nuptias celebrasse. Urbi post haec se restituit, & exeunte an. 1412. filium suscepit, quem *Donatum* ab eo fuisse nuncupatum didici ex Cod. Chart. Bibl. *Laurentianae* Plut. XXXXIX. num. XIIIX. ubi exstant *M. Tullii Ciceronis ad Atticum* Lib. XVI., ad quorum calcem legitur: *Hic Liber est Colucii Pierii de Stignano; post Donatus Acciajolus emit a Donato Aretino Leonardi Filio.* Quae cum ita se habeant, lapsi sunt *Volaterranus*, *Jovius*, *Vossius*, *Baelius*, *Hankins*, aliique, qui tradunt *Leonardum* uni pecuniarum contrahendarum studio deditum caelibem decessisse, castigandusque etiam *Julius Niger*, dum pag. 119. *Script. Florentinorum* scribit, in ea, quam diximus, epistola non de *Leonardi*, sed ejus filii nuptiis agi. Roma a Ladislao capta an. 1413. Florentiam cum Pontifice se contulit, & apud Cl. *Muratorium* Lib. II. *Antiq. Estensium* pag. 183. diploma exstat *Johannis XXIII.* ad *Nicolaum III. Marchionem Estensem*, cui subscriptum videas *L. de Aretio*, datumque est apud *Sanctum Antonium extra muros Florentinos VIII. Kalendas Novembris Pontificatus nostri* (idest *Johannis XXIII.*) anno quarto. Namque propter factiones Pontifex intra urbem invitatus non fuit, sed in suburbano Episcopi resedit. Quamobrem ex hoc diplomate perspicuum est, *Leonardum* exeunte Mense Octobri an. 1413. Florentiae adhuc transegisse; pauloque post principio hyemis Florentia Bononiam abiit, mox in Galliam Cisalpinam cum Pontifice profectus Placentiam primum, inde ad Laudensem urbem, postea Cremonam, ac postremo Mantuam cum eodem concessit, exactaque hyeme tota Pon-

tifi-

tificem Bononiam repetentem an. 1414. sequutus est, ubi aetatem traduxit. Circiter Kal. Octobris ejusdem anni Bononiam reliquit, ac per Veronensem Tridentinumque agrum transmissis Alpibus Constantiam contendit. Quumque in eam Germaniae civitatem pervenisset, II. Kal. Januarii epistolam scripsit ad *Nicolum*, quae extat *Lib. IV. num. III.* ubi & itineris sui historiam, & vetusta monumenta, quae Constantiae repererat elegantissime describit. Sed quum perspiceret multa pericula iis impendere, qui *Johannem XXIII.* sequerentur, Curiam Curialesque res deseruit, Constantiaque aufugiens ad II. Idus Martias an. 1415. Florentiam rediit. Narrant *Julius Niger*, *Albertus Fabricius*, omnes denique, qui Virorum illustrium vitas litteris mandarunt, tunc a Florentino Populo Cancellarium electum fuisse. Quod falsum esse ostendi potest ex verbis *Jannotii Manetti*, qui tradit, paucis post annis, quam Florentia abierat *Martinus Pontifex V.*, ad dignissimum publicarum Epistolarum officium universo Florentini Populi consensu delectum fuisse. Porro constat, *Martinum V.* Florentiam venisse Mense Febuario an. 1419., ac decessisse Mense Septembri an. 1420., ita ut ex his pateat, paulo post an. 1420. illud munus adeptum fuisse. Neque vero id probandum est, quod comminiscuntur nonnulli alii, se a Pontificiis epistolis scribendis tunc abdicasse. Docet enim idem *Manettus*, quod *continuatis Sacrosancti Pontificatus successionebus per triginta circiter annos in eorundem ordinum*, ut ajunt, *arcanorum Magistratu magna cum nominis sui gloria, nec minori etiam emolumento feliciter perseveravit.* Itaque quum an. 1405. Epistolarum Pontificiarum Magister ab *Innocentio VII.* creatus fuerit, necesse est, ut usque ad annum circiter 1435. Secretarii, ut ajunt, Apostolici dignitatem retine-

tinuerit. Ad II. Idus Martias Florentiam, ut diximus, reversus, utebatur solacio cum studiorum, quae longo intermissa spatio avidissime repetebat, tum etiam familiarium antiquorum, ut ipsemet fateatur in *Epistol. XI. Lib. IV. ad P. Mianum*. Inter alia, quae incoepit, *Libros XII. Florentinae historiae* scribere adgressus est, eosque Januario mense an. 1416. jam exegerat, ita ut novem mensium spatio eosdem elucubraverit. Quare ut aliquo beneficio *Leonardi* industriae gratias rependeret Florentinorum Respublica, civitate & certa census quantitate, quae etiam ad filios manaret donatum fuisse auctor est *Poggius*, eamque, ut *Manetti* verbis utar, civilitatem an. 1416. *Cosmi* praecipue *Medicei* opera consequutus est. Hinc in illa, quam supra memoravimus, *investiva in Maledicum Nebalonem* inquit *Leonardus*: Nam quod Florentinus es civis, in eo sane parem te michi esse constat. Ex in *Cod. Chart. Bibl. Mediceo-Laurentianae Plut. LII. Num. V.* numquam *Leonardus Arretinus*, sed Florentinus nuncupatur: Videlicet: *Leonardi Florentini Isagogicon*, *Leonardi Florentini Laudatio Jobannis Strozae*, *Oratio Leonardi Florentini pro se ipso*, & nonnulla alia his similia. Per ea tempora *Poggius* Germaniam peragrans, nonnulla classicorum, ut ajunt, auctorum opera in lucem protulit, inter quos integer *Quintilianus* repertus est. Prius enim vix mediam ejus partem, & eam ipsam laceram habebant, omniumque optimus *Fabii* Codex is putabatur, qui a *Gasparino Barzizio Bergomensi Grammatico* supplementus fuerat. Hujus *Poggiani* thesauri compos factus, in eodem emaculando elaborare coepit. Possidebat enim vetustum quemdam *Fabii* Codicem, ubi per multa continebantur, quae deerant in MS., quem repererat *Poggius*. Vide *Epist. IX. Lib. IV.* Quum
an.

an. 1419. Florentiam, ut diximus, venisset *Martinus Pontifex V.*, huic quoque operam addixit suam, effecitque, ut omnem indignationem, quam propter cantilenam puerorum nescio quam in Florentinam Remp. conceperat Pontifex, prorsus deponeret. Quamobrem *Leonardi* eloquentiam obstupescens tantum fecit, ut an. 1420. Florentia proficiscens magnis praemiis, atque ingentibus pollicitationibus eundem pellexerit, ut secum Romam contenderet quod numquam impetrare potuit. Interea An. 1426. Florentiam venit *Dominicus Capranica* ab eodem *Martino V.* Orator, qui Florentium Populum ad pacem cum Duce Mediolanensium ineundam cohortatus est, petiitque, ut Respublica ad Pontificem Oratorem mitteret. Ad id munus obeundum delectus est *Leonardus*, qui, ut scribit *Ammiratus*, die XXXI. Maii Romam profectus est. In *Bibl. Mediceo-Laurentiana Plut. LII. Cod. Membr. Num. XV.* adservatur: *Clarissimi, atque eloquentissimi viri Leonardi Aretini Oratiuncula ad Summum Pontificem Martinum. Quantum incipit. Lege feliciter.* Haec oratio ea est, quam habuit tum cum primum Pontificem adlocutus est, cujus etiam meminit V. Cl. *Philibertus de la Mare*, ac numquam in lucem prodiit. Denique Florentiam reversus, an. 1427. die XXVII. Novembris, quum minime gentium suspicaretur, ut ipsemet ad *Bojardum* scripsit, litterato ex ocio invitatus, ac repugnans jussu Civitatis negotiis publicis praefectus est: vel ut *Manettus* ait: *a Praesidibus, qui forte eo tempore administrandae Reip. gratia praesidebant, magno cum honore, atque ingenti emolumento ad dignissimum publicarum epistolarum officium universo Florentini populi consensu delectus est.* Alia quoque civitatis munia obivit, quae his verbis recenset *Poggius*: *Functus est etiam summis Magistra-*

fratibus civitatis. Nam bis ex Decemviris summo civium favore factus fuit, Vexillumque societatis tribus gessit, ac ex Prioribus unus creatus est. Ad id quoque, quod praecepium est in civitate Vexillum pervenisset, nisi mors vivendi finem attulisset. Haec ille: nunc autem Manettum eadem recensentem audiamus. Unde, inquit, inter ceteros ejus Magistratus, & publicae civitatis nostrae custodiae praestitisse, & ter in Decemviratu etiam fuisse, & demum in summa dominationis nostrae dignitate praesedisse cognovimus. Adnotat Laurentius Bonincontrius ad anno 1440. Initio veris anni 1440. decem Balsae viri praestantes Florentiae creantur. Neque enim erat expediens mediocribus viris, sed exercitatis tantam rem committere. Itaque Nereus Capponius, qui quinquies ante eum Magistratum gesserat, Cosmusque Medices, & Angelus Acciajulus eques & Leonardus Brunus Arretinus fuere. His aliisque publicis muneribus summa cum laude perfunctus diem obivit supremum annum 1444., haeredemque reliquit Donatum filium, ut patet ex apographo ejus Testamenti, quod adservatur in Cod. 1255. Bibl. Strozianae, incipitque: *Clarissimus, & illustris vates, & Orator insignis Dominus Leonardus quondam Francisci Bruni de Arctio civis Florentinus, &c. Leonardi mortem eo, quo diximus, anno accidisse probat Tom. IX. Ephem. Venet. Cl. Apostolus Zenus ex Ammirato, qui Francisco Venturio Vexillifero denatum scribit. Idem ostendit Jo: Campisii Epistola ad Aeneam Sylvium, quae est inter Sylvianas CLXXII. Ex hac schedula, scribit ille, mortem Leonardi accipies Aretini. Porro ea scripta est Romae an. 1444.. His adde Laurentium Bonincontrium in Annalibus Miniatischenbus: Insequens annus 1444. multo turbulentior fuit. Leonardus Brunus in initio veris moritur vir omni laude di-*

dignissimus, litterarum etiam Graecarum peritia singularis, laureamque suscepit in morte. Dissentire tamen videtur V. Cl. Mattheus Palmerius, qui in *Libello de Temporibus* ad an. 1443. haec habet: *Leonardus Brunus historiographus Florentiae moritur II. Idus Martii aetatis suae an. LXXIV. quae quidem verba retulit etiam Tom. I. Itin. Italici* Vir eximius Jo: Mabillonius. Sed si quis recte ponderet, eadem cum superioribus Palmerium sensisse deprehendet. Quanta vero celebritate *Leonardus* a Florentina Rep. elatus fuerit, nos edocuit in *Vita Jannotis Manetti Naldus Naldus*, quem audire operae pretium est. Placuit nonnullis hominibus doctissimis, qui in consilium adhibiti fuere, revocare quamdam consuetudinem desuetamque sepeliendi morem, qui apud pristors longe antea vigisset, ut *Leonardum* pro summa ejus ingenio, summaque doctrina laureola donarent, orationeque Funebris pro concione habita vita ejus celebraretur, ut & ipsum merita laudatione honestarent, & ceteri ad decus, & gloriam excitarentur. Haec autem provincia hominis exornandi Jannotio demandata est, qui & orationem scripsit cum omni elegantia, & copia, illamque habuit ex loco editiore ad caput pbe-
retri, quo *Leonardus* jacebat indutus sericam vestem colore ferrugineo, supra pectus ejus appposito Libro, quo ille *Historiam Populi Florentini* magna sua cum laude prosecutus fuisset. Ubi vero ad locum pervenit orationis, quo significaretur decreto publico *Leonardus* summo esse afficiendus honore, donandusque pro summis ejus meritis laurea corona, Orator ipse suis manibus eam *Leonardi* capiti adposuit, frontemque cinxit lauro *Apollinea* spectante universo Populo Florentino, quum omnes minores praeter summum, qui minus accesserat, ne pro majestate summa funere cujusquam pollueretur, Magistratus adessent. Quin etiam Legati complures
ad-

adfuere, qui a Regibus diversis, ac Principibus multis Christianae Resp. ad Pontificem summum, qui tunc Florentiae morabatur, missi essent. Praeterea docti omnes in quocumque litterarum genere, qui Pontificalem sectabantur Curiam, attente Jannotium orantem audiverunt. Haec de Leonardi funere Naldus. Negat Ammiratus ea causa laurea donatum fuisse, quod Poëta esset, contenditque nulla umquam poëseos laude floruisse. Optimum tamen fuisse vatem innuere videtur Jo: Marraffius in Epigr. ad Leonardum, quod MS. extat Plut. XXXIV. Bibl. Laurentianae Cod. Membr. Num. LIII. & Cod. Chart. Num. L. ubi Leonardum adloquens inquit:

Te sequor: es vates toto celeberrimus orbe,

Orator summus, Rbetor in arte prior.

Arretine fave: te tamquam numen adoro:

Namque tibi placidam cessit Apollo lyram.

Apostolus Zenus V. Cl. Tom. IX. Epbem. Venet. testatur se vidisse alicubi nonnulla Leonardi nostri Italica carmina, quae nil, nisi vulgare quiddam redolerent. In Bibl. Mediceo-Laurentianae Plut. XXXXIII. Cod. Chart. num. XVII. adservatur: Domini Leonardi de Aretio de felicitate hominum. Initium tale est:

Lunga quistion fu gid tra vecchi saggi,

Es ancora nel Mondo sen contende,

Per qual Uom meglio intende,

Cbe sia felicità, en cbe consista.

Furono alcun, che vinti dagli raggi, ec.

Quam quidem elucubrationem ex Cod. 581. Bibl. Chisianae edidit Jo: Crescimbenius Vol. III Poes. Italicae Par. II. Lib. V, extatque etiam in Bibl. Riccardiana Plut. O.Ord. IV. Cod. Chart. num. XII. Codex quoque membranaceus Marchionum Guadagniorum. N. 119., in quo varia Epigrammata Italica (vulgo Sonetti) ad Pium II., Eugenium IV., aliosque continen-

nentur, mihi exhibuit quoddam italicum epigramma *Leonardi da Rezzo*, quod ita se habet :

*Veggio spenta merzè sopra la terra ,
E gli intelletti nostri infimi , e bassi ,
Di fede , e carità tanto esser cassi ,
Che morte fare pace , & fin di guerra , ec.*

Hoc vero prodiit inter Poëtas veteres , quos ex *Bibl. Vaticana* , ac *Barberina* edidit V. Cl. *Leo Allatius* , adservaturque etiam in Cod. Chart. *Bibl. Riccardianae Plut. O. Ord. III. Num. XXXII.* In Cod. Chart. *Bibl. Laurentianae Plut. XXXXIII. Num. XVII.* delitescit : *Chanzona morale di Messere Lionardo da Rezzo a laude di Venere* : Incipit :

*O Venere formosa , o sagro lume ,
O salutar fulgore , o alma stella ,
Bella sopr' ogni bella ,
Che dal sublime cielo amor diffondi :
Qual lingua , quale stilo , o qual volume ,
Qual eloquenzia prisca , over novella ,
Può con mortal favella , ec.*

Idemque adservatur in *Bibl. Riccardiana Plut. S. , Ord. III. Num. XXXXII. Cod. Chart.* , quem evol- vere mihi contigit beneficio Cl. *Viri Jo: Lamii Riccardianae Bibl. Praefecti* , qui sedulo de Rep. Litte- raria optime mereri pergit . Verum non solum haec , sed etiam alia plura cecinisse auctor est *Manettus* , qui *Leonardum Florentinorum Poëtarum* numero adjunxit , testaturque eum plura sparsim de variis rebus carmina composuisse , & quidam egregia , quae nondum morte praeventus in volumina redegerat . Ejus vero cadaver situm est in marmoreo quodam sepul- chro , quod adhuc superest in *Templo S. Crucis* ad- dito epitaphio , quod praeter alios *Tom. I. Mus. Ital. pag. 163.* retulit Vir Cl. *Mabillonius* , atque ita se habet :

POST.

POSTQVAM LEONARDVS E VITA MIGRAVIT,
HISTORIA LVGET. ELOQVENTIA MVTA EST.
FERTVRQVE MVSAS TVM GRAECAS TVM LATINAS
LACRIMAS TENERE NON POTVISSE.

Heic addere lubet alterum ab anonymo elucubratum, quod reperi in Cod. Chart. Bibl. Riccardianae Plut. M. Ord. III. Num. VII, atque hujusmodi est:

Si merito doctis ornantur tempora lauro:

Impediunt meritas laurea ferta comas.

*Namque decus nostrae linguae, graiaeque fuisti,
Clarus & orator, clarus & historicus.*



LEONARDI BRUNI

S C R I P T A.



Acc sunt, quae de *Leonardi Arretini* Vita edisserenda putavimus, ac prudentes scientesque multa omisimus, quae ex duabus funebribus orationibus paulo infra subjectis erui possunt. Super sunt adhuc opera, quorum magnum numerum elucubravimus, & si *Manetto* credas, in quatuor super octuaginta consistunt. Pleraque ex his recensuere idem *Manettus*, *Poggius Bracciolinus*, ejusque expilator *Jacob. Philippus Forestus* vulgo *Bergomas*, *P. Baelius*, *Gesnerus*, *Gaddius*, *Oudinus*, *Fabricius*, *Whartonus*, *Nicronus*, *Zenus*, *Niger*, ac praecipue *V. Cl. Philibertus de la Mare Senator Divionensis*, qui amplissimum catalogum an. 1653. publici juris *Divione* fecit. Sed quum multa nullo ordine recensita, nonnulla vero perperam tradita ab eo sint, novum eorum indicem adornare, nonnullasque vetustas editiones recensere decrevimus. Nunc autem rem ipsam adgrediamur.

I. **L**eonardi Arretini Historiarum Florentini Populi Lib. XII. Horum meminit *Manettus*, *Poggius*, *Bartholomaeus Scala*, *Leodrisius Cribellus*, *Philippus Bergomas*, &c. Hoc opus elucubratum a *Leonardo* fuit an. 1415, ut supra diximus: editumque per *Sixtum Brunonem* Argent. ann. 1610. fol. Perperam

peram tradit *Struvius Cap. XXVII. Bibl. Hist. italice a Leonardo scriptum fuisse, ac deinde ab eodem Brunone latine versum. MSS. exstat in VII. Codd. partim Chart., partim membr. Plut. LXV. Bibl. Laurentianae. Ad calicem Cod. V. haec leguntur: Historiarum Florentini Populi Lib. XII. explicit feliciter. Antonius Marii filius Florentinus Civis, atque Notarius transcripsit Florentiae ex originali edibus Junii, quo quidem tempore elegantissimus harum historiarum scriptor feliciter obiit. Nam praeter cuncta ornamentorum genera, quibus celeberrimum ejus funus a Populo Florentino egregie prae ceteris, ac mirabiliter ornabatur, nos ad pervenire quendam gloriae suae illustrationem publico ejusdem Populi nomine a Jannoctio Manetto, & funebri oratione elegantissime laudatum, & laurea coronatum fuisse conspeximus, atque ad Crucis Templum detulimus lugubre, ac prorsus admirandum, & omnibus quaque saeculis memorandum spectaculum. Valeas feliciter Lector. Liber Petri de Medicis Cosmi filii. Hi Libri italice traducti a Donato Acciajolo an. 1473. prodire Venetiis eodem anno id testantibus Jul Nigro, Fabricio, Nicerono, &c. Primam tamen versionis editionem ponit Cl. Maittaireius Tom. I. Annal. ad annum 1476. XII. Febbrajo, ut ad calcem ejus editionis legitur, eique adcredit Poggii historia italice quoque traducta. Vidi Florentinam editionem an. 1492., quae die V Junii prodit. Eandem recedit Venetiis Sansovinus ann. 1561., produxitque ad annum 1560. Aliam Venetam ann. 1560. memorant Oudin, Fabricius, &c. Incipit: Florentinam Urbem Romani condidere a L. Sylla Fesulas deducti, &c.*

II. Τὸ Λεονάρδου Ἀρρετίνου περὶ πολιτικῆς φημερίας.
Leonardi Arretini de Rep. Florentinorum. Hujus libelli meminit Volaterranus Lib. XXI. Anthrap. quem ut.

hominis Latini non admodum inelegantem adpellat. Inde *Jacob. Forestus*, *Vossius*, *Zenus*, &c. Nesciebat *Casimirus Oudinus Lib. 3. de Script. Eccles.*, an hoc opusculum alicubi extaret. Sed adservatur in *Bibl. Mediceo-Laurentiana Plut. LX. Cod. Chart. Num. XVI.* ut etiam animadvertit in *Cat. Cod. MSS. Bibl. ejusdem Wilhelmus Langius*. Adservatur quoque in *Regia Parisiensi Cod. 3049.* ut in *Gloss. Med. & Inf. Græcit.* tradit *Cl. Cangius*. In *Cod. etiam 1769. Bibl. Regiæ* reperiri testatur *Labbeus in Bibl. MSS. Part. IV. Sect. III. pag. 47.* Idem delitescit in *Codice Bavarico* teste *Cl. V. Montfauconio*, & *Fabricio*, & *Upsaliae* in *Bibl. publica ex dono illustris Viri Jo: Gabrielis Sparrenfeldii*. Cardinalis etiam *Bessarion* hunc possidebat in sua *Bibl.*, quem postea *Venetis* tradidisse patet ex catalogo *Bibl. D. Marci*, quem ex *Cod. 2145. Bibl. Colbert.* edidit *Cl. Montfauconius*. Is nunc extat in *Cod. Chart. 406. ejusdem Venetæ Bibl.*, ut ex *Catalogi nuper editi pag. 198.* didicimus. *Philippus* quoque *Tomasinus pag. 48. Bibl. Venet.* ejusdem meminerat. Idem *Libellus* adservatur etiam in *Cod. Chart. 493. ejusdem Bibl. Divi Marci*. Vide *Adpendicem Catalogi nuper editi pag. 311. Jo: quoque Sambucus V. Cl. hujus exemplar possidebat*, quod postea in *Bibl. Vindobonensem* transiit, *Cod. videlicet Chart. 257. in quarto*, ut *Lib. V. Comment.* testatur *P. Lambecius*; additque ante *V. Cl. Sebastiani Tengenagelii* praefecturam sublatum fuisse. *Philibertus de la Mare* hoc opusculum ex *Codd. exscripserat*, additaque *Jo: Baptistæ Lantini* versione edere meditabatur. Vide *Niceronum Tom. XXV. Memor pag. 292.* Opusculi initium tale est: Εὐρωστὶ ἐπαυμῆς ἐδέξατο τὴν πολιτικὴν τῆς ἡμετέρας πόλεως, &c.

III. *Leonardi Arretini de Temporibus suis libri duo*. Horum meminit *Manettus*, & *Jac. Bergomas, &c.*

Edi-

Editi fuere primum Venetiis 1475., & 1485. ut testatur *Fabricius*. Praeterea Lugduni apud Gryphum 1539. teste *Oudino*, & *Philiberto de la Mare*, & Argentorati 1610. per *Sixtum Brunonem*, ut *Tom. XXV. Mem.* tradit *Niceronus*; eodemque recudit ad fidem *Cod. Bergomensis Tom. XIX. Script. Ital.* *Cl. Muratorius*, exstatque haec historia in *Bibl. Mediceo-Laurentiana Plut. LXV. Cod. membr. N. XVII. & Num. XIIIX, XIX, & XX. Codd. Membr.* ejusdem Plutei: Et in *Bibl. Riccardiana Plut. M. Ord. I. Cod. Membr. Num. XVI. & Plut. M. Ord. I. Cod. Chart. Num. XXII.* & in *Bibl. Ambrosiana Mediolanensi in quarto, H. XXXVI.* Perperam tradit *Fabricius* hos libros ab *Acciajolo* conversos Venetiis an. 1561. a *Sanfovino* editos fuisse. Nam ea versio spectat ad Libros XII. *Hist. Florentinae*. Incipit: *Qui per Italiam homines excelluerint aetate mea, & quae condicio rerum, &c.*

IV. *Leonardi Arretini de bello Italico adversus Gothos gesto Libri quatuor.* Hujus operis meminit *Manettus*, *Poggius*, *Jac. Bergomas*, &c. Editum fuit *Fulginii* ann. 1470. per *Emilianum Fulginatam*, & *Jo: Numeister* teste *Cl. Maistairio Tom. I Annal. pag. 70.* Inde Venetiis per *Nicolaum Jenson* 1471. testante eodem *Maistairio Tom. 1. Annal. pag. 93.* Et cum *Rhenani* praef. *Basileae* 1531. & *Parisi* an. 1534. docente *Cas. Oudino*, & *P. Nicerono*, & cum *Zozimo* *Basileae* 1576. & cum *Agathia*, & *Jornande* *Lugd.* 1594, ut scribit *Cl. Fabricius*; & *Bellovisiis* an. 1607. ut tradit *Cas. Oudinus Lib. 3. de Script. Eccl. pag. 2389*, & *Struvius Cap. XI. Bibl. Historicae*. *MSs.* exstat in *Bibl. Laurentiana Plut. LXV. Codd. membr. Num. X., XIII, & XVII.* Eadem adservatur in *Bibl. Riccardiana Plut. M. Ord. I. Cod. Chart. Num. VIII.* & in *Ambrosiana N. LIII., & Q. XXX.* testante *Cl.*

Saxio, &c. Praecedie: praefatio ad Julianum Caesarinum Cardinalem S. Angeli. Ea vero incipit: Etsi longe michi jocundius fuisset, &c. Historiae autem initium hujusmodi est: Zenone Romano Principe Imperatore, &c. Tradit Jovius, Cuspinianus, Freberus, Crescimbenius, Baetius, Placcius, Jacob. Thomafius, Almeloveenius, Menagius, Fabritius, alique omnes, Leonardum omisso Procopii nomine Libros hos pro suis venditasse, nullique ejus aetatis furtum suboluisse, quoad post Arretini mortem plagium detexerit Christophorus Persona. Aliam fabellam adfuit Varilaeus Tom. IV. Florent. Anecd. pag. 162. Nempe cum Gothicam Procopii historiam invenisset Leonardus, nec alium Cod. MSS. exstare putaret, cum nullus Constantinopoli fuisset adlatus, eundem Latine versam Procopii nomen oculens in vulgus edidit, graecumque codicem flammis tradidit. Sed utrumque falsum est: Neque enim Christophorus Persona, ut ipse perperam de se jactavit, primus fuit, qui Gothorum Historiam e graeco Procopii expressam fuisse senserit. Nam multo ante id praedicaverat Poggius in oratione Funebris: Ex Procopio, inquit, Historiam Gothorum quatuor Libris complexus est, quae Poggii verba, ut Vossium aliosque refelleret, adtulit Lib. IX. Ephem. Venet. Cl. Zenus, & ex eo Tom. XXV. Memor. P. Niceronus. Praeterea ipsemet in Epist. IX. Lib. IX. ad Job. Tortellium fatetur, se eam accepisse a Procopio. Ejus verba sunt: De Historia vero quod petis, scias me post discessum tuum IV. Libros de Bello Italico adversus Gothos scripsisse. Scripsi vero illos non ut interpretes, sed ut genitor, & auctor. Quomodo enim si de praesenti bello scriberem, noticia quidem rerum gestarum ex auditu foret, ordo vero & dispositio, & verba mea essent, ac meo arbitrato excogitata, & posita: eodem item modo

do ipse noticiam tantum rerum gestarum de illo (Procopio) sumens, in ceteris omnibus ab eo recessi, utpote qui hoc unum habeat boni, quod bello interfuit. Cetera illius sunt spernenda. Paria habet in Ep. VI. Lib. IX. ad Cyriacum, quam Tom. VI. Miscell. ex Cod. Colbertino edidit V. Cl. Stephanus Baluzius, ubi postquam Libros IV. de Bello Gothico a se scriptos fuisse significavit, addit: Est autem haec non translatio, sed opus a me compositum, quemadmodum Livius a Valerio Antiate, vel Polybio Megapolitano sumpsit, & arbitrato suo disposuit. Itaque nunquam Procopii nomen occuluit Leonardus, sed palam edixit, se ab eodem sumpsisse, quemadmodum a Valerio Antiate, vel Polybio sumpserat Livius. Porro hanc historiam Italice ann. 1456 transtulit Ludovicus Petroni Senensis. In Bibl. Laurentiana Plut. 61. Cod. Chart. Num. 1. adservatus: La Guerra Italiana contro a Gotti composta per Messer Leonardo d'Arezzo al Reverendissimo P. D. Giuliano Cardinale di S. Agniolo, e dipoi tradotta dal latino in volgare. Incipit: Benche a me molto piu giochondo sarebbe stato, &c. An haec sit Petroniana versio, conferant, quibus ocium est. Perperam Le Sieur Le Gallois pag. 169. *Traité des Bibl.* scripsit, hos libros a Leonardo gothica lingua promulgatos fuisse. Eandem historiam gallice quoque editam fuisse Paris. an. 1667. me docuit Struvius Cap. IX. *Bibl. Historicae*.

V. Leonardi Arretini de Bello Punico Libri tres. *Ind. 340*
 Horum meminit Manettus Poggius, ac Jac. Bergomas, &c. Editum fuit hoc opus Brixiae ann. 1498. ut Tom. I. *Annal. Typograph.* testatur Cl. Maistairius cum hoc titulo: Polybius historicus de primo bello Punico latine Leonardo Arretino interprete; & Paris. apud Ascensium 1512. cum eodem Polybii titulo, & Augustae Vindel. 1537. MSS. exstant hi Libri in
 ††† 4 Bibl.

Bibl. Laurentiana Plut. LXV. Codd. Membr. Num. XI. XII. XIV. XV, & XVI. Ad calcem Cod. XIV. haec leguntur. Leonardus Arretinus edidit Florentiae XVIII. Kal. Januarias MCCCCXXI. Adservantur etiam in Bibl. Riccardiana Plut. M. Ord. I. Cod. membr. Num. XXXI., & aliis Codd. In eadem Bibl. reperitur haec historia Italice versa, sic inscripta: Commentario della Guerra prima dei Cartaginesco Romani Plut. scilicet Q. Ord. III. Num. XXV. quam quidem versionem Venetiis editam fuisse tradit Niger, ac Niceronus. Reperitur etiam latine scripta in Ambrosiana H. XXXVII. in quarto testante Cl. Saxio. Incipit: Vereor, ne qui me putent antiqua nimium consèctari, &c. In Bibl. Laurentiana Plut. LII. Cod. Chart. N. XXVII. exttat: Compendium primi belli Punici excerptum ex Libro, quem Leonardus Arretinus composuit. Incipit: Primi belli Punici a Romanis contra Carthaginenses gesti, &c. & Plut. LXI. Cod. Chart. Numer. XLIV. Leonardo d' Arezzo della prima Guerra Punica. Initium hujusmodi est: Parra forse a molti, che io vada dietro, &c.

VI. *Leonardi Arretini Commentarium rerum Graecarum ad Equitem Angelum Acciajolium. Hoc teste Oudino edidit Gryphius Lugd. 1539. Lipsiae etiam a Joach: Camerario 1546. prodiiisse tradit Fabricius. Idem Argentorati ann. 1610. per Sixtum Brunonem prodit, ac postremo recudit Tom. VI. pag. 3392. Thes. Antiq. Graec. Cl. Gronovius. MSS. exttat in Laurentiana Plut. LXV. Cod. chart. Num. IX. & in Riccardiana Plut. N. Ord. I. Cod. chart. Num. IX. & in Ambrosiana Mediolanensi N. LIII. Incipit: Animadverti nonnumquam, o Angele, te admirari solere meam, ut ita dixerim, cunstationem, &c.*

VII. *Leonardi Arretini Isagogicon moralis disciplinae ad Galeotum Ricasolanum. Hujus meminit Manet-*

tus, &c.

*Ind. 2464, 3121, 3130
31420. 31471*

tus, &c. Sic etiam inscribitur: *Leonardi Arretini Dialogus de moribus ad Galeottum Dialogo parvorum Moralium Aristotelis ad Eudemum amicum suum respondens*. Idcirco arbitror factum, quod in prima editione hoc opusculum ita sit inscriptum: *Aristoteles de Moribus ad Eudemum Latine Leonardo Aretino interprete*, &c. quod editum fuit Lovanii 1475. decima Junii, ut ad calcem legitur. Vide *Maittaireium* Tom. 1. *Annal.* pag. 113 Prodiit etiam juxta *de la Mare* Paris. 1512. & ibidem 1516. per *Ascensium*, ut testatur *Oudinus*; excusumque etiam cum *Jacob. Fabri* paraphrasi *Moralium Aristotelis* testante eodem *Cl. Oudino*. MSs. exstat in *Bibl. Laurentiana* Cod. Membr. Plut. LII. Num. III. & Num. V. Cod. pariter Membr. & in aliis Codd. Plut. LXXIX. & in *Bibl. Riccardiana* Plut. N. Ord. II. Cod. Membr. Num. XII. & Cod. 285. Chart. *Bibl. Vindobonensis*, ut *Lib. 2. Comm. Cap. VIII.* testis est *P. Lambecius*. Incipit: *Si ut vivendi Galeotte, sic etiam bene vivendi cura nobis esset*, &c.

VIII. *Leonardi Arretini ad Petrum Histriam dialogorum. Libri II.* Horum meminit *Manettus*, *Poggius*, &c. Ita etiam hoc opus inscribitur: *Dialogi duo de disputationis, exercitationisque studiorum usu, & necessitate in litterarum genere quolibet*. Ab hoc gemino titulo deceptus est *Cl. Oudinus* *Lib. 3. de Script. Eccles.* pag. 2388. & *Julius Niger*, qui illos *Dialogorum* libros ab his diversos putarunt. Editi fuere illi dialogi Basileae ann. 1536. per *Henricum Petri* ut tradit *Tom. XXV. Memor. Niceronus*, & *Paris. 1642.* ut testatur *Cl. Oudinus*. MSs. exstant in *Bibl. Laurentiana* Plut. LII. Cod. Membr. Num. III. & in Cod. 2156. *Bibl. Regiae Paris.* ut pag. 47. *Bibl. MSs. Part. IV. Sect. III.* tradit *Labbeus*. Incipiunt: *Vetus est cujusdam sapientis sententia*, &c.

MA 2160

IX. *Leonardi Arretini Cicero Novus ad Nicolaum suum*. Hujus meminit *Manettus*, *Poggius*, &c. Hunc nuncupavit *Leonardus Nicolio*, & in proëmio ait, se inchoasse translationem *Plutarchi*, ubi de *Ciceronis* vita agit. Sed quum multa deesse viderit, *Plutarcho* omisso *Ciceronis* vitam confecit ex his, quae vel apud *Latinos*, vel apud *Graecos* de eodem scripta legerat. An haec *Tullii* vita alicubi impressa esset, se nescire fassus est *Cl. Oudinus*. Sed editam fuisse testatur *Niger*. MSS. exstat in *Bibl. Laurentiana Plut. LII. Cod. Chart. Num. I. & Cod. Membr. Num. II. & Cod. Membr. Num. X., & Plut. LXV. Cod. Chart. Num. XXVIII. & Cod. Membr. Num. XXVII. &c.* hoc titulo: *Marci Tullii Ciceronis Vita: Leonardus Arretinus composuit: inscribitur Cicero Novus*. Eadem Italice versa adservatur in *Bibl. Riccardiana Plut. Q. Ord. III. Cod. Chart. Num. XV.* Latine etiam in *Bibl. Ambrosiana N. 165.* ut mihi indicavit *Cl. Josephus Saxius*, & in *Cod. 2030. Bibl. Paris.* ut pag. 47. *Bibl. MSS. Part. IV. Sect. III.* testatur *Labbeus*. Incipit autem: *Leonardi Arretini Prefatio in Ciceronem novum ad Nicolaum Nicolum. Otioso michi nuper, &c.* Deinde sequitur vita: *Tulliorum* familiam, quae & *Ciceronis* postea cognomen recepit, &c. In nonnullis tamen Codd. MSS. *Ciceronis* vitam e graeco *Plutarchi* translata, nec absolutam reperiri arbitror.

X. *Leonardi Arretini de Aristotelis vita ad Cardinalem S. Crucis*. Hujus meminit *Manettus*, ac *Poggius*, qui: *insuper*, inquit, *Aristotelis* vitam scripsit multis ex auctoribus tam graecis, quam latinis contractam. MSS. exstat in *Bibl. Laurentiana Plut. LII. Cod. Membr. Num. III. & Num. V.* Eadem reperitur in *Bibl. Ambrosiana I. 33.* Incipit: *Prefatio Cardinali S. Crucis. Quanta nobis Aristoteles Philosophus,*

phas, &c. sequitur deinde vita: *Aristoteles* Philosophus ex oppido fuit, &c.

XI. *Leonardi Arretini de Militia ad Raynaldum Albicium Equitem Florentinum*. Hujus meminit Manettus, ac Poggius. Hoc opusculum nunquam prodisse arbitror. MSS. exstat in *Bibl. Laurentiana Plus. LII. Cod. Membr. Num. III. & Num. V.* Adservatur etiam in *Bibl. Ambrosiana*, ut *Tom. XIX. Ital. Script.* testatur Cl. Muratorius, nempe in 4. F. 45. & H. 37. & H. 91. & N. 173. ut mihi significavit Cl. Saxius. In *Cod. 215. Bibl. Norfolciana* exstat: *Leonardi Arretini Liber de Re militari*. Idem est. Reperitur etiam in *Cod. 2156. Bibl. Paris.* ut pag. 47. *Bibl. MSS. Parte IV. Sect. III.* testatur Labbeus. Initium tale habet. *Fateor Cl. Vir & mihi ipsi jam saepe in dubium venisse hanc nostri temporis militiam, quae dignitatis, bonorisque loco praestantioribus viris tribus soles, nec incuriose quidem a me peruestigata fuisse illius initia, atque progressus, &c.* Notatur ad calcem *Cod. MSS. promulgatum fuisse Florentiae XIX. Kal. Januarii 1421.*

XII. *Leonardi Arretini ad Job. Franciscum Gonzagam Principem Mantuanorum de origine Urbis Mantuae*. Hujus opusculi nec Manettus, nec Poggius meminit, idemque inter Leonardi opera adhuc inedita recensuit Philibertus de la Mare. MSS. exstat in *Bibl. Laurentiana Plus. LII. Cod. Membr. Num. III. & Num. V.* Idem quoque adservatur italicè conversum in *Bibl. Riccardiana Plus. S. Cod. Chart. Ord. III. Num. XXXXIII.* atque ita inscribitur: *Epistola di Messer Lionardo d'Arezzo al Signor di Mantova dei fatti di Mantova, come fu posta*. Initium in *Codd. Laurentianis* hujusmodi est: *Non san nescius, generosissime Ductor, cum ab hominibus litterarum studio ceditis pro cognitione rerum quic-*

quicquam exquiratur, solers eos tenuitatem ingenii sui & rerum ipsarum difficultatem allegare, &c. In fine Codd. MSS. haec leguntur: *Vale. Ex Florentia VI. Kal. Junias MCCCCXVIII.*, quod supra indicavimus.

ms. 2464 XIII. *Leonardi Arretini de studiis, & litteris ad Illustrissimam Dominam Baptistam de Malatestis.* Hujus meminit Jannottius Manettus, &c. Editus fuit hic libellus Argentinae 1521. cum hoc titulo: *De bonis studiis epistola*, ut Tom. XXV. Memor. testatur Niceronus. Inde an. 1642. Gabriel Naudaeus ex Cod. suae Bibl. edidit ita inscriptum: *Leonardus Arretinus de studiis, & litteris ad Isabellam Malatestam.* Prodiit etiam in Libro, cui titulus: *Hugonis Grotii, & aliorum dissertationes de studiis bene instituendis Amstelae.* 1645. Eundem quoque recudit V. Clar. Thomas Crenius in *Metb. Stud.* Tom. I. Num. X. Roterod. an. 1692. MSS. exstat in *Bibl. Laurentiana Plut. LII. Cod. Membr. Num. III. & Num. V. & in Riccardiana Plut. M. Ord. III. Cod. Chart. Num. IX. & Plut. M. Ord. I. Cod. Membr. Num. XVI. &c.* Incipit: *Compulsus crebro rumore admirabilium virtutum tuarum, scribere ad te constitui, ut, &c.*

XIV. *Leonardi Arretini de interpretatione recta ad Bertum Genuensem.* Hoc opusculum memorat Jannottius Manettus, & inter inedita Leonardi opera recensuit Philibertus de la Mare.

XV. *Leonardi Arretini de Romae origine, & unde dicta sit.* Hoc opusculum nemo, quod sciam, memorat, exstatque MSS. in *Bibl. Laurentiana Plut. LII. Cod. Chart. Num. XXVII.* Incipit: *Variae quidem sententiae de Romae civitate, & unde dicta sit ab auctoribus traduntur. Quidam Pelasgos ob incredibilem rei militaris comparatam fortitudinem Romam appellasse ferunt. Alii, &c.* mutilus ad calcem est hic libellus.

XVI.

XVI. *Interrogatio ad peritissimum virum Dominum Franciscum de Fiano per elegantissimum Leonardum Arretinum transmissa, videlicet quo tempore fuerit Ovidius, causam per quam Ovidius fuerit in exilium relegatus, & si revocatus ab exilio fuerit in patriam remissus scire cupientem.* Sic inscribitur in Cod. Chari. Sec. XV, quem possidet Cl. Philippus Stoschius. Sequitur in eodem Cod. MS. *Francisci responsio, quae incipit: Leonarde mi. Cupis a me scire, &c.* Hoc opusculum exstabat etiam teste Cl. Monfaucon in *Eibl. Reginae Sveciae*, nunc vero in *Vaticana*.

XVII. *Leonardi Arretini Liber de institutione adolescentium ad Ubertinum Carrariensem.* Hunc libellum cum hoc titulo adservari in MSs. Cod. Bibl. Ambrosianae me docuit Tom. XV. *Script. Ital.* pag. 112. Cl. Muratorius, idemque mihi significavit Celect. ejusdem Bibl. Praefectus Antonius Saxius. Sed hunc non memorat Manettus. Praeterea in MSs. Codd., ac inter alios in Cod. Membr. Bibl. Laurentianae Plut. LXV. Num. XV. similis Libellus P. Paulo Vergerio tribuitur cum hoc titulo: *Petri Pauli Vergerii de Justinopoli ad Ubertinum de Carraria de ingenuis moribus, & liberalibus studiis adolescentiae liber, quem in lucem prodiiisse ostendit in Annal. Typogr. Cl. Michael Maittairius.* Incipit: *Franciscus Senior avus tuus, cujus extant plurimae res magnificae gestae, &c.* Sed quum Ambrosiani Codicis initium iniquo temporis spatio exclusus a Cl. Saxio habere non possim, utrum illud opusculum P. Pauli Vergerii sit, temere affirmare non audeo.

XVIII. *Leonardi Arretini Viri doctissimi de Nobilitate Florentinae Urbis Libellus.* Hujus meminit ipsemet in *Epist. VIII Lib. I. ad Nicolum*; ex qua elucet an. 1405. ab eo elucubratum; aemulatum vero fuisse

fuisse orationem *Aristidis de Laudibus Athenarum* fatetur ipsemet *Ep. IV. Lib. VIII*, ubi ab Aristarco nescio quo se defendit. Eundem memorant *Magnettus*, *Poggins*, *Philippus Bergomas*, &c. ac numquam editus est. Exstat in *Bibl. Laurentiana Plut. LII. Cod. Chart. Numer. XI. & Plut. LXV. Cod. Membr. Numer. XV.* Idem quoque adservatur in *Bibl. Riccardiana Plut. M. Ord. I. Cod. Membr. Numer. XVI. & in Ambrosiana Mediolanensi in 4. M. 44.* inscribiturque *Laus Florentinae Urbis*, ut mihi indicavit Cl. ejusdem *Bibl. Praefectus Joseph Antonius Saxius*. Hinc deceptus est *Philibertus de la Mare*, qui *Leonardi* opus de *Nobilitate Florentinae Urbis* diversum putavit ab eo, quod inscribitur *Laus*, vel *Laudatio Florentinae Urbis*, & perperam in suo catalogo inter *Leonardi* opera inedita recensuit primum *De Nobilitate*, ac paulo inferius, *Laudatio Urbis Florentinae*, cum idem sit. Incipit: *Vellem michi a Deo Immortali datum esset, ut vel Florentinae Urbi, de qua dicturus sum, parem eloquentiam praestare possem, vel certe meo erga illam studio, meaeque voluntati. Alterutrum enim, ut opinor, abunde esset ad illius magnificentiam, nitoremque ostendendum, &c.*

XIX. *Leonardi Arretini Oratio in funere Ottonis adolescentis praestantissimi.* Hujus tantum meminit *Gaddius*, *Philibertus de la Mare*, & ex eo *Julius Niger*, &c. Haec numquam lucem adspexit, & elucubrata a *Leonardo* fuit ann. 1405., tum cum *Viterbii* morabatur. MSS. exstat in *Cod. Bibl. Gaddianae*, & in *Cod. Bibl. Ambrosianae in 4. M. 40.*, ut mihi indicavit Cl. *Antonius Saxius*. Eadem adservatur in *Cod. veteri Chart. Cl. Baronis Philippi Stosch.* Incipit: *Plenam lacrymarum, atque moeroris hodiernam diem nobis dedit acerbissima mors Ottonis nostri*

noſtri praeſtantiſſimi, & impigerrimi Juvenis, qui diuturno, ac pertinaci morbo vexatus, cum iam virtus ejus ſutari ſe ſe diucius non poſſet, quaſi candelae quaedam paulatim aſſumpta eſt, pauloque fumi per acum deſtitto ad extremum interiiſt. Cujus quidem mors, &c.

XX. Ex *Epist. I. Lib. 2. ad Nicolaum* deprehenditur, *Leonardum* ann. 1406. cum Romam rediiſſet, elucubrariſſe *Laudationem Colucii Salutati*, qui paulo ante diem obierat: *Leonardi* verba haec ſunt: *Quod autem de Colucii laudatione ſignificari tibi poſtulas procedit ſane opus ſutis, ut mihi videtur, luculente.* Sed an perfecterit, me laet. Sane in *Bibl. MSS.* nuſquam reperi.

XXI. *Leonardi Arretini Laudatio Cl. V. Joannis Strozae Equitis Florentini.* Hujus meminit *Manetius, &c.* Haec primus ex duobus *Codd.* uno *Bibl. Regiae*, altero *Colbertinae* eruit *Tom. III. Miscell. Stephanus Baluzius*, cum hoc titulo: *Eloquentiſſimi Viri Leonardi Arretini Oratio in funere Nannis Strozae Equitis Florentini.* Haec exſtat in *Bibl. Laurentiana Plut. LII. Cod. Membr. Num. III. & Cod. pariter Membr. Num. V.* Adſervatur etiam in *Bibl. Riccardiana Plut. M. Ord. III Cod. Chart. Num. IX.* cum hoc titulo: *Oratio funebris in civem clarum Jo. de Strozis Equitem Florentinum; ut & in Ambroſiana Mediolanenſi in fol. H. 48. & in 4. H. 91. ut mihi indicavit Cl. Saxius.* Initium hujus *Laudationis* in *Codd. Laurentianis* tale eſt: *Leonardi Arretini praefatio in Laudationem Cl. Viri Joannis Strozae Equitis Florentini.* Incipit: *Lex fuit vetuſta Sponſis, &c.* deinde: *Incipit Laudatio.* Jubemur nunc ad funeris, &c.

XXII. *Imperatoris Heliogabali Oratio protreptica, ſive adhortatoria ad Meretrices.* Hujus meminit

15431

nit ipsemet in *Epist. XVI. Lib. II. ad Nicolaum* : & ab eo elucubrata fuit an. 1407, dum Senis esset. Prodiit autem cum historiae Augustae Scriptoribus minoribus ab Aldo Manutio editis Venetiis an. 1519. extatque ibi a fol. 291. usque ad fol. 295. Eadem adservatur MSS. in Cod. Chart. Bibl. Caesareae Vindobonensis Num. 285 ut *Lib. II. Comment. Cap. VIII.* tradit Cl. Petrus Lambecius ; & in MSS. Bibl. Gaddianae. Incipit: *Incredibilis me libido habet Commilitones, &c.* Ad calcem haec leguntur teste eodem Lambecio: *Leonardus Arretinus recreandi ingenii causa ridens, ludensque dictavit, unde severiores rogat, ne legant, urbaniores, ne efferant.*

XXIII. Glarissimi, atque eloquentissimi viri Leonardus Arretini Oratiuncula ad Summum Pontificem Martinum Quintum. Hujus meminit Philibertus de la Mare, atque ex eo Julius Nigler: elucubrata vero est a Leonardo an. 1426, ut supra diximus. Haec adservatur in Bibl. Laurentiana Plut. 52. Cod. Membr. Num. XV, ac nunquam in publicam lucem prodiit: Incipit: *Consueverunt, Beatissime Pater, qui legationis officio fungentes Sedem Apostolicam, & sanctissimam adeunt, quantum ipsi verbis oreque adniti possunt, exquisitissimis eam laudibus conari extollere: quos tamen cum saepe praesens diligenter accubateque audiverim, atque una ex parte verba illorum, alia vero ex parte amplitudinem maiestatemque Sedis hujus pensitarem, usque adeo deficere verba animadverti, ut laudatores ipsi, eorumque conatus omnes ridiculi viderentur. Neque sane, &c.*

XXIV. Leonardus Arretini Oratio in Hypocritas. Hujus meminit ipse Leonardus *Ep. XIV. Lib. IV.* Eadem memorant Manettus, & Poggius, &c. Edita fuit in Fasciculo Ortuini Gratii Coloniae 1535. Deinde in Fasciculo eodem recuso Lugd. 1679. & Londini

dini 1691. Postremo recusa ann. 1699. ex Cod. *Antonii Magliabecchii*. Adservatur MSS. in *Bibl. Laurentiana Plut. LII. Cod. Membr. Num. III. & Cod. pariter Membr. Num. V. & in MSS. Gaddiano*. Exstat etiam in *Bibl. Ambrosiana in 4. F. XLV, &c.* ut mihi indicavit Cl. Saxius: Incipit: *Ex omni genere hominum, quos variis damnabilibusque viciis ingeniosa, & ad malum prona coinquinavit improbitas, &c.*

XXV. *Oratio Leonardi Florentini pro se ipso ad Praefides*. Hujus meminit *Manettus, &c.* Ea scripta fuit contra Judam nescio quem ex vetusta opulentaque familia hominem potentem, atque gratiosum, qui accusatore Bernadetto emptionem domus cujusdam dicebat a Leonardo contractam fuisse: quod Leonardus sedulo negat. Haec numquam e tenebris eruta fuit: Adservatur MSS. in *Plut. LII. Bibl. Laurentianae Cod. Membr. Num. V.* Incipit: *Etsi non fuit necessarium, Praefides, adversarios meos praesertim in tantis Reip. occupationibus vestris has vobis molestias, occupationesque afferre, propterea quod si de suo jure confidebant, legitimis, ordinariisque judiciis id persequi poterant; tamen letor equidem borum calumniam in me falso confictam ad vestrum potissimum judicium esse delatam. Videbitis enim manifeste, &c.*

XXVI. *Leonardi Florentini Oratio in Nebulonem Maledicum*. Hujus meminit *Manettus, & Philadelphus*, qui nos docet in Nicolaum Nicolium scriptam fuisse. *Philelphi* verba sunt haec in *Epist. XX Lib. II. ad Cosmum Medicum*, ubi de Nicolao conqueritur: In Leonardum autem, inquit, *Arelinum* qualem se praestiterit, ipsius Leonardi in eum *inbectiva* testimonio est. Causas vero irarum inter Nicolaum, & Leonardum habes in *Epist. IV. Lib. V*, quam consule. Porro haec numquam edita fuit: Adservatur MSS. in *Cod. 286.*

Collegii novi Oxoniensis, in *Cod. 2156. Bibl. Regia* ut pag. xxxvii *Bibl. MSS.* tradit *Labbeus*, & in *Bibl. Mediceo-Laurentiana Plut. LII. Cod. membr. Num. V.* & ad calcem mutila est. Et quum nonnulla in ea reperiantur haud vulgaria de *Nicolio*, aliquid heic lubet excerpere. Tradit itaque *Nicolium* avum primum *Pistorii*, deinde *Florentiae* cauponem fuisse, ejusque patrem caupona egressum oleo se, ac lanificio perunxisse. Quinque vero fratres habuisse, eosque *Florentina* civitate fuisse donatos. Quare valeant illi, qui *Niculum* ex nobilissima prognatum familia sibi somniant. Eidem exprobrat, quod usque adeo maledictis *Chrysoloram*, *Guarinum*, aliosque infectatus sit, quoad consilium coeperint ex hac urbe demigrandi. Itaque perperam a *Fabricio*, aliisque reprehenditur *Vossius*, tamquam *Philelphi* maledictis credulus, quod idem tradiderit *Lib. III. de Hist. Lat. Cap. IV.* Quod autem ad *Guarinum* spectat, *Guarini* ipsius, ait *Leonardus*, de his rebus scripta praegravanda quidem, ac luculenta testatur epistola. Haec missa fuit ad *Blasium Guasconem*, incipitque: *Velui saepe numero animosi mores hominis, &c.* quam cum multis aliis ejusdem *Guarini* in lucem producemus. Ex eadem refellitur idem *Vossius*, qui tradit, *Nicolaum* opuscula quaedam reliquisse ad *Cosmographiam*, *Philosophiam*, & antiquitatem pertinentia. Inquit enim *Leonardus*: *Potes tu, qui aliorum inscitiam tam insolenter reprehendis, opus aliquod proferre studiorum tuorum? Non exigo abs te grandia, nec multa. Unum saltem aliquid vel exiguum profer. At nichil habes, quod proferre queas, ne epistolam quidem unam, quod ignorantiae tuae exploratissimum est argumentum, &c.* Hoc tamen de operibus latina lingua scriptis intelligendum est. Nam italice edidit opusculum quoddam, in quo rationes orthographiae ex fide aereorum, atque argen-

teorum numismatum, marmorum, ac Codd. MSS. explicavit. Hujus meminit *Guarinus* in Ep. adhuc inedita: proxime, inquit, venit in manum ab eo editum in lucem opusculum, quod ille ad erudiendos compilavit adolescentes. Inscrabitur autem orthographia, cum verius orbographia possit appellari. Nam cum erudire pueros per quamdam inanem jactantiam concupiscit, rudem se se magis puerum patefacit. Tot in ea continentur artis praecepta, describuntur vocabula, ut correptas . . . syllabas diphibongis annotare non pudeat. Nec erubescit canus homo, aerei nummi, marmorisque, & Codicum graecorum testimonia afferre, cum nulla de vocabulo sit disceptatio. Quamobrem & *Alphonso* Neapolis & Siciliae Regi, & *Antonio Sancti Marci Cardinali Eugenii IV. Nepoti*, & *Cosmo Mediceo* veterum numismatum vindicibus addendus *Nicolus*, quem nec *Cl. Bandurius* in *Bibl. Rammaria*, nec *Jo: Fabricius* in secunda *Banduriani* operis editione recensuit. Id tamen discere poterat ex *Poggii* oratione in funere *Nicolii*, quam perperam tamquam ineditam ediderunt *Tom. III. Vet. Mon. Martene*, & *Durand.* In ea inquit *Poggius*: Hic signa, & tabulae, hic veterum imagines, hic numismata usque a priori illa aetate, qua aes primum cudit, & moneta obsignari est coepta conspiciuntur. Sed plura de his alias: *Invectiva Leonardi* ita incipit: Respondissem tibi jamdudum perditissime scurra, nisi me id facere volentem amici omnes mei una cunctarum sententia vi prope adbibita retinuisent, asserentes id quod verissimum est, eam esse indignitatem tuam, atque adeo notam omnibus vecordiam, atque dementiam, ut dedecorosum michi foret tecum in certamen descendere, nec secus contemnendam hanc rabiosam procacitatem tuam censebant, quam viri puerorum, & sani furentium maledicta, & incla-

mationes solent contemnere. Fuit igitur tibi bathnus, &c.

XXVII. *Leonardi Arretini in Carolum de Maltestis propter derogationem statuæ in memoriam Meronis factæ inuestiva. Hanc nec Manettus, nec Poggius, nec Philippus Bergomas, nec alii inter Leonardi opera recensuere. Primus fuit Cl. Jo. Georgius Schelbornius, qui Tom. III. Amoenit. Litt. Pag. 22. seq. ex Cod. bibl. Krassianae Leonardo tribuit. Se P. Pauli Vergerii senioris esse supra ostendimus Incipit: Non est apud quem querar, Vir Magnificus nisi apud te, qui solus, &c.*

XXVIII. *Orazione di Messer Lionardo di Arezza Cancelliere Fiorentino detta da lui in presentia della Maestà Sua, e di tutto il popolo in sulla ringhiera quando si diè il bastone al Magnifico Huomo Niccolò da Tolentino allora nostro Capitano di Guerra la mattina di S. Jobanni Batista, cioè adì 25. di Giugno 1443. Hanc Leonardi orationem Gaddius memorat, &c. Exstat MSS. in Bibl. Mediceo-Laurentiana Plut. XXXXII. Cod. Chart. N. X. & in Musco Marchionum Guadagniorum Cod. Chart. Num. 142. & in Bibl. Riccardiana Plut. S. Ord. III. Cod. Chart. N. XXXXII. & Plut. R. Ord. III. Cod. Chart. N. XII & in aliis Codd. MSS. ejusdem Bibl., ut etiam in Gaddiana. Incipit: Di tutti gli esercizj humani Magnifico, e potentissimo Capitano, &c.*

XXIX. *Risposta fatta per Messer Lionardo d'Arezzo per parte della Signoria di Firenze, e nella presenza de Signori, e di molti altri Cittadini agli Ambasciadori del Re di Raona nell'anno 1443. Hujus meminit Gaddius, ac Philibertus de la Mare Adservatur MSS. in Bibl. Mediceo-Laurentiana Plut. XLII. Cod. Chart. N. X. & in Riccardiana Plut. R. Ord. III. Cod. Chart. Num. XII. & Plut. O. Ord. III. Cod.*

Cod. Chart. Num. XVIII. & Plut. S. Ord. III. Cod. Chart. Num. XXXXIII. Eadem quoque exstat in Bibl. Gaddiana. Incipit: Magnifico, e prestantissimo ammiraglio, e voi spectabile Cavaliere. Egli è comandamento de miei Magnifici Signori, &c.

XXX. *Orazione di Messere Leonardo d' Arezzo fatta avanti il Sig. Gonfaloniere della Giustizia di Firenze. Haec adservabatur Venetiis in Cod. Francisci Lauredani, ut pag. 97. Bibl. Venet. MSs. auctor est Philippus Tomasinus. Sed unam ex duabus superioribus esse suspicor.*

XXXI. *Difensione di Lionardo Arretino a riprendere del Popolo Fiorentino nell' impresa di Lucca. Exstat in Bibl. Laurentiana Plut. XLII. Cod. Chart. Num. X, in Riccardiana non semel, & alibi. Incipit: Da Lucca in questi giorni vennero lettere, la soprascritta delle quali si dirizzava a me proprio, &c.*

XXXII *La Vita di Dante, e i costumi, e studj di Messer Francesco Petrarca Poeti chiarissimi composta novissimamente per Messer Lionardo Cancelliere Fiorentino fatta nel MCCCCXXXVI. Petrarchae vitam edidit Patavii 1650. pag. 207. Petrarchae Redivivi Philippus Tomasinus, & cum vita Dantis recula ex Cod. MSs. Jo: Cinelli ann. 1671. Vide Plut. I. Bibl. Volantis. MSs. reperitur in Bibl. Laurentiana Plut. XXXXII. Cod. Chart. Num. XVII, & Cod. Chart. Num. X, & in aliis Codd., & in Bibl. Riccardiana plus vice simpliciter, & in Bibl. Marchionum Guadagniorum Cod. Chart. Num. 142. Incipit proemium. Avendo in questi giorni posto fine ad un Opera assai lunga, &c. Vita Dantis: Li maggiori di Dante, &c. Petrarchae vero: Francesco Petrarca, &c.*

XXXIII. *Storia di Antiocho figlio di Seleuco innamorato della Matrigna Stratonica scritta da Leonar-*

do Arretino. Hujus fabulae meminit ipsemet Ep. X. Lib. X. ad Bindacium Ricasolanum. MSS. exstat in Bibl. Abbatiae Florentinae Monachorum Cassinensium, & in Cod. MSS. Marchionis Gabrielis Riccardi Canonici Florentini.

XXXIV. Magni Basilii Liber per Leonardum Arretinum de graeco in latinum translatus ad juvenes religiosos, quibus studiis opera danda sit. Hujus versionis meminit Manettus, ac Poggius, &c. Edita fuit Brixiae 1485. per Boninum de Boninis de Ragusia ita inscripta: Magni Basilii de institutis juvenum, ut testatur pag. 179. *Annal. Typograph. Michaël Maittaireius*. Prodiit deinde Bononiae an. 1497. cum hoc titulo: S. Basilii de Liberalibus studiis, & ingenuis moribus Leonardo Arretino interprete. Vide eundem *Maittaireium* Tom. I. *Annal.* pag. 342. Postquam hanc Bononiensem editionem recensuerat Niceronus cum altera Parisiensi, subjungit hoc opusculum, quod a libello mox laudato diversum arbitratur: Basilii Magnus de legendis antiquorum libris, aitque editum fuisse Argentorati 1507. Paris. 1508. & Romae 1594. Sed hic Basilii libellus a Leonardo conversus nihil differt ab eo, de quo supra diximus, eundemque in omnibus fere Codd. MSS. diverso titulo insignitum videas: In Bibl. S. Crucis Minorum Conventualium Plut. XIII. Cod. Membr. Num. XII. ita inscribitur: Magni Basilii Liber per Leonardum Arretinum de graeco in latinum translatus ad juvenes religiosos, quibus studiis opera danda sit. In Bibl. Laurentiana Plut. LXV. Cod. Membr. Num. XV. Magni Basilii ad juvenes religiosos, quibus studiis opera danda sit: Plut. vero LXXVI. Cod. Membr. Num. XXXII. Basilii oratio de studiis secularibus traducta per Leonardum Arretinum. In Cod. XV. Collegii Lincolnensis: Liber Basilii Magni, quo pacto gentilium

*tilium libros imprimis Christianos legere oporteat translatus per Leonardum Arretinum. Consule Part. II. Catal. MSS. Angliae, & Hiberniae pag. XXXX. In Cod. 137. Bibl. Norfolcianae; Basilii Magni libellus, qui inscribitur de capeffendis artibus a Leonardo Arretino translatus. In Cod. Chart. 285. Bibl. Vindobonensis: S. Basilii Magni liber ad nepotes ex graeco in latinum translatus. Vide P. Lambecium. Tom. II. Comment. Cap. VIII. Hoc itaque unum est opusculum dissimili titulo inscriptum, nec diversa inter se opera, ut sibi fixerunt viri doctissimi, quorum nomini parco: Versioni praecedit: *Leonardi Arretini praefatio ad Colucium Salutatam*, cui hunc libellum nuncupavit: Incipit praefatio: *Ego tibi hunc librum, Coluci, ex media, ut ajunt, graecia elegi, &c.* Versio autem: *Multa sunt, fili, quae hortantur me, &c.**

XXXV. *Xenophontis Philosophi liber, qui dicitur Tyrannus a Leonardo Arretino de graeco in latinum translatus. Hanc versionem memorat Manettus, ac Pogginus, &c. MSS. adservatur in Bibl. Laurentiana Plut. LXV. Cod. Membr. Num. XV. & Plut. LXXVI. Cod. Membr. Num. XXXXII. & in Bibl. Sanctae Crucis Minorum Conventualium Plut. XXII. Part. sinistrae Cod. IX. Exstat etiam in Ambrosiana Mediolanensi A. 166. & N. 104. & alibi. Praecedit: Leonardi Arretini praefatio in Librum Xenophontis ad Nicolaum Nicosi, cui dicatum est opusculum, incipitque: *Xenophontis Philosophi quemdam librum, &c.* Deinde: *Xenophontis philosophi liber, qui dicitur Tyrannus, incipit. Initium tale est: Cum ad Hieronem tyrannum Simonides poeta aliquando venisset, &c.* In Cod. Membr. Plut. XXII. Bibl. S. Crucis, de quo nuper mentionem fecimus, reperi inter alia Basilii sermonem, de quo supra, & hunc Xenophontis*

tis Tyrannum ex versione Arretini, deinde nonnulla e *Luciano* conversa, & in fine hujus *Lucianae* conversionis haec leguntur: *Explicit feliciter 1403. 16. Maii. Scripta sunt haec Florentiae*. Ex his patet has versiones omnium primas ab eo elaboratas, tum cum *Chrysoloras* Florentia abiit. Et sane in *Epist. ad Nicolum Xenophonteam* versionem *primitias suorum studiorum* adpellat: testaturque *Poggius*, *Basilii* Sermonem translatum ab eo fuisse, cum adhuc *graecis auctoribus Florentiae* vacaret, &c.

XXXVI. *Marci Antonii Vita per Leonardum Arretinum e graeco in latinum traducta*. Hujus versionis meminit *Manettus*; editaque fuit *Basileae* apud *Isingrinium* 1542. cum his omnibus, quae sequuntur. MSs. exstat in *Bibl. Laurentiana Plut. LXV. Cod. Membr. Num. XXVII*, & *Cod. Chart. Num. XXVIII. & Plut. LII. Cod. Membr. Num. X.* & alibi saepissime. Praecedit: *Prefatio Leonardi Arretini in Vita M. Antonii ad Colucium Salutatum*. Initium tale est: *Marci Antonii vitam multiplici, ac varia historiarum serie contextam*, &c. sequitur *Vita: Marco Antonio avus fuit Antonius Orator*, &c.

XXXVII. *Vita Pyrrhi Epirotarum Regis per Leonardum Arretinum ex Plutarcho in latinum versa*. Hujus meminit *Manettus*. MSs. exstat in *Bibl. Laurentiana Plut. LXV. Cod. membr. Num. XXVI. & Cod. Chart. Num. XXIX.* & alibi. Initium tale est: *Tbesprotis, & Molossis post Diluvium Phetonta primum imperasse tradunt*, &c.

XXXVIII. *Vita Pauli Emilii ex Plutarcho per Leonardum Arretinum in latinum translata*. Hanc memorant *Manettus*, ac *Poggius*, &c. MSs. adservatur in *Bibl. Laurentiana Plut. LXV. Cod. Membr. Num. XXVI. & Chart. Num. XXVIII. & alibi*. Incipit: *Emiliorum*
fa-

familiam in urbe Roma patriciam sane, ac vetustam fuisse, &c.

XXXIX. *Tiberii, & Caii Gracchorum vita per Leonardum Arretinum ex Plutarcho traducta.* Hanc memorant Manettus, ac Poggius. MSs. exstat in Bibl. Laurentiana Plut. LXV. Cod. Membr. Num. XXVI. & Cod. Chart. Num. XXIX. & alibi. Incipit: *De Agide, & Cleomede, quae dicenda fuerunt, superius enarratis, &c.*

XXXX. *Q. Sertorii vita per Leonardum Arretinum in latinum conversa.* Hanc memorant Manettus, ac Poggius. MSs. adservatur in Bibl. Laurentiana Plut. LXV. Cod. Chart. Num. XXIX. & Membr. Num. XXVII. & alibi. Praecedat: *Prefatio Leonardi Arretini ad Antonium Luscum, cui hanc versionem nuncupat.* Incipit: *Credo nonnumquam tibi evenisse Antoni carissime, &c.* sequitur *Vita: Non est fortasse mirandum per infinitum tempus, &c.* In Bibl. Riccardiana Plut. Q. Ord. III. Cod. Chart. Num. XV. adservatur haec eadem vita in linguam italicam versa, &c.

XXXXI. *Catonis Uticensis vita: Leonardus Arretinus transtulit.* Hanc recensent Manettus, ac Poggius. MSs. exstat in Bibl. Laurentiana Plut. LXV. Cod. Chart. Num. XXVIII. & Membr. Num. XXVI. & alibi. Incipit: *Catonis genus principium dignitatis, & gloriae, &c.*

XXXXII. *Vita Demosthenis Oratoris: Leonardus Arretinus traduxit.* Hujus meminit Manettus. MSs. exstat in Bibl. Laurentiana Plut. LXV. Cod. Chart. Num. XXVIII. & Membr. Num. XXVII. & in aliis Bibl. saepissime. Incipit: *Demosthenis Pater Demosthenes, ut Theopompus historicus tradit, &c.* Hae sunt illustrium Virorum vitae, quas ex Plutarcho traduxisse testantur Manettus, ac Poggius.

In

In *Plut. LII. Bibl. Laurentianae Cod. Chart. Num. XXVII.* ubi plura *Arretini* opera continentur, reperitur: *Thesei vita ex Plutarcho.* Incipit: *Theseus quia non, &c.* Et sane *Jo: Britannicus* in *Ep. ad Senat. Populumque Brixientem* auctor est: *Leonardum ex Plutarcho vitas multorum in latinum transtulisse.* Consule *Part. I. Spec. Litt. Brixianae pag. 82.* Imo *Leonardus* ipse in *Ep. ad Colucium vitae M. Antonii* praefixa: *habemus, inquit, in animo hos omnes Plutarchi viros in latinum convertere, &c.* Itaque utrum illa *Thesei vita* ab *Arretino* latina civitate donata sit, judicent eruditi.

XXXXIII. *Platonis epistolae per Leonardum Arretinum de graeco in latinum traductae.* Has recensent *Manettus, ac Poggius.* MSS. adservantur in *Bibl. Mediceo-Laurentiana Plut. LXXVI. Cod. Membr. Num. XLIII. & Num. XLII. & Num. LVII. & alibi.* Praecedit: *Leonardi Arretini praefatio in Platonis epistolas de graeco in latinum traductas ad Cosmum Medicem.* Incipit: *Inter clamorosos strepitus, negociorumque procellas, &c.* deinde: *Argumentum.* Incipit: *Ter Syracusas profectus est Plato, &c.* Postremo sequuntur epistolae, & haec sunt. I. *Dion Syracusanus Dionysio, & fratribus:* Incipit: *Ego tam longa vobis opera, &c.* II. *Platonis epistola ad Dionysium:* Incipit: *Audiui ex Archidamo te censere, &c.* III. *Platonis ad Dionysium:* Incipit: *Petis, an rectius ponatur, &c.* IV. *Plato Atheniensis Dioni Syracusano:* Incipit: *Puto manifestam per omne tempus fore, &c.* V. *Plato Atheniensis Perdiccae:* Incipit: *Eufreo suasi, &c.* VI. *Idem Hermiae, Erasto, & Dorisco:* Incipit: *Michi quidem videtur, &c.* VII. *Idem Hipparino, ceterisque Principibus Syracusas tenentibus:* Incipit: *Scripsistis michi censere vos, &c.* VIII. *Idem Syracusanis, & sociis:* Incipit: *Qua-*
ma-

maxime sententia prospere succedent res , &c. IX. Idem *Architao Tarentino* : Incipit : *Venerunt ad nos Archippus , & Philomedes , &c.* X. *Aristodoro* . Incipit : *Audio te imprimis familiarem esse Dionis , &c.* XI. *Amyntae* . Incipit : *Scriptissimus tibi jam prius referre multum , &c.* XII. Incipit : *Quae venerunt commentaria mirabile , &c.* Ad calcem Cod. LVII. Laurentiani legitur : *Antonius Marii filius Florentinus civis absolvit Florentiae VII. Kal. Julias 1427. Valeas feliciter Cosma mi suavissime .*

XLIV. *Liber Platonis , qui dicitur Pbedon de immortalitate animae a Leonardo Arretino traductus .* Hunc memorant *Manettus , ac Poggins .* MSs. exstat in *Bibl. Laurentiana Plut. LII. Cod. Membr. Num. II. & Plut. LXV. Cod. Membr. Num. XV. & Plat. LXXVI. Cod. LVII. & alibi .* Praecedit : *Leonardi Arretini prefatio in Pbedonem Platonis ad Innocentium VII. Incipit : Qui laudant tuam Sanctitatem , &c. deinde : Incipit Liber Platonis qui dicitur Pbedon de immortalitate animae .* Initium est : *Ipse adfuisse , o Pbedon , ea die , qua Socrates venenum bibit in carcere , &c.*

XLV. *Platonis Gorgias a Leonardo Arretino ex graeco in latinum traductus .* Hunc memorant *Manettus , & Poggins .* MSs. exstat in *Bibl. Laurentiana Plut. LII. Cod. Membr. Num. II. Incipit : Belli & pugnae oportere ajunt , o Socrates , ita participem esse , &c.*

XLVI. *Platonis Philosophi Liber , qui dicitur Pbedrus : Leonardus Arretinus traduxit ex graeco .* Hujus meminit *Manettus .* MSs. adservatur in *Bibl. Laurentiana Plut. LXXVI. Cod. Membr. N. XLIII. & alibi .* Praecedit : *Prefatio ad Antonium Luscum , cui hunc libellum nuncupat , eaque incipit : Subgloriarī licet , videntissime Lusche , praesertim ad te scriben-*

benti, &c. deinde: Argumentum: Incipit: Lyffias fuit, &c. Postremo sequitur versio: O amice Pbedre, quonam, & unde, &c.

XLVII. *Platonis Crito, vel de eo quod agendum Leonardo Arretino interprete. Hujus versionis meminit Manettus. MSs. exstat in Bibl. Laurentiana Plut. LXXVI. Cod. LVII. & Cod. Membr. Numer. XLIII. & alibi. Praeit: Argumentum in Librum Platonis Crito: Initium est: Damnato Socrate, & in carcerem truso, &c. sequitur deinde versio: Quid tu hoc temporis venisti, o Crito? &c.*

XLVIII. *Leonardi Arretini Apologia Socratis. Hujus versionis meminit Manettus. Vir Cl. Niceronus Tom. XXV. Memor., dum tradit hanc apologiam excusam fuisse Bononiae 1502, eandem Xenophontis esse putavit. In Cod. quoque XXXIX. Collegii S. Mariae Magdalenae Oxonii legitur: Xenophontis apologia Socratis per Leonardum e graeco. Vide Part. II. Codd. MSs. Angliae, & Hiberniae pag. LXXIII. Sed e graeco Platonis a Leonardo conversam fuisse aperte nos docet idem Manettus. MSs. adservatur in Bibl. Laurentiana Plut. LXXVI. Cod. Membr. Num. LVII, & Cod. Membr. Num. XLIII. & alibi. Praeit: Leonardi Arretini argumentum in Apologiam Socratis. Initium est: Socrates Philosophus vir omnium innocentissimus, atque justissimus, &c. sequitur deinde versio: Quid vobis acciderit Iudices, &c.*

XLIX. *Aristotelis Ethicorum Libri decem secundum translationem Leonardi Arretini. Hujus versionis meminit Manettus, ac Paggius, editamque fuisse per Henricum Stephanum Paris. 1504. & ann. 1510. testatur Cl. Niceronus. Ascensianam Parisiensem ann. 1516. adjunxit Cas. Oudinus, &c. MSs. exstat in Bibl. Laurentiana Plut. LXXIX. Cod. Membr. Num.*

XIV. & in aliis Plutei ejusdem Codd. Adservatur etiam in *Cod. Chart. Abbatiae Florentinae Cassinensium*, & in *Bibl. S. Crucis Minorum Conventualium Plut. XII. sinistrae Part. Cod. Membr. N. X.* & in aliis *Bibl.* saepissime reperitur. Incipit: *Omnis ars omnisque doctrina, similiter autem actus & electio, &c.* Praecedit: *Praemissio quaedam ad evidentiam novae translationis.* Incipit: *Aristotelis Ethicorum libros facere latinos nuper institui, &c.* Hanc versionem *Martino V.* nuncupavit *Leonardus*. Incipit *Epist. Nuncupatoria*. Non novum esse constat *Beatissime Pater, &c.*

L. *Aristotelis Politicorum Libri VIII. per Leonardum Arretinum in latinum traducti.* Hanc versionem memorat *Manettus*, ac *Poggius, &c.* eandemque editam fuisse *Venetis 1504, & ann. 1505, & 1511, & 1517.* testatur *Niceronus*. Ego vidi editionem *Basileensem an. 1538.* MSs. adservatur in *Bibl. Mediceo-Laurentiana Plut. LXXIX Cod. Membr. Num. XXVI,* & in aliis ejusdem Plutei Codicibus. Eadem reperitur in MSs. *Abbatiae Cassinensis, Marchionum Riccardiorum, Minorum Conventualium, Marchionum Guadagniorum, in Cod. Membr. Bibl. Caesareae Vindobonensis Num. 222, ut Lib. II. Comment. Bibl. Caesareae Cap. VIII.* tradit *Clar. P. Lambecius, &c.* Duplicem praefationem exhibent Codices. Una est ad Lectorem, qua se jam libros *Ethicorum* transtulisse scribit. Altera vero est *Epistola nuncupatoria ad Eugenium IV,* cui hanc versionem ann. 1437 consecravit, ac per *Flavium Blondum* eidem Pontifici a secretis obrulit. Vide *Ep. XIV. Lib. X.* quam nunc primum producemus, & *Ep. I. Lib. VIII.* Quanta humanitate munus acceperit Pontifex, constabit ex *Epist. ejusdem Blondi ad Leonardum scripta ex Bononia VIII. Idus Martias,* quam nos cum nonnullis

nullis aliis publicae luci donabimus. Incipit Aristotelica versio: *Inter moralis disciplinae praecepta, quibus humana vita instituitur, &c.*

LI. *Oeconomicorum Aristotelis libri duo a Leonardo Arretino in latinum conversi.* Hujus versionis meminit Manettus, ac Poggius, &c. Prodiit cum libris Politicorum, de quibus nuper diximus, librumque primum excusum etiam vidi Basileae 1538. MSS. adservatur in Bibl. Laurentiana Plut. LXXIX. Cod. Membr. N. XXI. & N. XVII. & N. XVIII. & N. XIX. & Num. XXIII, &c. & in omnibus fere MSS. Bibl. occurrit. Praecedit: *Leonardi Arretini prefatio in libros Oeconomicorum Aristotelis ad Cosmam Medicem.* Incipit: *Pretiosa sunt interdum parvi corporis, &c.* Traductionis initium tale est: *Res familiaris, & res publica inter se differunt, &c.* sequitur deinde: *Leonardi Arretini Commentarium super primum Oeconomicorum Aristotelis.* Haec libri primi explicatio ita incipit: *Res familiaris, & res publica inter se differunt diximus supra in proœmio, &c.* Hanc explanationem excipit: *Commentarium Leonardi Arretini super secundum Oeconomicorum.* Principium ita se habet: *Probam mulierem omnibus: In rei familiaris disciplina consideratio habetur, &c.* Porro de his duobus explanationum in Oeconomica Aristotelis libris mentionem facit idem Manettus, ac Poggius.

LII. *Oratio Aeschinis in Ctesiphontem a Leonardo Arretino in latinum traducta.* Hanc excudit Cratander Basileae ann. 1528, ut testantur Oudinus, Niger, Niceronus, &c. qui addit editionem ann. 1540. MSS. exstat in Bibl. Laurentiana Plut. LIII. Cod. Membr. Num. XVII, & Plut. LIV. Cod. Membr. Num. XVIII, & alibi, &c. Incipit: *Quanti conatus parentur, viri Athenienses, ad hoc iudicium oppugnandum, quantisque precibus, &c.*

LIII. *Oratio Demosthenis contra Aeschinem a Leonardo Arretino in latinum e graeco traducta*. Hanc quoque eodem an. 1528. Basileae edidit *Cratander*, proditque etiam an. 1540. MSS. adservatur in *Bibl. Laurentiana Plut.* LIII *Cod. Membr. N. XVII*, & *Plut.* LIV. *Cod.* pariter *Membr. N. XVIII*, & alibi passim. In *Cod.* quoque. *Chart.* 285. *Bibl. Caesariae Vindobonensis* exstare nos docuit *Lib. II. Comment. Cap. VIII. Cl. P. Lambecius*, traditque adjunctam esse praefationem ad *Dn. B. Episcopum Cremonensem*, idest *Bartholomaeum Capram*, cui hanc versionem nuncupavit *Arretinus*. Praecedit: *Argumentum in orationem Demosthenis contra Aeschinem Leonardi Arretini*. Incipit: *Adversus Philippum Macedoniae Regem, &c.* Versionis vero initium ita se habet: *Primum quidem, viri Athenienses, Deos, atque Deas omnes precor, &c.* Ad calcem *Cod. XVII. Plut. LIII. Bibl. Laurentianae* haec leguntur: *Leonardus Arretinus hanc Demosthenis orationem ex graeco in latinum convertit, quam VII. Kal. Maii Romae absolvit feliciter. Intellige VII. Kal. Maii ann. 1407. Vide Ep. X. Lib. II. ad Nicolaum.*

LIV. In *Bibl. Laurentiana Plut. LIII. Cod. Membr. Num. XVII.* exstat alia *Demosthenis* oratio a *Leonardo Arretino* traducta, quae titulo caret: Incipit: *Nequaquam eadem mihi videor intelligere, viri Athenienses, &c.* Est traductio *Olynthiacae* tertiae.

LV. In *Plut.* eodem *Bibl. Laurentianae Cod. Membr. Num.* pariter *XVII.* hanc quoque *Demosthenis* orationem a *Leonardo* conversam sine titulo vidi: Initium hujusmodi est: *Par quidem fuerat, Viri Athenienses, eos omnes, qui apud vos sententiam dicunt, nec inimicitia, nec gratia commoveri, sed quod optimum quisque factu putaret, id dicendo ostendere, praesertim cum vos de publicis rebus maximis*
atque

atque gravissimis consulatis, &c. Est, ni fallor, Δημοσθένης ὁ περὶ τῶν ἐν χειρὶ ἡμῶν λόγος, atque hanc orationem transtulit per vacationem Romanae Sedis, ut scribit ipsemet *Nicolo Ep. V. Lib. II.*, nempe mense Novembri ann. 1406. Porro quatuor alias Demosthenis orationes transtulisse innuit *Manettus*, qui ejus *Orationum Libros septem* vertisse tradit. Sed de Demosthenicis versionibus ita *Leonardus Ep. IV. Lib. IX.* Sed ne suspicetur *Alphonsus*, illud sciat, nos non modo illas, sed alias insuper satis multas Demosthenis orationes, quas *Cicero* numquam attingit, e graeco traduxisse, ut satis grande volumen earum a nobis traductarum existat.

LVI. *Leonardi Arretini traductio actus primi primae Comoediae Aristophanis*. Haec adservabatur Venetiis in *Bibl. Josephi de Aromatariis*, ut pag. 94. *Bibl. Venet. MSr.* testatur *Philippus Tomasinus*. Aristophanis quoque comoediam a Leonardo conversam recenset *Manettus*. Enumerat *Philibertus de la Mare* inter *Leonardi nostri opera*: *Comoedia Polixenae Leonardi Arretini Poetae Comici*. Idem esse puto.

LVII. *Theana ad Nicostratam*: Haec epistola e graeco a Leonardo translata exstat in *Bibl. Ambrosiana* in 4. H. XXI, ut mihi indicavit Celebr. *Josephus Antonius Saxius*, qui a me rogatus, humanissime, ut solet, ejus initium mihi significavit, quod ita se habet: *Audio virum tuum pellicis amore insanire, teque ob eam rem affici, &c.* Est secunda ex epistolis, quae sub *Theanus* nomine circumferuntur, quam pag. 742. Qp. *Mythol.* edidit Cl. *Thomas Gale*, aliique. Vide *Fabricium Lib. II. Bibl. Graecae Cap. X. pag. 420*, qui hanc versionem ignoravit. Haec graece exstat, si recte memini, in *Bibl. Laurentiana Plut. LV. Cod. Membr. Num. II*, ubi plures *Libanii* epistolae, ex quibus XLII. ineditas excerptae ann.

1698. *Fridericus Rossgaard*, quas nuper edidit *Wolpius*.

LVIII. De *crudeli amoris exitu Guisguardi, & Sigismundae Tancredi Salernitanorum Principis filiae*. Haec versio edita fuit *Turon. in 4. in Domo Archiepiscopi ann. 1467. pridie Kal. Januarias* ita inscripta, ut *Tom. I. Annal. pag. LII. testatur Cl. Maistairius. Libellus de duobus amantibus in Latinum ex Boccacio transfiguratus per Leonardum Arretini*: ac conjungitur cum alio libello, cui titulus: *Francisci Florii de amore Camilli, & Aemiliae*. Vide eundem *Maistairium pag. LXII. Reperitur etiam pag. 955. Op. Pii II. inter epistolas Num. 410*, unde deceptus *Cl. Menagius* perperam *Tom. II. Antibail.* hanc versionem *Aeneae Sylvio* tribuit; ut observavit *Tom. XXV. Memor. P. Niceronus*. MSs. existat in *Bibl. Ambrosiana in 4. O. LVII, & alibi passim*. Inter *Codd. MSs. Cl. V. Stephani Baluzii*, ut ex *Tom. III. Bibl. Baluz. pag. 108. didici, adservabatur: Liber de Amoribus Guisguardi, & Sigismundae filiae Tancredi Principis Salernitani traductus de graeco in latinum a Leonardo Arretino*. Sed scriptoris errorem esse puto. Apud *Cl. P. Lambecium. Lib. II. Cap. VIII. ex Cod. Chart. 285. memoratur: Jo: Boccacii Libellus de insigni obedientia, & fide uxoria ex italico in latinum translatus a Leonardo Arretino, cuius etiam praefatio ad Boccacium praefixa est*. Eandem *Leonardi* versionem esse putabat *Cl. Fabricius*. Sed perperam: Nam pro *Leonardo Arretino* legendum *Francisco Petrarcha*, quod patet ex *Cod. 91. ejusdem Bibl. Caesareae*, ubi reperitur inter alia: *De fide uxoria, & insigni, atque admirabili obedientia auctore Francisco Petrarcha*. Porro *Boccacii* quoque fabulam transtulerat idem *Franciscus Petrarcha*. An res ita se habeat, videant ii, qui Codicis inspiciendi co-

Tom. I.

†††††

piam

piam habent. Epistola ad *Ricasolanum* ita incipit: *Cum saepius mecum egisses, ut fabulam illam Bocca-*
cii, &c. Versio autem: Tancredus fuit Princeps Sa-
lernitanus vir mitis quidem, &c.

LIX. *Leonardi Arretini Epistolarum Libri VIII.*

MA 3457 Hos octo Epistolarum libros recensuit etiam *Manet-*
tus. Prima editio lucem adspexit ann. 1472. fol. ab
Antonio Moreto, & Hieronymo Alexandrino procura-
 ta. De hac ne verbum quidem *Cl. Maistairius Tom.*
I. Annal. Typograph. Edit. primae, alteram siquidem
 nondum vidi. Hujusmodi epistolarum editionem pe-
 nes se habere mihi per litteras significavit *V. Cl. Apo-*
stolus Zenus. Nuncupata fuit *Jacobo Zeno Episcopo*
Patavino viro doctissimo, & jurisconsultissimo, cui
Plautum quoque suum consecravit *Georgius Meru-*
la. Vide *Specimen Litteraturae Brix.* Part. I. pag.
 IV. seq., &c. Epistolam *Antonii, & Hieronymi* ad *Ce-*
leb. illum Antistitem supra pag. VI integram ad-
 tulimus. Eadem editio cum eadem nuncupatoria
 epistola, eademque forma recusa fuit ann. 1495, ut
 supra diximus; & in fine legitur: *Leonardi Arreti-*
ni Epistolarum Familiarium liber octavus, & ultimus
fnit. Die XV. Mensis Junii MCCCCLXXXV. In
 utraque deest locus, ubi impressa fuit. Nos tamen
Brixienfes editiones adpellavimus. Tertia editio
 prodiit Augustae 1521 apud *Knoblochium*, quarta
 vero *Basileae* 1535 apud *Henricum Perri*. Deni-
 que *Cl. Albertus Fabricius* ann. 1724. *Basileensem*
 editionem recudit. Sed hae & numero epistolarum,
 & typographicis mendis longe deteriores sunt. Hi
 octo Epistolarum Libri MSs. exstant *Plut. LII. Bibl.*
Laurentianae Cod. Membr. Num. VI, & Codd. Chart.
Num. VII., & Num. XXIII., & alibi passim. Non-
 nulli tamen Codd. MSs. reperiuntur, in quibus non
 octo, sed novem Epistolarum Libri continentur, &
 hanc

hanc *Leonardi* ipsius collectionem esse arbitror. Illis, quos pag. IX. *Epist. ad Lectorem* indicavimus, adde *Cod. Oxoniensem*, de quo *Baelius*, *Niger*, &c. Exstat videlicet in *Bibl. Bodleiana Cod. 1352.* olim *Gustielmi Laudi Archiepiscopi Cantuariensis*. Vide *Part. I. Catal. MSS. Angliae & Hiberniae pag. LXX.* Simili MSS. Codice *Negelinum* usum fuisse suspicor, &c. Praeter has epistolas in unum collectas, plurimae quoque huc, illuc sparsae inveniuntur, & quidem titulo ita diverso, ut *Lectorem* possint decipere. In *Bibl. Ambrosiana in 4. R. XXI.* adservatur: *Leonardi Epistola de Regia Potestate*. Rogatus a me *Cl. Saxius* tale esse initium significavit: *Melius erat, o Cyriace, non tantum sapere, quantum sapis, &c.* Ex quo intelligitur esse *Epist. IX. Libri VI.* In *Bibl. Riccardiana Plut. S. Ord. III. Cod. Chart. Num. XXXXIII.* exstat: *Epistola di Messer Lionardo de fatti, e antichità di Rimini, e de dittonghi, e della magnificenza del Signor Carlo Malatesta Signore della detta Terra.* Est epistola IX. Libri III. italice traducta. Praeter familiares *Leonardi* epistolas plurimae etiam in MSS. Codd. occurrunt, quas *Reip. Florentinae* nomine ad Principes, diversosque Italiae Populos scripsit. In *Bibl. Laurentiana Plut. XXXXIII. Cod. Chart. Num. XVII.* reperitur: *Lettera mandata per Fiorentini a Viniziani per Messer Lionardo d'Arezzo.* Incipit: *Illustris, atque excelso Domine, Amice Karissime. Quoniam per effectum operis manifeste deprehendimus, &c.* Haec missa fuit pridie Idus Apriles. ann. 1438., adservaturque etiam in *Bibl. Riccardiana Plut. O. Ord. II. Cod. Chart. Num. XXVI.* & in *Cod. Chart. Num. 142. Marchionum Guadagniorum.* In Eodem Codice eorundem Marchionum delitescit: *Lettera di Messer Leonardo, scritta in nome del Comune di Firenze a Signori Anziani, e Comune di Lucca.* Initium tale

est: *Se si cercano le cose antiche, ec.* In *Plut. XXXXIII. Bibl. Laurentianae Cod. XXIV.* legitur inter alia: *La presente lettera mandarono i nostri Magnifici Signori al Popolo della Città di Volterra, tornati che furono alla divotione del Comune composta per Messer Lionardo d'Arezzo nostro Kancelliere.* Incipit: *Nobiles Viri, Amici Charissimi.* Le cose humane secondo che ne mostra la experientia, pare che, *ec.* In *Bibl. Gaddiana, & Riccardiana Plut. O. Ord. II. Cod. Chart. Num. XXVI., & Plut. S. Ord. III. Cod. Chart. Num. XXXXIII.* invenitur: *Lettera al Conte Francesco Sforza, quae ann. 1438. nomine Decemvirum a Leonardo scripta fuit.* Sed de his satis, quum has omnes cum multis aliis ejusdem generis in lucem producturus sim.

LX. *Formule di soprascritte per lettere.* Hae exstant in *Bibl. Riccardiana Plut. P. Ord. I. Cod. Chart. Num. XXX. & Plut. S. Ord. III. Cod. Chart. Num. XXXXVI.* Harum etiam meminit *Cl. Philbertus De la Mare.* In *Bibl. Laurentiana Plut. XXXXIII. Cod. Chart. Num. XVII.* in quo nonnulla *Leonardi* carmina adservantur, reperitur: *Copia Suprascripturarum Litterae Domini Florentini.* Incipit: *Papae: Sanctissime, ac Beatissime in Christo Pater, & Domine Ven. & unice Vicariae Jesu Christi.* Utrum sint hae formulae *Leonardi* nostri, me latet. In *Bibl. quoque Riccardiana Plut. M. Cod. Chart. Ord. III. Num. VII.* ubi carmina nescio quae *Leonardi Arretini* leguntur, reperi: *Soprascritte: ad un Vescovo: Reverendo in Christo Patri Domino, Domino Episcopo Fesulano, &c.* Quae quidem an *Leonardo* tribuendae sint, mihi non liquet. &c.

LXI. *Canzone Morale di Messer Lionardo, nella quale tratta della felicità referendo le oppinioni de Philosophi.* Hanc edidit *Vol. III. Poes. Ital. Jo. Crescim-*

scimbenius . MSs. exstat in *Bibl. Laurentiana Plut. XXXXIII. Cod. Chart. Num. XVII. & Plut. XXXXI. Cod. Chart. Num. XXXXI.* Eadem adservatur in *Bibl. Riccardiana Plut. O. Ord. IV. Cod. Chart. Num. XII. & Plut. M. Ord. III. Cod. Chart. Num. VII.* Incipit : *Lunga quistion fu gia tra vecchi saggi, &c.* De hac supra .

LXII. *Chanzona Morale di Messer Lionardo da Rezzo a laude di Venere.* Hanc reperi in *Plut. XXXXIII. Bibl. Laurentianae Cod. Chart. Num. XVII. & Plut. XXXXI. Cod. Chart. Num. XXXXI., & in Bibl. Riccardiana Plut. S. Ord. III. Cod. Chart. N. XXXXII.* Incipit : *O Venere formosa , o sacro lume , &c.* De hac quoque supra diximus .

LXIII. *Sonetto di Leonardo da Rezzo :* Hoc italicum epigramma ex Codd. MSs. *Bibl. Vaticanæ , ac Barberinæ* edidit V. Cl. *Leo Allatius* . MSs. legi in *Cod. Membr. Marchionum Guadagniorum Numer. 119., & in Bibl. Riccardiana Plut. O. Ord. III. Cod. Chart. Num. XXXII. :* Incipit : *Veggio spenta merzè sopra la terra , &c.* Plura quoque sparsim de variis rebus latina carmina , & ea quidem egregia composuisse ex *Jannotio Manetto* supra docuimus .

Recensui jam *Leonardi Arretini* scripta, quae quidem in Codd. MSs. his oculis egomet vidi, titulumque omnium ex iisdem excerpti, quem tibi exhibui. Neque tamen id mihi negotii datum credidi, ut omnes Bibliothecarum Florentinarum MSs. enumerarem, in quibus eadem *Leonardi* opera leguntur. Innumeros quoque Codices Gallicos, Anglicos, Germanicos, Italicos praetermisi, qui ea ipsa continent, quum operam meam in prolixa, ac prorsus inutili Codd. MSs. recensione insumere supervacaneum esse duxerim. Reliquum est, ut nonnulla indicem, quae in exteris delitescent Bibliothecis, quumque eadem inspicere non potuerim,

ana *Leonardi Arretini* ingenio profecta sint, affirmare non audeo. Itaque Oxonii Cod. XXXIX. Collegii S. Mariae Magdalenae extat: *Dialogus inter Ciceronem & Philistum*. Vide Part. II. Codd. MSS. Angliae, & Hiberniae pag. XXXII. In Cod. XV Collegii Lincolnienfis adservatur: *Leonardus Arretinus ad Eugenium in duas Basilii Homilias*. In Bibl. vero Regia Taurinensi: *Ptolemaei Almagestum Leonardo Arretino interprete*, ut testatur Cl. Montfauconius, qui etiam nos docet extare in Regia Paris. *Odysseam Homeri per Leonardum Arretinum versam*, quam olim possidebat Aegidius Cardinalis Viterbiensis. Eamdem quoque versionem *Leonardi* foetum esse putabat Labbeus in Bibl. MSS. In Cod. XVII Collegii Etonensis in Anglia: *Bellum Sacrum Arretini*, quod Leonardo nostro in Catal. Codd. Angliae tribuitur: sed hoc opusculum est *Benedicti Accolti*. Dum *Leonardi* opera recenset *Jacobus Gaddius*, tradit in sua Bibl. extitisse: *In Orationes Demosthenis, & historiarum latinarum Cornelii Neposis, &c. Vitam Attici, &c. Tractatum de sphaera, & vitam Ciceronis vulgarizata per lo illustre M. Lionardo du Rezzo nobilissimo Poeta*. Sed de hac versione supra mentionem fecimus. Item: *Pro honore Secretariorum contra Advocatos*. Quod nihil aliud esse puto, quam *Epist. V. Lib. V. ad Martinum V.* In Regia Paris. teste Cl. Montfauconio delitescit: *Leonardus Arretinus de Bello Trojano; & Vita Caesaris, & Pompeii per Leonardum Arretinum*. Adfirmat Labbeus pag. 208. Bibl. MSS. Supplem. IV. extare in Bibl. Carmelitarum Excalceatorum Claromontensium in Arvernia: *Epistolae Phalaridis a Leonardo Arretino traductae*. At istius pseudophalaridis epistolas in graecum transtulit non *Leonardus*, sed *Franciscus Arretinus*, ut prae se ferant omnes MSS. Codices, & sub *Francisci Arretini*

tini nomine bis prodire ann. 1471. ut *Tom. I. Annual Typograph. pag. 91.* observavit *Cl. Maittairius*,
 editionemque etiam ann. 1475. memorat *Tom. III. Amoenit. pag. 130 Georgius Schelbornius*. In opus-
 culo *Jo: Alberti Fabricii*, quod ille ann. 1689. edi-
 dit ita inscriptum *Decas Decadum, sive Centuria*
Plagiariorum, recusumque cum aliis *Fabricii* ejus-
 dem opusculis *Hamburgi 1738, Num. VIII. pag.*
XIII, ubi de his epistolis sermo habetur, haec
 leguntur: *Has Latine emisit Leonardus Arretinus*
Florentiae 1480. Quamobrem a *P. Baelio* reprehен-
 sus, quod *Leonardus* ann. 1444. diem suum objerit,
Tom. I. Bibl. Graecae pag. 406. errorem corrigens:
Aliam, inquit, *pridem versionem adornaverat Fran-*
ciscus Arretinus Florentiae 1480. Omisit tamen edi-
 tiones, quas nos nuper ex *Cl. Schelbornio*, ac *Mait-*
tairio indicavimus. In *Bibl. Marquadi Gudii V. Ce-*
leb. adservabatur: Codex Chartaceus Terentii manu
Leonardi Arretini scriptus cum ejusdem notis. Con-
sule Catal. Bibl. Gudianae pag. 538. In fine *Cod.*
MSs. haec inveniebantur: *Finit feliciter Leonardus*
Arretinus in Monasterio Florentino A. D. 1478. vi-
 tio procul dubio oscitantis librarii, nam multo ante
 e vita excesserat *Leonardus*. Nonnulla quoque his
 similia recenset *Philibertus de la Mare*: Videlicet:
Officiorum Romanorum nomina: Leonardi Arretini
de Institutione ad Herennium: Proëmium in Oratio-
nes Homeri: Della Liberalità al Popolo Aretino, &c.
Memini me legere in quodam Catal. Bibl. MSs. Notae
Leonardi Arretini in Orationem Ciceronis pro Quintilio:
itemque: Oratio M. Tullii Ciceronis pro Marcello
vulgarizzata per Dominum Leonardum Arretinum, &c.
 Circumfertur etiam sub *Leonardi Arretini* nomine
 libellus ita inscriptus: *L' Aquila composta per il Ma-*
gnifico, & eccellentissimo huomo Messer Leonardo Are-
tino,

LXXXVIII LEON. BRUNI SCRIPT.

*tino, e da quello curiosamente traslatata de Latino in volgare sermone. Hujus nonnullas editiones recenset Cl. Niceronus. Sed haec omittamus, & Jan-
notium Manettum splendide, apte, atque orate dicentem audiamus.*



JANNOTII MANETTI

ORATIO FUNEBRIS

*In solenni Leonardi Historici, Oratoris, ac Poëtae
Laureatione incipit feliciter.*



immortales Musae, divinaeque Camoenae, praestantissimi Cives, vosque alii clarissimi Viri hujus tam lugubris, atque tam luctuosi spectaculi Veneratores, in hac publica funebrium laudum celebritate vel graece, vel latine per se loqui, aut flere potuissent; nequaquam nostro labore opus fuisse videretur. Ipsae enim hoc luctuosissimum Leonardi nostri praeclarissimi, ac singularissimi alumni sui funus non solum verbis, sed lacrymis etiam copiosissime simul, atque elegantissime celebrassent. Verum quoniam ex praecipua quadam, & pene incredibili earum dignitate, majestateque in publicum prodire, ac flere non consueverunt; ut haec dicendi, flendive munus in hujusmodi funebribus alumnorum suorum laudationibus ab hominibus susciperetur, voluisse perhibetur, quandoquidem jampridem in hunc modum usitatum fuisse accepimus, ut dignae defunctorum virorum laudes a vivis mortalibus agerentur. Cum igitur Magnifici hujus inclitae Civitatis Praefides talem Musarum naturam, ac tam diuturnam in publicum non prodeundi, flendive consuetudinem jamdudum a conditione Orbis ex litterarum monumentis repetita memoria fuisse intelligerent; priscum Graecorum, ac Romanorum majorum nostrorum morem imitari in ornandis clarissimis viris, vatibusque laureandis, quam immortalem Leonardi nostri gloriam perpetuo Reip. silentio obscurare maluerunt. Quamobrem etsi magnam quandam in hac eorum

rum Civitate eloquentissimorum virorum copiam, ac multitudinem florere cognoscerent, quibus vel ingenio, vel doctrina, vel dicendi facultate par esse non poteram; quia tamen me unum ex Collegarum suorum numero in hac tempestate recensendum esse contigerat, longe dignius, atque huic publicae celebritati accomodatius fore existimarunt, si per me licet parum eloquentem, nunc vero principali pene civitatis nostrae magistratu forte fungentem, quam si per alium privatum simul, atque elegantissimum hominem tantum, & tam magnum hujus adeo lugubris, adeoque acerbae solemnitatis, ac novae laureationis munus celebraretur. Mihi itaque venerandis memoratorum Praesidium praeceptis, ut par est, parere, atque obtemperare cupienti latissimi in hac cum funebri laudatione, tum celebri praesentis Vatis coronatione ad pervagandum campi ostenderentur, si locus, & tempus, & ista mea momentanea, atque ut dicitur, ex tempore tanti muneris susceptio singula quaeque hujus clarissimi, & eloquentissimi Viri gesta paulo latius, atque uberius exornari paterentur. Sed & tempori, & loco, & mentibus vestris, ac mihi denique pene sine ulla praemeditatione dicenti in praesentiarum consulendum esse ratus, quoad potero, dignioraejus gesta brevissime simul, ac verissime absolvam. Vos autem, Praestantissimi Viri, in hanc omnem nostram defuncti Historici, Oratoris, ac Poetae funebrem laudationem, quo facilius intelligere, atque memoriae mandare possitis, quaeso diligenter attendite, ut ipsum ex integra quadam suarum bonarum artium cognitione, atque eleganti multiplicium librorum conscriptione hujusmodi poetica laurea coronari meruisse recte cognoscere, atque intelligere valeatis. Sed ut haec nostra funebis oratio serie, atque ordine incedere videatur, ab origine repetentes primo de domesticis ejus moribus, qualis deinde in nostra Rep. fuerit, postremo de studiis bonarum artium, ac doctrinis pauca quaedam breviter recensere; nam si singula ipsius gesta memoratu digna vel paulo latius recensere vellem, dies profecto me tanta, ac talia recensentem deficeret.

Leonardus noster Arretii antiquissima, ac nobilissima urbe, & jampridem quorundam mirabilium ingeniorum productrice, ut a prima ejus origine ordiamur, trecentesimo sexagesimo nono supra millesimum Christianae

Salutis anno honestis quidem, sed non admodum generosis parentibus cum egregiis quibusdam naturae muneribus feliciter nascitur. Non multo post nativitatis suae tempora factum, ut Arretini longe magis, quam prius intestinis seditionibus agitantur; nam Tarlati, & Ubertini Gibelinarum partium auctores, & principes aliquot armatorum millia ex oppidis, clientelisque suis in urbem contraxerant, veriti, ne ipsi per adventum novi Praefecti, quem Carolus Rex Ungariae urbe jam antea potitus noviter Arretium mittebat, ac secum cives nuper ejectos reducebat, e solo patrio exigerentur. Quo praesidio adversarios suos munitos alterius factionis homines cernentes, ac, ne superiores haberentur, formidantes, e vestigio in arcem confugerunt. Ubi cum de opportunis remediis ageretur, Albericum Comitem, qui magnas equitum copias in finibus Perusini, & Cortonenfis agri forte per ea tempora habebat, in auxilium vocare, adversariorumque bona, ut facilius cum suis ad optulandum properaret, praedam sibi polliceri constituerunt. Ea conditione, atque his foederibus Albericus evocatus cum omnibus copiis in auxilium venit, receptusque per arcem simul cum his civibus, qui eo refugerant, in adversarios erupit. Ceterum adversarii, ubi supervenisse auxilia equitum intellexere, confestim relicta urbe in proxima se se castella suarum partium receperunt. Equites vero victores ad praedam conversi nequaquam initis foederibus acquieverunt: nam & totam urbem diripuerunt, & cuncta tam amicorum, quam inimicorum bona promiscue in praedam converterunt. Verum cum ibidem hibernassent, & proxima aestate exinde abiissent, cives, qui ab illo ingenti naufragio reliquis superfuisset videbantur, in vacua, ac semiuستا tecta redierunt. Tanto, ac tam incredibili patriae amore incendebantur. Inter haec Ludovicus Andegavenſis Francorum quondam Regis filius, quem Regina Johanna liberis carens adoptaverat, cum quadraginta circiter millibus equitum in Italiam venit, ut regnum, quod per adoptionem suam factum fuisset existimabat, vi, & armis in ejus ditionem redigeret. Nam Carolum commemoratum Ungariae Regem ab Urbano VI. Summo Pontifice evocatum cum magnis Ungarorum copiis jam in regnum pervenisse, atque suis viribus id ipsum occupasse constabat. Sed cum postea longius, quam ab initia
puta-

putaverat, bellum traheretur, aliam equitum manum millia circiter quindecim Duce Enghiramo quodam Gallo viro, domi praepotente, ac bello claro ex Gallia in Italiam evocavit. Hic vero tanti, ac tam novi exercitus Ductor cum primum Alpes transisset, atque in Italiam accessisset, Apennino monte transmissio per Lucensem, Florentinum, Senensemque agrum in Etruriam descendit. Sed cum per ea loca iter caperet, Arretini exules supervenere, quos supra urbem reliquisse diximus, ac Arretium ob superiorem illius Populi calamitatem facile capi posse nuntiantes, atque omnem opem suam ad ejus expugnationem largius pollicentes, quid plura? Galli equites spe praedae, & exulum pollicitationibus impulsu Arretium aggrediuntur, eamque urbem cum per refractam ab exulibus portam noctu ingrederentur, post multas civium caedes, qui nocturnis clamoribus exciti opitulandi gratia certatim concurrebant, ac varias quoque multiplicium proeliorum fluctuationes, paulo ante lucem totam praeter arcem capiunt. Mox victores ad praedam conversi omnia diripiunt, cives insuper exulibus infensos captivos ducunt. Haec autem omnia ne quis forte a nostro proposito aliena esse arbitraretur, nunc propterea in medium afferuntur, ut in hac Arretii direptione non solum Leonardi nostri patrem una cum Johanne Episcopo Arretino, atque cum aliis quibusdam egregiis viris exulum inimicis captum, atque in castellum Petrae-Malae ductum, & longo ibi carcere maceratum, sed ipsum quoque, licet puer esset, ab alia exulum manu pro captivo habitum, & in Castellum Quaratae, quod ab exulibus tenebatur, adductum fuisse intelligatis. Ubi cum puer esset, non cum aliis captivis, sed honestiore quodam carceris cubiculo asservabatur. In eo loco forte Petrarchae poetae, qui & ipse Arretii Florentinis parentibus natus erat, imago pariete egregie depicta cernebatur, quam cum quotidie tantulus puer etiam, atque etiam intueretur, vehementissimo quodam, mirabile dictu, studiorum suorum ardore incendebatur, nam suapte natura disciplinarum amore flagrabat. Postea vero quam Arretinaeurbationes tandem ex Gallorum recessu quievire, quia suscepta a Florentinis pecunia eis Arretium concesserant, incredibili studiorum cupiditate incensus Florentiam venit, ubi cum Dialecticis, ac Rhetoribus non segnem, ut ipse quodam librorum suorum loco palam, & aperte testatur, operam impendit.

disset, demum tenuitate patrimonii cogente ad cognoscendum
 ius civile animum applicuit. Verum cum huiusmodi juris
 studiis assiduam quandam operam navaret, sive fortuna, sive
 potius divina providentia factum est, ut vir quidam Chryso-
 loras Byzantius domi nobilis obsessam a Turcis patriam suam
 cernens e media prope Graecia se in Italiam primo, deinde
 in Etruriam conferret, atque faustis ominibus Florentiam
 applicaret, ubi cum graecas litteras, graecasque disciplinas
 publice edoceret, dici non potest, quam brevi tempore fama
 suae atticae, ut ajunt, eloquentiae, atticaeque doctrinae in
 universam civitatem mirabiliter percubuerit. Quid multa?
 Tanta ejus fama per ea tempora ferebatur, ut rotundissimas,
 atque delicatissimas Leonardi nostri aures licet jam apicibus juris
 implicatas, & suis ineptis commentationibus praepeditas ita
 primum concuteret, ut ad audiendum peregrinum hominem,
 ac veterem quandam, & integram illorum antiquissimorum
 Graecorum doctrinam redolentem compelleret. At vero ubi
 aliquandiu ipsum publice legentem audivit, tanto, ac tam
 magno suavissimae linguae suae amore capiebatur, ut juris
 civilis studia praetermittere, atque in ejus disciplinam se to-
 tum, tradere concupisceret. Quod quidem jam antea fecisset,
 nisi quodam deferendorum studiorum suorum pudore commo-
 tus transfugii crimen extimuisset. Quocirca cum secum ipse
 utram viam caperet, diutius cogitaret, tandem maturo con-
 silio praetermissis juris civilis studiis, in novum illud, & ad-
 mirabile graecarum litterarum gymnasium, quae per septin-
 gentos circiter annos jamdudum ex Italia abierant, incredi-
 bili discendi ardore totum se contulit. Quod ipsum cum
 ex cognitione Homeri, Platonis, Demosthenis, Aristotelis,
 ceterorumque Poëtarum, Philosophorum, & Oratorum, de
 quibus tanta, ac tam mirabilia fama undique intonante cir-
 cumferebantur, & a quibus omnia nostrarum doctrinarum
 genera tamquam a propriis fontibus ad nos profluxisse videban-
 tur, tum ex his etiam, quae ab eo ex graeco in latinum
 mirabiliter profecto, ac divinitus conversa cernebamur, re-
 ctissime simul, atque sapientissime fecisse constat, ut omnis
 ambiguis juris civilis aenigmatibus nobilissimae linguae recupe-
 rationi operam daret. Per hunc igitur modum in novam
 istam peregrinarum litterarum disciplinam traditus tanto di-
 scendi ardore agebatur, ut quae per diem vigilans perce-
 pis-

piſſet, ea noctu dormiens agitarēt. Cum itaque in hujusmodi graecarum litterarum ſtudio tres circiter annos contriviſſet, ac ſatis probabili, atque optima diſciplina inſtitutus fuiſſet, Chryſoloras ipſe ex Florentia abiens Mediolanum ad Imperatorem ſuum, qui e Graecia in Italiam profeſtus ibidem commorabatur, ſe contuliſſe dicitur. Leonardus tamen vir profeſto magni animi, altique conſilii ex hujusmodi praeceptoris ſui abitione non modo non deferenda earum litterarum ſtudia, ſed potius totis animi, & corporis, ut dicitur, viribus proſequenda ratus traducendis operibus graecis operam navare coepit. Quod cum ſaepe numero exercendi ingenii gratia experiretur, res ab initio ita ſibi proſpere ſuccedebat, ut primae ejus traductiones legentibus omnibus adeo elegantes viderentur, ut mirabilem ex iis famam conſequeretur. Unde ab Innocentio Septimo Summo Pontifice vel in primis eruditiffimorum virorum per ea tempora obſervatore, magno cum honore, & ingentibus titulis ad ſacrarum Epistoſularum Magiſtratum evocatus eſt. Cui quidem cum ſingulari quadam multarum rerum cognitione, tum etiam praecipua dicendi elegantia ita placuit, itaque gratus fuit, ut toto vitae ſuae tempore ab ejus latere numquam diſcederet. Poſt mortem vero memorati Innocentii ſub Gregorio deinde Duodecimo, tum ſub Alexandro Quinto, ſub Johanne deinceps Vigefimo Tertio, ſub Martino denique Quinto continuatis ſacroſancti Pontificatus ſucceſſionibus per triginta circiter annos in eodem divinorum, ut ajunt, arcanorum Magiſtratu magna cum nominis ſui gloria, nec minori etiam emolumento feliciter perſeveravit. Nam quamquam plures ſingulariſſimos, doctiſſimosque viros ſecum collegas haberet, ſolus tamen omnium dominari, ac regnare videbatur, quod ut facilius cognoscere, atque intelligere poſſitis, de ſingulis Pontificibus, Alexandro dumtaxat excepto, quoniam paulo poſt coronationem ſuam vita deſungitur, ſingula quaedam gravitatis, ac fidei plena breviter enarrabimus. Nam & Gregorium, cum ex ingenti illo Romanae Eccleſiae ſchiſmate aliis ei ipſi, aliis vero Benedicſto faventibus in Piſano Concilio ambo Pontifices de colluſione incuſarentur, ac poſtea damnarentur, deferentibus ceteris Curialibus nunquam deferere voluit, ſed & Senas, & Ariminum eo uſque ſecutus eſt, quoad ex gravi quodam Civitatis noſtrae praecepto

revocaretur. Johannes vero post Alexandri mortem ad Sigismundum nuper ad imperium electum, & in finibus Italiae per ea tempora commorantem duos ex Romanae Ecclesiae Cardinalibus, ut Generale Concilium advocaretur, mittere constituens, cum Leonardo solo, usque adeo ejus virtutibus confidebat, tota suae mentis arcana communicare non dubitavit. Futuri enim Concilii locum alicubi esse nolebat, ubi Imperator plus se ipso potuisset. Unde huic soli tantarum rerum participi mandata amplissima, potestatemque maximam mittendis Legatis ad honestatis speciem se daturum esse praedixit, ut palam ostentare, atque in medium proferre possent, & tamen amplum illud mandatum clanculum ad certa loca restringere decreverat. Itaque consilio de locis illis secum communicato, arbitris praeter ipsum solum remotis, Legatos alloquitur, multisque verbis ad munus legationis diligentissime obeundum adeo benivole cohortatur, ut firmum excipiendorum locorum propositum diu antea excogitatum (mirabile dictu) monimento temporis immutaret, ac cuncta arbitrio, potestatique suae, chirographo, ubi ea loca scripta erant, coram ipsis lacerato liberalissime committeret. Legati postea ad Sigismundum cum ampla mandati auctoritate profecti Constantiam urbem transalpinam, Imperatorique subiectam pro loco Concilii delegerunt, quae quidem causa fuit, ut Pontifex ubi paulo post eo applicuisset, mox seditionibus ortis Imperatoriis jussibus caperetur, & carcere aservaretur, captivus deinde per plura, ac varia oppida detentus, tandem sua sponte, seu invitus Pontificatu se abdicavit. Quid de Martino dicemus? Qui cum non satis benivolo erga nos animo ex urbe nostra recedere videretur carminibus quibusdam, quae de illo vulgo jactabantur, supra quam dici potest insensus, paucis diebus antequam ex hinc recederet, dulci quadam, & devota ejus oratiuncula mirabiliter placatus est. Nam cum forte in cubiculo suo assisteret, & Pontifex hinc inde deambulandi gratia proficisceretur, postquam aliquot spatia tacitus confecisset, ad ipsum porrecto vultu, brachioque molliter elato indignabundus his vocibus convertitur: *Martinus*, inquiens, *Papa quadrantem non valet*. Quo hic audito statim verba illa recognoscens (puerilis enim cantilena de eo circumferebatur) *quid hoc est*, ait, *Beatissime Pater? Num ad aures quoque tuas hujusmodi puero-*

rum nugae pervenerunt? At ille nihil ad haec: sed eodem vestigio consistens: *Martinus Papa quadrantem non valet* eisdem verbis stomachans repetivit. Tunc vir sapientissimus deprehensa illius animi infensione (nam verba de se vulgo cantata assidue refrebat) incredibili tanti Principis indignationi, si qua posset, pro honore, & emolumento civitatis mederi statuit. Unde brevi quadam, & humili beneficiorum a nobis susceptorum commemoratione opportuno tempore usus, per ea, quae postea subsecuta sunt, Pontificem satis placasse creditur, cum puerilibus naeniis aures non admoveere oportere Pontificalem gravitatem elegantissime simul, atque gravissime ostendisset. Nam ubi ipsum perorantem audivit, & plurimum laetatus est, & ejus orationem etiam, atque etiam laudavit. Quanti vero verba sua fecerit, paulo post manifestissime demonstravit. Cum enim abire statuisset, advocatis Civitatis nostrae Praesidibus beneficia Florentini Populi in eum collata benigne admodum recognovit, & eodem ordine, quo ab hoc tunc vere, ut dicitur, vivo dicta fuerant, cuncta recensuit. Quoniam vero singularis hujus sapientissimi Viri sapientia praecipua quadam, & admirabili eloquentia condita commemorato Pontifici semper antea mirum in modum placuerat, maxime autem ea indignationis suae tempestate gratissima fuerat, magnis proemiis, atque ingentibus pollicitationibus assidue hominem, etiam dum recederet, invitare non desinebat, ut Sanctitatem suam ceterorum Curialium more Romam sequeretur. Sed cum ipse jam pridem Florentiam, quam plurimum diligebat, utpote primum doctrinae, ac dignitatis suae receptaculum, propriam sibi patriam delegisset, eam deferere noluit. Et cum ex uxore quoque primaria nostrae Civitatis muliere unicum filium suscepisset, & pluribus insuper quorundam maximorum beneficiorum & civilitatis, & immunitatis muneribus ob admirabiles virtutes suas a Florentino populo honestatus fuisset, ac laboribus denique, & vigiliis, & sua illa incredibili eloquentia amplas divitias comparasset, Florentiae cum uxore, & liberis, & cum concivibus amicis, ac demum cum libris suis quiete commorari, atque in gratiam redire, quam Romam proficisci maluit, quibus omnibus ob varias quasdam externorum locorum peragrationes jamdudum bellum indixisse videbatur. Ubi paucis post annis commoratum, a Prae-

fidi-

ORATIO FUNEBRIS. xcvi

omnibus, qui forte eo tempore administrandae Reip. gratia
 praestabant, magno cum honore, atque ingenti emolumento
 ad dignissimum publicarum epistolarum officium universo Flo-
 rentini Populi consensu delectum fuisse constat. Nam prae-
 ter maximam pecuniarum praemia, quae exinde memoratis la-
 boribus, ac vigiliis non immerito reportabat, cum primum
 ac solum e scribis publicorum munerum ex praecipuo quodam
 admirabilium virtutum sedarum privilegio participem exti-
 tisse non ignoramus. Unde inter ceteros ejus Magistratus,
 & publicae Civitatis nostrae custodiae praestitisse, & ter in
 Decemviratu etiam fuisse, & demum in summa dominationis
 nostrae dignitate praesedisse cognovimus. Quibus quidem in
 Magistratibus quantum primum litteris, cum ad diversos
 Italiae populos, tum ad varios Principes, Reges, Impera-
 tores, Pontifices Florentini Populi nomine elegantissime scri-
 ptis profecerit, difficile dictum est. Quantum deinde utilita-
 tis Legationibus ad Reges, & Pontifices nostris nominibus
 susceptis illa sua admirabili, ac prope divina eloquentia pe-
 pererit, postremo quantum suis integris, sapientibusque con-
 siliis, si quando vel de pace, vel de bello, vel de hujusmo-
 di magnis atque arduis rebus ageretur, nobis profuerit, non
 satis dici potest. Hoc tamen unum in eo mirabile, atque
 omnibus seculis celebrandum praetermittere non possum. Ut
 cum omnium non solum nostri temporis, sed cunctorum pro-
 pe antiquorum eloquentissimus haberetur, non minus pruden-
 tia, ac consilio, quam sua incredibili eloquentia hanc nostram
 Civitatem, quam ut supra diximus, patriam sibi suam de-
 legerat, ab acerrimis, & oppugnantibus hostibus, & fortissime
 defendit, & sapientissime conservavit. Quotiens enim De-
 cemvir ad curam belli gerendi creabatur, totiens modo nescio
 quo Resp. quasi divinitus ageretur, ex magnis, & eminenti-
 bus periculis eripiebatur. Nam cum Franciscus Sfortia uni-
 versi exercitus ductor jam admodum adversus Venetos indi-
 gnaretur, quod sibi Padum transire nolenti ab eis stipendia
 non solverentur, ac propterea cum Philippo Maria Medio-
 lanensi reconciliari conaretur; Florentini quo se verterent
 nescientes, Oratores suos illico Venetias miserunt, ubi aliquot
 menses frustra commorati, postquam re infecta Florentiam
 redierunt, Florentini eam reconciliationem interim utrinque
 tractatam, ac tandem conclusam necessitate cogente secuti
 sunt.

sunt. Unde Piccininus, qui ex Gallia Cisalpina cum aliquo equitum, peditumque millibus jam ad Forum Pompilii per Flaminiam venerat, hujusmodi reconciliatione audita non cunctandum esse ratus, statim incredibili celeritate cum omnibus copiis in Galliam revertitur, Venetosque aggressus multa eorum oppida faciliter expugnat. Quocirca Veneti, ubi de opportunis eorum remediis crebrius, ac diutius ageretur, tandem societatem nostram, quam paulo ante sprevisse videbantur, maturo consilio repetere decreverunt. Hac igitur ipse dissolutae confederationis tempestate primo in Decemviratu una cum quibusdam aliis nostrae Civitatis peregregiis civibus creatus est. In quo quidem Magistratu, cum res Venetorum pluribus oppidis amissis jam satis periclitaretur, rursus communi utrarumque partium consensu societas non multo ante scissa resumitur. Itaque per hunc modum inita de novo societate Franciscus exercitus ductor cum magnis equitum, peditumque copiis Florentinorum opera ad opitulandum Venetis celeriter transmissus, eorum res labantes, ac jam prope deletas mirabiliter restituit. Nam inter cetera gloriosa ejus gesta Veronam urbem jam ab hostibus captam hac sua professione cum magna eorum strage recuperavit, & hostes insuper ipsos a Venetorum cervicibus propulsavit. Proxima deinde aestate iterum in eodem Magistratu bonis ominibus resecus ita se gessit, ut Philippi Ducis copiae nobis ob initam cum Venetis societatem, supra quam dici potest, insensae longe a finibus nostris arcerentur, atque totum in Galliam bellum gereretur. Tertio deinceps anno Piccininus Gallia in medio Gallici belli furore relicta cum magnis suorum copiis, & cum quibusdam exulibus nostris in Etruriam venit, ubi cum Apennino transmissio in agrum Mugellanum descendisset, & cuncta nullis repugnantibus passim popularetur, tantum omnibus terrorem incussit, ut plerique cives vix intra urbis moenia se se prae magna formidine continere auderent. Attonita igitur per hunc modum civitate, atque in maximo discrimine ob repentinas hostium incursiones constituta, rursus vir sapientissimus Florentini Populi decreto Decemvir cum aliis praestantissimis civibus creatus est. Neque enim tunc maxima, ac pene cervicibus nostris impendentia pericula mediocres homines deposcebant. Ubi vero magnanimi viri, & alii quidem

dem consilii ad curam belli gerendi creati sunt, plerisque copiis in Gallia ad reliquias Gallicae expeditionis persequendas dimissis, & exinde pauca, & multa aliunde equitum auxilia procurabant. Unde missis hinc inde ad conducendum milites pecuniis post duos circiter menses partim ex Gallia, partim ex agro Piceno, partim etiam ex Flaminia Florentinis plura equitum auxilia opportuno tempore supervenerunt. Piccininus, qui prope in expugnandis pluribus oppidis nostris tantumdem pene temporis contriverat, circa saltus Casentini loca passim populabundus vagabatur. Ex quo quidem factum est, ut uno, & eodem Junii mense copiis ad sufficientiam in Gallia relictis, & accitis ad reprimendos hostiles impetus in Etruriam undique equitibus, mirabile dictu, & hostes in Gallia proelio victi superarentur, & Piccininus etiam amissis pene omnibus suis ita prope Anglare oppidum profligaretur, ut vix cum paucis evadendi gratia burgum ingrederetur: quo si nostri parati, ut debebant, victoria illico accessissent, ipse cum reliquis omnibus haud dubie capiebatur. Nam & ex hostium equitibus pauci admodum evaserant, & caeva quoque, quae in hostilibus castris fuerant, ad nostros devenerant, & burgenses etiam supra mille ducentos homines in proelio capti apud victores tenebantur, & omnia denique adversariorum Ducum vexilla suscepta erant. Hac itaque Florentini victoria habita Bibienam, & Romenam, ac cetera oppida prius amissa faciliter recuperarant, & Pupium insuper cum omnibus Castellis, quae prius Comitum fuerant, in eorum ditionem redegerunt, ac totum praeterea Casentinum potestati, imperioque suo in hoc fausto, ac felici Decemviratu ita prospere subjecerunt, ut ex turbulentissima tempestate, qua creati fuerant, magnam, & gloriosam victoriam reportarent. Cum igitur de domesticis ejus moribus, & qualis etiam in nostra Rep. fuerit, pauca quaedam è multis memoratu dignis, ut ab initio promissimus, breviter pertractemus: reliquum est, ut de bonarum artium studiis deinceps absolvamus. In quo quidem si forte Venerationibus vestris paulo longiores videremur, quam brevis temporis, & hujusmodi celeberrimi funeris solemnitas patere-
retur, date quaesumus nobis hanc veniam, ut de omni doctrinarum suarum genere oratorio more parumper prosequamur, ne vos ex nimia orationis brevitate certa quadam ad-

††††† 2

mira-

mirabilium virtutum cognitione fraudaremini, & ipse quæque propriis, ac funebribus laudibus privaretur. Quanta, fuerit in hoc glorioso doctorum hominum, atque Romanæ eloquentiæ splendore, ut a grammaticis ordiamur, poetarum pertractatio, quanta historiarum cognitio, quam integra, & quam incorrupta verborum interpretatio, quanta litterarum latinarum, & graecarum eruditio, facilius mentibus nostris excogitare, quam verbis explicare possumus. Quantum ille deinde cum excogitandis, tum disponendis, & exornandis rebus in hac ipsa dicendi facultate excelluerit, ex multis, ac variis scriptorum suorum voluminibus evidentissime demonstravit. Quantum denique in morali philosophia valuerit, ex pluribus Platonis, & Aristotelis, ceterorumque Philosophorum, pace cunctorum dixerim, principum traductionibus ita manifestum est, ut lucè clarius apparere videatur. Omnia namque commemoratarum artium studia animo suo non solum nostra, atque domestica, sed graeca etiam ac peregrina tenebat. Admirabilis in eo erat memoria poetarum Pindari, Aristophanis, Euripidis, Hesiodi, Homeri, ceterorumque Graecorum, ut nostros omittamus, quos omnes ita familiarissimos habebat, quasi ipse propria eorum poemata confecisset. Admirabilior etiam historiarum recordatio: Thucydidis (ne forte de Latinis dumtaxat Historicis a nobis dicta fuisse intelligeretis, quos non secus memoriter carpebat, quam si ipse illarum rerum gestarum scriptor extitisset) Thucydidis inquam, & Herodoti, ac Diodori, & Polibii, aliorumque multorum admirabilissima: insuper veterum Oratorum exacta quaedam peritia, & certissima eorum, atque expressissima imitatio. Missum facio Ciceronem nostrum, cujus usque adeo verax imitator fuisse credebatur, ut ipsum imitatione sua quotiescumque voluisset, pene ad unguem expressisse putaretur. Aeschinem quoque, Isocratem, Lyfiamque, & Demosthenem graecorum Oratorum principes generose admodum imitabatur. Ingens denique praedictorum Philosophorum in eo ipso intelligentia vigeat, atque haec omnia nova quaedam graecae linguae recuperatione, quae per septingentos circiter annos longe, ut supra diximus, ab Italia exulaverat, non sine magna cunctorum Latinorum gloria assequebatur. Et ne forte nos prae nimio dolore lacrymis obortis vix vera, nedum falsa referre valentes fictas ad votum laudes nunc cele-

celebrare potaremur, quod laudationis genus graeci panegy-
ricon appellant: omnium memoratarum doctrinarum sua-
ram complura fidelia, & aeterna testimonia breviter refere-
mus. Nam varias Aristophanis, Basilii, Xenophontis, Plu-
tarchi, Demosthenis, Platonis, Aristotelis interpretationes
suas certa quaedam ac perpetua utrarumque & latinarum, &
graecarum litterarum monumenta extare non ignoramus.
Aristophanis enim comediam, Basilii etiam epistolam, ac
Xenophontis Tyrannum, & has Plutarchi vitas M. Antonii,
Pauli Emilii, M. Catonis, T. & C. Graccorum, Sertorii,
Pyrri Regis Epistolarum, Demosthenis libros singulos, ejus-
que orationum libros septem, praeterea Platonis de immorta-
litate animi, Gorgiam, Phedrum, Apologiam, Critonem,
epistolas libros singulos, Aristotelis denique Oeconomicorum
libros duos, Ethicorum decem, Politicorum libros octo ita
e graeco in latinum convertit, ut nulla prope eloquentiae
ornamenta (mirabile dictu) desiderare videantur. Ex hujus-
modi igitur Poetarum, Historicorum, Oratorum, ac Philo-
sophorum translationibus maximas ei gratias agere, majores
etiam habere deberemus, nisi nimis ingrati essemus, partim
quia ex sua praecipua, ac singulari industria divina vete-
rum graecorum ingenia cognovimus, cum antea traducta non
essent, partim quia haec Aristotelica vitio priorum inter-
pretum corrupta, atque depravata nunc primum latina ef-
fecta fuisse intelligimus, Aristotelemque philosophorum prin-
cipem cogitationes suas cum singulari elegantia litteris man-
dasse nequaquam in praesentiarum amplius ambigimus, quod
etiam a veteribus, & quidem magnae auctoritatis viris scriptum
esse legeremus, nullo tamen pacto prius credere poteramus. Qua-
re si tot suae, ac tam elegantes & Poetarum, & Historico-
rum, & Oratorum, & Philosophorum denique interpretatio-
nes ubique apud latinos reperiuntur, cum praeter exactam
quamdam utriusque linguae cognitionem pleraque etiam il-
lorum auctorum probe, atque integre cognovisse manifestum
est. Quonam enim modo peritissimus utrarumque literarum
interpres sine certa quadam eorum, quae interpretatur, eru-
ditione & fideliter interpretari, & eleganter convertere queat,
non sane intelligimus. Sed ne in his ipsis quamquam luce
clariora esse videantur, vel parumper haerere, dubitare ve
possitis, attendite quaeso, ut quanta, & quam magna pro-

priarum rerum monumenta suo, ut dicitur, Marte litteris mandaverit, recte intelligere, ac considerare valeatis. Scripsit enim complura sparsim de variis rebus, & quidem egregia carmina, quae nondum morte praeventus in volumina redegerat; de Militia insuper, de Interpretatione recta, de Laudibus Florentinae Urbis, Laudationem Johannis Strozac, Pro se ipso ad Praesides, Vitam Ciceronis, Vitam Aristotelis, De studiis, & Litteris, Isagogicon Moralis Philosophiae. Et ne aliquod dicendi genus ab eo intentatum relinqueretur, contra hypocritas, & in Nebulonem maledicum libros singulos praecipua quadam, & admirabili elegantia condidit, atque ab solvit. Composuit praeterea Explanationum duos in Oeconomicorum Aristotelis Libros, Dialogorum totidem, Epistolarum suarum Libros octo; dictavit denique De primo Bello Punico libros tres, Commentarium rerum Graccarum librum unum, de Bello Italico adversus Gothos libros quatuor, de Temporibus suis libros duos, Historiarum Florentini Populi libros duodecim. Si itaque omnium commemoratorum librorum numerum recensemus, in quatuor super octuaginta consistere deprehendemus. Cum igitur vir sapientissimus Poetas, Historicos, Oratores, Philosophos cum graecos, tum latinos ita interpretaretur, ut & proprias eorum sententias probe intelligeret, & ita imitaretur, ut & carmina componeret, & annales, & historias, & commentaria conscriberet, & variis dicendi generibus omnem vim oratoriam complecteretur, & Philosophorum dicta e graeco in latinum mirabiliter converteret, itaque conversa dilucide explanaret; quantis ipsum & quam magnis laudibus dignum esse censebimus? sed cunctis traductionibus, ceterisque ejus scriptis praetermissis, ad dignissimas quasdam oratoriae facultatis, atque historiarum suarum laudes accedamus. Si omissis graecis scriptoribus, ut nostris brevitatis causa contenti simus, M. Cato, Fabius Pictor, L. Piso primo antiqui Annalium conditores apud veteres Romanos majores nostros egregiis quibusdam laudibus celebrabantur, quod annales sine ullis orationis ornamentis scriptitassent; si deinde Crispus Sallustius ob multiplices diversarum historiarum conscriptiones, si C. etiam Caesar ex Commentariis Belli Gallici, Bellique Civilis, si Q. Curtius gestorum quoque Magni Alexandri scriptor, si Justinus insuper ex suo Trogi Pompeii epitomate, si praeterea

Sue-

Suetonius Tranquillus ex duodecim suorum Caesarum vitis ;
 postremo si T. Livius ex variis Romanarum rerum histo-
 riis ingentes , ac maximas laudes consensu omnium non im-
 merito reportarunt , quoniam partim ex puris historiarum ,
 partim vero ex commentariorum , partim etiam ex epito-
 matum descriptionibus seorsum ab illis auctoribus editis mi-
 rum in modum laudatos esse conspiciamus : quantis nos lau-
 dibus illud nostrum Latinorum decus in hac doctorum ho-
 minum penuria non natum , sed potius ab aliquo Deo factum
 annalium , & commentariorum , & historiarum scriptorem
 exornare , & in coelum tollere deberemus ? Si insuper M.
 Tullius omnium nostrorum Oratorum princeps , & caput pri-
 mas Romanae eloquentiae partes ex orationibus , & ex ce-
 teris ejus scriptis sine controversia assequeretur ; quantum
 hoc nostrum Italiae decus non solum eximium Oratorem ,
 sed etiam optimum Historicum commendabimus ? Quoniam
 vero in T. Livii , ac M. Tullii mentionem quasi invicem
 comparantes incidimus , quorum alter Romanarum historia-
 rum parens , alter autem latinae eloquentiae princeps puta-
 batur , ne haec vobis admirabilia , & forte incredibilia vi-
 derentur , pauca quaedam memoratu digna trium tantorum
 virorum propemodum comparandi gratia in medium afferemus .
 Livium multos variarum historiarum libros elegantissime scri-
 psisse concedimus . At hoc nostrum praecipuum Romanae elo-
 quentiae decus praeter multiplices historiarum , & aliarum re-
 rum suarum libros , annales , & commentaria ornatissime com-
 posuisse non dubitamus . Cicero vero Arati Poetae carmina ,
 & Xenophontis Philosophi Oeconomicum , & duas quoque il-
 las nobilissimas duorum illorum eloquentissimorum Oratorum
 Demosthenis , & Aeschinis orationes , inter seque contrarias e
 graeco in latinum convertit : Platonem vero , & Aristotelem
 ceterorum tam Graecorum , quam Latinorum , ut ita dixerim
 philosophorum capita , forte obscuritate earum rerum , quas
 ab illis tractabantur , deterritus , nequaquam convertere au-
 sus est , cum id magnopere efficere concupisceret , ut ad la-
 tinorum cognitionem divina illa ingenia transferret , quod
 tamen non fecit , nec ei , ne faceret , ut verbis suis utar ,
 interdictum putabat . Multa praeterea in soluta oratione
 cum in dialogis , tum in simplici sermone se ipso auctores
 memoriae mandavit ; nam multos egregios libros , & plures
 pra-

CIV. JANNOTII MANETTI

præcipuas orationes, & duo illa præclara epistolarum suarum volumina mirabili profecto, ac prope incredibili elegantia composuit. At vero Leonardus noster vir eloquentissimus non modo duas illas nobilissimas orationes a M. Tullio antea conversas, & jampridem incuria majorum nostrorum amissas, ac deperditas, sed etiam, ut cetera leviora omitamus, pleraque Demosthenis, Xenophontis quaedam, Platonis, & Aristotelis multa elegantissime simul, atque suavissime traduxit. Complura insuper Ciceronis more conscripsit; nam & Dialogos, & Orationes, & Epistolas in unoquoque dicendi genere mirabiliter exornavit; Annales præterea, & Historias, ac Commentaria generose admodum cum magna viventium, & posterorum utilitate composuit, quod Cicero nullo unquam vitæ suæ tempore fecisse videtur. Et ne forte malignas simultatis, & invidiæ latebras, si majores & digniores defuncto viro laudes tribueremus, non vobis, quos omnes ex tanti luminis extinctione altius flere, atque prope ejulare conspiciamus, sed quibusdam absentibus moveremus, ad quorum manus hæc oratio nostra pervenerit: paulo post finem dicendi faciemus, cum dignissimum tantæ commissionis officium penitus expleverimus. Commemorati enim hujus inclitæ Civitatis Præsides, qui omnia & de domesticis defuncti hominis moribus, & qualis in nostra Rep. fuerit, & quantum in bonarum artium studiis valuerit superius enarrata plane, aperteque fama increbescente cognoverant, ac veteres Graecos, Romanosque majores nostros in ornandis clarissimorum virorum funeribus imitari cuperent, tria nobis eorum collegis præ ceteris injunxerunt: ut primo hoc præclarissimi Viri funus dignis quibusdam laudibus celebraremus, ut deinde idipsum hujusmodi peregreis plurimorum funeralium muneribus, multisque insignibus drapporum agminibus, atque nobilissimo vexillo exornaremus: postremo, ut veneranda tanti Vitis, Oratoris, & Historici tempora hac laurea corona insigniremus. Ceterum nos jam primum tibi, Clarissimum Latinorum Decus, satis quantum pro brevitate temporis fieri licuit, superiori oratione nostra ad ætæternam admirabilium virtutum tuarum memoriam fecisse existimamus, & credimus. Secundum in præsentiarum agimus, ut te Excellentissime Civitatis nostræ Gubernator tantis, ac tam ingentibus Florentinorum donis ad perennem quam-

quamdam tuorum in Remp. meritorum commemorationem illustraremus. Quibus jam rite peractis reliquum est, ut tempora tua, Eximie Vates, prisco, Graecorum, Romanorumque more hac laurea coronaremus. Sed antequam ad ipsum coronationis actum accedamus, antiquos Imperatores, veteresque, & novos nostri penè temporis Poëtas primo laurea coronari solitos paucis ostendemus, deinde quas ob causas laurorum potius, quam olearum, vel palmarum, vel hederarum vel aliis quibusdam perpetuo virentibus frondibus coronarentur, brevissime demonstrabimus: postremo hunc clarissimum Virum, & optimum Historicum, & eximium Oratorem, & egregium Poëtam extitisse parumper declarabimus. Militares coronas ceteris nobiliores octo circiter ex crebris veterum auctorum lectionibus fuisse accepimus, quarum hæc nomina ferebantur: Obsidionalis, Civica, Muralis, Castrensis, Navalis, Ovalis, quasi Triumphalis, & Triumphalis. Obsidionalis e gramine fiebat, quam ii, qui obsidione liberati erant, ei Duci, qui liberaverat, propterea donabant, quod ibi gramen plerumque generaretur, ubi obsessi tenebantur. Hanc Coronam gramineam Senatus, Populusque Romanus Q. Fabio Maximo secundo Bello Punico non immerito dederat, quoniam Urbem Romam obsidione hostium liberasset. Civica appellabatur, quam civis eivi, a quo in proelio servatus erat, testem vitæ, salutisque perceptæ concedebat. Ea e fronde quercea, vel ilignea ob id efficiebatur, quod victus antiquissimus ex quercubus, atque ilicibus capiebatur. Hac corona civica L. Gellius vir Censorius in Senatu Ciceronem Consulē donari a Rep. censuit, quod ejus opera atrocissima illa Catilinæ conjuratio detecta, vindicataque fuisset. Murali corona ab Imperatore donabatur, quisquis primum murum subiens per vim in oppidum hostium ascendisset, Castrensis dicebatur, qua Imperatores eos donabant, qui primum pugnantes hostilia castra ingrederentur. Ea insigne valli habebat. Navalis erat, qua maritimo proelio donari solebant, qui hostium naves vi armati transivissent. Ea quasi navium restis insignibatur, atque hæc tres ex auro fieri consueverant. Ovalis mirtea habebatur: illa ipsa Imperatores utebantur, quandocunque ovandi gratia in Urbem revertebantur. Ovare autem dicebantur, si quando victores vel ex indignis bellis, vel non cum justis hostibus gestis domum remearent,

fisset, atque equus belli omen repente profuisset, Minerva autem hastam in eam projecisset, olivamque pacis arborem produxisset, Minervae nomine, quae graece Athene dicitur, Diis arbitris Civitas appellata est. Si deinde historiis adhaeremus, id ipsum manifestissime deprehendemus. Quippe a Marco Varrone viro rerum humanarum, divinarumque doctissimo de Cecropé Athenarum Rege in hunc fere modum scriptum fuisse novimus. Eo enim Athenis regnante, cujus temporibus urbem conditam credidit, atque ambigente, quo nomine nova Civitas appellaretur, mox oleae arborem alibi apparuisse, & alibi aquam erupisse scribit. Unde Regem adeo prodigia ista moverunt, ut ad Apollinem Delphicum sciscitatum mitteret, quodnam agendum videretur. Legati ob oraculo revertentes oleam Minervam, undam Neptunum significare, in suaque potestate constitutum esse retulerunt, ex cujus nomine duorum Deorum, quorum illa signa apparuerant, civitas vocaretur. Hoc Regem audito omnes cives utriusque secus in consilium advocasse tradit. Mos enim tunc erat, ut feminae publicis consultationibus interessent. Consulta igitur per hunc modum multitudo, mares pro Neptuno, feminas pro Minerva sententiam tulisse prodit. Sed quia numerus feminarum major, quam marium uno dumtaxat inventus est, Minervam eo certamine superasse, ac propterea suo graeco nomine sic civitatem appellatam fuisse demonstrat. Si divinis denique litteris confidimus, nullatenus de eo ipso dubitare poterimus. Nam ubi diluvii aquae, a quibus universum terrarum Orbem ex sacrorum Librorum lectionibus mandatum fuisse intelleximus, parumper cessare, montiumque cacumina apparere coeperunt, columbam nescio quam mordicus, quasi divinitus ageretur, ramusculum quemdam viridantis olivae in signum pacis, ac victoriae praetulisse nequaquam dubitamus. De palmarum arboribus ab Aristotele, & Ptolemaeo scriptum esse comperimus, ut quamquam magnis ponderibus superimpositis premerentur, nunquam tamen cedere viderentur. Unde propterea veteribus placuisse tradiderunt, ut palma certum quoddam victoriae signum ab omnibus haberetur, quoniam ea esset huiusmodi arboris natura, ut urgentibus, opprimentibusque non cederet. Et ne de neutro, vel ut de frivolo, atque temerario quodam victoriae signo suspicari valeremus, utrumque ab

Ecclesia militante quot annis renovari intelligimus, quoniam oleae palmarum ornamentis intertextae cunctis fidelibus populis propterea exhibentur, ut simul & de olea veteris, & de palmis novi Testamenti tamquam de certis quibusdam, evidentibusque pacis his, ac victoriae signis, annuis commemorationibus admoniti vere, atque fideliter instruantur. Hedera vero a priscis illis tantopere celebratur, ut Alexander Rex Macedonum ob rerum a se gestarum magnitudinem cognomento Magnus victis superatisque Indis exercitum suum victorem inftar Liberi Patris, quem in India pro Deo venerabantur, hujusmodi frondibus coronatum in patriam traduxerit, cum tamen persica corona in honorem Persae atavi sui antea uteretur, qui primus ex Perside allatam apud Aegyptios eam arborem servasse traditur. Vetusissimos etiam Poëtas hedera, seu quasi quodam mentis furore perciti baccarentur, ac Faunis, Satyrisque finitimi haberentur, seu quod eorum carmina aeternitatem mererentur, hujusmodi semper virentibus frondibus coronari solitos ab idoneis auctoribus scriptum fuisse legimus. At vero cum tractu temporis omnia bonarum artium genera velut ab ipsa veterum doctrinarum incunabulis rudia, & inculta postea limarentur, factum est, ut Poëtae hederis omissis, ne baccantium more insanire putarentur, lauribus quoque perpetuo virentibus coronarentur. Quod ob tres dumtaxat causas a politioribus, & cultioribus viris, introductum fuisse non injuria existimamus, & credimus, ut vates perpetuis laurorum potius, quam vel olearum, vel palmarum, vel hederarum frondibus decorarentur. Primo ut Imperatores devictis superatisque hostibus triumphaturos imitarentur, quasi ipsi libidine, segnitieque perdomitis, tamquam acerrimis quibusdam humani generis inimicis non immerito triumpharent. Deinde quia talem, & tam ingentem famam ex poëmatibus ab eis egregie confectis se se consecutos fuisse arbitrabantur, ut ex hujusmodi laureatione aeterno quodam gloriosissimae vocis, famaeque praeconio neminem, ne Jovem quidem fulgoribus suis tantae, ac tam celebratae gloriae magnitudini officere posse palam omnibus significarent. Physici enim hujus dumtaxat arboris naturam eam esse scriptum reliquerunt, ut inter ceteras plantas sola a fulminibus non laedatur, ac sic semper observatum fuisse dicunt, ut omni quidem tempore illaesa, inviolataque permanferit. Postremo quia veteres

EX JANNOTII MANETTI

Parnasum montem Apollini dicatum lauribus, utpote Musis pergratissimis arboribus undique affluere memoriae prodiderunt; idcirco Poëtas Pieridum alumnos, civiliori ut ita dixerim, mortalium vita laureis coronari coeptos, ac postea semper hactenus servatum nostra quidem sententia non injuria arbitramur. Cum igitur de Imperatorum, Poëtarumque laureis duabus ultimae divisionis nostrae partibus in praesentiarum absolverimus: restat, ut hoc nostram Italiae decus non solum optimum Historicum, & eximium Oratorem, sed egregium etiam Poëtam fuisse deinceps ostendamus. At vero quoniam de Historicis, Annalibus, & Commentariis, atque de Dialogis insuper, & Orationibus, & Epistolis multifariam ab eo, elegantissimeque conscriptis singillatim superius commemorasse meminimus, ex quibus ipsum, & optimum Historicum, & eximium Oratorem extitisse jure ambigere, suspicari non possumus, ea ipsa repetere, & crebrius auribus vestris inculcare supervacaneum esse censemus. Itaque poëtica paulo altius ab origine repetita, de poëtis pauca dicemus; ne forte hunc peregregium diversarum rerum scriptorem in Poëtarum numero recensendum fore suspicaremini. Mihi mecum ipsi crebro diligenter, & accurate de poëtica cogitanti, poëtas bifariam extitisse videri solet. Veteres enim uno quidem modo ex propriis ingenii viribus, quod absque ullis, vel cum paucis bonarum artium studiis ex interna quadam mentis agitatione docente natura agitur, & commovetur, poëtas bonos fieri tradidere, atque hujusmodi tamquam Deo plenos interdum sacros, interdum divinos, interdum vates a priscis scriptoribus appellatos esse conspiciamus. Putabant enim poëtam bonum neminem existere posse, id quod a Democrito, & Platone in scriptis relictum esse dicebant, sine inflammatione animorum, & sine quodam afflatu quasi furoris, cujusmodi fuisse ajunt, Orpheum, Sybillas, Hesiodum, Pacuvium, multosque alios, quorum Orpheus ex nimia, ac profecto admirabili lyrae suae suavitate cicures, & feras, saxaque & silvas, mira & eloquii dulcedine captas traxisse fertur. Sybillas vero quasi furentes, & Deo plenas utpote divinarum voluntatum participes, atque conscias a consiliis Deorum enuntiandis aeolico quodam genere sermonis cognominaverunt. Hesiodus autem pastor rudis, & indoctus aquila Castalii fontis libata ita ad summum poëticae eva-

lit,

fit, ut nobilissima dogmata sua a Platone, & Aristotele in mediis eorum utriusque Philosophiae naturalis, & moralis voluminibus magna cum veneratione velut oracula saepe numero frequententur. Pacuvius etiam Tragedias suas non levi, ac remisso animo scripsisse traditur. Alio quoque modo homines ex litterarum studiis, atque plurimarum doctrinarum eruditione poeticam assequuntur, quales fuisse Homerum, Pindarum, Euripidem, Sophoclem, Aristophanem, Virgilium, Ovidium, Flaccum, Senecam, Statium, omnesque alios, qui per studia, & disciplinas sine aliqua interna mentis agitatione nonnulla poemata vel graecis, vel latinis versibus mandaverunt. Et ut planius quicquid summatim de facultate poetica dici possit, strictim, & quasi per transennam intelligatis, non alienum visum est, unde hoc Sacrum Poetae nomen derivaretur, paucis absolvere. Poetae nomen a quodam verbo graeco derivatum esse constat, quod latine facere significat; proinde poetam recte factorem latine interpretari possumus. Sed quoniam inter cuncta humani generis opera ea ceteris praeferebantur, quae a dignis scriptoribus celebrabantur, & quia inter illa, etiam quaecumque versibus mandabantur, aliis omnibus praeponebantur; ideo cunctis omissis illa sola poemata appellabantur, quae carminibus efferebantur, quasi quaecumque metris canerentur, digniora esse censerentur, quam ea, quae in soluta oratione litteris traderentur. Quocirca fragmenta versibus mandata utpote veneratori quodam, & altiori genere dicendi explicata ob excellentiam nominis, & ut Graeci dicunt per antonomasiam poemata quasi sola essent ea mortalium opera nuncupari consueverunt. Poetae igitur priscis illis praetermissis, quos veteres propriis nominibus vates appellabant, pinguiori, ut ajunt, Minerva omnes illi antiquitus habebantur, quicumque digna quaedam, atque fragmenta egregiis carminibus prodidissent. Itaque si quis poeta esse cuperet, quaedam egregia poemata describat oportet. Quod ni ita esset, & Moyses, & Hieremias, & Job, & David, & Salomon, quorum cantica apud Hebraeos ex canonicis eorum Libris ab hominibus in illo sacro idiomate vel mediocriter eruditus hebraicis versibus dictata cernuntur, poetae simplicibus cognominibus, non cum sacrorum carminum adjectionibus appellarentur. Ut de David, apud Basilium virum graecarum
lite-

literarum peritissimum, ac sanctissimum scriptum esse legimus, quem quidem Poëtam sacrorum carminum appellare non dubitavit. Eodemque modo de Juvenco quodam Hispano, Sedulioque judicaretur, quos hexametris versibus Evangelia composuisse constat. Similiter quoque de Empedocle, ac Lucretio censeretur, quorum alterum apud Graecos, alterum vero apud nos de rerum naturalium causis carminibus scripsisse manifestum est. Quid igitur faciemus? Nonne in hoc secundo Poëtarum numero Leonardum nostrum jure, ac merito collocabimus? Ita profecto: primo namque magnam quandam graecarum, & Latinarum Literarum cognitionem mirabiliter adeptus est. Varias deinde omnium pene ingenuarum artium eruditiones ingenue admodum comparavit. Historias quoque, Annales, & Commentaria uberrime, ornatissimeque composuit, & quod ad artem oratoriam spectare videtur, dialogos, orationes, & epistolas elegantissime simul, atque copiosissime tractavit. Proinde ipsum & optimum Historicum, & eximium Oratorem fuisse recte, ac jure dubitare non possumus, & quod maxime ad poëticam ipsam pertinere cognoscimus, cunctorum cum Graecorum, tum Latinorum poëtarum singula quaeque ita ad unguem interpretabatur, quasi ipse propria eorum poëmata commentatus absolvisset. Unde si sua quoque paulo diligentius, atque accuratius animadverterimus, egregium etiam poëtam extitisse nequaquam ignorabimus. Est enim, ut ait Cicero, firmitus oratori poëta numeris astrictior paulo, verborum autem licentia liberior, multis vero ornandi generibus focius, ac pene par. In hoc quidem certe prope idem, nullis ut terminis circumscribat, aut diffiniat jus suum, quominus ei liceat eadem facultate, & copia vagari, qua velit. Et non multo post in eodem libro verba haec posuit: Atque id primum in poetis cerni licet, quibus est proxima cum Oratoribus cognatio, quam sint inter se se Ennius, Pacuvius, Acciusque dissimiles; quam apud Graecos Aeschylus, Sophocles, Euripides, quamquam omnibus par pene laus in dissimili scribendi genere tribuatur. Praeterea diversa, multipliciaque contentus & plura sparsim de variis rebus carmina composuit, quae, ut supra diximus, nondum morte praeventus in volumina redegerat. Unde ipsum Poëtam fuisse nequaquam dubitari, suspicari possumus; ob id vero, quoniam optimus

histo.

ORATIO FUNERIS. CXII

historicus, & eximius orator erat, in eo poetæ nomen non tam celebre jure obscurari, ac confundi videbatur. Quemadmodum enim Homero, atque Ennio, Platoni quoque, & Aristoteli contigerat, ut quamquam partim in hac facultate dicendi, partim vero in conscribendis Annalibus plurimum valuisset; unusquisque tamen propriis illarum bonarum artium appellationibus censebatur, in quibus singuli excelluisse dicebantur, ac prius jamdudum hæcenus servatum esse videbatur, ut docti simul, & indocti Homerum, atque Ennium Poëtas, Platonem vero, & Aristotelem Philosophos omnis ceteris denominationibus cognominarent: ita eodem prope modo Leonardo nostro contigisse conspiciamus. Et si enim cuncta tam Græcorum, quam Latinorum poetarum volumina evolvisset, atque ea omnia eleganter interpretaretur, & multa insuper sua carmina componeret; quoniam tamen propria quædam Historici, & Oratoris cognomina excellabant, idcirco poetæ nomen paulo obscurius in eo, ut supra diximus, obscurari, atque confundi videbatur. Quas ob res cum Vegetationibus vestris, Clarissimi Viri, ut ad vos tandem aliquando convertamur, & de domesticis defuncti hominis moribus, & qualis in nostra Rep. fuerit, & quantum in liberalibus bonarum artium studiis, atque in multiplicibus scriptorum suorum voluminibus excelluerit, satis, abundeque ostenderimus, ac etiam quemadmodum Imperatores, atque Poëtae laurea coronari consueverint, & cur lauribus quoque potius, quam oleis, vel palmis, vel hederis, aliisque quibusdam perpetuo vixentibus frondibus de more coronarentur, plane, & aperte explicavimus, & hoc insuper nostrum Italiae decus & optimum Historicum, & eximium Oratorem, & egregium Poëtam extitisse hæcenus demonstravimus, atque ex prælixiori oratione, quam ab initio putavimus, tamquam ex longiuscula peregrinatione, & velut diuturno quodam postliminio divina ope freti demum in patriam reverterimus; reliquum est, ut vobis ingentes gratias agamus, majores etiam habeamus, quoniam cum singulari quadam, & accurata rerum a nobis paulo uberius relatarum attentione, tum etiam ex vestris jugibus lacrymis hoc celeberrimum funus mirabiliter decorastis, quibus quidem brevitatis causa prætermittis, postremo ad ipsum cororationis actum accedamus. Nos itaque ad te, Clarissimum Latinorum Jubar

parumper conversi, beata & felicia tempora tua ad perpetuum quoddam, & aeternum admirabilis sapientiae, atque incredibilis eloquentiae viventibus, & posteris testimonium ex nostro Senatus consulto, hoc dignissimo Latrae ornameto feliciter coronabimus. Quocirca venerandis memoratorum Praesidum nostrorum mandatis, ut par est, parere, atque obtemperare cupientes, hac te Laurea optime Historice, eximie Orator, egregie Poëta ad perennem quandam, & aeternam tuarum bonarum artium memoriam, ac sempiternam inefabilis prope gloriae tuae illustrationem publico hujus Florentissimi Populi nomine fauoris omnibus in praesentiarum coronamus, ut te ternario Florentinorum Poëtarum numero Claudiani, Petrarcae, ac Colucii, quos e nostris hominibus solos, Dante, & Boccacio praetermissis, quoniam alter exilio; alter vero paupertate oppressus digna lauri corona redimiri non potuerunt, jamdudum per mille circiter annorum curricula meritis laureatos fuisse constat, quartam fortunatissime, ac eloquentissime te Leonardo non immerito adjungamus, te inquam nuper in singulari quadam Dei, & hominum gratia defunctum, te inquam secundam Latinae Linguae decus, te denique praecipuum quendam Romanae eloquentiae Principem, cujus quidem sadaver humana jam a nobis laurea coronatum hic e regione jacere conspiciamus, abimur vero e vinculis corporis relaxatum, ac solutam tantquam ex hoc caliginoso carcere, atque procelloso pelago divina illa, ut ita dixerim, laureola reditum in coelum certum quoddam, & aeternum Beatorum Spirituum receptaculum ob integritatem, & sanctimoniam vitae evolasse non injuria existimamus, & credimus, ut cum reliquis triumphantis Ecclesiae Spiritibus aeterno sempiterno in perpetuis jubilationibus perfruat, quousque ipso novissimo die resumpto corpore reviviscens, atque hoc iterum factus, postea duplici & humana, & divina laurea coram Omnipotenti Deo semper coronatus appareat. Vale felix laureatum, utrarumque litterarum, & eloquentiae Decus.

POGGII BRACCIOLINI

ORATIO FUNEBRIS

IN OBITU

LEONARDI ARRETINI.

CECIDI



Hodiernus, Florentini, dies, atque hic publicus
morsus communi voluntate susceptus declarat,
quanta hujus praestantissimi, atque omni laude
dignissimi Viri virtus extiterit, & quam cara
& grata universae sit Civitati, cum videamus

Magistratus hujus Urbis, omnium Ordinum consensum, uni-
versum populum ad ornandam hanc funeris pompam una
mente suis decretis ultro in eandem sententiam convenisse.
Nullus est enim, qui se civem esse existimet, qui non suum
studium, atque operam praestiterit ad cohonestandas hominis
exequias optime de Rep. meriti, & ejus, cui parem rara
secula protulerant, Magnum quippe & praecelatum hoc te-
simonium virtutis est, & laudis, & mea sententia plurimi
aestimandum. Is enim iustus, & verus est honor, qui soli
virtuti sponte conceditur, & recte factis: non qui aliunde
quaeritur, aut precibus est, aut suffragiis hominum men-
dicatus. Non generi, non majoribus, non parentibus Leo-
nardi, non amicis rogantibus ii honores tribuuntur, sed pro-
bitati, prudentiae, continentiae, integritati vitae: ut non

externo opere quaesitus, sed a sola virtute profectus appareat. Itaque cum cetera vitae commoda nobis quaerenda sunt, tum vero maxime virtutis ratio omni conatu appetenda, cum tanta illius cultoribus tum vivis, tum mortuis sint honoris praemia constituta. Licet autem satis fructus virtutis in ipsa virtute positus videatur; tamen ad laudem quoque confert, & posteritatis memoriam ab his diligi, coli, ornari, praedicari, qui & ipsi in laude vixerunt. Sed mihi pietas praecipue Civitatis, tum celebris hoc in ornando funere civium frequentia maxime laudanda esse videtur, qui hujus singularis Viri memoriam tam grata significatione benivolentiae prosequantur. Quae res tum spectat ad mortui gloriam singularem, tum vivos excitat ad capeßendum eum vitae cursum, quem propter conspiciant hunc civem tales honores consecutum, ac tam carum Reipubl. extitisse. Quamvis autem Leonardi virtus nullius externa laudationis opera egeat ad se ornandam, quippe qui sibi vivens laudem peperit immortalem; tamen praestandum est a nobis debitum officium amicitiae nostrae, quae jam amplius annis quatuor & quadraginta inter nos similium studiorum cursu coepta, semper viguit sanctissime absque ulla querela, aut benivolentiae intermissione. Solent quandoque inter amicos dissensiones, jurgia, & contentiones exoriri, ut intermissio quaedam benivolentiae fieri videatur. Sed nostra semper inviolata permansit animorum conjunctio, quorum amorem nullius unquam dissidii causa distraxit. Et id quidem jure inter nos contigit. Ea namque vera est, ac stabilis amicitia, quam optimarum artium studium, & bonorum morum similitudo contraxit, quae quoniam mutua benivolentia, & officiis fovetur, necesse est, ut ita sit firma, ac diuturna. Et licet ab omnibus doctis, ac eloquentibus viris hoc munus postuletur, ut famam ejus, qui hujus seculi nostri, & doctorum omnium maximum fuit ornamentum, celebrem reddere ad posteros debeant; tamen id praecipue a nobis suo quodam jure videtur exigere jus nostrae amicitiae, & voluntatum, studiorumque conjunctio, ut in quem vivum summa beneficia contulimus, defuncti quoque memoriam aliquo munere afficiamus. Sed antequam de eo, quod proposui, dicere aggrediar, paucis mihi queri liceat de communi omnium nostrarum conditione, quae mihi in angusto nimis, & in incer-

re rerum statu videtur esse posita, deque fatorum injuria, quae me omnibus his privavit, quos mecum ab ineunte adolescentia litterarum studia summa caritate, & benivolentia devinxerunt. Nam primo communem doctorum omnium parentem Colucium Saturatum humanissimum, ac doctissimum virum, tum Robertum cognomento Rufum, deinde Nicolaum Nicolum, viros omni litterarum genere, & humanitatis studiis praestantissimos, deinceps omni virtute virum celebrem Laurentium de Medicis, pluresque alios summa mihi amicitia conjunctos eripuit nobis. Restabat hic unus veterum studiorum, & quasi renascentis olim academiae socius, quocum non solum studia, sed cogitationes quoque communicare solitus eram; revocans saepe sermones nostros ad illam prioris aetatis nostrae jocunditatem, cum omnes hi viverent, quos modo nominavi. At hunc quoque in ipso fructu laborum suorum interceperunt, ostenderuntque, nihil extremo die esse incertius, nihil hac nostra infirmius vita. Et quidem hic obitus non admonet magis de futuro, quam de praesenti tempore esse cogitandum. Incertus est enim, ac dubius status vitae, fragilis hominum natura, corpus imbecille, & quod multos subeat casus. Nam si, ut inquit Varro, homo nulla est, eo magis senex. Erat Leonardus noster septuagenarius, tamen valido corpore ac robusto, quippe qui raro adversam valetudinem sit expertus, ut nihil ei ad praesens, quam mors repentina extimescendum esse videretur. Sed nihil nos fallit magis, quam quod nemo adeo senex est, quin annum, ut scribit Cicero, speret se esse victurum. Quo fit, ut longius quandoque trahamus res nostras, quam deceat viros sapientes, & cogitata vitae ratio postulet. Mors enim a tergo instat, & conatus nostros quamvis honestos in medio apparatus interscindit, atque abrupit, & omnia secum auferit, nisi quae virtute, & vitae bonitate fuerint comparata. Itaque perbeati meo judicio illi aestimandi sunt, quorum vita non hac brevitate temporis circumscribitur, quae omnibus animantibus est communis, sed ad posteros longo intervallo virtutum beneficio propagatur. Quamvis autem nil sit in morte mali, neque post ipsam quidem his, qui juste ac recte vixerunt, (nam in ea vitae anteaetiae viri boni praemia adipiscuntur, totaque vita sapientis nihil aliud, quam mortis meditatio esse debet) tamen dolendum est no-

bis, qui reliqui sumus Italiam virorum praesidio & virtute privati. Etenim mors non his dolenda, aut misera videri debet, qui diem obierunt, & iustitiam exuerunt, sed illis potius, qui supersunt. Illi enim fortunae omne arbitrium effugerunt; his novarum rerum impetus pertimescendi. Ille suum finem, in quo est vitae perfectio, sunt sortiti; alii asperum iter agendum. Quo vero meliores habentur fines, quam ea, quae ad finem spectant; eo sapientis mors melior perfectiorque, quam haec vita aestimanda est. His mors gravis esse debet, quorum vita morti est similis, nulli virtute conjuncta. Quibus autem perpetua laus & gloria, vitaeque anteaestae fructus proponitur; illi mortem aequo animo ferunt, tanquam laborum finem, & praemia meritum. Quoniam vero ut jam redeamus quo nostra defluxit oratio, illius laudes sumus prosequuturi, ejus nulla pars vitae laude vacavit, ita eas distribuemus; ut tum vitam omni commendatione exactam, tum opera, quae in nostram utilitatem edidit, recenscamus. Natus est hic Arretii civitate admodum amica, qua, ac maxime nobis, & olim inter capita Etruriae; cum ea potens viris, armisque esset, aestimata. Haec olim urbs adeo opibus, virisque magnifica, & opulenta fuit, ut eam totam quondam P. Scipionem ad Bellum Punicum proficiscentem triginta milia scutatorum pollicitam esse, galeas totidem, pilas, galeas, hastas longas millia quinquaginta, summamque pari cujusque generis numero expleturam; securis, rutra, falces, alveolos, moles, quantum in quinquaginta longas naves opus esset, trisici centum, & viginti milia modia, & viaticum decurionibus, ramigibusque allatura. T. Livius refert. Magna profecto potentia, amplitudo, opulentia ejus civitatis confecta est, quae tantum ad Belli Punico expeditionem attulit, quantum universa Etruria vix hodie possit efficere. Sed & nostris quoque temporibus duabus rebus, quibus honor & fama praecipue acquiritur, semper claret, militari gloria, & studiis litterarum. Multos illa civitas nobiles & egregios in re militari viros, ut de superioribus fletamus, nostra aetate protulit: plures litterarum studiis in omni genere doctrinae praecellosos, quorum pars diem suum obiit, partem Dei beneficentia ad communem eloquentiae & sapientiae usum nobis reservavit, qui cum sint nobis notissimi, eorum nomina, ne iis blandiri videar, praetermitto. Unum non praeteri-

teribo, quod forsitan multis ignotum est; Franciscum Rhetor-
 cham virum doctissimum, ac sapientissimum, suus ingenio plu-
 rimum debemus, patriæ, ut ipse testatur, Arretinum fuisse.
 Itaque maximas civitati illi docti omnes debere, & agere
 gratias debent, quæ Musarum domicilium videtur nostris
 temporibus existisse. Certo ab eis humanitatis, & sapientiae
 studia exulta maxime sunt, atque amplificata. Et generis
 Leonardus minimè clare fuit. Sed quod natura non attulit,
 virtus elargita est. A se ipso enim nominis claritatem, ac
 generis nobilitatem traxit, quæ vera est, & perfecta nobili-
 tas, in quo enim virtutum splendor consistit, in eo ingenium
 ac perfecta nobilitas inest, non exterius proficiscens, sed nar-
 scens domi, non alieno, sed proprio beneficio parta, non
 majorum opera, sed suis vigiliis, laboribus, studiis, acqui-
 sita. Nam qui genus iactat suum, ut Tragicus inquit, ali-
 ne laudat. Et quidem quanto præstat lumen præbere aliis,
 quam alieno splendore lucere; tanto satius est sibi peperisse
 nobilitatem, quam alterius munere accepisse, si tamen acci-
 pi potest, & non sibi quisque nobilitatem comparat virtu-
 tum gloria, & recte factis, ex quibus maxime nobilitatis aura
 resplendet. Itaque sive, ut Aristoteli videtur, si nobilitas
 virtute & opibus comparatur, hic egregie nobilis evasit: si-
 ve, ut Stoicis placet, sola virtus illam parit, satis abunde
 nobilitatus est, & claritate nominis per ora omnium pervul-
 gatus. Ab ingente adolescentiæ Latinæ litteras in patria per-
 cepit; & quum animo maiora quaedam conciperet, Floren-
 tiam se consulit, in qua uberior discendi facultas, & am-
 plior consequendae laudis campus esse videbatur. Ibi qua-
 driennio Iuri Civili operam dedit. Quæ in studio cum pluri-
 mum profecisset, supervenit Manuel Chrysoloras ex Urbe Con-
 stantinopoli Graecarum omnium sapientia, & eloquentia tum fa-
 cile princeps, qui studia Graecarum litterarum, quæ jamdiu in
 Italia oblita & sepulta erant, apud nos primus excitavit. Et cum
 plures ad ejus doctrinam confluerent, haberenturque coetus
 præstantiores, Leonardus illorum gloria commotus, cum
 in eo studio magnam laudem propositam videret, posthabita
 juris civilis cura adhaesit Manuelli, breviq; effecit, ut om-
 nes coauditores tum bonitate ingenii, tum studio diligenti
 facile superaret. Exercebatur tum Latina in Graecum ser-
 monem, tum Graeca in Latinum convertens. Sed cum utra-

que in lingua adeo profecisset, ut eloquentia excelleret omnes, qui tum doctissimi habebantur, labores vero suos tantummodo laudari, nihil vero sibi afferre emolumenti cerne-
ret, & premebatur inopia, ut qui tenui esset censu: rediit ad disciplinas juris civilis, quae suis cultoribus opes & divitias pollicentur. Querebatur saepe mecum pro nostra familiaritate, se invitum, & necessitate compulsum relinquere ea studia, ex quibus magnam sibi gloriam paratam omnes praedicabant, & ad eam scientiam, quae jam antiquasset, se reverti; praesertim cum tanquam studiorum suorum primitias jam quaedam opuscula edidisset summa cum eloquentia, & omnium commendatione. Accidit interea, ut ego ad Curiam Romanam proficiscerer Bonifacio IX Pontifice, si-
remque paulo post, quam accesseram, litterarum Apostolica-
rum scriptor, quod officium & utile est, & honestati, digni-
tatiq; conjunctum. Successit anno post Innocentius VII de-
functo Bonifacio in Pontificatu. Et cum antea Leonardus, qui illam legum molestiam effugere cupiebat, primo verbis, deinde litteris egisset mecum, ut curarem, ut in curiam ac-
cessiretur ad aliquod exercitium, ex quo victum honestum posset consequi, mihi vero cum his, qui essent Innocentio proximi, summa esset necessitudo; laudando Leonardum, & orationis elegantiam, virtutemque prae ceteris extollendo, ac simul quaedam ejus scripta ostentando effeci, ut is, licet ignotus tum Pontifici, tum ceteris, ab Innocentio Secretarius fieret, duorum praesertim opera, qui Pontifici erant carissimi, mihiq; satisfacere cupiebant. Qua in re multas, ac graves contentiones suscepi adversus quosdam, qui illud idem summopere ambiebant. Sed ego omnia pro amico subeunda esse judicans, & illius desiderio satisfacere cupiens, nullum laborem, nullam diminutionem bonorum, nullam malivolentiam pro nostra conjunctione declinandam putavi. Meis itaque litteris accitus ad Urbem, pauloque post meo-
rum opera Secretarius effectus, ostendit vera esse, quae a me de eo ferebantur; brevique se in Pontificis, qui humanissimus erat, benivolentiam insinuans illi acceptissimus fuit. Eodemque officio, quod semper summa integritate, fide, innocentia administravit, Gregorii quoque, atque Alexandri, & Johannis tempore, cujus Pontificatus quaestuosissimus fuit, functus est, multasque tum pecunias Johannis indulgentia con-

contraxit. Sed cum Johannes esset Bononiae, Leonardus accitus est a vobis in Cancellarium, quo in officio paucis mensibus praefuit. Nam tum novi exercitii difficultas, tum majoris spes emolumentum eum coegerunt, ut abdicato officio, ad prioris exercitii vitam rediret. Romam, in qua Johannes Pontifex aderat, profectus est. Pauloque post uxorem ducit adolescentem optimam, ex qua unicum filium suscepit, quem moestum, & sordidatum, flentemque videtis. Tum ad Urbem rediens, Pontificem secutus est, quoad Constantia civitate Germaniae, quo Concilii causa accesserat, aufugeret. Hic cum cerneret, Johannem praecipitem se agere, multa vero tum pericula illum sequentibus impendere viderentur; finem illius sequendi sibi constitutus, Florentiam reversus est. Et cum litteris ac scribendi jure contentus, ac honesto otio frueretur, iterum Cancellaria ei a vobis demandata est; quae summa cum laude, atque auctoritate usque ad extremum vitae tempus ab eo gesta est. Functus est etiam summis Magistratibus civitatis. Nam bis ex Decemviris summo civium favore factus fuit, Vexillumque Societatis tribus gessit, ac ex Prioribus unus creatus est. Ad id quoque, quod praecipuum est in civitate, vexillum pervenisset, nisi mors vivendi finem attulisset; quae licet in aetate profecta contigerit, tamen acerba dici potest, atque immatura, si virtutes ejus consideretis, si mores, si scribendi utilitatem, si gravitatem, si prudentiam, si otium, quod semper ad scribendi curam, utilitatemque viventium conferebat. Quae omnia nobis dies unus abstulit, eumque abstulit, quem, si fas esset optare, oportebat fieri immortalem. Quia autem duo genera sunt hominum, qui procul a laude militari vitam honestam sequuntur, alterum eorum, qui animum suum applicant ad Rempub. gubernandam, inque ea administranda labores pro communi utilitate suscipiunt, alterum eorum, qui otio dediti litterarum quiescunt procul a turbine populari: utrumque Leonardus noster est summa cum laude complexus. Nam otii fructus uberrimos nobis, & quamplurima ingenii sui monumenta reliquit. Rei etiam publicae curas gubernandae adiit; in qua ita versatus est, ut summa continentia, integritate, & virtute, atque innocentia nemini cesserit, & praestiterit multis. Magna haec summi ingenii argumenta sunt, & praestantis naturae insignia, cum in otio tantum

Reip.

Reip. muneribus sic impartitus, quantum qui nihil aliud agunt, & tanta conscripseris, quanta ne illi quidem assequuntur, qui procul a Reip. laboribus summa in quiete confenescent. Vixit per omnem aetatem parcissima ac severa, summa vixit aequitate, continentia animi, modestia, iustitia, ut qui neminem unquam lacerasset injuria, nemini maledixerit. Amicis praesto erat, si quid ejus opera uti vellet. Prudentia, ac gravitas in eo vixit singularis. Quod ei tempus à litteris supererat, & a Reipub. negotiis, tum privatae rei impartiebat, tum coetui amicorum, quibus admodum delectatus; domi severus; foris humanus fuit. Morosior paulum, difficiliorque habitus est, quam studia humanitatis, doctissimi viri ratio postulare viderentur. Sed modestatam paritatemque a natura contraxit, virtutes sibi studia, ac scribendi, agendique diligentia pepererunt. Verum quod multis visio tribuitur, id ego in viris doctis minime iudicio reprehendendum. Non enim aliquando non sibi irasci hominis est virtute praestantis, sed trunci potius, ac stipitis insulsi. Quidam tarditate mentis, ac stupore quodam pigrescunt, nihil sentientes, etiam si more bubulorum stimulo pungantur, quod non virtutis videtur esse, sed stupiditatis. Nam excitata ingenia, prompta, vigentia necesse est commoveri quandoque ad breve tempus; & aut aliorum timiditate, aut injuria, aut errore subita quadam indignatione excitari, id magis naturae ingentis, ac perspicacitatis esse videtur, quam aut dissimulare passionem, ut multorum, qui se bonos haberi volunt, mos est, aut omnino non commoveri, quod nulla virtus praestat, sed mores aut callidi, aut hebetes sensus, aut ignari. Non autem subita effervescencia, & repentina quaedam indignatio, quae nemini noceat, est vituperanda, sed potius commendanda. Excitat enim animum, & ingenium solent reddere perspicacius. Haec vitae ratio viri optimi fuit, quam paucis prosequuti sumus, ut ad ea, quae majora sunt, quaeque mihi secundo loco proposueram dicenda, veniamus. Cum adhuc graecis auctoribus Florentiae vacaret, transfudit sermonem quendam B. Basilii, quem habuit ad discipulos instituendos mira dicendi suavitatem, ut non traducta oratio, sed a se profecta videatur. Deinde summa eloquentia dialogum quendam edidit, in quo cum primo libro viros praestantissimos doctissimosque Dantem,

Fran-

Franciscum Petrarcham, Iohannem Boccacium, eorumque doctrinam, eloquentiam, opera impugnasset; secundo in superioribus excusationem ipsorum & virtus laudata est. Et vitam Tiberii & Cati Gracchorum, Paulii Aemilii, Catonis Posterioris, Sertorii quoque, & Ciceronis ex Plutarcho latinis fecit. Sed vitam Ciceronis non tamquam interpres, sed velut a se editam composuit, multa addens a Plutarcho praetermissa. De laudibus huius florentissimae urbis edidit librum unum. Transulit praeterea libellum Xenophontis de Tyranno, ex Platone vero Gorgiam, & Phaedonem, & epistolas quasdam. Ex Aristoteli autem Oeconomicam, in cuius explanationem quaedam edidit, ac Ethicorum, & Politicorum libros, in quibus rejecta barbarie pravorum translatorum ita ad verbum fore sententias exprimit, ut facile intelligi queant a Latinis. Insuper Aristotelis vitam scripsit multis ex auctoribus, parte Graecis, quam Latinis contractam. Commentaria quoque primi libri Belli Punici ex Polybio Graeco Historico duobus libris expressa reliquit. Ex Procopio Historiam Gothorum quatuor libris complexus est. Volumen quoque Epistolarum; & plura opuscula, velut de Militia, contra Hypocritas nostri temporis, separatim Historiam, multa quoque praeterea composuit, in quibus dicendi elegantia, & summa ingenii vis apparet. Sed quod sibi summam etiam laudem omnibus afferre seculis, Historia est de rebus Florentinorum duodecim libris scripta. Orsus est eam paulo supra trecentisimum annum, a quo tempore res Populi Florentini certiores ex superiorum scriptis reperiuntur, opus certe luculentum, & quo fama, nomenque Florentinae Urbis in aeternum ad posterum certo, & maximae auctoritatis scriptore demandabitur. Non autem quod proposuerat, ad extremum deduxit. Nam cum constitueret ad haec nostra tempora usque hanc historiam persequi, bella solummodo, quae cum priori Duce Mediolani gessimus, conscripsit, reliqua perficere conantem mors interrupit. Huius historiae causa singulare a vobis est ei virtutis praemium constitutum, quod & gratiae ob susceptum beneficium Civitatis memoriam praeberet, & alios excitaret ad commendanda gesta ejus Urbis, quae tam memorem se praestaret bene erga patriam meritum. O Civitatem egregiam! O Rempublicam & summis laudibus extollendam! O dignam maximo Imperio Urbem, in qua

tan-

tanta doctrinae praemia exposita esse videamus! Neque ullam esse rempublicam, ullum populum, ullos Principes, apud quos studiis humanitatis & eloquentiae deditis majora virtutis munera sint concessa, apud quos tantus habeatur optimarum artium studiis honos. Nam cum primum domicilium Leonardus Florentiae elegit, historiamque coepit contexere: civitate a vobis, & certa census quantitate, quae etiam ad filios manaret, in civitate donatus est. Eadem immunitas & Carolo quoque Arretino summa eloquentia, atque sapientia praedito postmodum concessa. Postremo quoque & mihi, licet in doctorum, aut eloquentium numero minime sum censendus. Sed tamen mihi eadem similium studiorum de me concepta opinione idem muneris tribuistis. Leonardus vero, quae ante ad tempus concessa erat, immunitatem in laborum suorum retributionem perpetuam effecistis. Tantum abest, ut hanc Rempublicam poeniteat gratias beneficii reddidisse, ut illud majore liberalitate voluerit esse accumulatum. Ubinam gentium audimus tanta beneficia, Cives, tam propensam in ornandis viris excellentibus civitatem, tanta suffragia eloquentiae studiis impensa? Haec vero praestans humanitate ceteris gentibus communis bonarum artium patria dici debet, & dicendi artis officina, quae humanitatis doctrina praeditos recipit, colit, fovet, & summis honoribus ornat, tum dum spiritum trahunt, tum etiam, dum vita sunt functi. Apud Athenienses olim magna copia fuit scriptorum, qui eorum res gestas suis vigiliis orarunt, tum Graeci, tum peregrini; sed nullum eorum legimus aliqua ab Atheniensibus suorum laborum praemia publice consequutum. Romanorum facta, & dicta multa praeclara ingenia conscribere. Ennium tantum civitate donatum accepimus opera P. Scipionis; nullum ex reliquis, cum plures fuerint, comperimus aliquo a Republica munere affectum, cum suam in tradendo posteritati Romanorum memoriam vitam, & operam collocassent. Haec sola inter ceteras urbes, tanquam sapientiae domicilium & studiorum optimorum auctrix admirabili quadam virtute, & animi excellentia Pierum, qui primus ejus gesta suis scriptis in lucem prodere est aggressus, maxima beneficia in vivum, singulares honores in mortuum collocavit, ostenditque, quam accepti ei sibi essent, quorum opera in suo honore, & laudibus versaretur. Magnam
hoc

ORATIO FUNEBRIS. GXXV

hoc in reliquis incitamentum ad capeffendum id doctrinae genus, in quo qui elaborant, maxima fuorum laborum, vigiliarnumque sunt praemia consecuti. Major illorum consolatio, quibus civitatis indulgentia fuit tam propensa, ut singuli munere fungerentur maxima civium gloria, quorum nomen reddetur scriptorum studiis, & tali beneficentia immortalis. Sed quoniam Leonardus iter nobis ostendit, tum virtutibus suis, tum ingenii praestantia ad laudem, & gloriam consequendam; hortor eos, quorum vitae ratio est a literis aliena, ut ejus virtutem, continentiam, probitatem, caritatem erga patriam imitentur. Licet enim etiam sine litteris civem esse praeclarum, & eum Rempubl. tum consilio, atque opere juvare. Nam & apud priscos illos, & apud posteriores fuere permulti absque ulla doctrina excellenti virtute praediti, qui res & bello, & pace praeclaras magna cum laude gessere. Et cum virtutis laus in actione consistat, continentiam, probitatem, innocentiam, animum in consulendo liberum, in agendo diligentem potius, quam scientiam civitas desiderare, atque appetere videtur. Verum litterae si accedant, minime sunt repudiandae, sed appetendae potius, si desint: quoniam afferunt summum ornamentum earum cultoribus, & ad res agendas doctiores, ac perfectiores solent reddere. Illos vero, quibus Musae sunt cordi, quique bonarum artium studiis deduntur, obsecro, ut eum vitae cursum, quem coeperunt, dicendo, scribendoque prosequi omni conatu, atque animi contentione nitantur, sectenturque illius vestigia, cujus laudes in coelum consensu omnium efferuntur, inprimis autem virtutem colant, & habeant vitae ducem, sine qua & litterae contemnendae sunt, & doctrina omnis videtur esse repudianda. Nam quibus pluris est scientia, quam virtutis indagatio; ii viri evadunt callidi, & perniciosi & tum Reip., tum ceteris inutiles. Longe enim errant illi, a quorum mentibus abest virtus fuorum actuum, atque operum moderatrix, doctrinamque ad salutem hominum comparatam, ad perniciem gentium convertunt. Re enim honesta abutuntur ad scelus, & perfidiam, & tanquam virginem castam videntur prostituere in nefarios usus. Itaque omnes, qui viri magni, & ceteris praestantiores esse volunt, nomenque suum reddere clarum; litterarum studiis, & doctrinae exercitia virtutum adjungant, eaque ad Reipubl. & ad singulo-

EXXVI POGGII BRACC. ORAT. FUN.

gutorum utilitatem conferant. Praestat enim indoctum civem esse, quam malum, minusque malus civis rudis; quam doctus, qui rempublicam perturbat, & noceat civitati. Qui autem haec duo enixe amplectuntur, necesse, ut primum beata vita fruatur, quae virtute & recte factis acquiritur; tum vero assequantur memoriam nominis sempiternam, postremo felicitatem futuræ vitae, quae est vera & perfecta felicitas, quamque omnes debemus appetere, consequuntur.



ADPROBATIONES.

Illustrissimus, & Reverendissimus Dominus Salvinus Salvi-
nius Canonicus Florentinus videat Librum hunc, cui Ti-
tulus: *Leonardi Brunk Arretini Epistolarum Libri VIII.*, &
referat, an aliquid contineat, quod Catholicae Fidei, vel
bonis moribus adversetur.

Datum Flor. 14. Novembr. 1740.

Julius del Riccio Vicarius Generalis.

Illustrissimi, & Reverendissimi Domini Vicarii Generalis
Florentini demandatae mihi curae obtemperans, cum Li-
brum hunc *Epistolarum*, &c. accuratè, diligenterque perle-
gerim, nihil in ipso offendi, quod vel Christianae Religionis
sanctitati, vel bonis moribus adversetur; quare, ut in ma-
nibus eor. doctorum virorum, lucè dignum censeo.

Ex aedibus meis III. Kal. Decembr. A. S. MDCCXL.

Salvinus, Salvinus Canonicus Florentinus.

Attenta supradicta relatione imprimatur

Julius del Riccio Vicarius Generalis.

Rev. Adm. Pater Thomas Maria Griselli Ord. Praed. Sacrae
Theologiae Professor Primarius in Collegio S. Marci
Florentiae, & S. Officii Consultor Theologus jussu Reveren-
dissimi Patris Inquisitoris Generalis videat *Libros Epistolarum*
Leonardi Arretini, &c. & referat, an permitti possit, quod
typis mandentur.

Dat. in S. Officio apud S. Crucem Florent. 1. Dec. 1740.

*Fr. Franciscus Antonius Benoffi Min. Conv.
Sac. Theologiae Magister, Vicarius Gene-
ralis Sanctae Inquisitionis Florentiae.*

Jussu

Iussu Reverendissimi Patris Magistri Pauli Antonii Ambrogii Generalis Inquisitoris attente perlegi Librum, qui inscribitur *Leonardi Bruni Arretini Epistolarum, &c.* ipsumque dignum censeo, qui publica luce donetur.

Dat. Florentiae in Collegio D. Marci Ordinis Praedicatorum 10. Decembris 1740.

Fr. Thomas Maria Griselli in supradicto Collegio Primus Sac. Theol. Professor, & Sanctae Inquisitionis Consultor Theologus, &c.

Stante superiori attestatione imprimatur

*Fr. Franciscus Antonius Benoffi Min. Conv.
S. T. Mag. Vic. Gener. S. Inquis.*

Carolus Ginori Vidit.

MONITUM.

Errata quae interpresunt, ita corrigenda: In Epist. ad Lect. pag. 3. vers. 18. in voce *michi* dele litteram *c*. Pag. 5. ejusdem Ep. v. 7. lege an. 1535. Pag. 10. vers. 23. lege *Poggini Bracciolinus*. Pag. 13. vers. 24. reponere: *Per un etiam Argolici*. Pag. 41. Vitae vers. 21. pro *Diploma* emenda: *Epistola*, eodemque modo paulo infra. Pag. 50. vers. 7. supple: *octuaginta volumina, &c.*



LEONARDI BRUNI
ARRETINI
EPISTOLARUM
LIBER PRIMUS,



I.

LEONARDUS ARRETINUS COLUCIO ⁽¹⁾ S. P. D.

Quid apud Pontificem ⁽²⁾ egerit, feceritque.



ROMAM veni ad octavum Kal. Apriles,
moxque, ut primum licuit, Pontifi-
cem adiens salutandique causa, & mei
ipsius exhibendi, ab eo perbenigne qui-
dem, ac perhumaniter receptus sum.

Quamquam primo statim congressu, ubi me aspexit
nullo adhuc verbo a me facto, conversus ad eos,

Tom. I.

A

qui

(1) Colucio Salutato Cancellario Florentino, & Leonardi in Studiis Magistro, ac Socio.

(2) Nempe Innocentium VII. Pont. Maximum.

qui proxime adstabant, junior his est, inquit, longe quam putaram. Haec prima vox illius a me audita est. Post haec ego consueta veneratione illum affatus cum essem, ipseque perpauca quaedam respondisset, resumpsit ea ipsa, quae primo aspectu edixerat. Summa verborum ejus ista fuit: officio, cujus me gratia evocasset, magnum pondus, magnamque dignitatem inesse, nec litteras modo, verum etiam annos flagitare; nam adolescentem ei muneri praesse vix satis habere dignitatis. In te autem, inquit, caetera me omnia invitant, aetas dehortatur; Sed haec alias considerare licebit. Ita tunc ab illo dimissus sum. Plenum erat auditorium, cum haec a Pontifice dicebantur, diffususque rumor est, quasi ob aetatem impedire dignitatem nancisci. Quae vox in spem multos erexit, & inprimis Jacobum Angelum⁽¹⁾ familiarem tuum, qui verbum ea de re prius fecerat nunquam, is nunc acerrime petit. Incendunt, ut audio, illum fautores quidam, perturpe sibi affirmantes, si ejus, qui quadriennio jam toto in Curia fuerit, nulla ratione habita, ego absens, ac solo nomine cognitus accersor, praesertim cum ea sit aetate, ut plus quam maturus huic muneri videri possit. Hac ille indignatione percitus, & in spem elatus; cursitat nunc cum fautoribus suis, multosque ad Pontificem hortatores submittit, & quod super omnia molestissimum est, comparationes odiosae ab illis inducuntur. Itaque video fortuna quadam mea fieri, ut cum quo dudum aemulo studiis litterarum Florentiae contendere, cum eodem michi nunc Romae sit de honore, dignitateque certandum. Sed meum quidem factum legitimum est sine cuiusquam obrectatione; illius autem conatum non ambigo tibi improbum, injustum.

(1) Jacobus Angeli a Scarparia in Etruria Filius, de quo supra in Vita,

sumque videri, totumque ex livore, transversaque invidia proficisci. Nam si locum hunc concupivit, cur non ante adventum meum petierat? Si non concupivit, cur nunc tandem cupit? difficultatem videlicet meam sibi facultatem esse vult, pendentemque me, cui opem ferre oportuit, crudeli inhumanoque impetu ad ruinam impellere. Ego certe, quamquam me novitas ipsa loci, & inconsuetudo hominum, multaque simul alia in hac re perturbant, tamen non deerō ipse michi, conaborque, & annitar, ut quamquam aetate me superet, caeteris tamen rebus ipse a me superetur. Vale Romae III. Non. Apriles.

II.

LEONARDUS COLUCIO S. *Vind 3123 116^v*

Quomodo affectus sit, quod a Pontifice petierat.

Scripsi antea tibi de contentionibus, in quas huc profectus praeter spem, voluntatemque incideram. Postea haec secuta sunt. Pontifex ob eam, quam tunc scripsi causam, ambiguus, differendo, ac procrastinando, neque rejicere plane me, neque recipere videbatur. Fautores adversarii, competitorisque mei multa continuo illi suggerentes, insurrentesque, ac moleste nos invicem comparantes, incertiores in dies Pontificem reddiderant. Ita mensis fere totus transactus est. Tandem vero contentiones, & lites, & adversariorum jactantiae, comparationesque illae molestissimae eum finem habuerunt, ut non modo non graviter ferendum, sed operandum etiam fuerit, & precandum, illas adversus

me intercessisse. Nam cum ferveret maxime id certamen, ac summa jam spe adversarii tenerentur, litterae ad Pontificem ex Gallia venerunt a Duce Biturigensium. Res, qua de agebatur gravissima erat, & maxima, ipsarumque litterarum longa, & elaborata series. Ad has cum respondere Pontifex accuratius vellet, ex Cardinalium sententia michi, competitorique meo negotium mandavit, quasi in hoc ipso utriusque nostrum, iudicium facturus. Hic ego letatus michi occasionem praestitam cum illo, ut optabam, in comparationem veniendi, rescripti uti praeceptum fuerat, biduoque post constituto tempore meae illiusque litterae Pontifici, Patribusque recitatae sunt. Quibus lectis, quantum interesse visum sit, nescio; illud tantum scio, fautores illius, qui tam arroganter illum michi praeferebant, aperte jam confiteri, se falsa nimium opinione ductos errasse. Pontifex certe ipse michi statim gratulatus, rejecto illo, me ad officium, dignitatemque recepit. Haec tibi rescribere festinavi, ut si quam forte superioribus ex litteris molestiam suscepisti, eam nunc tandem tota re cognita omnino deponas. Vale.

III.

LEONARDUS COLUCIO SALUTATO.

Quid illi ex commendaticijs amici literis ⁽¹⁾ accesserit.

ET si sciam, quae tu nuper de me ad Pont. Max. scripsisti, ea omnino vera non esse; tamen, fatebor enim ingenue cupiditatem animi

(1) Haec Colucii epistola ad || multas alias ejusdem Colucii
Iann. P. VII. edetur a me inter || hactenus ineditas.

mi mei, gratissima michi illa quidem, & acceptissima fuere. Tanti enim facio iudicium tuum, ut vel unius epistolae testimonio universos obrectatorum impetus, quibus nescio quo meo fato ubicumque sim carere non possum, facile me fracturum esse confidam. Nam tu sic omnia in meam laudem complexus es, ut nullus jam malivolis ad me carpendum relinquatur locus, nisi plane iudicio tuo voverint contradicere. Quamquam nescio, mi jocundissime Coluci, michi ~~ne~~ an tibi, qui illa scripsisti, plus laudis ex illa tua epistola provenerit. Nam laudes quidem meas ex testimonio tuo homines crediderunt, tuas autem suis, ut ita dicam, oculis intuiti sunt. Lecta est enim epistola tua Pontifici, cum multi honestissimi viri utriusque ordinis adessent, & nonnulli Romanae Ecclesiae Cardinales, quam cum attentissime, & summo cum silentio totam audissent, omnes tandem uno ore ad te laudandum, extollendumque conversi sunt. Te doctissimum, te eloquentissimum, te virorum optimum praedicabant. Movebat eos, ut michi videbatur, gravitas, atque ornatus orationis tuae; sed super omnia movebat illa ingens atque incredibilis caritas, quam te habere erga me perfacile tuis in litteris apparebat: quae quoniam ex vero animo, ac simplici quadam bonitate proficisci videbatur, mirum in modum universis placebat. Itaque aspiciebant me omnes, quasi te ipsum cernerent, & studia illa, atque exercitationes nostras, in quibus tu ceu ferro ferrum acuisse nos dicebas, mente volutabant, applaudebantque amicitiae, & familiaritati nostrae, nec poterant me non aliquid esse putare, quem tu tanto studio laudare non dubitaras. Ex tuis ergo litteris effectum video, ut si qua existimatio erat jam de moribus ingenioque meis apud ho-

A 3

mi-

hinc amplissimis aliqui ornatisque verbis laudato (in ed. Paul. lat. 8, 215)

mines constituta, ea non solum confirmata sit, verum etiam accumulata. Quod si unicum beneficium abs te accepissem, agerem nunc tibi gratias multis verbis; sed sunt tot, & tam ampla, quae in me contulisti, ut si verbis satisfacere velim, stultissimus sim existimandus. Itaque non agam tibi gratias, sed semper habebo, referam vero libentis animo, si quando facultas dabitur. Litteras autem tuas, quarum exemplum ad me misisti, reddendas esse non censeo. Nullo enim modo faciendum mihi visum est, ut simulas jam sopita, & oblivioni eradita refricaretur. Nam si malo animo in me est, satis in eo punitur, quod de me quotidie audit, & videt multa, quae ipse nollit. Illud etiam quod in principio scripsisti, cum ante omnes fuisse postulatum, profecto caret veritate. Nunquam enim, hoc ego exploratissimum habeo, postulatus, aut petitus, aut requisitus fuit, nisi forte postulationem vocat quorundam amicorum suorum exhortationes, ut cum locum petere vellet. Qui tamen quantum errarent, paulo post declaratum est, cum ipse per se, ac per amicos petens, nichil omnino praeter repulsam obtinere potuerit. Vale.

IV.

LEONARDUS COLUCIO S.

*Certiores reddit, quomodo bellum Romani Cives
cum Pontifice gesserint.*

AD litteras tuas accuratius respondebo, cum plus otii nactus fuero; nunc ista vulgaria transigam. Primum video quid moneas, & sequar consilium tuum, nec quicquam praetermittam.

tam. Pro Religiosis vero illis, qui se in Galliam transferre cupiunt, dabo operam, ut quam cito ad te diplomata perferantur. De situ urbis Romae, si turbationes permiserint, cito, ut spero, te compotem reddam. Salvum rediisse Bonifacium nostrum, michi gratissimum est. De Salutato autem curabo diligenter, ut ita fiat, quemadmodum fieri postulas. Nos sumus hio continenter in armis, atque eo fit, ut minus operae adhibere literis queam. Tanta est enim Romani Populi inconstantia, ac perversitas, nullus ut quieti relinquatur locus. Heri ante lucem egressi Urbe Romani cum quibusdam auxiliaribus regiis Pontem Milvium occupare tentarunt. Turrim super eo ponte nostri custodiunt, ne quis invito Pontifice transire possit: vehementer ibi aliquot horis pugnatum est. Tandem nostris laboribus subsidio missi equites, Romanos in fugam vertere paucis interfecit, frequentibus vulneratis. Hi in Urbem reversi solita temeritate in Capitolio consistunt, multitudinem convocant. Festus erat dies; plebs ociosa, & vino calens concurfat. Sumuntur raptim arma, vexilla promuntur; ad oppugnandas Pontificis aedes ire pergunt. Nostri contra instare, parare tela, cohortari, insistere, expectare forti animo populi impetum; ante Molem Hadriani, quae male pacata nobis est, vallum jacere. Nox denique certamen diremit. Ea nocte vigiliae per totam Urbem factae. Nescio quem finem res sit habitura. Tu gaude; & si quid de Pisis habes, me certiolem face. Vale II. Nonas Augusti ex Urbe CCCCXV supra mille.

MS. A. 4. 50

V.

LEONARDUS COLUCIO S. P. D.

*Quomodo Pontifex, civibus quibusdam Romanis
occisis ab Urbe effugerit.*

Superioribus diebus ad te scripsi, quis esset status rerum nostrarum. Deinde haec secuta sunt. Ad VIII. Idus Augusti Romani quidam Cives ad Pontificem venire gratia, ut aiebant, discordiarum componendarum. Hi post multa in auditorio agitata cum re infecta domum redirent, paulo supra molem Hadriani invaduntur. Capi ex iis undecim, nam ceteri in ipso impetu dilapsi evaserant, ad Ludovicum Pontificis nepotem, cujus jussu capi fuerant, adducuntur. Ibi cum multa eis exprobarentur de perfidia in Pontificem, de oppugnatione Pontis Milvii recentissime tentata, de insidiis occultis, de corruptela Regis, illique respondentes pleraque a se recte facta defenderent, exarsit ira Juvenis, ac retundere ora gladio coepit. Denique omnes XI trucidati sunt, ac post caedem ex fenestris aedium praecipites dati. Inter hos duo fuerant ex VII-Viris, quos ad gubernandam Rempublicam Romanus Pontifex creaverat. Ceteri autem VIII ex primariis civibus, & quod dolendum est, nonnulli ex iis, qui has molestias inferri nobis permolestie ferebant. Hujusce autem rei cum celeriter fama per Urbem vulgata esset, itur confestim ad arma, complentur omnes aditus, clamoribus, & vociferationibus omnia resonabant. Ego paulo ante fiducia eorum civium, qui ad Pontificem venerant, flumen transgressus in Ur-

*probus Re-
mno (Bot. lat.
215)*

Urbem ieram. Itaque mox audito tumultu, recipere me ad nostros propero. Caetera igitur Urbis dimensus cum ad pontem Hadriani pervenissem, armatorum ingentem catervam, qui aditum occupaverant, offendendo. Strabat ferri acies mucrone corusco, stricta parata neci. Quod ego simul atque prospexi, averso celeriter equo in proximum angiportum desilio, ac mutata veste pedes me turbae admiscens, stationes armatorum incognitus pertransco. Vix me digresso minister, quem cum equis reliqueram, ab armatis oppressus est, & equi vestesque abducti. Michi vero postquam ad nostros perveni, primum spectaculum fuit caesorum acervus. Jacebant enim media in via sanguine foedati, & magnis vulneribus confossi. Steti horrens, lustravique oculis omnes; quosdam etiam ex iis michi notos recognovi. Inde ad aedes Pontificis ire pergo. Ille miro dolore angebatur. Res enim tota eo inscio transacta fuerat: vir pacificus & mitis, a cujus lenitate nichil est, quod magis abhorreat, quam caedes; & humani sanguinis effusio, maestus se se ac fortunam deplorabat suam oculos ad Coelum tollens, quasi Deum invocaret suae erga Populum Romanum innocentiae. Pontifex igitur circa hoc intentus, nec quid ageret, nec ubi consisteret praenimio dolore sciebat. Circumstantium autem variae erant sententiae. Alii abeundum confestim censebant, nec impetum Populi Romani tam insigniter laesi irritaque expectandum: esse insuper haud procul ab Urbe Regias copias, quas pro Romanis stare non ambiguum erat. Alii nullo modo abeundum, sed obsidionem tolerandam, auxiliaque ex amicis oppidis accersenda censebant. Erant etiam, qui postera, vel altera die abeundum putarent, ut simul colligendarum rerum spatium esset, simul ut non fuga, sed migratio illa videretur: Duo erant aditus,

tus, quibus ex Urbe Roma ad nos pervadi posset: unus per pontem, cui Moles Hadriani superimposita est, alter per Transtiberim, & Janiculi Collem. Ad Molem Hadriani, quoniam de fide ejus, qui arcem tenebat, dubitabatur, stationes nostrorum militum oppositae fuerant, valloque, & aggere in modum castrorum munitae. Ad Janiculum moenia erant nonnullis in locis vetustate collapsa: haec quoque loca armatis complebantur. Resistit sine dubio poterat contra omnem populi vim; verum quia cibaria paucorum admodum dierum aderant, & Regiae turmae nobis infestae adventare nunciabantur, vicit eorum sententia, qui suadebant e vestigio abeundum: Igitur sarcinas colligere, & impedimenta componere nostri contendunt. Quod ubi pro angustia temporis factum est, primum equitum turma una, deinde impedimenta, peditesque profisciscuntur, post hos Pontifex cum omni Curialium turma. Extremum fuit equitum agmen, qui aliquo intervallo secuti, vim, si qua immineret, a tergo repellerent. Supererant quatuor diei horae, cum Urbe egressi sumus. Profecti non sine magno timore circiter secundam noctis horam ad vicum Cessianum XII millibus passuum ab Urbe pervenimus. Ibi per eam noctem commorati, postridie prima luce castra movimus, & circiter sextam diei horam sutrium pervenimus. Sutri *mir (Pal)* ^{mir} multitudinem extra portas diffusa, Pontificem alacri vultu receperunt. In hac Urbe, quod reliquum erat diei, ac secutam noctem commorati, postera die Viterbium conuendimus. Res quidem ita gesta est: nos, ut spero, aliquot menses Viterbi manebimus. Haec tibi scripsi leviter febricitans. Marcus familiaris tuus salvus est: una enim nobiscum ex Urbe aufugit. Quantum ad eum spectat, dabimus operam, ut quem-

quemadmodum fieri mandasti, ita fiat. Vale. ex
Vterbio.

VI.

LEONARDUS COLUCIO S. P. D.

Quae ratio imponendorum nominum fuerit:

Quaesisti ex me, an Hectoris nomen aliud significet, quam Priami filium, & quid Misenus Eolusque designent, quibusve litteris scribi debeant. De quibus ego vix quicquam certi respondere possum, cum libros hic habeam nullos, sed quantum memoria tenere videor, Hector idem significat, quod defensor, sive tutor. Sic est enim apud Platonem in eo libro, qui inscribitur de nomine; Docet ibi Plato haec Heroum nomina non esse vera, sed pleraque eorum a poetis conficta, ut Hectorem quidem appellatum dicit, quia Urbem tenuerit, patriamque tutatus sit; Astyanactus vero, quia cum Hectoris filius esset, ad eum spectabat imperium Urbis; Asty enim Graece Urbs est, Anax, imperator; inde Astyanax dictus a viris, nam mulieres ut inquit Plato, Scamandrium appellabant. Remotae enim a civilibus officiis, non dignitatis nomine vocabant filium Hectoris, sed proprio. Agamemnonem dictum quia tolerantiam habuit in bello: aga quidem nimium est, memnon autem tolerans. Adrastum quia rem non confecit Thebanam A enim privatio est tam apud Graecos quam apud nos: drao autem facio, unde Adraستي nomen est factum. Id etiam magis in Hyppoliti nomine apparet. Cum enim hyppos equus sit, lio autem discerpo, & ab

& ab his nomen ipsum Hyppoliti conficiatur: quis non intelligat, id quidem nomen ab eventu fabulae inditum fuisse? Multa praeterea docet Plato in eo ipso libro, per quae non solum res finxisse poëtas ostendit, sed etiam nomina plerumque affluxisse. De Eolo autem, & Miseno nihil habeo, quod referre possim ex alicujus auctoritate. Misenus tamen significare potest odiosum, Eolus autem vietum, & putridum. Haec tibi dicere possum, in quibus si tibi satisfacio bene est, si non satisfacio, incommoditatem librorum accusa. Vale.

VII.

LEONARDUS COLUCIO S. P. D.

Quo consilio Homerus nomina rebus personisque tribuerit.

NON satis conspicuum tibi factum ais, quod superioribus ad te litteris de Hectore scripsi, petisque & unde id nomen ductum sit, & quomodo, apertius explicari, & simul admirari videris, si id primaevum non sit, sed postea ab eventu quodam illi viro tributum, ut apud nos Torquati, & Cincinnati, & Africani. Ego autem exiliter porro jejuneque rescripsisse non inficias eo. Sed accidit hoc pudore quodam, quod ad te hominem ea aetate auctoritateque hisce de rebus scribens, quas tibi notiores esse puto quam michi, veritus sum, ne obtunderem auris, ineptusque fierem, si prolixius in iis ostendendis fuerim commoratus. Itaque velut admonuisse & tanquam digito monstrasse contentus, non ultra explicui. Sed quoniam illud tibi placere in-

intelligo, parebo equidem voluntati tuae, & quod tunc properatio abstulit, nunc mora refarciet. Primum igitur de Hectore non dubito, quin id sit non proprium nomen, sed a poëta fictum, ut etiam neque de Astyanacte, neque de Hyppolito dubitari potest. Nam, & Astyanactis aliud nomen ab ipso poëta didicimus Scamandrium, & Hyppoliti, quem fabula tradit turbatis distractum equis, nomen hoc ipsum ita designat, ut plusquam manifestum sit ab eventu fabulae fuisse impositum. Nec ulla sane admiratio vel tibi, vel aliis esse debet, si a poëtis fingantur nomina, cum res ipsas fingere illis permittamus, quas constat minus esse in potestate nostra secundum naturam, quam nominum ipsorum impositiones, praefertim cum iusta sit ratio nuncupandi, ut est in his ipsis, quae supra memoravimus. Hectoris enim filius, quia spe successionis quasi designatus quidam Rex opinione hominum habebatur, Astyanax a poëta dictus est, adeoque fictum nomen praevaluit vero, ut Scamandrium quis fuerit, nemo sciat, Astyanacta vero omnes cognoscant. Hyppoliti quoque non dubito, si modo quisquam is fuit qui Thesei filius ab equis distractus fertur, aliud nomen fuisse, quod postea ab hoc ficto & adventicio obscuratum deperiit, ut jam nisi Hyppolitum nemo intelligat. Eadem ratio de Hectore est, quod & ipsum a poëta fictum apparet. Dictum ajunt ab eo, quod Urbem tenuerit, quod quia non satis clarum, tibi videri scribis, conandum est lucidius aperire. Tale enim aliquid intelligi volo, quale est Virgilianum illud:

In summa custos Tarpeia Mallius arce

Stabat pro templo & Capitolia celsa tenebat

Tenere enim hoc in loco tueri est, & defendere. Ab hac itaque significatione tractus est Hector. Nam ἥκω graece teneo est, inde Hector verbale nomen

ex

ex eo illi tributum, quod is solus patriam tenuerit contra Graecorum impetum. Patescere jam arbitror quid ipse intelligam; nil tamen vetat enodatius explicari. A poeta enim ipso si quis in hunc modum quaerat: Dic michi, Homere, tu apparatus Graecorum tantos facis, ut mare quidem classibus, terra autem incredibili armatorum multitudine compleatur. Conveniunt Reges cuncti, & proceres ad Trojam oppugnandam: obsident illam, atque circumstant. Quis ergo adversus tantam vim tenere Urbem poterat? In hunc modum si quis roget respondebit Poëta: filius erat quidam Priami Regis maximus natu. Is Dux, & Imperator incredibili virtute contra tantam Graecorum manum Trojam tenebat, atque eam ob rem, cum haec in poemate describerem, hunc ipsum admirabilem praestantemque virum a tenendo Hectorem nuncupavi, nomenque a re fingendo pertraxi. Quotiens ergo de Hectore scribo, totiens de eo, qui Urbem tenebat sentio. Nec multum admodum interest, Hector dicatur, an is qui Urbem tenebat. Haec igitur, si poeta dicat, liquidissimum erit, quod requiris. At enim, inquires, non solum Hector tenebat Trojam contra tantos hostium conatus, quo pacto enim id posset? sed & alii cum eo perplurimi Troës, & Licii, & Dardani cominus pugnaces. Immo solus, si Homero credis. Quodam enim loco sui carminis cum Hectoris mentionem fecisset, quasi rationem hujus afferret, ita subjunxit; solus enim hic servabat urbem, & moenia longi ambitus, & alio loco inquit: solo stabat Hectore Troja. Nec tamen in hoc ipso mentiturum putes Homerum, quia solum dixerit. Nam Imperator in exercitu, ut Aristoteli placet mentis atque animi instar habet; milites vero quasi membra quaedam ipsius, & instrumenta sunt. Ut igitur
ne-

neque pes, neque manus, neque dolabra facere opus dicuntur, sed artifex, cujus jussu illa moventur; ita in bello non militem, neque exercitum, sed Ducis Imperatorisque opera sunt. Imperator vero erat Hector. Non ergo superlatione neque jactantia Homerus de Hectore locutus est, quod solum hunc dixerit Trojam servasse, sed philosophia plenus Divina quadam intelligentiae vi ex arcano veritatis ista deprompsit, laudes in re militari ac res bello gestas Imperatori & Duci, hoc est rationi, & providentiae totas ascribens. Vale.

VIII.

LEONARDUS SALUTEM DICIT NICOLAO⁽¹⁾

*Platonem suis dotibus praedicat, & quam
ratione transfulerit ejus libros.*

ET si ego, mi. Nicolae, prius quoque vehementer amabam Platonem tuum, sic enim placeat michi appellare illum, pro quo tu adversus indoctorum turbam omni tempore pugnasti; tamen ex quo hunc dialogum ejus latinum facere incepti, tantus michi benivolentiae cumulus accessit, ut nunc amare ipsum videar, prius autem solummodo dilexisse. Cave enim existimes quicquam omnino reperiri posse, quod aut sapientius scriptum sit, aut facundius. Quod quidem ego nunc magis, quam antea intelligo, cum ob convertendi diligentiam singula ejus viri dicta undique conteram, atque discipulam necesse est. Maximas itaque Colucio
pa-

(1) Nicolao Nicolo Parricio Florentino, ac la Graecis litteris doctissimo.

patri, ac praeceptoris meo gratias ago, qui injungendo hoc munere tantum michi beneficium attulit; prius enim Platonem dumtaxat videram, nunc vero etiam, ut michi videor, cognovi. Cujus ego libros si aliquando absolvero, & latinos, quemadmodum percupimus, effecero, nae, tu mi Nicolae, quicquid adhuc legisti, prae illius viri maiestate contemnes. Est enim in illo plurima urbanitas, summaque disputandi ratio, ac subtilitas, uberrimae divinaeque sententiae disputantium mirifica jocunditate, & incredibili dicendi copia referuntur. In oratione vero summa facilitas, & multa, atque admiranda, ut Graeci dicunt *χαρις*. Nichil est enim insudationis, nichil violenti: omnia sic dicta sunt, quasi ab homine, qui verba atque eorum leges habeat in potestate, ipsa optima, ac dicissima natura omnes animi conceptus summa cum facilitate venustateque exprimente. Ejusmodi quidem apud Graecos est Plato, quem ego nisi apud latinos quoque talem ostendero; aperte sciant, illum meo vicio deteriorem factum, nec se Platonem legere putent, sed meas ineptias. Verum ego laboraturum quidem me, ne id contingat, polliceor; praestaturum vero non polliceor, non enim auderem talia de me ipso polliceri. Illud certe tibi, nisi fallor, praestabo, ut Platonem tuum sine molestia legas; addo etiam, ut cum summa voluptate legas, quod ut puto neque a Calcidio, neque ab hoc altero, qui bene atque graviter nomen suum suppressit, adhuc tibi praestitum est. Sed illi forsan alia via ingressi sunt, ego autem alia. Illi enim a Platone discedentes, syllabas, atque tropos secuti sunt; ego autem Platoni adhaereo, quem ego ipse michi effinxi, & quidem latine scientem, ut judicare possit, testemque eum adhibebo translationi suae, atque ita traduco, ut illi ma-

maxime placere intelligo. Primo igitur sententias omnes ita conseruo, ut ne vel minimum quidem ab illis discedam. Deinde si verbum verbo sine ulla inconcinnitate, aut absurditate reddi potest, libentissime omnium id ago; Sin autem non potest, non equidem usque adeo timidus sum, ut putem me in crimen lesae maiestatis incidere, si servata sententia paulisper a verbis recedo, ut declinem absurditatem. Hoc enim ipse Plato praefens me facere iubet, qui cum elegantissimi oris apud Graecos sit, non vult certe apud Latinos ineptus videri. His ego fretus, nisi quod tibi pollicitus sum effecero, non recuso equidem, quominus in pistrinum dedar. Sed haec satis. Orationem, in qua laudes Florentinorum congeffi, Laudatio Florentinae Urbis inscribi placet, eamque, ut Colucius videat, curabis. Vale. Nonis Septembris. *Ex lib. Senzani (Niggen)*

IX.

*Omnino*LEONARDUS S. D. PANAGATHO. *Vindobona**Bl 62**Gratulatur amico ex captivitate liberato.*

NEscio quibus verbis, aut qua oratione uti queam ad hanc immensam animi laeticiam, voluptatemque exprimendam. Tanta est enim magnitudo gaudii, ut omnia verba leviora, frigidioraque videantur. Redditus est michi frater, amicus comes, familiaris, socius studiorum pariter ac voluntatum, atque inde redditus est, unde redditionem ejus jam planissime desperaram. A durissimo carcere, a truculentissima bestia, a manibus immanis tyranni, qui nocentum, & innocentum caedibus pari-

ter inhiabat, michi redditus est. Ab hoc tam crudeli, tamque saevo portento meus dulcissimus, ac suavissimus Panagathos sospes, incolumisque evasit. Abiit maeror, cessavit afflictio, recessit animi assidua aegritudo, neque enim michi poterat esse quicquam dulce, dum is amicus, quem ego plusquam dimidium animi mei semper putavi, in squalore, & carcere injustissime tenebatur. Ah quos ego dolores, quas erumnas perpeffus sum? Quotiens Deos atque astra crudelia appellavi? Quotiens justiciam Dei culpavi, quae talia sufferret? Sed, ut inquit ille, lento quidem gradu; jam enim non solum ex liberatione tua laeticiam capio; verum etiam ex ruina hujus novissimi Phalaridis, quae michi in immensum accumulatur gaudia. Sed haec satis. Nunc vero mi dulcissime Panagathe, sic enim te magis appellare juvat, nam tantundem significat, & minus habet asperitatis, ut unquam antea te amavi, ita etiam nunc amo; & ut de tua injustissima captivitate summum dolorem accepi, ita de tua justissima liberatione summam capio voluptatem. Et quoniam in hoc loco positus sum, perscrutare quicquid Curia habet Romana: Si quid est quod usui tibi existimes, michi notum face. Ego quicquid mea opera, studio, diligentia efficere possum, in tua potestate esse totum profiteor. Vale.



X.

LEONARDUS S. D. NICOLAO.

De reditu Pontificis in Urbem, & quod Colucius alienatus sit a se sine causa dolet.

PErgrata michi fuit diligentia tua, quod libros ad me festive indutos misisti. Sive illos Cerberus, sive Radamanthus ornavit, bellissime se habent. Id tamen admiratus sum, quod sine tuis litteris venire. Pontifex cum universa Curia paulo post recessurus est ad Urbem. Ego jam pridem te vocassem cognito desiderio tuo videndi Romam. Iter enim hoc medium confecisses nobis comitibus atque sociis, quod certe voluptati, ut opinor, tibi fuisset; verum ita producta res est usque in hanc diem, ut in ambiguo fuerit, verbis ne duntaxat, an revera iter esset futurum. Profecto, contra atque fieri solet, in hac deliberatione nostra evenit. Non enim major pars meliorem vicit, sed melior eademque major a minore atque pejore superata est. Ingemisciente enim Curia Viterbio abimus paucorum cupiditate ambitioneque compulsi, & Romam vadimus ad homines praeter quam magnifice quondam a nobis offensos, ingenio quoque ac natura ad res novas proclives. Nec omnino pacata est Urbs; nam intra moenia ipsa Molem Hadriani hostis habet obsessus quidem, artamen habet; quae de re non bene a prudentibus viris video augurari. Nos utcumque tantem res sunt, bono animo erimus. De Colucio autem nostro quo me vertam nescio. Scripsit enim nuper ad Pontificem commen-

dationem de me amplam sane, ac luculentam. Ego statim perhumaniter, ac verecunde illi per meas litteras de hoc ipso multis verbis gratias egi, nec praetermisi superiora ejus beneficia; nichil denique abfuit, quominus illi in benivolentia insigni etiam cum gratitudine responderem. At ipse quasi vereretur, ne homines ex illa commendatione sua pluris me facerent, quam sat esset; secundis continuo litteris mirabilem palinodiam cecinit. Nam cum ad eum, quasi ad parentem questus essem, quod febriens nec vina, nec medicos, nec aliud quicquam aegrotantibus aptum in hac urbe reperissem; abrepta hinc occasione, quasi ipse Zeno, aut Diogenes esset, me ut insanum lacerare coepit, quod videlicet afficerer erga corporis voluptates. Utinam hae voluptates inimicis proveniant meis, ut quotidiana febre estuantes vina, & medicos requirant! Quam humanius erat mecum pro nostra amicitia ipsum quoque quod iis caruerim, doluisse? Sed omittamus: ego enim ad eum rescribens⁽¹⁾ cum plane stomacharer, ad hoc ipsum respondere nolui, veritus, ne, si respondere coepissem, impetus me ultra, quod vellem, corripere. Itaque eam trasgressus partem alia quaedam levia, quae inepte quidem ejus epistola continebat, non absque aculeis quibusdam infectatus sum, & hoc ipsum fecisse me poenitet. Nam tolerare honestius fuit, quacunque mente id agat; praesertim cum parentis eum loco habuerim haecenus, & habiturus perpetuo sum. Vale V. Idus Martii MCCCXVI. ~~Venerabilis Col. lib. 8. v. 15~~

LEO.

(1) Haec Leonardi ad Colum-
cium epistola haecenus inedi-

ta ex MSS. Codd. infra lib.
X. a me edetur.

XI.

LEONARDUS NICOLAO SALUTEM.

Vind 324

Bl. 62

*Reintegrari bellum cum Romanis civibus post
Pontificis in Urbem reditum.*

INvitus equidem, quod tibi jam ante scripsi, Romam redieram: magis tamen invitus abscedo. Juvabat enim quaecunque esset rerum conditio, una cum reliquis eandem fortunam subire. At imminentibus copiis hostium, & crescente in dies metu, Pontifex me auxiliorum convocandorum causa in Picenum & Gallicum agrum dimittit. Qua in re cum cetera sint molesta, illud tamen me juvat, quod te videre ante reditum spero. Vale. Romae VIII. Idus Aprilis.

XII.

LEONARDUS NICOLAO.

Vind 3244

Bl 63

Dolet propter amicum vita defunctum.

HEri cum Arimino proficiscens Caesenam versus contenderem, nunciatus est michi obitus Colucii nostri optimi ac sapientissimi viri, quo ego audito ita mente concidi, ut post longum spacium vix me recipere valuerim. O me infelicem qui tali parente orbatus sim! Atqui ego cum Pontifex me in hanc legationem dimitteret, quanquam iter erat molestum; tamen ea de causa

id munus suscepi, quod sperabam, idque cum eo pepigeram, me confecto negotio Florentiam venturum, & aliquot dies voluptatis causa apud vos moraturum. Nunc, ut video, non ad voluptatem, sed ad luctum venturus sum. Nam quomodo siccis oculis plateam illam, quomodo publicas aedes, & templa Florentiae Urbis potero intueri, in quibus cum illo praestantissimo viro sum diutissime conversatus? Quomodo te, ceterosque familiares conspiciere, quos non immerito lugere conjecto? Sed finem scribendi faciam. Impedior enim lacrimis. Volo autem, ut me Bonifacio, ac ceteris filiis, itemque Joanni nepoti totum offeras. Cum enim pater illorum michi pro parente fuerit; decens est, ut filios ipsos pro fratre colam. Vale IIII. Idus Maii ex Mutiliana MCCCCVI.

XIII.⁽¹⁾LEONARDUS NICOLAO MEDICI ⁽²⁾.*Amicum monet de reditu suo in Urbem.*

STatueraam ad te nichil scribere, antequam Romam rediissem; Sed cum Laurentius Cremonensis vir perfamiliaris, & studiosus tui hodie michi occurrens, nunquid ad te vellem, rogaret; nolui ipsum omnino vacuum dimittere litterarum mearum. Scito igitur me jam multos dies Viterbii com-

(1) Hanc Epistolam, quae in Fabriciana Edit. deest, sic ex Edit. Brixienſi, & MSS. Laurentianis, Riccardianis, Benedictino, ac Gualteriano

hic de more exhibuimus.
(2) Viro Cl. quem praeceptor domi assiduus erudierat Arretinus. Ita de eo Blondus in Ital. Inſuf.

commoratum. Nam iter sic infestum latrociniiis & hostilibus incursionibus fuit, ut tuto transire posse desperarim. Nunc vero quoniam induciae quaedam cum hostibus factae dicuntur, licebit iter arripere, quod faciam hodie, ut spero. Ex Urbe Roma prolixius ad te scribam. Vale II. Kal. Julias.

XIV.

LEONARDUS SALUTEM D. ANTONIO
GRAMMATICO ⁽¹⁾.

Fastidio verbum quid apud autores significet.

REm supervacuam postulare videris, & actum: quod est contra proverbium, agere. Nam cum in tanto conventu hominum, tantaque celebritate ex mandato Pontificis sententia dicta sit, nichil omnino relictum puto, de quo quisquam super ea re jure possit ambigere. Quamquam & antequam judicaretur ejusmodi erat haec vestra disceptatio, ut nulli, qui modo aliqua legisset non ridenda illa quaestio videretur. Etenim quis nisi omnino rudis, & ab omni doctrina penitus alienus dubitandum putaret, quid de natura, aut significatione alicujus verbi tenendum sit, quod videat apud excellentissimos latinae linguae Autores, quemadmodum significet, frequentissime declaratum? Omnes qui in arte Grammatica unquam scripserunt, quotiens de significatione verbi, vel constructione dubitatum est, ad

B 4

viro-

(1) Patria Mediolanensem fuisse patet ex epistola Libri VII. Alibi tamen Cremonensem nominat, sicut etiam Poggius, ejus nonnullae epistolae ha-

tenus ineditae ad Antonium Cremonae, vel Cremonensem Virum Cl. a me in hac Sylloge in lucem proferuntur,

virorum doctissimorum scripta confugiunt, atque ex illorum usu, quo pacto nobis utendum sit, firmissime tradunt. Quid enim Priscianus Caesariensis in libris suis aliud docet, quam quemadmodum eruditi homines latinis verbis sint usi? Hoc ejusmodi est: quamobrem? Sic enim Cicero in Protagora, sic Plautus in Asinaria, sic Lucanus in Sexto. Nonne cum ex istorum, aut caeterorum autoritatibus confirmavit, & sibi, & aliis satisfacisse arbitratur? Idem apud Graecos facit Aristarcus, idem caeteri omnes, qui hanc artem tractavere, & recte. Cum enim arbitrium jus, & norma loquendi penes usum consistat; quis efficacius, quam doctissimi, & elegantissimi homines, & in dicendo maxime comprobati possunt de hoc usu testimonium perhibere? Indoctorum enim corruptela, non usus loquendi appellandus est, sed abusus. Cum igitur legamus, *fastidientis stomachi est*, & rursus: *oluscula quae nunc squalidus in nigra fastidit compede fessor*, & invenies alium *si te hic fastidit Alexis*, & *coelestes delicias fastidire*, & *si sciret regibus uti, fastidiret olus*, qui me notat, & millia hujuscemodi apud probatissimos autores scripta; quid jam relinquitur, quod de natura, aut significatione hujus verbi *fastidio*, nisi cum summo audientium fastidio disceptari possit? Si apud unum dumtaxat ex iis, quos memoravi, hoc verbum sic constructum reperiretur; tamen propter auctoritatem scribentis approbandum censerem. Cum vero apud omnes eodem modo reperiat, quis nisi stultus, & arrogans jam improbabit? Quod si nullam rationem inveniremus, cur ita diceretur; tamen ipse usus excellentium virorum pro ratione esset habendus. Nunc verò cum praeterquam quod omnes hoc modo videmus locutos, etiam ratio evidens sit, cur ita dicatur; nullus om-
nino

nino repugnandi relictus est locus. Nam cum fastus elationem animi per despectum significet, clarum est illum fastidire, qui per huiusmodi fastum aspernatur, & despicit. Non igitur carnes fastidire te possunt, cum inanimes sint, nec in illis cadat huiusmodi elatio. Aliud est enim fastidire, aliud fastidium parere. Parit enim fastidium res, quæ me per saturitatem, vel alium quemvis modum ad aspernandum inducit. Ipse vero animus, qui aspernatur, & quasi ab ea re se contrahit, & quodammodo abhorret, fastidire dicitur. Sic Coridonem Alexis per fastum, id est per elationem animi fastidiebat. Sic C. Marius L. Syllam fastidivit quaestorem; Sic qui sciret regibus uti, fastidiret olus. Quod nonnulli parum intelligentes, nec subtiliter discernentes, ista duo confundunt, præsertim cum a vulgari consuetudine loquendi mentem nequeant avocare. Sed certe, ut ei qui recte edificare velit lapides ad filum redigendi sunt, non filum ad lapides; sic ei, qui recte loqui curat, non intellectus ad verborum struem, sed strues ipsa verborum ad intellectum est referenda. Hac igitur ratione, & simul superiorum autoritatibus motus te victorem in hac controversia judicavi, atque etiam hodie judico, & adversarium illum tuum, qui te vestigia, autoritatesque antiquorum imitantem, minus congrue loqui contendit, rudem, atque improbandum esse dico, Vale.



XV.⁽¹⁾

LEONARDUS NICOLAO S.

*Amicum monet de sententia a se lata, epistolaque
ad illum missa.*

Mitto tibi exemplum ejus epistolae, quam me per tuas litteras flagitasti; ridebis opinor legens; sed longe magis risisses, si stultitiam Romani populi duobus grammaticis faventis conspexisses. Commiserat enim michi Pontifex, cum jam ad ipsum studia partium non secus, ac seditio quaedam urbana pervenisset, ut causa per me cognosceretur. Fastidiosus ergo judex fui, & cum fastidio de *fastidio* disceptavi, illorum fastidiens ineptias, qui per fastidium veram sententiam fastidiebant. Vale. Romae. Kal. Augusti.



LEO.

(1) Hanc, quae in Fabriciana deest, sic ex vet. Edit. & MSS. dāmus.



LEONARDI BRUNI
ARRETINI
EPISTOLARUM
LIBER SECUNDUS.



I. ⁽¹⁾

LEONARDUS NICOLAO S.

*Quibus rebus maximarum laudum materia
praebeatur scriptoribus.*



Egocia Lupi nostri de quibus significari
tibi jam saepius me per tuas litteras
monuisti, scias plane his proximis die-
bus esse confecta: postulatio enim, quae
michi illius nomine tradita fuerat, no-
bis deprecantibus per Pontificem admissa est. De
qui-

(1) Haec epistola in vet. edit. nonnullisque Codicibus est ultima
primi Libri.

quibus ad ipsum scribo latius, quae litterae, ut ei reddantur, curabis. Quod autem de Colucii laudatione significari tibi postulas, procedit sane opus satis, ut michi videtur, luculente. Verum quia institutus sic fuerat sermo, quasi in ipsius viri funere secundum antiquum morem ejusmodi haberi videatur oratio; saepe mecum ambigo, an praestet totam dicendi rationem sic mutare, ut fictionem in re praesertim seria evitemus, nec lachrymis, & lamentationibus ei tempori congruentibus impediamur multa, quae relatu digna forent, referre. Tempori enim ut nosti, inserviendum est, nec jocunda tristibus satis concinne admisceri possunt. Itaque si rationem dicendi mutavero, videor paulo ampliorem campum ad dicendum habiturus. Nam quod de prolixitate orationis me admones, idem michi quoque placebat sicque institueram. Sed nichil fas esse duco te a me celari: amicus enim ad amicum loquor, id est ipse ad me. Stamina ipsa, & fila nescio ob rei ipsius de qua agitur, vel ingenii, vel utriusque simul paupertatem mirifice me destituunt ad id, quod exorsus fueram, pertexendum, atque ut ego nunc video, & ut tu clamare plerumque soles, nos plane hoc tempore homunculi sumus, quibus etsi magnitudo animi non deesset; materiam certe deest ad nominis atque gloriae amplificationem. Marcum Claudium Marcellum Siracusae captae, Nola defensa, Hannibal repulsus, & multis secundis proeliis superatus, Consulatus V., Proconsulatus II, Caesus dux hostium, & opima Feretro Jovi suspensa spolia, Triumphus, & Ovatio celebrem reddunt. De Marco Portio Catone Syllae trucidandi consilium, Tribunatus militum, Aerarium purgatum, thesauri Cipro devedti, contentiones tribunitiae, contiones infestae, repulsa Consulatus, Praetura urbana,

bana, civile bellum, & ferro prius, deinde manu imperita viscera latam ad scribendum Ciceroni nostro praestiterunt materiam. Agesilai vero, quem laudat Xenophon, Herculis posteritas, Lacedaemonis imperium, magnificae res gestae, innumerabilia per Asiam, Graeciamque trophoea, puellaris verecundia, & probata per omnem aetatem castitas memoratur. Possum infinitos pene referre de nostris ac Graecis illustres viros, quorum latissime sunt res gestae diffusae. Nos autem hodie quam in angusto versamur? Quid enim nunc referam? aut quid dicam? magistratus ne in urbe vel extra urbem gestos? At me quam magnifici hi magistratus sint, valde poenitet. An res bello gestas? Apud Pociole credo memorabilem editam pugnam, aut tu legere poteris absque risu, aut ipse ego, si compos mentis fuero, describere audebo. Contentiones populares nullae sunt, leges perlatae nullae, decreta etiam nulla, mores dumtaxat, & humanitas superest. Tamen in illis ipsis, nisi aliqua insignia liberalitatis, humanitatis, prudentiae, severitatis, constantiae supra consuetudinem egregii ac rari exempli edita facinora extent, satis copiose laudari non possunt. Universi quidem generis laus parum habet momenti, nisi ad singularia descendis. Singularia vero, qui admirabilia videri possunt, nisi sint egregia, & rara, velut Fabii subventio pro salute Minutii ab hoste circumventi, quo uno facto summus ille Imperator tres maximas victorias consecutus est: vicit enim se ipsum, vicit inimicum, vicit hostem; Velut Marcelli humanitas, & magnitudo animi, qui fasces deposuit consulares, ut accusatoribus Siracusanis apud Senatum conquerentibus par esset. In his atque huiusmodi laudandis prius mehercule charta atque atramentum michi deforet, quam oratio. Nos vero quid simile

simile aut par? Quid egregium aut admirabile praeter studia, & litteras? Itaque me in illis jactabo immodice, & tamen caetera diligenter perquiram, & colligam, quo prolixitas impleatur. Vale.

II.

LEONARDUS FRANCISCO PRINCIPI
CORTONENSIIUM ⁽¹⁾ SALUTEM P. D.

*Qua mortis morbique specie interierit
Innocentius Papa ⁽²⁾.*

Varie delatam ad te famam de Innocentii morte non equidem admiror. Quippe & hic apud nos in loco ipso atque adeo in ipsis aedibus, quibus ipse diem obiit, varia varii suspicantur opinanturque; plena est enim malivolorum Curia. Alii confestim putant, quae vellent mala, alii per calumniam, & quae non putant, diffundunt. Michi vero quantum ex his, quae aspexi, judicare licet, nequaquam dubium est illum natura interiisse. Quid enim aliud putem de homine, qui & supra septuagesimum aetatis annum, & valitudine fracta ac misera fuerit? Neque enim nunc primumvis morbi in illo, sed jampridem erupit. Nam praeterquam quod pedibus aeger, & lateris dolore nonnunquam cruciabatur, bis apoplexia, quod quidem scierim, correptus est, Romae primum, levius, dei-

(1) Ab aliis Dominus Cortonae dicitur, interfectusque fuit Mense Octobri an. 1407. jussu Loisi ejus Consobrini. Vide Sozomenum.

(2) Innocentius Papa VII. die

V. Novembris an. 1406. Romae diem obiit maxima infirmitate oppressus. Ita Sozomenus. Alii die festo defunctum malunt.

deinde Viterbii gravius, cum in auditorio sederet. Quo quidem in loco nisi aliquot familiares circa illum fuissimus, qui accurrentes suscepimus, spectante multitudine de sella in caput volvebatur. A nobis tunc in cubiculum relatus semianimis plane atque elinguis, nonnisi longa medicorum cura demum evasit, si id est evadere, mortem differre. Per Martium inde mensem Romam regressus, quandiu aestas caloresque fuerunt, non improbe se habere visus est; vergente mox in hyemem anno, rursus corruit, atque interiit. Illud modo interfuit, quod prima illa Viterbiensi aegrotatione linguam sic impeditam habuit, nichil ut exprimere non ridicule quiret. In extrema vero ipsa qua defunctus est, nullum linguae impedimentum apparuit. Praeterea in prima illa difficilis, & morosus, in hac perfacilis, ac perhumanus. Quadriduo ante obitum ejus tabellarios Florentini Populi, qui captas tunc primum Pisas attulerant, in cubiculum ad eum perduxi, cum quibus ita prospere locutus est, nullo ut premi morbo videretur; tanta vero patientia, & humanitate, ut pedem ex lodice nudum proferret, quo illi oscularentur. Interiit autem Romae apud Basilicam Vaticani, corpusque ejus post funebrem pompam in eadem Basilica sepultum est. Vale.



III.

LEONARDUS FRANCISCO PRINCIPI
CORTONENSII S. P. D.

Describit quomodo Pontifex ⁽¹⁾ in locum Innocentis electus sit.

QUOD flagitas, ut ad te scribam de actis nostris, est michi quidem non satis otii ad singula exaranda; attamen percurram, quae magis cognitu digna videbuntur. Post Innocentii mortem, funusque de more illi peractum, longa Patrum deliberatio fuit, supersederent ne electione, an alium in demortui locum Pontificem crearent. Faciebat vero dubitationem, quod Principes Galliarum, quorum, ut scis, populi diversa sectantur, Pontificem suum, quem Benedictum vocant, strictis promissionibus adegerunt se se abdicaturum esse, siue Cardinales nostri supersederent electione, siue Pontifex ipse item se abdicaret, quo utriusque Collegio in unum conveniente, unica indubitati Pontificis sequeretur assumptio. Sancta certe provisio Principum Galliarum, & a cunctis fidelibus merito commendanda. Neque enim finem ullum inveterati schismatis sperare licebat, si de jure disceptaretur: praesertim cum praeter Deum judicem ea causa nullum haberet. In hac igitur consultatione, cujus tu & causas, & respectus jam cernis, occupati

Pa-

(1) Gregorius XII. natione Venetus mense Novembris (die nempe 30.) eligitur in Papam qui septuagesimum annum aegris prius dicebatur Angelus

Corrarius Cardinalis Aquilejensis in sacra pagina peritissimus, & homo justus reputatus. Ita Sozomenus.

Patres, quid utilissimum esset haud facile statuēbant, propterea quod in supersedendo, & seditio-
num metus, & longior temporis delatio, & frustra-
tio adversarii, & hujusmodi multa timebantur, &
in eligendo voluntas ejus, qui assumptus esset, for-
midabilis videbatur. Vicit tandem eorum sententia,
qui eligendum quidem Pontificem suadebant, sed
validissime obligandum, quo adversario se abdicare
volente, ipse quoque Pontificatum dimitteret. Ea
mente jam Conclave ingressis, supervenit Joannes
Dominici ⁽¹⁾ a Florentinis Orator. Huic postulanti
contra consuetudinem fenestella Conclavis aperta
est, & alloquendi Patres facultas permessa. Summa
orationis ejus ista fuit: missum se a Florentino Po-
pulo, ut Patres cohortaretur, electione supersede-
rent; eam quidem esse certissimam viam unionis
consequendae. Haec multis verbis, magnaeque fa-
cundia homo dicendi exercitatissimus cum egisset;
Patres per se ipsos ferventes magis incendere visus
est. Itaque responsum a Patribus est, quando jam
Conclave intrassent, electuros quidem, verum ita
provisuros, ut electus qui fuerit, procuratorem po-
tius ad deponendum Pontificatum, quam Pontifi-
cem se factum intelligere possit: id enim jampridem
se constituisse, atque ea mente Conclave ingressos.
Finito in hunc modum colloquio, suum ad nego-
cium Patres revertuntur. Cautio ab illis haec adhi-
bita est: unusquisque Patrum promisit solemniter,
ac Deo vovit, & jurejurando sanxit, si sibi contingat
ad Pontificatum sumi, adversario Pontifici sta-
tim scripturum, invitaturumque ad se se invicem
abdicandos; procuraturum insuper omni via, & modo

Tom. I.

C

uni-

(1) Beatus Jo: Dominici de Ban-
chinis Florentinus Ord. Praed.
qui post a Gregorio XII. Ar-

chiepiscopus Ragusinus, inde
Cardinalis Titulo S. Xysti Lu-
cae an. 1408. renunciatus est.

unicatem, idque bona fide, sine ulla fraude promissionem, & votum, & iusjurandum quod ipse praestitisset, omnibus Regibus, Principibusque per suas litteras primo quoque tempore significaturum, quo eos testes haberet obligationis suae. Ea multis solennibusque verbis cum in libellum redegissent, & chirographa singulorum confecta essent, agitare post hac de electione coeperunt. Vir quaerebatur non tam pericia rerum gerendarum, quam fide integritaque idoneus. Quippe ad bene agendum in hac quidem re non calliditate consilii, neque profundo, arcanoque pectore, sed bona voluntate opus fore videbatur. Ita animati cum singulos perpenderent, tandem in Angelum Corrarium natione Venetum mentem consensumque omnes verterunt ⁽¹⁾. Is fuerat paulò ante opera Innocentii Pontificis inter Patres adscriptus, cum ante titulo tenus Patriarcha Constantinopoleos haberetur, vir prisca severitate, & sanctimonia reverendus. Is ergo Conclavi egressus, promissionem, votum, & iuramentum, quae privatus fecerat, nunc in potestate constitutus iterato novavit, atque ita loquitur de unione, ut si caetera desint, pedibus, & baculo se se iturum ad eam conficiendam asseverat. Nos opera videbimus, & certe spes bona superest ob eximiam huius viri integritatem. Praeterea tanta est omnium ad hanc rem conspiratio, atque ita erecti cuactorum animi, ut si tergiversari voluerit, nullo modo sint permissuri. Vale.

LEO.

(1) De Gregorii XII. electione pulcherrima Jacob. Angeliepi-
stola ad Emanuelem Chrysolo-
sam adservatur in Bibl. S. Gra-

eis, de qua tom. I. Mus. Ital.
Mabillonius; eamque in hac
sylloge producimus.

IV.

LEONARDUS NICOLAO S.

Ocii negotiorumque rationem reddit amico.

SExcentarum epistolarum tibi debitor sum, & quidem jam antea sic in mora constitutus, ut vix illa purgari posse videatur. Sed tibi etiam atque etiam videndum est, utrum praestet solutionem hujus debiti particularem recipere, an dum totam summam persequeris, totum amittere. Hoc igitur quoniam te malle opinor, his tabellis partem dissolvam, reliqua deinde alias, quoad datorum receptorumque fiat ratio par. Illud ante omnia praemisisse velim, quoniam de morte successoris Colucii per tuas litteras admones, me, nec si praesens essem, candidatum profiteri velle, nec absentem cupere, ut meum nomen per suffragium edatur. Satis enim michi est honoris quicquid est, locumque teneo pro aetate honestissimum non ambiendo, neque petendo quaesitum, sed ultro a Pontifice Maximo oblatum. Hic ego michi vivendum puto, atque, eo magis, quod bona spes habetur, hanc pestiferam divisionem e medio sublatum iri. Erekti sunt enim cunctorum animi post Innocentii mortem, & qui ante mussabant, nunc palam unitatem efflagitant. Novus Pontifex depositis contentionibus adversario scripsit, benigne illum ad pacem invitans, seque paratum offerens, si illo hoc idem facere velit, Pontificatu abdicare, quo unica Romani Pontificis sequatur electio. Harum litterarum, cum de industria cunctis his, qui peritiores habentur, mandata cura fuisset.

set, tandemque scripta seorsum cujusque Pontifici, Patribusque recitarentur, Arretina Civitas, quam nonnulli contemnendam putant, judicio omnium palmam tulit, junior inter seniores, nova inter veteres, ac diu exercitatos. Expectarem ut haec ab aliis audires, nisi tu quoque jam me plus aequo contemnere videreris, qui me lethem potasse scribis, & inter Curiales occupationes bonarum artium studiis decoxisse. Atqui nullae unquam de majori re a Pontifice ullo scriptae fuerunt, nec aut gravior, aut inusitator materia unquam extitit, & in qua singulae pene syllabae attentiori examine discuterentur. Non possunt omnia mandari litteris, & simul festinat tabellarius, ac ex tempore michi scribendum est. Quod vero flagitas, ut laudationi Florentinae Urbis, quam nuper edidi, nunc parva victoria, Pisique in ditionem adactis hanc partem adjungam, ego quoque faciendum censerem, si cursum victoriarum non longius processurum existimarem. At ego majora expecto, ni frustra augurium vani docuere parentes. Quare historia opus erit, & si sapiunt cives tui, docto alicui demandabunt. ⁽¹⁾ Mitto unam ex Demosthenis Philippicis, quam proximis diebus interpretatus sum. Tu vide, an ea interpretatio hominis, qui longa potarit oblivia, videatur. Aliam vero orationem famosam, scilicet illam pro Ctesiphonte, quam habeo in manibus, si haec non displicuerit tibi, alias mittam. Nunc istam habe degustationis loco. Vale Romae X. Kal. Jan.

LEO-

(1) Hae provincia functus est V.
Cl. Mathaeus Palmerius in
Comment. de Captiv. Pisarum, ||

& post Palmerium scripsit etiam de Bello Pisano Bernardus Oricellarius.

V.

LEONARDUS NICOLAO S.

Quando narratione opus sit, quando non, in causis:

ORationem Demosthenis, quam proximis diebus, cum per vacationem Romanae Sedis ipsa quoque ab occupationibus vacarem, ex Graeco interpretatus eram, puto te jam legisse, & praeterea tua diligentia omnem ejus vim studiosissime annotasse. Sed tunc cum illam ad te darem, oblitus sum aliquid praefari, ac praemittere, quo tibi ejus cognitio clarior ac dilucidior esset. Itaque nequaquam mirarer, si te, & de Diopythe, & Cheroneso, & de totius rei serie dubietas quaedam haberet; res enim apud nos minime celebris est, nec eam narrat orator, illa, ut opinor, de causa, quod tunc in consultatione explicata, omnibus nota, atque aperta erat, ut est etiam apud Ciceronem nostrum ibi: *parvis de rebus, sed fortasse necessariis consultumur P. C. de Appia via, & de Moneta Consules, & de Lupercis Tribuni plebis referunt*. Vides hic per oratorem nullam rei notitiam praebere, quod omnia fuerint ante in consultatione explicata. Quamquam alias aliter; ut de Imperatore deligendo post principium ait: *bellum maximum, & periculosissimum vestris sociis, atque vectigalibus a duobus Regibus Mitridate, & Tigrane, & caetera usque illuc* ubi dicit: *causam quam sit videtis, nunc quid agendum sit considerate*, ubi de narratione ad partitionem sermo traducitur. Credo satis notum fuisse Populo Romano Mithridaticum bellum, tamen nar-

*in d. ceteris
(F. p. 111)
in d. 111.*

rare libuit. Quod tamen non ex necessitate facere ostendit cum dicit, *atque ut inde oratio mea proficiatur, &c.* ubi manifestum est magis ad ordinem causae, quam ad necessitatem huiusmodi narrationem accommodari. Sed haec omittamus. Quando enim superlegendum sit narratione, & Cicero ipso docet, & is qui dicturus est, ex temporis, & causae, personarumque opinione peritiaque iudicabit. Ut autem ^{ad illam} illa veniam, quae tunc praetermissa, cum pax pro Philippo esset Atheniensibus, nec ~~secura~~ tamen, nec tuta, missus est Diopythes cum deductu civium, qui Cheronesum habitarent. Id erat quasi coloniam deducere, veluti apud nostros Fesulas a L. Sylla, & Bononiam a Scipione sunt Coloniae deductae. Accipiebant hi, qui deducti erant, arma & viaticum ex publico, & agri portio viricim assignabatur. Cum igitur Diopythes in Cheronesum venisset caeteris ejus regionis hominibus haud constantius colonos recipientibus, sola Cardianorum civitas recusavit. Ob quam causam cum bello a Diopythe lacefferentur, accito Philippo se se per illius auxilia defenderunt. Hoc Diopythes indigne ferens maritimam Thraciae regionem, quae Philippo suberat, depopulatus est, atque se inde propere in Cheronesum recepit. Querebatur ergo Philippus, & pacem esse ruptam praedicabat, seque ulturum huiusmodi colonos per litteras suas Atheniensibus missas comminabatur. Ea de causa concio habetur, & ad populum de ea re publice refertur. Dicuntur graves in Diopythem sententiae, & ab iis maxime, qui Philippo favebant. Demosthenes vero Diopythem defendit, & ad bellum adversus Philippum cohortatur, quod quibus rationibus faciat legendo discitur. Cura ut valeas mi suavissime Nicolae. Romae II. Kal. Januarias.

LEO.

VI. ⁽¹⁾LEONARDUS NICOLAO S. *Vindob. 32446. 63v*

*Nicolaum rogat, ut pro amico Gellio codicem
transcribi caret.*

Petrus Mianus vir jocundissimus, & in primis bene litteratus vehementer cupit Noctes Atticas sibi Florentiae transcribi. Itaque mecum egit, & quotidie agit, ut tibi hoc negotii dem. Sperat enim per tuam diligentiam commodissime fieri posse, ut scriptor, & exemplar reperiat, & studium adjungatur ad illas recte, & celeriter perscribendas. Nummorum autem quicquid vel pro chartis, vel pro scriptore opus fuerit, exsolvetur. Id ut tibi praesto sit, apud mensam Joannis Medicis providet. Hoc amici mei negotium ut suscipias, ac tua solita diligentia cures, etiam, atque etiam rogo. Vale. Romae VI. Kal. Aprilis MCCCCEVII.

VII.

LEONARDUS FRANCISCO PRINCIPI
CORTONENSII S. P. D.

*Quod duo Pontifices conati sint unitatem Ecclesiae
facere, quidam autem resisterint.*

Postquam alias ad te litteras dedi de unitatis negotio, haec subsequuta fuere. Pontifex noster statim ab initio adversarium ⁽¹⁾, uti promiserat,

C 4

(1) Haec quoque, deest in edit || Brix. & Codd. MSS. ita edimus.
Fabriciana, quam nos opo edit. || (2) Benedictum XIII.

serat, per litteras invitavit ad Pontificatum simul deponendum. Ille tandisem ferme syllabis ad eum rescripsit, eadem invitatio fuit, eademque cohortatio: locus deinde necessarius visus est, in quo & Pontifices ipsi, & Collegia convenirent. Ad hoc Savona pari consensu recepta est, urbs medio ferme spatio, & tam mari quam terra accessibilis. Prospere hucusque, & plane, ex sententia. Deinde turbationes suborre graves, cunctaque suspicionibus referta. Necessarii enim quidam propinquire Pontificis post assumptionem ad ipsum confluentes suspicionem apud multos pepererunt, quasi voluntatem prius rectam inflectere conentur. Accedit quoque Ladislai Regis detestandus conatus. Cum enim Regnum Siciliae ad sedem spectet Romanam, & in hac divisione nostri quidem Pontifices Ladislao, diversi autem Ludovico Andegavensium Duci id Regnum concesserint, ac certamina ea de causa fuerint permagna, in quibus tandem Ladislaus praevaluit, Regnumque solus possidebat; veretur nunc, ne abdicatione facta, & utroque Collegio ad electionem coeunte, Gallicus forte aliquis ad Pontificatum sumatur, qui favorem in regno obrinendo ad Ludovicum convertat. Hac itaque suspicionem permotus, omnes machinas adhibet ad unitatem impugnandam. Quod quidem factum Patribus, ac bonis omnibus ita molestum est, ut ad summum odium Regis nomen pervenerit. Nam illi quidem satis cautum erat ex formula ipsa, qua providetur, in cunctis dignitatibus, ubi plures a diversis electi reperiuntur, possessori dumtaxat jus fore. Itaque suspicantur quidam, non tam eo metu Regem moveri, quam id arcane moliri, ut per divisionem perpetuam Sedes Romana imbecillior maneat, ac nunquam in formidabile robur integrata evadat. Quicquid tandem
cum

sum moveat, aperte renititur, adeoque proficit, ut Saona communi consensu ad conventum deleta jam jam respuatur. Quo quid ignominiosius Italico nomini accidere possit, non equidem video. Oratores ex Gallia permulti quotidie ad nos: invitant, hortantur, excitant. Nos plane dormimus, nec quemadmodum fiat hoc tam sanctum opus, sed quomodo non fiat cogitamus. Habes acta nostra, quae quoniam ad te liberius scripsi dolore quodam per-motus, occulte queso has litteras, ne in aliorum perveniant manus. Vale Non. April. MCCCXVII.

VIII.

LEONARDUS FRANCISCO PRINCIPI
CORTONENSII S.

*Quo pacto Urbem Romam hostis ingressus sis noctu,
quoque modo expulsus.*

Scripsi nuper quid homines suspicarentur de Regis voluntate. Postea res inscutes cuncta etiam, quae prius obscura videbantur, magis patefecerunt. Regis enim copiae ingentes conjunctis sibi Romanis exulibus ad duodecimum lapidem via latina convenisse, atque inde ad Urbem occupandam venturae dicebantur. Erecta eo metu civitas confestim ad Pontificem decurrit, periculaque ostentans providere jam inde precabatur. Ille negare sedulo adventare quemquam, totumque rumorem hunc a malivolis fictum dicere, ut suspensiones, discordiaeque majorem in modum augerentur. Haec Pontificis asseveratio, quoniam ex vero proficisci animo videbatur, fidem multitudini fecit. Itaque nichil quasi sub-
effec

esset periculi, domum reversi cives positis armis quieverunt. Haec dicta fuerant ad vespertas. Eadem illa nocte de prima statim vigilia Regis⁽¹⁾ milites quidam, exulesque Romani per vaste solitudinis loca muros intrarunt; refracta deinde proxima porta aditum equitibus patefecerunt. Ad horum ingressum clamor sublatus per Urbem diffunditur, itur ad arma; concurritur adversus hostes, ac pluribus simul locis praelia conferuntur. Pontifex ubi ista sensit, confestim ab aedibus Vaticani, quibus inhabitabat, se se in Molem Hadriani recepit; Patrum vero nemo secutus est, praeter unum Columnensem⁽²⁾: nam caeteri metu perculsi, fuga sibi consulere, quam cum Pontifice includi maluerunt. Nec ego unquam noxam magis turbulentam puto fuisse, trepidis omnibus, & incertis, quid agere, quove consistere deberent suspecto Pontifice, nec tota quidem Urbe idem sentiente, fugae ipsa Patrum debilitabat animos, quasi praestantes sapientia viri, ac plurimum discernentes, quoniam intelligerent resisti non posse, migrandi consilium assumpsissent. Quamdiu nox fuit, hostis superior habebatur, nec jam procul a Capitolio pugna erat. Sed albescente mox coelo Paulus⁽³⁾ Ursinus cum equitatu subsidio nostris veniens, per diversam ab hoste regionem ingressus, media vadens Urbe, transversis itineribus ad eam portam pervenit, per quam hostes intrarant. Ibi dissipatis stationibus pone aggreditur, ita ut inter multitudinem populi, ac suum equitatum medios hostes haberet. A fronte igitur, & a tergo vexati, in fugam tandem vertuntur. Capti eorum multitudo ingens, & in his prin-

(1) Ladislai scilicet.

(2) Orho, seu Odo Columna
ab Innocentio VII. Diaconus
Cardinalis renunciatus Titulo

Sancti Georgii in Velabro.

(3) Paulus de Ursinis Pontificis
Exercitus Dux.

principes ferme omnes diversae factionis. Ex tempestate igitur admodum turbida, mox serena lux Urbi effulsit, ac ex moerore laetitia ingens, ut ego ipse spectator horum omnium admirer, tantam mutationem tam brevi tempore concigisse. Revocati ex fuga Patres, cum jam eorum plerique multa passum millia sutrium versus abiissent, summa gratulatione omnium rediere. Sunt, qui putent, hanc totam rem a Pontifice de industria compositam, quo mentio omnis unitatis obrueretur, quod futurum erat, si Rex obtinuisset. Nos de Pontifice nullo modo credimus, de propinquis vero dubitamus. Pontifex habere in animo videtur Senas petere, inde vero Lucam. Sed res adhuc perpaucis nota est. Vale.

X⁽¹⁾

LEONARDUS NICOLAO S.

Rogat ut in villa cum conveniat.

ANtequam Viterbio proficiscerer, dedi ad te orationem Demosthenis pro Cresiphonte. Latet fuit Petrus Bardella, qui Romae negociatur. Eam orationem arbitrabar te jam legisse, ac expectabam litteras ingensis leticiae. Cum in hac expectatione essem, ac jam mecum ipse, quod tardior fores, stomacharer; ecce quidam a te michi litteras attulit. Capio avide, atque aperio. Caput litterarum querelas contra me: medium autem, & finis nescio cujus beneficioli molestias continebat. Spe igitur destitutus lacravi illico litteras a Musis alienas, & alias expectare cepi. Cras ero in villa Lupi
no-

(1) Haec etiam desideratur in edit. Fabriciana.

nostri, quae est Senis propinqua. Si te nichil impedit, illuc properato: sin expectare mavis, ego propediem Florentiae te conveniam. Et tamen de hoc ipso beneficio ita faciam, ut te velle intelligo. Vale. Senis V. Idus Septembris MCCCCVII.

X. ⁽¹⁾

LEONARDUS NICOLAO S.

Amicum rogat, ut Tullii codicem adornari curet.

Non puto opus esse, multis ut verbis te cohorter, cum tibi & de amicissimi viri negotio, & de re tibi grata leve onus impono. Tu enim ipse re cognita moveri debes sine ulla postulatione, & rogatione nostra. Bartholomeus ⁽²⁾ Cremonensis mirifice, ut tibi alias narravi, studiis humanitatis deditus est; idque cum superiori tempore ante Presulatum studiosissime fecisset; non potest nunc Presul factus eas, quas ante coluit, Musas non affectuose amare, earumque sacra ferre ingenti, ut Maro noster ait, perculsus amore. Cum igitur volumen habeat praeclare scriptum orationum Ciceronis, cupit, ut singulorum capita librorum splendore litterarum illuminentur. Tu ergo in ea re diligentiam tuam adhibebis, dabisque operam, ut non auro, nec murice, sed vetusto more hae litterae fiant. Nam inaurare vel hic potuisset, si huiusce rei cupiditas

(1) Haec desideratur in Edit. Fabriciana.

(2) Bartholomaeus Capra primo Pontificiarum Epistolarum sub Innoc. VII. Magister, inde Cre-

monensis Episcopus, post Archiepiscopus Mediolanensis. Vile Arif. Tom. I. Crem. Inl. & Ughellum Tom. IV. Ital. Sacrae.

ditas ipsum haberet. Verum haec spernit, & antiquitati deditus est. Quare facies ut tibi videbitur, utque existimabis amatori antiquitatis potissimum gratificari. Volumen ipsum tibi mitto. Vale. Senis. 235

XI.

LEONARDUS BONIFACIO COLUCII FILIO,
FRATRIBUSQUE S. P. D.

*Quantam curam habuerit ejus, quem in fidem
receperit.*

Quantam parenti vestro homini doctissimo, viroque praestantissimo pietatem mortuo etiam praestare debeam, nec oblitus equidem sum, nec unquam uti spero, quamdiu vita supererit obliviscar. Quid enim si me genuisset ille plus aut caritatis, aut benivolentiae, aut amoris michi potuit impartiri? Multi genitores a filiis se rogari expectant, ille semper michi ultero & interrogatus occurrit. Multi frena dimittunt filiorum, cum adolescere ceperunt; ille in hac ipsa aetate frena mei suscipiens nunquam e curriculo deflectere passus est: sed monendo, castigando, incendendo ad virtutem praestantiamque direxit. Quod Graecas didici litteras, Colucii est opus; quod latinas non leviter inspexerim, Colucii est opus: quod Poëtas, quod Oratores, quod Scriptores ceteros legerim, didicerim, cognorim, Colucii est opus. Nemo unquam parens in unico dirigendo filio tam sedulus fuit, quam ille in me, cujus ingenium, in quo tamen amore nimio decipiebatur, ita natum ad haec studia praedicabat, ut si aliorsum diverterem, manus se se michi allaturum, ac vi re-

tra-

tracturum minaretur. Qui post aliquot annos, cum me tunc primum vocatu Pontificis Romam petere volentem lacrimans dimitteret, quasi praesagio quodam futurae mortis familiam michi suam multis verbis commendavit, sed praecipuam de Salutato curam, mandataque injunxit. Eum sane, inquit, quod oculis non satis valeret, nullae ferme rei gerendae satis aptum, permagnam sibi curam sollicitudinemque asserre. Nam de caeteris quoniam sani essent, minus admodum laborare: huic autem videndum esse jam nunc, & quae sustentamenta vitae sint praeparanda. Statuisse vero potissimum, ut in Clericos transcriberetur, proinde rogare me, obtestarique per amorem, quem erga me unum semper unice habuisset, ac adolescentem ipsum in meam fidem, tutelamque acciperem, efficeremque mea opera, ut cum aliquis dignitate, & honestate vitam ducere valeret. Hoc ego tunc in meam fidem cum recepissem, quid enim nunc de me, ac de desiderio narrem meo, qui non minus erga Colucium, quam erga parentem semper affectus fuerim? Sed velle quidem non satis est, nisi opereris; nec vero id satis, nisi prudenti studio annitase: nec etiam id satis, nisi ad effectum perducas. Qui enim in fidem suam quid recipit, non voluntatem bonam dumtaxat, ut michi videtur, nec qualemcunque operam praestare contentus esse debet. Affirmare profecto possum, nec vivente illo, neque postea defuncto studium & diligentiam ista quidem in re michi defuisse. Apud duos adhuc Pontifices fui Innocentium, & Gregorium. Cum utroque saepissime de hac re, & instantissime egi; sed ita plena est expectantium Curia, imo vero non expectantium, sed obviam euntium, ut quotiens aliquid vacaverit, a mille raperetur. Gratiā vero nostrā minuit, quod nos non pro nobis, sed pro alio peteba-

rebamus clarissimi quidem viri filio, quis negat? at-
tamen absente, & a familiaritate Pontificis alieno.
Itaque qui praesentes vel Pontifici ipsi, vel alicui
Patrum deserviebant, semper adhuc praelati sunt
petitioni meae, & ea quidem causa, quominus ad-
huc obtinuerimus, refragata est; quod postquam sa-
tis expertus sum, ad consilium versus constitui per-
sonam meam praetexere; neque enim alium finem
illum fore videbam desiderio nostro. Postulabatur er-
go nuper venerabilis vir Antonius Senensis⁽¹⁾ ad Epi-
scopatum Pisauri. Ob id factum duo illius benefi-
cia vacatura sperabantur, Canonicatus Florentinae
Ecclesiae, & Praepositura Fesulanae. Haec ego ita
fore apertissima Salutato exillimabam, ut si nps effu-
gerent, nunquam alias me consecuturum eam facul-
tatem arbitrater. Sentiens ergo quid me hactenus
impedisset, non jam pro illo, sed pro me ipso po-
tere professus sum. Pontifex vero etsi admirabatur
mutatam voluntatem meam, nam Episcopatum mi-
chi ab Innocentio oblatum sciebat me respuisse, ta-
men concessit, nec doct tamen illi, ut animadver-
tere potui, suspicio, quam diluimus simulatione,
& mora quadam interposita. Haec ego vobis nota
facere constitui, ut sciatis, haec beneficia Salutato
nostro impetrasse. Etsi dilatio intercedat quaedam
oportet, ne Pontifex indignus foras, se hoc praetextu
circumventum fuisse. Vestrum quoque interea fue-
rit commonefacere Salutatum, ut quoniam beneficia
habet parata, det operam efficiatque, ne ipse im-
paratus ad illa, quae Clericum scire docet, reperia-
tur. Valete Senis.

LEO.

(1) Antonius Casini, qui deinde a Martino V. Cardinalis creatus
est Titulo Sancti Marcelli.

XII.⁽¹⁾

LEONARDUS NICOLAO S.

A negligentiae increpatione se defendit.

Hodie tibi scripseram ante lucem: postea reditae michi sunt litterae cum increpatione negligentiae, cum rei meae, tum etiam alienae. Omnino reor ex parvitate animi provenire, ut pusillis de rebus magnam sollicitudinem putes capiendam, & exigui precii res grandes existimes. Quid enim opus fuit litteris meis? An non tu ipse michi scripseras te procuratorem faciundum, ut ille quasi persona quaedam aliena maiorem facultatem haberet opitulandi? Cum igitur tu haec scriberes, & ille asseveraret, quid aliud ipse facere debui, quum eam sic disponerem, ut vobis placuerat? Tibi etiam, cum michi is sis qui es, propositum esse debet, ut quod in tuo faceres negotio, id facias in meo. Quare si qua de re ambigis, peritiores consule, atque ita prosequare, ut in re fore existimabis. Denique tu haec me valde curare putas, vel tanti facere, ut ab istis nunc pendeam? Non est ita, michi crede: si res eum, quem cupimus finem habuerit, michi gratum erit: longe tamen gratius foret, si M. Tullius revivisceret. Satis de re mea. Nunc de aliena: Litteras amici tui diligenter tradendas curavi, & responsa postulare feci. Quid ultra quaeso a me requiris? An etiam ut extorqueam ab invitis? Omnia facere debui in re amici tui. Et feci equidem, & facio; nec video quid pretermissum a me sit, quod

te

(1) Haec quoque deest in Edit. Cl. Fabricii.

te, vel illum debuerit commovisse. Mianus forte, quod Florentiam erat venturus, respondere neglexit, saepius quidem a me postulatus. Alias litteras Camerario, & Paulo, ac ceteris tradidi. Quae mea culpa est, si respondere non curant? Forſan ſcriptum in his nichil eſt, quod reſponſum mereatur. Inſtruat me in negotio ſuo, & actorem rei eſſe velit, non litterarum exactorem. Tunc ſi deſuero me carpe. At de re penitus ignota quid ipſe reſcribere debui? Quare vide obſecro, ne tu magis carpendus ſis, qui pro quaque leviffima re ſic atrociter contra amicos inclames. Vale. Idibus Octobris, Senis. (8. idus Octobr. 407. Rom. lat. 6^{to} 215) 1^o 2. vol. diſt. 6. 65 v. n. Riccardi 835)

XIII. ⁽¹⁾ Vind. 3244. M. 64

LEONARDUS NICOLAO S.

Amicum rogat, ut nonnulla ex Cicerone transcribi jubeat, utique significat.

Mitto tibi orationes Ciceronis in Verrem recte quidem scriptas, sed ut videbis male emendatas. Qui enim corrigere voluit, eas plane corripit. Quamobrem tuae diligentiae erit, non quae postea mutata sunt, sed quae prius erant, transcribi jubere; idque facies sine ulla festinatione. Nam michi quidem cordi est etiam, quos mecum habeo libros, apud te omnes deponere, ne foratur una nobiscum in hac fluctuosa tempestate, & ambigua peregrinatione, in qua nec portum nec sedem certam perspicimus. Me quidem valde poenitet sic a vobis properasse. Nam potui quatuor dies adjungere

Tom. I.

D

gere

(1) Haec desideratur in edit. Fabriciana.

gere ad communem voluptatem. Rumores enim qui afferebantur de Pontificis itinere, vani erant. Vale.

XIV.

LEONARDUS S. D. ZACHARIAE ⁽¹⁾.

Quid in causa amici fecerit.

ET litteras tuas accepi, & quod me facere jubebas, quantum in me fuit, diligenter effeci. Impedimenta haec prohibent: proditor ille non adest. Procurator ab eo relictus mandatum habere se negat ad transactionem faciendam. Cum praetore multa pro te, & pro causa tua verba feci, postulans si quo jure ordinario vel ex bono, & aequo fieri posset, ut saltem in indebita pecunia solvenda, eam conditionem admitti juberet, quae vel in quocumque debito propter malignitatem temporis esset concedenda. Negat ille suarum esse partium aliquid tale jubere contra aitoris voluntatem, pro quo sententia, jampridem lata sit. Scripturum se tamen pollicetur ad prosopopejam illam, quam nunc, ut audio, Neapolis habet. Poggius noster omnibus assentiri paratus est, quae ad commoditatem tuam pertinebunt. Res tota differetur in reditum tuum. Interim dabo operam, ut illi scribatur. Sed quantum profecerimus apud elatam duri hominis cervicem, nescio. Tu cura ut valeas. Ex Senis X. Kal. Januarii.

XV.

(r) In omnibus MSS. Codd. est
Zucharo, nempe Ser Anto-
pii filio Notario Florentino.

**Porro' hanc epistola deest in
edit. Fabriciana.**

XV.

LEONARDUS PETRO MIANO S. P. D.

*Quam excellenter in Papae Cardinaliumque confessu
oratores Venetorum dixerint.*

Jamdiu nichil magis oratorium Curia Romana
audivit, quam vocem praestantissimi viri Za-
chariae tui ⁽¹⁾, immo potius nostri. Ego enim
propter maximas ejus virtutes amoris erga illum tuo
aut nichil aut non multum concedo. Qui cum a
Pontifice maximo publice audiretur astantibus Ré-
verendissimis Patribus Sanctae Romanae Ecclesiae
Cardinalibus, & frequentissima Cleri, populi que mul-
titudine circumfusa ita locutus est, ut in verbis ejus
robur fortissimi viri, prudentia doctissimi hominis,
elegantia disertissimi oratoris persfacile appareret.
Vellem aspexisses, quanta cum attentione auditus
est, ut in tanta multitudine ne respiratio quidem
alicujus sentiretur, majestate orationis, ubertate sen-
tentiarum, copia optimorum verborum mirum in
modum animos demulcentibus. Dixit praeterea for-
tis vir Marinus Caravellus, & ipse quoque magnó
cum spiritu, nec minori cum majestate, qui etsi
non latino, sed patrio sermone in dicendo uteretur,
tamen nec sua caruit laude, & alti, ac sinceri animi
haud dubie apparuit. Denique per hos duos Orato-
res universam Curiam Venetorum civitas sibi mirifice

D 2

con-

(1) Zacharias Trivisanus vir
doctrina consilioque celebra-
tissimus, oratio cuius extans
coram Gregorio Pontifice Ro-

mano habita pro Ecclesiae
unioni suadenda illum elo-
quentissimum fuisse ostendit.
Iuxta Blondas in Ital. Illustr.

conciliavit, ut amplissima, & potentissima, & praeterea optima, & pacis amantissima ab omnibus habeatur. Cui si palmam hujus sanctissimae, & optatissimae Christianorum, & Ecclesiae redintegrationis Deus servaverit, nichil in toto Orbe terrarum erit penitus gloriosius. Sed de rebus publicis alias: nunc autem de privatis loqui malo. Ego Zachariam nostrum convenio saepissime, & quantum ocii ab oratoriis negociis, quae mirabili vigilantia exequitur, sibi datur, id totum in librorum, ac studiorum agitatione consumimus. Quibus vellem adesses! quamquam ades tu quidem semper sermonibus nostris, sed tamen alio quodam modo vellem te praesentem intueri: non enim dubito, quin jocundissima inter nos saturnalia ageremus. Vix tamen est, ut non invideam felicitati tuae, qui Manuelem⁽¹⁾ Chrisoloram virum doctissimum, atque optimum tamdiu Veneris distineas, ejusque adventum in Curiam retardes. Nos enim ut alias saepius, ita nunc cum Oratoribus vestris ut veniret expectantes, non semel frustrata spes est, & fefellit opinio, quem rogo, ut meo nomine salvere jubeas, & volumen Augustini de Civitate Dei, quod apud te illius nomine deposueram, eidem tradito, faciasque me certiolem, an aliquos libros Graecos michi deferat. Hodie decretum est, uti Pontifex Lucam se contulisse debeat ante finem mensis, Januarii; altera pars in Veneris portum. Vale. Ex Senis.



XVI.

(1) Leonardi Arretini, Poggii, ||
Nicolai Nicoli, aliorumque

in Graecis litteris praecepto-
rum.

XVI. ⁽¹⁾

LEONARDUS NICOLAO S.

*Agit de oratione sua, in qua Elagabalus
meretriciam artem commendat.*

TU me philosophum esse censes, & nichilominus Eliogabalum postulas. Vide ne non cohereant petitiones, & exhortationes tuae. Nisi forte hanc eandem Philosophiam meam interpretare, & si ita est accipies opus sane philosophicum non ex Zenonis disciplina, sed ex intimo Epicuri sinu depromptum. Ridebis, ut opinor, hanc incessissimam contionem: quamquam multis peperci, quorum michi copiam suscepta causa ultro largiebatur, & in taberna vinaria abstemius fui. Itaque valde equidem vereor, ne utrique me subaccusare non immerito possint: severi quia rem non satis gravem susceperim; urbani quia in causa pingui, & copiosa jejunior fuerim. Ac in me fortassis illud iactabitur: aut undique religionem tolle, aut usquequaque conserva. Sed de urbanis quidem non multum laboro, si me continentiolem fuisse arbitrabuntur. Cum severis autem, & tristibus plus michi, ut opinor, negotii supererit. Verum ut Lucilius non Romanis, qui erant peritiores, & in poematibus judicandis nimium curiosi, sed Tarentinis, & Reginis se scripsisse affirmavit; sic ego tristibus, & severioribus nego me scripsisse, nec ab illis legi volo. Est autem aliud quoddam genus hominum, qui in joco severi, & in severitate jocosi sunt; qui neque Catonis rigi-

D 3

dita-

(1) Haec desideratur in editione Fabriciana.

ditatem, nec Scipii dissolutionem sectantur: Hoc est qui nec Curios simulant, nec Bacchanalia vivunt. Isti, ut spero, hanc mediocritatem meam & legent non inviti, & probabunt non simulate. Denique loquantur omnes ut liber. Ego si michi & tibi uni satisfecero, ceteros omnes cum suis judiciis floccipendo, eorumque opiniones, & oblocutiones vix unius assis existimo. Tu vale mi dulcissime Nicolae. Ex urbe Senis.

XVII.

LEONARDUS RUFFO S. P. D. ⁽¹⁾*De duorum dissanctientium Pontificum animo.*

Accepi litteras tuas perbreves, in quibus id modo flagitas, ut quid agatur, quidque spei sit de unionis negotio; tibi rescribere ne pigeat. Accipe igitur: postquam Lucam pervenimus, crebri ultro citroque oratores fuere. Sed nichil adhuc perfectum, ne inchoatum quidem, quod dignum ulla spe michi videatur. In adversario Pontifice nequam recta mens; quamquam simulat ille mirabili astutia, ut facile imprudentes decipere possit: sed nihil sani, crede michi, illi inest: si enim inesset, quid vetaret rem perfici? Quicumque enim istorum vere velleret, quod & iuravit, & promissit; alter etiam si noller, compelleretur. Quam enim excusa-

siq-

(1) Roberto Ruffo, quem Rossum appellant Colucius, ac Blondas. Hic in latinis litteris fuit cum Nicolao Nicolo Ludovici Marfilii discipulus, in graecis vero una

cum Leonardo nostro Emanuele Chrysoloram audivit, ac inter Cl. aetatis suae viros recensetur ab Accolto, Poggio, aliisque.

tionem, aut quod diffugium habent? Nunc vero quia uterque tergiversatur, alter alteri excusationem, & diffugium præbet. In nostro Pontifice recta, & simplex natura, sed ut quisque bonus, & simplex, ita facile ab improbis decipitur. Quidam enim honores ab eo sperantes in sinum ejus adulando irreperunt. Hi & formidines inanes illi incutiunt, & recta volentem nonnunquam inflectunt. Ego, ut animi sunt,urbationem aliquam formido. Nichil est enim insensius, nichil indignantius. Vale.

XVIII. ⁽¹⁾

LEONARDUS NICOLAO S.

Thomam quendam ei commendat.

COgitabam tibi prolixius scribere, & propediem, ut spero, id faciam: Nunc autem brevitatis causam affert festinatio tabellarii, qui me in ipso discessu, nunquid vellem, rogavit. Est Florentiae vir egregius Thomas Britannus michi amicus, & studiorum nostrorum, quantum illa natlo capie, ardentissimus affectator. Huic ergo cupienti ineptias nostras, idest libros novorum poetarum emere, rogo ut omni cura, diligentiaque assistas. Denique pro natura, & moribus tuis admonendum te familiaris putavi, ut si quid contra sententiam, opinionemve tuam cuperet, aut sentiret, eidem te mitem, ac minime adversantem praestes. Vetus est enim: ut homo est, ita morem geras. Vale.

(1) Haec desideratur in editione Fabriciana.

XIX.

LEONARDUS RUFFO S.

*Quendam cupiditates animi sui potiores habere, quam
Ecclesiae unitatem.*

PER binas jam litteras a me petis, quid de Joanne Dominici aestimandum sit, variumque de eo sermonem apud vos esse significas. Quid autem ego ad te scribam de re difficili atque ardua? Nichil enim difficilius, quam mentem hominis intueri ⁽¹⁾. Itaque nil dicam ipse de me: sed qualis sit opinio vestrorum hominum de illo, ostendam. Praestantissimum esse virum, & scientia eloquentiaque eminere nemo inficiatur. Querela tamen est adversus eum, quod cum ipse in primis auctor suatorque unionis fuisset, ac ceteros omnes ardentissime commoveret; tamen postquam Episcopatus ⁽²⁾ illi a Pontifice datus est, quasi medicata ossa praecclusis faucibus, nichil post hoc pro unione, sed multa adversus eam videtur suavisse. Atqui nemo, qui primo illum audisset, existimavit munus Pontificis ab illo non rejici. Accepit tamen, ut deprehenditur non ingratis, ac majora sperare illum ajunt prodita causa, quam prius tamen acriter perurgebat. Nos
vero,

(1) Optime observat Leonardus noster nihil difficilius quam mentem hominis intueri. Nam Jo. Dominici fuit vir integerrimus, & propter suas admirabiles virtutes in Beatorum numerum cooptatus est. Quare non dubitandum, quin

ea falsa sint, quae ab invidis, ac verae virtutis calumniatoribus in hominem sanctissimum jactata in hac epistola referuntur.

(2) A Gregorio XII Archiepiscopus Ragusinus creatus est; ut supra diximus.

vero, ut de mentis illius arcano nichil scimus; si ea, quae agit moliturque, non probamus, affirmamusque primo illius ardori, & studio haec posteriora videri contraria, parumque sibi ipsi illum constare. Quod utinam sapientia quadam majori faciat, ac non ambitione! Ego quidem hunc hominem, ut scis, amo propter excellentiam virtutis, atque eo magis doleo, ipsum in hanc adversam opinionem hominum incidisse. Nemo est omnium, qui peccare ignorantia illum putet, sed cupiditate animi transversum agi. Vale.

XX.

LEONARDUS ROBERTO RUFFO S. Vind 3244
2104✓

Villae descriptionem cujusdam, laetitiamque amicorum continet.

IN medio turbationum, ac molestiarum, quibus per hoc tempus omnia redundant, letissimus heri nobis, ac jocundissimus affulsit dies, qui mentes nostras depulsis tristitiae nubibus mirifice serenaret; memoriamque omnem praesentium vel impendentium calamitatum penitus auferret. Tres enim familiarissimi in unum convenientes, & non bellicum, sed bacchicum concinentes sacis magnam sodalium, & amicorum manum contraximus, omnibusque ad leticiam dispositis in villam Alamanni⁽¹⁾ Archiepiscopi Pisani ipso Alamanno duce veluti ex diu-

(1) Alamannus Adimarius Archiepiscopus ea aetate Pisanus, qui mox ab Jo: XXIII. in Ordinem Praesbyterorum Cardinalium cooptatus est Ti-

tulo S. Eusebii, dum apud Regem Galliarum legatione fungeretur. Vide Ciaconium, Ughellium, aliosque.

diuturnis vinculis emissi nullum gaudendi, imo ut verius dicam, repuerescendi genus omisimus. Villa est media ferme inter Lucam, & Pisas a dextra ripa Auferici fluvii amoenissimo in loco sita, & maxime ad rusticanas voluptates excogitata. Surgens enim leviter in collem, subiectamque planiciem respiciens, montes a tergo habet conjunctos ad aucupationes venationesque aptissimos. Itaque sive rapaci ave, sive mordaci cane, sive plagis, sive venabulo, sive cursu, denique sive feris, sive avibus, sive piscibus delecteris; vicini montes, conjuncti colles, subiecta planicies, praeterfluens amnis affatim omne genus praedae tibi largiter sumministrant. Verum nobis illuc profectis, nec venari apros placuit, nec figere cervos, nec rursus lepores canibus agitare fugaces, nec fera blattaeolis ungues armata sonoris cepit avis praedam. Sed traxit nos, & vendicavit sibi incredibilis amoenitas Auferici amnis, qui rectus fronde populea cristallino alveo, viridibus ripis mira placiditate fluebat. Quibus allekti depositis togis, & calceis acerrime piscari sumus. In quo ita lusimus, ut pueri, ita clamavimus ut ebrii, ita concertavimus, ut dementes insanique videremur. Aderat omnibus ipse Alamannus, qui quanquam religione impediabatur una ludere, ramen ita spectatorem se praebebat, ut ea quae gerebantur mira festivitate risuque comprobaret. Egressis tandem a fluvio caena dubia apponitur ex piscibus rostratisque avibus. Expectasti fortasse ut dicerem navibus; sed non est ita, non est. Sed aderant aves multae, vima plurima, omitto caetera, quae cuncta opipare apparatus fuerunt. Post caenam vero avide voraciterque, ut laborantibus in aqua evenire consuevit, assumptam, deambulatio fuit equestris inter flaventes segetes, & amena vireta, ramosque foecunditate fructuum incur-

curves, qui longe lateque vagati cantantes alii, alii. jocantes post multas variasque urbanitates ad ipsum. amnem, quem antea vado trajeceramus, reversi, & in arena deppositi luctantes inter se agricolas nudos, & lacertosos, qui placendi gratia convenerant, quasi in gladiatorio certamine usque ad primam noctis horam lectissime spectavimus, cum illi saepe violentia majoris roboris prostrati, & gravissimo casu ad terram elisi cenoque involuti uberem ridendi materiam nobis praeberent. Sed ego genera ipsa volup-
tatum, non singula ac minuta, nam id quidem longius esset, enarro. Scis enim tu, quam multa esse soleant inter familiares letos, & unanimiter ad festivitatem paratos. Denique hic dies procul dubio fastis ascribendus est, & meliore lapillo numerandus, praesertim cum eo turbationis devenerint res nostrae, de curialibus loquor, ut summo studio conquirendum sit aliquid, quod nos quacunque ratione ab illa amarissima cogitatione divertat. Vale.
Lucæ IIII. Idus Junii.

XXI.

LEONARDUS S. P. D. PETRILLO
NEAPOLITANO.

De magnis Romanae Curiae turbationibus.

EN quod jamdudum saepe inter nos collocuti divinabamus fore, ut nubila haec tempestas in dies magis magisque ingravescens procellam denique subitam horrendamque daret, tandem aliquando effectum est. Patres enim longa indignatione, iraue permoti relicto Pontifice abierunt. Quo
qui.

quidem die nil aut procellosius, aut turbulentius fuisse unquam imaginari possum. Tuam igitur sapientiam valde equidem laudo, quod ista providens te antea Neapolim in tutum recepisti; me autem culpo, quod cum non minus fortasse quam tu ista providissem, subire tamen malui, quam vitare. Accipe ergo a nobis, quemadmodum res gesta sit; nam & avere te arbitror veritatem cognoscere, & falsa per eos, multa, qui ignorant, circumferuntur. Repetam igitur superiora quaedam ex eo videlicet tempore, quo tu a nobis discessisti, quo facilius rei gestae causas, progressusque intelligas. Fuerat Pontifex noster, postquam Roma abiit, menses aliquot Senis commoratus. Tempus interea venit, quo Saonae constituerat adesse. Id cum summa omnium bonorum querela tempus diffuere passus est, promissumque neglexit, contempsitque. Adversarius autem Pontifex Saonam, uti promiserat, venit, & quidem ad praescriptam diem, nostrique absentiam illudens singulis horis accusabat. O rem acerbam, & non praesentium modo Italorum, sed posterorum quoque dedecus ingens! Quid enim turpius nobis accidere potuit? quid foedius? quid ignominiosius⁽¹⁾? Locum pro unione Christianorum a nobis paulo ante sponte consultoque receptum, mox erectis cunctorum animis adire postea noluisse? Haec tu scribere audes, dicet quispiam, cum sis in Pontificis familiaribus? protinus ita. Quid enim nunc aduler, & alia sentire me fingam? unus quippe Christianorum sum, & unus Italorum. Alteros fraudari unitate, & pace, alteros ut infidos & foedifragos in crimen vocari disrumpor.

Non

(1) Audax est Leonardus, & ea scribit, quae omittere satius fuisset. Ego vero nullus dubito, quin multa augeat, dum

eloquentiam suam ostentare vult; et si eadem tradant Ciaconius, Oldoinus, alique.

Non tu igitur Pontificem amas? imo plus certe quam isti, qui mentiendo, & adulando diversa illi suaserunt. Ego enim veram Pontificis gloriam concupivi. Ea profecto fuit in unitate, & pace Christiano populo, ut promiserat, exhibenda, quo quid gloriosus, quid immortalius esse potuit? Isti vero, ut quomodocunque sederet, etiam cum querela hominum suaserunt, quod qui gloriosius putant, dementes ipsi sunt, praesertim cum obscurum non esset, haec quae nunc evenerunt, fuisse ventura. Sed redeo illuc, unde digressus sum. Cum Pontifex Saonam non venisset, & adversarius ad praescriptum diem eo profectus nostram absentiam accusare nunciaretur; indignantibus cunctis, & aperte frementibus secunda quaedam navigatio, ut dici solet, recipitur, ut alter Pontifex in Veneris portum, noster vero Lucam veniret. Senis igitur per Mensem Ianuarium maximis nivibus profecti Lucam devenimus. Ibi utpote ex propinquo crebris ultro citroque oratoribus missis acceptisque nichil res se habere melius apparebat. Nec sane mens in alio Pontifice sana erat. Sed occulebat ille quidem bona fronte malum propositum, & certe in causa superior habebatur. Nam & Saonam ierat ad praescriptum diem nostro turpiter deficiente, & postea, quasi vera cupido inesset, Etruriae littus advenerat obviam strenue profectus tarditati nostrae. Cumque in nostram, ut ita dicam, terram pervenisset, illud haud imprudenter dicere videbatur, se in littore esse velle, ne a classe tutelaque sua discederet longius: locum autem recusare nullum, modo littoreus esset. Haec illius summa erat. At noster quasi contra nitens ad littus descendere recusabat, mediterranea probabat loca, nec tamen omnia, sed ea tantum, quae se Pontificem existimarent. Ita alter quasi aquaticum animal
in

in siccum exire, alter quasi terreſtre undas aſpicere perhorrebat. Exacerbabat vero dolorem quod vulgo aeſtimabatur, neque illi ſi in ſiccum deſcenderet, neque huic, ſi litus adiret quicquam periculi ſubefſe. Nec ipſi quoque id non intelligere putabatur, ſed metum de induſtria fingere, quo deſideria hominum fruftrarentur. Erant igitur querelae ingentes, & aperta jam protinus oblocutio, indignabanturque omnes ea aetate homines, ſupra ſeptuagenarium uterque eſt, quo paucos ſederent annos, & Dei metum, & hominum cenſuram poſthabere. Haec erat hominum indignatio, & querela. De me autem ſi quaeris, ego deceptum Pontificem noſtrum ab iis, de quibus ſupradixi, metumque inanem per malos ſuaſores injectum illi exiſtimabam. Conſpexeram enim ab initio illius rectiſſimam voluntatem; mutatum vero ex ſe ipſo bonum quidem virum perſuadere michi non poteram. Nam ſi malignum putaviſſem, non tu praeveniſſes abeundo. Cum eſſet hic ſtatus rerum, ecce nova turbatio ſuperoritur. Conſtituit enim Pontifex noſter Cardinales novos in Eccleſiam Romanam aſſumere. Huius verò cauſae erant duae: una, quia fautoribus quibuſdam ſuis gratiam referre cupiebat, praefertim id magnopere flagitantibus, alteraque, admixcendo vetuſtis Patribus novos aſſumptos temperaturum ſe illorum vehementiam exiſtimabat. Non enim dubium erat, Patres adverſus hanc Pontificis voluntatem eſſe reclamatu-
ros. Et eſt mos, nichil tale abſque illorum conſenſu a Pontifice decerni. Fortiter igitur conat-
dum ratus, Patres in conſilium vocat. Convenere trepidi, & jam inde aliud alii ſuſpicantes: paratur ſecreto locus, ſubſellia ponuntur. Prodit e cubiculo Pontifex, & in throno reſedit: Patres inde ſuis locis conſidere jubentur. Ubi conſeſſum eſt, Pontifex

Sex contra consuetudinem duos circa se familiares retinuit, ceteram multitudinem omnem exclusit. Id, siue ut interventu nostro, si quid opus foret, ueretur, siue aliam ob causam fecerit, incertum habeo. Mora quaedam prius, & silentium fuit; inde Cardinales aspiciens non satis leto vultu, praecipio, inquit, ut nemo vestrum assurgat. Haec prima illius vox cum mentes subita admiratione percussisset, alio alium aspiciente indignanteque, Henricus Tusculanus quid est, inquit, hoc Pater, & quid sibi vult istud praeceptum? Quandoquidem, inquit Pontifex, vobiscum nequeo recte agere, providere Ecclesiae volo. Ad hoc Henricus inflammato vultu, immo destruere Ecclesiam vis⁽¹⁾. Hic cum indignarentur omnes, sederent tamen, primus omnium Raynaldus Sancti Viti in Macello Diaconus vir, ut tunc visum est michi, omnium qui aderant cordatissimus repente assurgens, moriamur potius inquit. Est ille ut tu scis procero corpore. Itaque plerique post hunc surrexerunt. Sed in nova, & subita re prospicere licebat quid in unoquoque animi vigorisque inesset. Rubebant alii, alii pallebant, ira & iurgio alii, alii prece supplicioque nitebantur. Columnensem ego vidi ad pedes Pontificis provolutum; rogantemque ne ita facere vellet; contra vero Leonidensem minabundum, & contumaciter incensum. Bardegalensis vero quasi medius quidam, modo iras leniebat, modo Pontificem precebat. Ita re infecta consilium tandem dimittitur, praecepto tamen prius a Pontifice edito, ne quisquam Patrum Urbe

Luca

(1) Libertatem, qua utitur Leonardus in describendo, & fortasse augendo Sacrosanctae nostrae Romanae Ecclesiae Schismate, haud equidem probo,

eosque improbatos confido, qui Romanos Pontifices simili mecum veneratione prosequantur.

Luca exiret, neve injussu suo convenirent. Id rursus praeceptum non minus asperitatis suspitionisque habere visum est. Itaque majores confestim secuti motus, omnia perruperunt. Leodiensis siquidem post praeceptum illud Pontificis mutata veste Luca egressus aufugit. Id cum auditum esset, immittuntur equites, qui illum vi reducere conentur. Hi ergo vestigia parum caute secuti Pisenum in agrum discurrerunt, qui est in Florentinorum ditione, nec tamen Cardinalem ipsum apprehendere potuerunt, nam parum ante veniens in oppidum Librasactam se jam receperat. Rixa tamen non procul ab oppido coorta est & quidam ab equitibus vulnerati. Ea cum Lucae vulgarentur, Lucensis Princeps ⁽¹⁾ veritus, ne Florentinorum iras quasi violato eorum territorio contra se provocasset, equites qui ea patraverant cum Lucam redirent, ad ipsam Urbis portam capi jussit. Erat Pontifex quoque sollicitus de equitum suorum errato, graviterque ferebat Florentinorum fines ab illis violatos. Itaque propere Marcellum Scroam virum clarissimum, qui tunc in Curia morabatur, & me quoque una cum illo ad se vocavit, dicit, quae gesta sint nullo suo jussu, sed equitum temeritate fuisse commissa. Nos ergo Florentiam oratores ire jubet, ac rem apud Civitatem purgare. Cum essemus in ejus conspectu, mandataque acciperemus, repente ingressus quidam nunciat Cardinales omnes uno agmine simul abire. Eo nuncio Pontifex aversus illico dimittere nos, ac aliis traducere animum coactus est. Neque enim falsa erant, quae de habitu Cardinalium nunciabantur. Nam illi quidem ex captivitate equitum recepto animo, prius enim Princepem ipsum, equitesque for-

(1) Paulus nempe Guinifus, || Luca aufugere passus est, ut qui postea omnes Cardinales || infra scribit Leonardus.

formidabant, abeundi palam consilium susceperunt. Adjuvit eorum coeptum Florentinus quidam Civis paucis ante diebus Lucam missus, qui tunc praesens ex hoc ipso occasionem nactus pro invaso territorio ab equitibus vociferabatur. Ob hujus maxime clamorem, & simul ob equitum injuriam conterritus Lucensis Princeps abire Cardinales passus est. Luca igitur egressi eodem die Pisas migravere. Spectaculum mehercule durum fuit, atque acerbum, Patres cernere abeuntes; sed acerbior paulo post michi apparuit Curialium secessio. Dividebatur enim multitudo tota, & quasi ab uno corpore membra divellebantur, aliis Cardinales sectantibus, aliis cum Pontifice remanentibus, plurimis vero incertis, & vacillantibus: querelarum, & detestationum plena erant omnia. Pontifex haud multo post novos Cardinales creavit quatuor: vellem melioribus auspiciis creatos; nam, nisi, fallor, multa, & terribilia impendent. Ego Pontificem non desero; tener enim me familiaritatis jus, & officium, quod apud illum gessi, a quo salva existimatione mea recedere posse non videor. Affirmo tamen permulta, quae hic fiunt, michi nequaquam probari. Vale.



Tom. I.

E

XXII.

(1) Joh. Ser Cambii de Rebus gestis Lucensium ad an. 1408. Il detto Papa (Gregorio XII.) promunziò contra la volontà di tutti i Cardinali un suo Fratello nominato il Vescovo di Bologna, e suo Camarlengo: un suo Nipote nominato il Vescovo di Siena: un Frate Gio-

vanni Dominichi dell'Ordine de Predicatori Fiorentino: un altro suo attinente nominato Prototestajo d'Udine: Ita Johannes. Errat tamen: nam Episcopus Bononiensis non erat Frater Gregorii XII. sed ex Fratre Nepos; ut Episcopus Senensis Nepos ex Sorore.

XXII.

LEONARDUS RUFFO S.

*Cardinales reliquisse Pontificem aliosque a
Papa creatos.*

AUdivisti, quae hic turbationes coortae sunt. Patres enim, ut jam pridem suspicabar, Pontificem reliquerunt. Magna profecto res, et, nisi fallor, initium maximarum novitatum, de quibus referre plurimum, quid sentiat Civitas vestra. Tu, si quid habebis, facies me certiore. Ego Pontificem non deferam, non quod michi haec probeatur causa, sed in familiaritate ejus cum fuerim, non videor absque reprehensione deferere illum posse: ita tamen persistabo, ut mei juris sim, nec quemquam offendam. Pontifex post discessum Patrum Cardinales assumpsit quatuor, in quibus est Joannes Dominici, quem Ragusinum dicunt. Vellem melioribus auspiciis creatus esset. Nam multa, ni fallor, impendent, per quae non esse praestet, quam esse. Vale.





LEONARDI BRUNI
A R R E T I N I
EPISTOLARUM
LIBER TERTIUS.



I.

LEONARDUS PETRO EMILIANO ⁽¹⁾ S. Vind. B. 2. 44
56 65

De statu Romanae Curiae.



Uo in statu res nostrae sint, quibusque
agitemur vel potius jactemur fluctibus,
te audivisse, & audire quotidie scio,
& nunc plenius de Zacharia tuo claris-
simo viro cognosces. Quamquam diffi-
cile videtur, rem sic referri a quoquam
posse, ut non multo a veritate ipsa, ac magnitudine

E 2

tur-

(1) Veneto, Episcopo Vicensino litteris multum, pluri-

|| mum prudentia decorato. Ita de eo Blondus in Ital. Inlustr.

turbationis superetur. Ego autem mirum in modum discrucior, quod non absump, quod non in aliquo urbano, vel suburbano, vel denique in aliqua silva inter spelea ferarum abditus hoc tempore lateo libris studiisque intentus. Quivis enim locus michi jocundus esset, modo hanc exitialem ruinam, & cineres ipsos crematae Ecclesiae, quos hic degens videre cogor, aspicere non possem. Itaque, & te felicem arbitror, qui vel Dei beneficio, vel singulari providentia tua jampridem ab hujusmodi incendio ereptus sis, & me parum fortunatum, qui nunc in ista navicula fluctuanti, ac pene summersa una cum ceteris naufragium facio. Super qua re te rogo atque obsecro, ut si quid habes, quo animum aegrum consolari possis, michi rescribas, & hunc dolorem vel eruere, vel lenire tua sapientia, & facundia conere. Hoc ego a te exspecto. Marinum ⁽¹⁾ Caravellum, & Zachariam nostrum viros praestantissimos mirifice diligo: sed ut minus frequens, quam conjunctio familiaritatis nostrae postulabat, cum illis versarer, temporis conditio, & rerum turbulentia coëgerunt. Vale, & me dilige, mi jocundissime Petre.

II. ⁽¹⁾

LEONARDUS NICOLAO S.

De variis negociis amicum monet.

L Aurentio, quem michi per tuas litteras commendasti, scribo, ut negocia ejus processere. Omnino illi cupio satisfacere, sed genus petitionis parumper exorbitat. De negotio autem Fesula-

(1) De his duobus Venetis Oratoribus videndus Sanutus in Vitis Ducum Venet. ad an.

1467.

(2) Haec desideratur in edit. Cl. Fabricii.

fulano animadverti, quanto studio annitaris. Itaque & ego in ea re tibi morem geram. Libros quos michi misisti accepi, e quibus volumen illud Aristotelis pergratum est, alterum nec multum cupiebam, priusquam viderem, & postquam vidi, confestim satiatus sum, nec puto michi a graeculo barbato satisfactum. Dii illum perdant. Tu vale.


III.

LEONARDUS S. Dicit NICOLAO.

Turbatam Curiam esse, seque indicat inopem consiliis.

PLures iis diebus a te michi redditae fuerunt epistolae omnes ferme commendaticiae, quibus si tardior in respondendo fui, ignosce precor non occupationibus rerum agendarum, quae nullae sunt in hoc tempore, sed perturbationi, & aegritudini, quibus assidue mirum in modum discrucior. Eum quippe in locum res deductas cerno, ut necessarium sit moerore confici, & quasi consternari amissa jam spe, ac in pejus labentibus in diem rebus. Sed his omissis, quae accusari facilius, quam emendari possunt, breviter respondebo. Quantum ad Fesulanum negotium attinet, vacabit quidem Ecclesia: sed tamen illi ipsi, qui prius tenebat, dabitur in commendam: sic enim in cunctis, quorum memoriam teneo, factitatum recordor. Itaque non videtur hanc curam inpraesentiarum suscipiendam esse, & qui aliter existimant, consuetudinem, michi crede, ignorant. Ego tamen paratus sum quocumque in casu huic studium & diligentiam adhibere,

quoniam & justus vacationis est modus, & non omnino injustum desiderium; nam alterum illum, qui per ruinam alterius ad generalem bestialitatem ascendere cupit, utinam michi adesset potestas non de Monte Carmelo, sed de Caucaſo praecipitem deji- ciundi! Neminem cognovi adhuc virum bonum, qui hujusmodi pompas & insanias per hanc viam sibi ul- tro oblatas non repudiaret, nedum ambiendo, & flagitando perquireret. Ad sextum Idus Octobris constitui ad aquas Puteolanas lavandi causa proficis- ci; eroque fortassis ibi Octobrem totum, deinde constituam, quid michi in futura hyeme sit agen- dum. Si qua ratione me explicare ex hac procellosa tempestate possem, libenter ad vos tanquam in tran- quillum aliquem portum me reciperem. Nam hic ma- nentem multa undique conturbant. Primum istis non obsequor ut ipsi efflagitant, saepeque adversus eorum voluntatem contumaciter repugno, nec quicquam exequi volo, nisi quod mea aequitas patiatur. Alii vero praestantes viri, qui nuper secesserunt, meam hanc moram graviter, & inique ferunt, praesertim cum collega meus hic nuper abierit, & certe insalu- tato hospite. Itaque utrisque displiceo, istis quod non obsequor, illis, quod non sequor. In hujusmodi molestiis constitutus, quo me vertam nescio. Omnem hujusmodi deliberationem in reditum meum a bal- neis reservo. Deus bene vertat consilia nostra. Se- nis XV. Kal. Octobris.



IV. ⁽¹⁾

LEONARDUS NICOLAO S.

Arretii se aliquid novi expectaturum significat.

Veni Aretium Kal. ipsis Decembribus, sumque hic moram facturum, donec a Poggio aliquid rescribatur, qui instructus atque doctus de omni cura, & cogitatione mea ad vos profectus est. Circumspicite diligenter omnia quaeso, ut marurius quid agendum michi sit, statuere possitis. Vale. Aretii II. Nonas Decembris.

V.

LEONARDUS NICOLAO S.

Pertinaciae notam a se repellit.

Quod ad me ita scribis, quasi ad hominem durum, ac nimium pertinacem, qui nec ab amicis moveri possit, nec persuaderi sibi permittat, vehementem mi dulcissime Nicola, admirationem suscipio. Nam quis me facillior, & ab omni obstinatione, duricieque remotior? Quis amicorum sententiis morigeratior, & obsequentior unquam fuit? Atqui ego nuper Senis Poggio nostro commisi, de consilio tuo, & ceterorum amicorum, quid in illo negotio per me agendum foret, statueretur. A quo tamen nec Aretii permultas dies expectans, nec

E 4

po-

(1) Haec deest in edit. Fabriciana.

postea Arimini tamdiu commoratus ullam, neque litteram, neque nuncium, cum quotidie anxius expectarem, & ex illo totus penderem, accepi. Non poteram in hanc suspicionem adduci, ut Poggius in re mea praesertim tam seria ac tanti ponderis torperet, ac per negligentiam labi tempora sic periculosa pateretur. Vos potius arbitrabar deliberabundos, & ambiguos propter difficultatem consilii, & incertitudinem rerum futurarum expectare, ut aliqua inde firma spes vobis ostenderetur. Tu ergo vide, & mature cum ceteris amicis nostris delibera. Vale Kal. Februarii Arimini.

VI.

LEONARDUS RICCIO S.

Quendam esse suspectum male sentire de Pontifice.

VOcavit me hodie Card. Senensis ⁽¹⁾ ac vehementem querimoniam michi adversus germanum tuum exposuit, quod Burdegalensi Londonis obviam exisset, quod ipsum postea omni reverentia & obsequio honorasset, quod in praesentia Regis, & alibi cum multa contra Pontificem dicerentur, ipse praesens, & audiens nunquam resisterit, quod litteras, quae per Pontificem eidem transmissae fuerant, nunquam ostenderit, sed tacendo illius calumniis quasi consentientem se praestiterit. Addit etiam esse factum, ut Joanni Cincio Equiti Britanno, & Metensi Episcopo, qui Pontificis fa-

ve-

(1) Gabriel Condalmerius Veneratus Gregorii XII. ex Sorore Nepos Praesbyter Cardina-

lis Titulo S. Clementis, ac Episcopus Senensis.

vebant partibus, fides derogaretur detectis eorum consiliis apud Regem. Haec omnia se accepisse ex litteris Veneti cujusdam, qui Londonis negociatur, affirmat, a quo commendationes germani tui saepius jam suscepit. Itaque non dubitare se, quin & haec quae superius dicta sunt, & alia insuper multa, de quibus ille non scribebat, contra honorem Pontificis fuerint ab eo peracta. Haec Senensis ad me, tanquam ad hominem tibi arctiori vinculo conjunctum cum indignatione quadam exprobravit. Ego quae pro tempore dicenda videbantur respondi, fecique meo solito more, ut ad mitigationem irarum conatus omnes adhiberem. Sed tu vide, quid agendum putes: michi quidem ad mores istorum, & conditionem locorum, in quibus Anconitana Ecclesia est, mentem vertenti major formido incumbit. Intelligis quid dicam; quare mature, & prudenter consilium sume. Arimini Kal. Februarii.

VII.

LEONARDUS NICOLAO S.

Quid agendum sit iis, qui Episcopatum desiderant.

BInas proximis diebus abs te litteras accepi, sic tamen, ut quas tu prius dederas, michi posterius redderentur. In primis, quae michi hodie redditae sunt, intellexi amici tui, qui ut Deo servire sine inopia possit, Episcopatum desiderat opulentum, eximiam cupiditatem, & immaturam procul dubio festinationem. Atque ut huic parti ante
om-

omnia respondeam, nec amicum tuum virum utique bonum, sed minime, ut michi quidem videtur, astutum spe vana deludi permittam, primo scias, de privatione illius, quo de scribis, nullam omnino in hac nostra Curia fuisse, aut esse mentionem, falsumque rumorem ea de re vestras ad aures pervenisse. Illud praeterea haudquaquam tacuerim, quod suam, & tuam prudentiam fugere non debet, in hujusmodi promotionibus Episcoporum necessarium esse, ut aliqua diligens, & operosa praeparatio antecesserit, per quam animi eorum, qui dare possint, ita dispositi sint, ut dare velint. Hujus ergo praeparationis, & opportuna, & necessaria, & sine qua qui sperat, stolidè ac vane sperat, in hoc amico tuo ego nichil video; & si per me verbis dumtaxat fieri posse credatis in hoc tempore, & in hac tanta Florentinorum Civium multitudine, quibus aut pro adversa inclamatione, medicata, ut ita dixerim, ossa pracludendae sunt fauces, aut pro favore, aut navata opera gratiae referendae, vehementer erratis.

*Aude aliquid brevibus gyaris, & carcere dignum,
Si vis esse aliquid, probitas laudatur, & alget.*
Haec ego scripsi liberius, ut intelligere possitis, aliter per vos super hac re istuc vigilandum, & providendum esse. Nam quantum ad me attinet, paratissimus sum, sed hoc non satis habet virium hoc tempore, tantaque ambitiosorum hominum cupiditate. Quare faciat ipse qui petit, ut aliquo memorabili obsequio, aliquave insigni re gesta nomen ejus apud Pontificem commendetur. Medio posuit Deus omnia campo, nec sedentibus coronae, sed pugnantibus traduntur. Quod autem in eadem epistola scribis tibi meum adhuc consilium vehementer placere, est id michi quidem, ut ita existimes, pergratum; sed Nicola noster contra sentit, Poggius vero ad.

utrum-

utrumque mussat. Itaque illud Horatii dicere non immerito possum.

Tres mihi convivae prope discordare videntur

Poscentes vario multum diversa palato.

Nunc venio ad alias litteras tuas. Expecto epistolas, quas michi uberiores, prolixioresque polliceris, quibus vellem, ut de Salutato responderes, quando Poggius noster, ut dudum Apollinis Delphici oraculum, obmutuit. Vale. Arimini Idibus Februarii.

VIII.

LEONARDUS ZUCHARO S. P. D.

*Significat, qua ratione inter partes se
integrum servet.*

Vellem interdum michi scriberes, & quae istic agantur, quaeve sperentur, notum facere tua solita diligentia curares. Ego Arimini sum, verumtamen ita sum, ut meus sim, & meo arbitrio, non alieno vivam. Nichil enim facio, nichil scribo, nisi quantum michi placet. Placet autem tantum, quantum tu nosti. Nulla adhuc littera mea, ne unus quidem apex conspici potest, de quo quisquam in hac miserabili divisione possit querimoniam adversus me justam habere. Adeoque nota est omnibus haec integritas mea, nichil ut omnino michi, quod ad hac divisionem spectet, demandetur, processus & huiusmodi pestilentias nec legere, nec scribere, nec ubi legerentur, scriberenturve, adesse unquam volui, quae res multum ad utilitatem, & gratiam michi obest. Sed obsit quantum vult; semel decrevi ita fore in Curia, ut neminem laedam. Si
hanc

hanc integritatem servare michi liceat, motabor: si non licuerit, confestim abibo. Vale.

IX.

LEONARDUS NICOLAO S.

Vetustatis reliquiae Arimini Urbis quae sint, item quid differat civitas ab urbe.

EGisti mecum pro cetera tua diligentia, & vetustarum rerum eximia cura, ut si quid antiquitatis Arimini reperirem, tibi notum facere per meas litteras curarem. Quod postquam intellexi, tamen si antea sponte mea satis accurate visendi studio cuncta lustraveram; tamen cognito desiderio tuo circumivi rursus urbem, omniaque perscrutatus sum, & quam diligentissime potui, singula quaeque prospexi, ut tuae quamaccumulatissime satisfacerem voluntati. Est autem Ariminum, ut te ignorare minime arbitror, Populi Romani Colonia antiquissima quidem, ac celeberrima. Sed evenit in hac, quod in ceteris antiquis urbibus evenire solet, ut reliquiae, ac monumenta quaedam vetustissimorum operum conspiciantur, verum ita ruinis quassa, ac vetustate ipsa consumpta, ut nec cuius figurae, nec ad quem usum fabricatae fuerint, quamvis diligentissimus prospector queat agnoscere. Duo tamen notabilia, & praestantia antiquorum operum monumenta, quae adhuc pene integra supersunt, digna annotatione, & visu speciosa, tibi quam minus inepte potero, describere conabor. Porta est sublimis ac magnifica lapide quadrato, & diligenti artificio perpolita, cuius antiquitatem ex litteris superne incisis

cilis conjecturare licet. Quanquam enim ex parte quadam disiectae; tamen & Consulibus mentionem habent, & diphthongi quaedam secundum antiquam scribendi normam, ut pro viis *viis*, & pro celeberrimis *celeberrimis* more Graecorum, qui nonnunquam hujusmodi diphthongo utuntur, scriptae legantur. Ejus vero portae latera turre duae utrinque muniabant, quas tamen quia non item ex lapide, sed ex lateritio fuerunt, jam antiquitas pene totas assumpsit. Habes unum monumentum, nunc aliud accipe non minus insigne. Pons est ex marmore ornatissimus ac pulcherrimus, quem, ut litterae ab utraque sponda docent incisae, Divi Augustus, & Tiberius dedere. Fieri potest, ut alter inceperit, alter absolverit, vel ut ab altero destinatus, ab altero sit perfectus. Quomodocunque sit, pontis structura est permagnifica, marmora undique decorant. Quatuor in alveo pedes habet, arcubus quinque ripas conjungit, latitudo est satis ampla, ut binae quadrigae adversum citatae se ad invicem non impediant, & via insuper ab utraque parte per gradus paulo altiores secundum parietes, qua pedibus iri possit, relinquatur. Parietes vero ipsi ex marmore sunt per hunc modum facti: singuli lapides deinceps positi per latitudinem recti, & a summo tere-tes suo tantum pondere, moleque subnixi viam utrinque muniunt, & pontis oras claudunt extremas. Quod autem pro magnificentia ejus operis maxime noto, longius trans ripam ab utraque parte structura pontis eodem ornatu facieque protenditur, ne mutatione alvei fallere, aut circumvenire amnis possit. Via autem a ponte strata fuit lapidibus illis, quibus circa urbem Romam multa itinera strata fuisse cernuntur, extantque adhuc reliquiae quaedam, lapidesque ex eo genere passim jacentes pluribus in

locis conspiciuntur evulsi. Ex iis vero duobus monumentis satis aperte judicari potest, hanc Urbem priscis illis temporibus majoris ambitus, quam hodie sit, non fuisse, sed aliquanto etiam minoris. Nam ea ex parte, quae Pisaurum, ac Fanum fortunae spectat, antiqua est porta, de qua supradixi, & ex opposita regione oppidi, qua Ravennam versus itur, pons est Augusti, & Tiberii super flumen, quod urbem abluit: aliis rursus ex partibus tam versus mare, quam versus continentem moenia cernuntur vetusta, a quibus productum esse pomerium constat, & spatium antiquae urbis addizamento non parvo amplificatum. Quod si quis forte non putat hanc, quam dico parvitatem, illi eam crebrae apud historicos mentioni, ac celebritati hujus loci convenire, majoremque, & ampliorem fuisse contendat; is cogitare debet ob opportunitatem potius hujus Urbis, quae extremis Italiae oris sita, Gallisque finitima accommodata erat, quam ob magnitudinem ejus tam frequentem mentionem haberi. Illud insuper considerandum est, quod plerisque non satis eruditos interdum fallit, aliud urbem significare, aliud civitatem: urbs enim est solum aedificia, & moenia ab orbe, quo locus cingitur, appellata. Civitas autem est congregatio hominum jure sociatorum, & eisdem legibus viventium; unde bonus vir, ut ajunt Stoici, ex urbe quidem pelli potest, ex civitate vero non potest, ut licet urbs ipsa parva fuerit, civitas nichilominus maxima & amplissima fuisse potuerit. Neque enim multum refert, ut opinor, intra urbem cives habitent, vel extra, modo iisdem legibus, unoque statutis consilio vivant, eisdem magistratus vereantur, muneraque, & honores simul capiant. Perusum, & Aretium parvas fuisse urbes ex utriusque antiquis moenibus aperte di-

discernitur; eadem tamen Civitates magnae, & Etruriae capita fuisse. An credis multitudinem civium, quae nunc est, cum illa quae tunc erat, aliquo modo comparandam? Dici procul dubio non potest. Quid ergo erat? & intra, & extra urbem civitas vocabatur. In ipsa vero urbe, quod erat praecipuum civitatis oppidum, fora erant & judicia, & magistratus, qui cum res postulabat, in concilium cives vocabat. Hoc etiam nomen ipsum civitatis attestari videtur. *Cire* namque vocare est; inde cetus, inde cives, inde civitas, inde etiam illa composita concio, concilium, conciliabulum, & alia huiusmodi congregationis vocabula ex eo dicta, quod multitudo varie dispersa in unum convocabatur. Qui vero ajunt civitatem dici, quasi civium unitatem, ii, cum eorum pace dictum sit, omnino delirant inscitia litterarum. Velim namque ab ipsis audire, num & parvitas dicatur, quasi parvorum unitas, & similiter diversitas, & varietas, diversorum & variorum unitas. Probat insuper illa ratio, quod apud veteres distinctio sit inter cives, & peregrinos, non ut hodie facimus ineptissime quidem, sed tamen facimus. Impericia enim non solum rerum, sed etiam verborum omnia in hac temporum nostrorum faese confudit inter cives, & comitativos. Peregrinus Rex Numa Pompilius Romae fuisse dicitur, quod erat ex Sabinis licet finitima civitate, tamen aliena, & Ciceronem nonnunquam malivoli propter immodicam judiciorum potentiam peregrinum Regem vocitabant, quod erat Arpinas origine. Haec dixisse velim, ut quam diversa sit urbis, ac civitatis significatio non ignoremus, nec admirationi sit nobis, si celeberrimarum ac potentissimarum olim civitatum parvas interdum urbes, & quae tantae celebritati famae non videantur respondere, conspiciamus. Possem

sem ad hoc multa ex antiquis adducere, quibus ea, quae supradixi, de civitate, & urbe manifestissime comprobantur, nisi vererer, ne in re manifesta cedium, ac fastidium prolixitas pareret. Sed redeundum est, unde digressus fui. Tanquam enim, si praesens tecum loquerer, facultatem quandam evagandi licentius, & de tota antiquitate loquendi michi assumpsi, putans id tibi plus voluptatis, quam molestiae allaturum. Urbem igitur Ariminum vetustis illis temporibus minorem aliquanto, quam nunc sit, fuisse apparet; civitatem nichilominus longe majorem, ut supra dixi, arbitror fuisse. Ex monumentis autem vetustis duo tibi descripsi, quae michi relatu digna videbantur. Sed postquam antiquorum hujus loci monumentorum facere mentionem institui, & liberius evagari epistola coepit, non praeteribo unum hujusce loci, ac pulcherrimum priscae antiquitatis specimen, cui nec illa inclyta Roma, quae imperium terris, animos aequavit Olympo, neque Athenae, aut Syracusae magnificarum quondam urbium ingentes ruinae quicquam par, aut simile in suis hodie reliquiis habent. Est autem hoc non marmor Parium, non lapis Numidicus, non Phidiacum ebur, non Corynthus vas, non statua ex aere, aut marmore fabricata, non aedificium, non pensiles horri, non cochlea columna, non theatrum, non obeliscus, non signum, non tabula, non toreuma res mutae quidem, & puerorum oblectamenta, sed praestantissimorum virorum, eorum dico, quos stupidi legentes admirari, & quorum memoriam venerari solemus, vivam & animatam effigiem. Virum enim praestantissimum, & michi credq, qui quam lentus ac diffidens laudator esse consuerim non ignoras, virum inquam praestantissimum ex illo prisco genere hominum in hac urbe inveni Carolum Malatestam.

Prin-

monumentum (narr. Modestus. lat. Nannius 5.91)

Principem hujus civitatis, quem quotiens intueor, toriens michi aliquem M. Marcellum, aut Furium Camillum invictissimos bello duces, & eosdem in pace mitissimos atque optimos viros, legibusque obtemperantissimos videor intueri. Crede michi Nicolae, non te fallo, nec ipse fallor. Nunquam vidi hominem, qui magnitudine animi, & ingenii praecellencia, aliisque summo Duce dignis virtutibus ad antiquos illos illustres viros propius michi videtur accedere. Nec tamen nunc a me in hoc viro tibi recensendo laudationem oratoriam, & dicendi artificium exspectes. Illis enim hujuscemodi ornatu opus est, quorum virtutes, ac res gestae satis per se ipsas formosae non sunt, ut mulieres videmus illas maxime fuco ornatuque inniti, quae sua ac vera pulchritudine carent. Praeterea nec tempus, nec propositum meum, nec epistolaris brevitatis patitur me nunc per rhetorum praecepta discurrere, & panegyricas commendationes excerpere. Itaque illa praetereo, quae de generis claritate, quae de amplitudine ac gloria majorum, quae de fortunis ac facultatibus, ceterisque hujus generis verissime, & accumulatissime possem, si in his demonstrandis occupatus esse vellem, referre. Quid enim attinet splendorem familiae, ceteraque hujuscemodi in hujus laudem adducere, cum ipse quocunque in loco natus fuisset, propter egregias virtutes sibi ipse fuerit nobilitatem gloriam, & amplitudinem pariturus? Illud tantum breviter & summatim dicam, ex clarissima hujus familia praestantissimis ac summis viris continua successione referta, sic omnes superiorum virtutes Dei munificentia in istum collocatas, ut quicumque in hac familia aut consilio, aut magnitudine animi, aut strenuitate, aut justitia, aut liberalitate conspicuus fuerit, in hoc uno tamquam legitimo omnium suc-

cessore cunctae hujusmodi superiorum suorum praestantissimae dotes appareant. Est enim, ut quidem videtur, prorsus mirabile, quam multis ac variis rebus hic Princeps excellat. Et primum in rebus bellicis quanta hic vir gloria sit, quamtumque judicio omnium, qui rei militaris peritiam habent, excellere putetur, consentiens omnium fama testatur; extantque res ab eo gestae magnae quidem ac memorabiles, & ab ipsa adolescentia continuatis victoriis feliciter confectae, in quibus & generosa celsitudo cordis ad pericula capeffenda, & inter ipsa pericula invictum corporis atque animi robur apparuit. Rursus ad pacem, atque ad eas res, quae sine armis geruntur, si te vertas, invenies consilii maturitatem, & prudentiam singularem, quae in hoc viro tanta est, quantam & acumen excellentis ingenii, & multarum ac maximarum rerum tritus & diuturnus usus maximam in homine efficere potest. Accedit ad haec illud meo judicio mirabile, ac nescio si recte dixerim, stupendum, quod vir in his rebus, quae a studiis abhorrere videntur, occupatissimus tantum litteratura, & doctrina pollet, quantum pauci assequuntur ex his, qui universam aetatem in hujusmodi studiis posuerunt. His adjicias illa praeclara, sine quibus omnis praestantia in Principe deformatur, modestiam, honestatem, mansuetudinem, tranquillitatem, religionem, sanctimoniam, integritatem, & haec omnia egregia. Est praeterea tanto naturae munere, ut ad singula praecipue natus videatur: celerrime legere, versus facere, soluta oratione eleganter dictare, & quod in robustissimo corpore mirandum est, nec ipse de eo scriberem, nisi de divo Augusto, ac divo Tito Vespasiani filio idem legissem, ita venuste propria manu scribere, ut omnes librariorum vel adaequare faciliter, vel superare possit.

Ita-

Itaque haud facile dixerim robustior an doctior, corpore an mente validior atque aprior, justior, an ingeniosior sit aestimandus. Sunt insuper, qui felicitatem ejus ex successibus rerum bene gestarum magnifice extollant, quod equidem tribuendum puto cum industriae summi viri, tum ejusdem justitiae, ac pietati: verbum est enim Furii Camilli, omnia prospere evenire sequentibus Deos, adversa spernentibus. Nolo quemquam ex antiquis praestantibus viris in contentionem adducere, sed certissime confido, cum de vetustis rebus a me quaesiveris, hoc specimen antiquitatis nequaquam fuisse praetereundum. Vale. Arimini X. Kalendas Martias.

X.

LEONARDUS PETRO EMILIANO S. P. D.

Excusat se, quod non frequentius scripserit.

O Pinor tibi non satis manifestam solum, verum etiam satis probatam esse causam, cur per hosce menses ad te scribere haud multum properaverim. Cum enim epistolarum officium sit, ut absentis de his rebus, quae apud nos geruntur, certiores faciamus, atque ego apud eos degerem, quorum opera ac voluntates a te minime probari sentiebam; committendum non censui, meae ut litterae, in quibus praesertim nichil utilitatis ad corrigendam emendandamque prolapsam rempublicam inesse poterat, aliquid aut suspicionis, aut offensionis contraherent. Scis enim, quia ubi adversus quempiam infensi sunt animi, omnis omnino communicatio, etiamsi nichil habeat nocimenti, molestissima est.

est. Quamobrem intermisi equidem ad te scribere, cum tamen amor erga te meus nullam intermissionem caritatis aut benivolentiae pateretur. Nunc autem quoniam ex eo loco, in quo nichil aliud, quam jus quoddam familiaritatis me detinebat, decreto Florentinae Civitatis revocatus sum, & jam sine cuiusquam offensa scribere posse videor; dabo operam, ut quam intercapedinem abstulit condicio temporis, hanc jam liber, & omni solutus cura animus exsuppleat. Hoc item a te, qui iisdem, ut opinor, rationibus adductus longum michi litterarum tuarum silentium praestitisti, nunc submota causa censeo faciendum. Sic & quod intermissum est, assiduitate crebritateque faciliter instaurabimus, & non longi temporis incommodum longa, atque continua commoditas leniet. Vale.

XI.

LEONARDUS S. D. ANTONIO.

Qualis veri magistratus animus, qualisque corrupti.

Ingentem voluptatis partem peregrinationculis meis defuisse existimo, quod nec Florentiae, nec Aretii tecum esse potuerim, sed alternatis temporibus, dum ego Florentiam venissem, tu Aretii fueris, dum rursus Aretium peto, tu Florentiam remigraris. Super qua re vix est, ut non putem michi fortunam invidisse, & cum cetera, ut optarem, praestaret, hoc unum denegasse, ne cupiditas mea penitus impleretur. Valde tamen molestius michi fuit, te Aretii non invenisse quam Florentiae; primo quod

quod non quemadmodum Florentia Aretium, sic Aretio Florentiam petiturus eram. Deinde quod licet prius esset apud me firmissima de tua probitate constituta opinio; tamen ita magnas, & egregias laudes admirabilium virtutum tuarum, in ea Civitate, quae te proxime semestri cum imperio praesidentem experta erat, audivi, ut longe magis inflammatus sim ad benivolentiam, & caritatem tui. Itaque valde angebar animo, facultatem michi ademptam tibi praesenti e vestigio gratulandi. Fuit enim profecto virtus omni tempore admiranda, sed aetate nostra tanto magis, quanto bonorum virorum penuria est major, praesertim in magistratibus, ubi propter licentiam peccandi abstinere se difficilius est. Plerisque enim non tam voluntas malignandi deest, quam facultas. Cui vero cum licuerit, non libuit, in eo cognita, & spectata est bonitas. Enarrare quidem non possem, quantopere universam civitatem in te conversam repererim, quam amplissimis commendationibus te, ac nomen tuum, ubicunque sermo inciderit, prosequantur, quam satiari nequeant tuam justiciam, integritatem, abstinenciam, moderationem, humanitatemque memorantes. Praeterco illa, quae tibi communia sunt cum multis. Hoc vero egregium, & ut sunt mores nunc maxime, luculentum, quod te unum fuisse ajunt ex illo sanctissimo genere hominum, qui non putares praedam tibi concessam, cum gubernatio subditorum demandaretur. Qui non vexationem, & spoliationem hominum tuae ditioni potestatique mandatorum, sed tutelam, & sublevationem tibi commissam arbitrarere. Nolo quenquam meis litteris attingere, nec ex aliorum malefactis virtutem tuam extollere: sed tamen vereor, ne ea de causa haec a te observata homines in admirationem convertant, quod rarissima sunt

hujus probitatis, integritatisque exempla. Nam usque adeo conversa est res, tantumque potuit cupiditatum vesania, ut impunitatem, & praedam se nactos existiment, quibus magistratus, & imperia committuntur. Ac si vera fateri volumus, fasces, & secures nostri temporis nichil aliud sunt, quam mercimonia, vel potius latrocinia quaestus & rapinarum causa sceleratissime comparata. Itaque illi maxime justiciam violare didicerunt, quibus ad justitiae tutelam publice arma, gladiique traduntur. Quo quid perversius esse possit non equidem intelligo. Natura enim ita comparatum est, ut in rectoribus praepo-
nendis populorum tantum quaeratur utilitas, punire maleficia, facinorosos absterre, discordias tollere, de commodo eorum, qui reguntur, cogitare, rapinas, damna, injurias, contumelias non solum non inferre, sed etiam ne alter quisquam inferat, prohibere, abstinere, & integritate in omnibus uti. Quid ergo scelestius, quid prodicioni similis, quam ut ea facias, ad quae prohibenda custos praefectus sis? At enim quid sibi habebit is, qui magistratum gerit? An non aliud quicquam, nisi laborem, gerendique molestias? Habebit profecto, & quidem rem maximam, omnique pecunia, lucroque potio-
rem. Id autem erit honor, & gloria, ad quem omnis pecunia comparata vilescit. Cui autem hoc non satis est, is nunquam bonus erit Gubernator. Recta igitur partitio fuerit, ut qui reguntur utilitatem, rectores autem honorem percipiant, quod & ista, quae feruntur, instrumenta declarant. Quid enim quaeso parant homines magistratum inituri? Vexilla credo, & equos, & stragulam vestem, sagulaque, & parmas & losos, ac cetera hujusmodi, quae quidem omnia non pecuniae captandae, sed splendoris, ac magnificentiae sunt instrumenta. At enim merca-
tor

cator quaestus gratia proficiscens nil tale secum defert, sed libros, & calculos. Lucri igitur, & honoris quaerendi diversa admodum ratio est, diversique apparatus, quae duo nunc plerique confundunt, ad lucrum, & pecuniam cuncta referentes, perinde in magistratibus, ut in mercimoniis quaestuosi. Tibi igitur gratulor, qui verum iter ingressus non quantum pecuniae, sed quantum laudis ex magistratu referres, cogitasti, quem neque cupiditas animi a ratione distraxit, neque superbia ab aequabilitate. Itaque non jam alium tibi imitandum proponam, sed ut te ipsum imiteris exhortor. Nichil enim tibi deerit ad laudem, si te posthac praestiteris quam simillimum tui. Vale.

XII.

LEONARDUS RUFFO S.

Magnam multitudinem Pisani Concilii esse.

AD III. Nonas Apriles cum Pisas venissem obediens Patribus, qui per crebras me litteras evocarant, offendi rem Concilii opinione meliorem; ita frequens jam multitudo coivit, & quidem excellentissimorum hominum, tamque in dies singulos cumulat omnibus undique confluentibus, ut vix suffectura haec urbs magnitudini conventus videatur. Collegio autem Patrum nichil humanius nichilque vigilantius. Expectantur Britanniae Episcopi, qui cum Burdegalensi propediem affuturi dicuntur: Processus interea legitimi fiunt adversus Pontificem nostrum. O rem duram, sed tamen necessariam, quando ille post malos suasores abiens pro-

missa, jurataque contempsit. Alamannum Archiepiscopum Pisanum propinquum tuum hominem omni laude dignissimum convenio frequenter, ac de te sermo nobis creber est. Haec tibi scripsi potius, ut litteras tuas elicerem, quam ut quicquam haberem, quod magnopere nosse te vellem. Tu michi aliquid prolixius rescribas rogo, praesertim de studiis tuis, quae multo malim, quam acta Concilii perdiscere. Vale.

XIII.

LEONARDUS NICOLAO S.

*Quaedam vetusta exemplaria amicum suum
reperisse.*

IN hac ipsa hora cum tibi scribere pararem, litterae tuae michi redditae fuerunt; primo igitur dicam quod dicturus eram, deinde tuis respondebo. Bartholomaeus Cremonensis michi hodie affirmavit, se Ciceronis epistolas ex vetustissima littera reperisse. Contempsit primo, mox cum magis magisque asseveraret, confestim domum ejus visendi studio me corripui, quo in loco michi ostenditur volumen antiquissimum sane, ac venerandum. Sed dum avide evolvo, ac singula scrutor, invenio epistolas ad Brutum, & ad Quintum Fratrem, eas videlicet ipsas, quas habemus, & septem dumtaxat ad Atticum libros. Fuit id minus quam optarem; sed tamen opinor aliquantulum inerit lucri ad nostras emendandas. Illud satis constat, quas antea habuimus, ex eo volumine non fuisse transcriptas, cum ibi non plures, quam septem ad Atticum libri, nos
vero,

vero, ut opinor, quatuordecim habeamus. Nonium Marcellum dicit se in dies expectare. Haec tibi nota facere constitueram prius. Nunc ad litteras tuas. De libro eligendo utrumvis eliges, bene erit & quos meo nomine habes, habebisve, quaeso diligenter conserva. De Augustiniano autem negotio litteras uberiores expecto. Gorgiam per hunc Riccii puerum tibi mitto. Tu, si commode fieri poterit, dabis operam, ut quam celeriter transcribatur. Vale. Pistorii Kal. Novembribus.

XIV. ⁽¹⁾

LEONARDUS NICOLAO S.

De Guarino, Chrysolera, aliisque rebus commonefacit.

Quod de Agathocyrio scribis, me quidem in ea re quominus respondere tibi aperte queam, prohibet consideratio antiqui librarii, quem nec ejicere honeste, nec una retinere commode possum. Suspicio tamen hunc per se emigrandi consilium sumpturum, quod si faciet, continuo Agathocyrium vocabo. Graecorum vitam legit nunc Antonius Luscius ⁽²⁾: cum eam praelegerit, ad te deferetur. Cum haec superiora jam exarasset, aliae michi litterae tuae delatae fuerunt, quas XIII. Kalendas Martias ad me dederas. De Agathocyrio satis super

(1) Haec in edit. cl. Fabricii deest.

(2) Vicentinus, Secretarius Apostolicus, cujus nonnulla MSS. exstant in Bibl. Lau-

rentiana. De hoc ita Correllius: *Antonius Luscius fuit Rhetor quoque non contemnendus, quem etiam indifertum dicunt fuisse.*

per expressi. De Gracchis quid Cicero scripserit non ignorabam, & est varia apud illum relatio, ut alibi deprimat illos, alibi tollat. Nec id mirum, cum & illorum acta fuerint varia; ab optimis enim initiis profectos contentiones civiles longius evexere, ut sint quae laudari, & quae damnari possint. Ego tamen de his alias ad te rescribam plenius. Haec satis ad litteras tuas. Sed tu accipe, quae apud nos noviora: Joannes Graecus miles Bononiam venit ad XI. Kal. Martias. Secum habet Demetrium non Poliorcitam, & Guarinum Veronensem ⁽¹⁾. Hic ut gustare primo aspectu potui, Juvenis est apprime doctus, & qui tibi placere non immerito possit. Miles satis habuit vestes portare, quae apud eum levissimae sunt: nam libros, quoniam graviores esse videbantur, omnino reliquit. Manuel vero Chrysoloras nescire se ajunt, ubi terrarum fiet. Conjectari tamen, illum in Hispania esse. Vale.

XV.

LEONARDUS NICOLAO S.

Praeter alia, quae haec continet, scribit se nolle Religiosum juvare, ut Monasterium relinquat.

Valde cupio, meae ut aliquando litterae tibi fastidio sint non ob inconcinnitatem, nam id avertat Jupiter, sed ob nimiam crebritatem, quod tamen nescio, an unquam contingeret.
Gua-

(1) *Leonardi fere aequalis fuit Guarinus Veronensis, doctus Magister. Ita Cortesius, apud quem plura. Vide Blondum,*

Volaterranum, Gyraldum, ac cl. Maffeiū Lib. III. Veronae Inlustr.

Guarinus tibi praesto aderit, quem praesentem insueri, ac perspicere licebit. Expectas iudicium meum? Ego & alias scripsi ad te, & nunc magis etiam confirmo eruditissimum michi videri, & quem tu probare non immerito possis. Illud permolestum est, quod miles libros attulit nullos, graves esse putavit; ipse vero decreverat nichil praeter levitatem secum afferre. Itaque illos omisit, vestes autem nequaquam gravi homine dignas attulit. Quare populus concursat, Curia ridet, ego digito compesco labellum, & quo me vertam, nescio. Vereor enim, ut nunc mores sunt, ne ut olim Chaldaei ex urbe Roma, ita nunc Graeci ob has ineptias e Curia pellantur. Mittere quaeso eos, quos jampridem flagito, codicillos. Pro Religioso autem illo, qui Religionis pertaesus exire cupit, miror, te usque adeo vehementer anniti, quasi vero desiderium aut honestum, aut tolerabile videri possit. Nam quod causas allegat, velamenta quidem illa sunt inconstantiae, & vacillationis, quae quem tu haec eadem allegare non putas? Itaque ne me roga quaeso; sed sive rogabis, sive non, ego tamen nichil agam. Vale.

XVI.

LEONARDUS NICOLAO S. ⁽¹⁾

De negotio sibi commissio bene sperari jubet.

Nichil michi longius visum est, quam ut litteras tuas diu quidem intermissas reciperem, quanquam leniebatur desiderium meum spe propinqui reditus, quem in dies singulos distuli, & adhuc

(1) Hanc omisit cl. Fabricius.

adhuc differre non desino. Nunc ad rem, pro qua Pontifici Maximo supplicari voluisti, breviter, & pauca respondebo. Omnia ut spero consequemur secundum sententiam, & quidem intra paucissimos dies. Data est enim forma, ut ego cuncta in libellum redigam, atque una cum Florentino Cardinali, is est Zabarellus noster ⁽¹⁾, discutiam, & censeam quid agendum sit. Non ergo dubito, quin ita arbitremur, ut vos ipsi optatis. Una dumtaxat res admirationem Pontifici dedit, quod Religiosos ex observantia B. Augustini dicit sibi antea inauditos. Sed nisi fallor, id non oberit: vel quia reperiemus exempla, vel quia etiam si opus sit, bonis in rebus novum exemplum laudabiliter institui posse facilius persuadebimus. Vale.

XVII.

LEONARDUS POGGIO ⁽²⁾ S.

De suarum nuptiarum impensis, & magnificentia.

AD XV. Kal. Apriles Aretio rediens deflexi iter in patriam tuam ⁽³⁾, ibique parentes tuos vidi utrosque sane incolumes. De sorore autem nuper nupta, itemque de ceteris tuis prospera michi retulerunt. Itaque summatim tibi scribere possum more majorum, recte sunt apud te omnia. Inde

(1) *Francesco Zabarella Padovano Cardinale Dottore eccellentissimo. e sommo Teologo, e Monarca di Scienza, che compose in ragione Canonica, &c. Ita in Ducibus Venetis Sanctus. Hunc inter doctissimos Cardi-*

nales recensuit Ascoltus. Vide Ughellium.

(2) Bracciolino, Pontificiarum Epistolarum Magistro, ac Leonardi nostri Collegae.

(3) Terranovam videlicet.

Inde Florentiam reversus suscepi abs te litteras, quibus etsi longioribus vigiliis ita confectus, ut dormire quam scribere praestaret; tamen ut potero respondebo. Primum igitur, quod Zucharum virum omnium suavissimum, facere, ut solet, distitare scribis me quidem ut matrimonium consummarem abiisse, se vero remansisse ad patrimonium consumendum, id aperte scias verum non esse. Ego enim non matrimonium duntaxat, sed patrimonium insuper unis nuptiis consumpsi. Incredibile est, quam multa impendantur his novis & jam ad fastidium usque deductis moribus. Nec ego nunc sane de conviviiis loquor, quanquam est acta illa res a me non tibiis disparibus, ut est apud Comicos, sed paribus, nec unis, sed pluribus. Aderat insuper Pincius Citharedus nobilis, meministi, opinor, ejus, qui apud mulieres quandoque in conviviiis querebatur, quod illae sederent, cum Pincius erectus staret. Hinc tu frequentiam existimare potes. Vacuefeci forum, & aromatarias tabernas, coquos, fartoires, aucupes notos, & ignotos pariter fatigavi. Verum haec licet sint magna, tamen non sunt magna, propterea quod rumoris plus habent, quam impensae, & plus strepitus inferunt, quam damni. Sed illa intolerabilia, quod vestitu, mundoque muliebri nullus est finis. Vellem, ut Romani isti tui, quibus ex veteri gloria nichil praeter inanem jactantiam remansit, aurum, argentum, purpuram, margaritas, ceterumque ornatum mulierum Florentinarum conspicerent, ut desinerent aliquando tam absurde de se ipsis opinari. Sed haec Zucharus noster efficacius redarguet, Nos ad reliquam partem litterarum tuarum accedamus. Quod enim quaeris, quemadmodum appellare me in hac nova militia debeas, res gestas meas tibi breviter exponam, tu postea, ut dignum putaveris

veris, vocitato. Si militariter loqui oportet, quoniam
 & tu hanc novam militiam dixisti, sic accipe. Ca-
 stra, ad quae capienda veneram, prima vigilia ador-
 tus expugnavi, victoria non inruenta fuit. In illis
 ego castris nunc insideo, quanquam die quidem va-
 gor latissime, nocte tamen in illa ipsa castra rever-
 sus, pervigilia custodio. Itaque tu sive ducem, sive
 tribunum, sive centurionem, uti liber, appella. Si
 tamen audies me, caligatum militem vocitabis non a
 caligis, nam illas lectum ingressurus statim depono,
 sed a caligine oculorum. Sic enim jam vigilavi, ut
 singula michi prospecta bina videantur. Vale, &
 Zucharum nostrum meo nomine salvere iubeto. Ite-
 rum vale. Florentiae XV. Kal. Apriles.

XVIII. ⁽¹⁾

LEONARDUS NICOLAO S.

*Quid in negotio. Religiosorum B. Augustini
 transactum sit.*

Scripsi nuper, quod actum esset, quidve sperarem
 de negotio Castaneano. Postea vero cum esse-
 mus in summa & firmissima opinione confe-
 ctum iri, supervenit Olivetanorum importuna postu-
 latio. Statim illi ad me per Pontificem reiecti sunt
 ac subinde simul auditi. Ab illis vicinitas locorum,
 & multa quae hactenus perpeffi ob vicinitatem fue-
 rant, dicebantur. Ego quae causae nostrae profutura
 existimavi, in medium protuli, nec praetermissum est
 a me quicquam. Nam & conformitatem regulae &
 voluntatem Prioris se se ac locum ipsum subijcere
 cu-

(1) Hanc praetermisit Jo: Fabricius.

cupientis, & desiderium insuper tuum & tuorum, & alia cuncta, prout tempus patiebatur, explicui. Nec fore vicinitatem ab illis pertimescendam, cum pro bonis malos, pro neglectoribus regularis observantiae cultores, professoresque forent in posterum habituri. Tandem, ut Oratores vocant, admiscui: Pontificem enim obtestatus sum, ut meum hoc negotium putaret: iis siquidem amicitiae vinculis adstrictam esse conjunctionem nostram, ut nichil posset ab eo praesente me contra rem tuam statui, quin contra honorem, existimationemque meam constitui videretur. Auditus sum diligenter a Pontifice Maximo, maximeque eum movere visa est ea pars, in qua conjunctio nostra allegabatur. Denique Olivetanis palam edixit, se invito te nichil facturum; proinde si confiderent vi postulationis suae, id tibi persuaderent, nam & sibi postea fore persuasum. Cum ergo illi ostenderent se apud te hoc facile impetraturos, & dicto Pontificis acquiescerent, postularunt, ut supersederetur in causa, donec tecum agere possent. Non repugnante me illis concessum est. Tibi itaque tributus est honor meo iudicio maximus. Quid enim majus esse potest, quam a Pontifice ipso ad te rejici? Dices ergo quid nunc agam? Primum rogo te, ut quod Deo futurum acceptius sit, id sequare. Deinde per tuas litteras Pontifici scribas quid velis; nam id fiet, nec est, quod scribere reformides. Ita enim scribas, ut si ad me. Unum praeterea non reticebo. Zabarellus noster, contra atque ego opinabar, totus pro Olivetanis est; & affirmat se, Episcopus Florentinus cum esset, locum ipsum Olivetanis concedere statuisse, ac si diutius in Episcopatu perseverasset, procul dubio fuisse facturum, quod Pontificem ex certo ambiguum reddidit. Habes omnia. Et supersedebitur in causa, nec

te invito Olivetanis dabitur. Tuas litteras expectamus. Haec, quae ego ad te scribo, aliis quoque, qui una tecum scripserunt, referre poteris. Ego propter occupationes respondere illis omitto.

XIX.

LEONARDUS NICOLAO S.

De quibusdam verbis quomodo reddat latine dubitat.

QUotiens abs te litteras accipio, totiens stimulos suscipio ad studia litterarum. Etenim studia mea in hunc locum deducta, in quo neque socium aliquem, neque peritum earundem rerum invenire possum. Fatiscerent utique, ac veluti arescerent, nisi per tuas litteras veluti faces quaedam refrigerato ingenio admoveres. Per hos igitur dies cum ocio abundarem, orationem Aeschinis in Ctesiphontem latinam feci. Utinam adesses, ut una illam legeremus! & utilitas quidem duplex proveniret. Nam cum per se ipsam est luculenta, multisque rhetoricis ornamentis picta, tum oratio illa Demosthenis, quam olim converti, quia huic responderet, multo erit illustrior ex hujus cognitione. Quo enim pacto excusatio placere potest, si accusatio ignoretur? Hanc ego praetuli Ciceronis vitae, quod ista oratoria nescio qua ratione me plurimum oblectant, atque ut totum scias, librum hic habeo nullum praeter haec ipsa, quae convertio. Eaque res michi interdum obest. Nam saepe de verbis ambigens, ad quem recurram, habeo neminem. Heri me suspensum habuerunt duo, de quibus te librorum divitem con-

consulam. *Ἀπὸ* Graeci dicunt, ut ita loquar, *maledictionem*. Id verbum michi non placet, quia nec elegantiam, neque dignitatem, neque sonum habet. Dixi igitur imprecationem. Tu vide quaeso Livium ubi foedere per Fetiales solemnibus verbis peragit, ibi opinor aliquid invenies, quod nobis ad expressionem ejus verbi sufficiat. Praeterea *καὶ* Graeci vocant eos, qui aliquo terribili, maximoque Deorum judicio sic affecti sunt, ut nec ipsis, nec qui cum illis versantur, prosperum quicquam esse possit. Hos michi quo nomine appellem, non sane occurrit. Nam pollutos aut infaustos dicere non omnino placet. Tu vide, & sapientiores, idest libros consule. Litteras Cautii nostri legi gaudens Capram ⁽¹⁾ nostrum esse non incolumem modo, verum etiam inculmine. Postquam haec scripseram occurrit michi, ut pro *ἀπὸ* execrationem diceremus. Id opinor optimum fuerit. Vale.

XX. ⁽²⁾

LEONARDUS NICOLAO S.

Nonnulla Aeschini verba exscribit.

Cicero cum has orationes, quas ego latinas feci convertisset, addidit proemium, quod perditis orationibus extare nunc etiam credo, & si

Tom. I.

G

non

(1) Bartholomaeum Capram, de quo supra: qui apud Johann. XXIII. tanquam Gregorii XII. Auditor, cum accusatus fuisset, ab eodem Cremonensibus Infulis spoliatus est. Sed perspecta ejus integritate, idem Job. Pontifex

pro Episcopatu Cremonensi Mediolanensem Archiepiscopatum Caprae tradidit. Vide Arist. Tom. 1. Crem. Litteratae.

(2) Haec desideratur in edit. Fabriciana.



LEONARDI BRUNI
ARRETINI
EPISTOLARUM
LIBER QUARTUS.



I.

LEONARDUS NICOLAO S. ⁽¹⁾

*De gratulatione, donisque sibi missis gratias
agit.*



Quantam laeticiam vel potius voluptatem michi attulerint litterae tuae, in quibus chorum illum gratiarum circa puerum descripsisti, vix satis dicere aut explicare valerem. Deus faxit, ut haec tua aurguria non frustra sint. Quod vero totam fidem ei praebuisset dicis, gratias ago: quod apud te nichil re-
man-

(1) Haec a cl. Fabricio omissa est.

mansisse, id fieri nullo modo potest. Est enim fides divina quaedam res & amplissima, quam ut maximam alicui praebeas, ita maximam habeas. Nichil deperit ejus praebitione, nec dando alteri minuitur, sed augetur. Demosthenis vitam suscepi, & reliqua avide exspecto. Chrysoloras, qui nuper eam legit, miris laudibus elegantiam & conversionis fidelitatem extollit. Ei nos de fidelitate concedimus de elegantia refragamur. In tuo volumine quasdam mendas deprehendi, quas tibi emendandas censeo. Tu videas ergo diligentius. Martiolinos tuos avide arripui: nam hic nulli sunt, praeter bubulos. Eos qui probat, valde dissentit a Zuchari nostri judicio, qui glutino dumtaxat, & muribus illos mandabat. Sed heus tu: novus hic mos, ut patri munera mitantur? Putabam satis esse puerperae missa. De libris meis, quos desiderare te scribis, jussi, ut vel omnes tuo arbitrio depromi permittant. Vale. Ex Urbe Roma VII. Kal. Januarii MCCCCXII.

II. Vind 3123 Bl 4

LEONARDUS NICOLAO S.

Amicitiae vinculo quosdam jungere studet.

Cum Joanne Praeposito Insulensi, qui aliquot menses apud nos fuit a Rege Francorum Legatus, viro humanissimo, atque doctissimo & studiorum nostrorum ardentissimo magna michi familiaritas est. Itaque non potuit, cum me cognoverit, te pro nostra amicitia ignorare. Multa saepius de me audivit, per quae licet te nunquam viderit, tamen & ingenium & suavitatem tuam agnoscit, cupitque tecum indelebilis amicitiae foedera ferre

rire non caesa porca, ut Reges illi prisca, sed caesa, & trucidata pedantaria, cujus ipse non omnino est expers. Hunc igitur virum obsecro humanissime suscipe, & bibliothecam tuam ostende, ac ceteris officiis tuis prosequare. Cum enim multa saepe, ut dixi, audierit de me, cupio ut talem experiatur, qualem sermo te meus illi pollicitus est. Vale. Ex Urbe Roma idibus Januarii.

III.

LEONARDUS NIGOLAO S.

*Suae peregrinationis ab Urbe Constantiam
usque descriptio.*

SI quae hic agantur, quaeve dicantur, te curare putarem, scriberem tibi acta Concilii, & quotidianarum rerum commentarios facerem. Sed si te bene novi tu ejusmodi mentis es, ut non modo non cures ista cognoscere, verum etiam interesse tua arbitreris haec, ut tu appellare soles, caecidia, & deliramenta hominum ignorare. Est autem ut invitantis opus ad gustum convivarum epulas quaerere, sic scribentis ad amicum convenientem ejus desiderio materiam sumere. Quando igitur tu quidem delicatior es, nec quemcunque cibum stomachus tuus admittit, multa etiam, quae ceteris placent, fastidit; paremus sane epulas gustui tuo gratas, & quoniam nostratia ista contemnes, peregrina tibi obsonia conquiramus. Nichil itaque tibi magis placitum per haec tempora arbitror, quam si peregrinationem meam tibi perscripsero. Accipe igitur non totam quidem, nam id quid expedit? sed ab
Ita-

Italia. Veronam ad V. Kalendas Decembris cum satis mane venissem, ibi eam diem visendae urbis gratia, sunt enim nonnulla antiqua, & visu digna, commoratus, postridie prima luce secus Achisim fluvium ad Alpes contendi. Ut igitur ad eum locum pervenimus, quo Achisis in planos Italiae exit campos, mirabilis prorsus res michi visa est. Via siquidem profundissima, atque arctissima inter duos montes, quasi de industria naturae secata per fauces strictas ac sinuosas emanat. Alpestris sane locus & superbus, ita ut murmure aquarum & impetu gurgitis protervos & immanes earum gentium mores, a quibus fluit, imitari videatur. Inter fluvium, & dexterum montem vix tantum itineris est, ut singuli equites, ad plus ut singuli carri transire possint. A sinistra vero gurgis montem perstringens avium facit, hinc atque hinc vastae rupes, geminique minantur in coelum scopuli. Eadem post ingressum longo itinere facies est; impendent enim hinc atque hinc minacissimae rupes, profundus amnis inter eas habitat, via perangusta inter rupes & alveum, coelum veluti ex aliquo hiatus conspicitur, montes saxa habent durissima quidem atque asperrima, imò ipsi toti montes nichil aliud sunt, quam dura silex & marpesia cautes. Cedant jam Ciliciae pilae, cedant Caudinae furcae Romana clade nobilitate. Satis enim superque michi constat, vel unum homunculam superne stantem & saxa volventem universorum Gallorum, & Germanorum impetum, si transire censerent, inhibere posse. Per hanc vallem biduo profecti Tridentum pervenimus, urbem pro natura loci satis amoenam. Nam & supra, & infra paulo patientiorem habet campum, & flumine ipso non indecore abluitur. In ea illud merito quis miretur, quod viri mulieresque, & cetera multitudo intra

una moenia constituti alii Italico, alii Germanico sermone utuntur. Ut quisque enim regione urbis habitat vel ad Italiam vel ad ulteriorem Galliam versa, ita aut nostra, aut illa utitur lingua. Atque ego credo evenire, ut in concionibus & publicis consiliis aliae nostro, aliae barbarico sermone ab unitis Civitatis civibus sententiae dicantur. A Tridento aliquot millia passuum profectos, quidam barbarorum mos vehementer turbavit. Est autem talis. Multa per rupes, quae fluvio imminet, castella sunt: ea tenentur a nobilibus. Ut igitur viatores paulo plures numero conspiciantur, cum jam illi castellis sub sunt, repente ex arcibus cornua sonant, & quam maxima fieri potest hominum multitudo ex moenibus, & propugnaculis clamorem barbaricum, & hostilem ululatum extollit. Subita igitur re perculsi homines plurimum trepidant, nec est quisquam ita constantis animi, qui non ea novitate moveatur, praesertim in locis vel de industria ad latrocinandum electis. Hunc morem barbarum, & immanem illi valere putant ad custodiam rerum suarum, magisque ab injuria temperaturos homines, si jam conspecti, & declamati se observari existiment. At ego michi per hostilem terram iter facere videbar, facpiusque illud subibat animum: Ut belli signum Laurenti Turnus ab arce extulit, & raucis crepuerunt cornua cantu. Sed ad rem redeamus. Ex Tridento Tramenum venimus vicum pulcherrimum, atque beatum in sinistro monte trans amnem positum scopuli tamen superne terribiliter imminet. Vicus hic famosus est multitudine vinetorum, & Baccho, ut videtur, inprimis sacer. Sunt enim ita multa vineta, ut nullo unquam in loco plura conspexerim: solum ipsum, in quo consistae sunt vites, quibusdam in locis sic album est, ut nivi simillimum videatur.

conspiciantur (Monti. codd. Latini Annini 6.94)

Id

Id, ex eo accidit, quod mons superne impendens marmoreus est. Itaque marmor confractum & in frustra decisum terram ubique contegens albertem loci faciem reddit. Vini apud Tramenum tanta copia oritur, ut in transalpinas usque partes abundantiam afferat. Inde Maranum devenimus, quod oppidum, an vicum appellare debeam nescio. Omnia quippe sunt ad urbis sufficientiam, praeterquam quod moenibus caret. Id & Trameno, & Marano opulentissimis locis accidere puto, quod ita praeruptis rupibus subsunt, ut muro circumdari non possint. A Marano secus Athisim profecti tertia die ad jugum pervenimus. Via est inter duos vertices leviter acclivis. Summitas planiciem habet, duosque subinde lacus parvo inter se spatio distantes. Aquarum divortia ex eo loco fiunt. Ex altero enim lacu Athisis oritur, qui in meridiem vergit, ex altero, qui Germaniam versus aspicit, fluvius manat, qui Danubium influit, Inum accolae vocant. Descensus ex eo jugo longe difficilior fuit, quam ascensus, via praecipiti & arcta, ac quibusdam in locis manusarcta longo anfractu per praeruptas rupes quasi in baratrum ducit. A dextera parte viae mons ingens impendet; a sinistra praecipicia sunt vel aspectu formidanda: abietum sursum deorsumque incredibilis multitudo; pinus insuper silvestris, cypressus, fraxini, fagi, orni, ac omne genus silvestris materiae. Ab eo jugo biduum per valles profundas ac difficiles sub ipsos montes progressi, ad aliud rursus jugum pervenimus. Aquilae montem barbari vocant. Hujus montis transitus longe difficillimus, atque asperissimus fuit; nam praeterquam quod semper scandentibus arduum iter habet, tunc nives omnia tegerant, quarum plerisque in locis supra viginti pedes altitudo erat. Semita per medias nives plantis
via-

viatorum impressa non amplius uno pede lata deducebat. Per eum callem homines facile gradiebantur; nam & leviores sunt, & pederentim incedunt. Equi vero misere & laboriose per frenos ducebantur, qui, si uno vel altero pede semita excedebant, in profundam nivem immergebantur, nec nisi cum summo labore & periculo eximi poterant & ad semitam reduci. Haec difficultas tribus fere passuum millibus continuo nos afflixit, donec transversi jam verticem descendere incoepimus, ut vel in eo universa hujus itineris pericula difficultatesque constituisse affirmare aulam. Est autem latitudo Alpium, qua nos iter facimus, a faucibus Athisis, quas supra demonstravi, ad transalpinum completum descensum millia passuum circiter ducenta. Tanti autem montes, tanti scopuli, tam crebra & continuata dorfa, tanta cacumina atque fastigia, tantae magnitudines ubique insurgunt, ut valde mirandum videatur, quid parens illa, & fabricatrix mundi Natura cum eas fecit, sibi voluerit. Me quidem aeternas illas ac perpetuas moles intuentem horror quidam & religio frequenter habebat, & nunc item sine horrore meminisse non possum. Post transitum Alpium XX. millia passuum profecti in oppidum venimus nomine Valcircium idest opulentum, atque urbanum: aedificia habet speciosa, vinetis & pometis plurimum abundat. Inde postera die profecti procul ab eo loco septem millibus passuum Rhenum transivimus. Flumen Rheni oritur in Alpibus non longe ab eo loco, quo nos transitum fecimus ex sinistra manu. Sed mox ad dexteram vergens & suo gurgite, & multorum incrementis adjutum ingens, & robustum decurrit inter orientem, & septentrionem recto alveo conversum. Aquam habet medii coloris inter coeruleam, & viridem, cursum rapidum, alveum

sancti Joannis Jurium (Monsi a. a. d. 5. 92)

are-

arenosum, solidum tamen, ita ut pedibus pressus vestigio non signetur. Navi ad ulteriorem ripam transvecti dextrorsum relicto amne per longam planiciem, ac palustre solum ad Castellum venimus nomine Rinecium. Ibi rursus praeterfluentem Rhenum offendimus. Nam veluti pertaesus prioris itineris murato consilio inter septemtrionem & occasum magis declinat, ac paulo infra castellum stagnans lacum facit. Haec cum audissem, videndi desiderio ductus equis & familia per terram praemissis ipse scapha piscatoria conducta per fluvium, ac per medium lacum Constantiam trajeci. Lacus est omnium amoenissimus, multaque castella, & vicos undequaque per ripas habet. Aqua nitida fundo glareoso, ac perspicuo. Pisces fert varios quidem ac multiplices, sed pro tanta aquarum magnitudine non admodum copiosos. Vigintiquinque millibus passuum in longitudinem patet, latitudo alibi ad decem, alibi ad quindecim millia passuum extenditur. In infima lacus parte Constantia est, urbs non magna, sed opulenta atque formosa. Ejus propter moenia Rhenus lacu emergens rursus in alveum redit. Pons in eo est, qui ab ipsius urbis porta ad Germanos pertinet, utroque pontem crebra aedificia secus alteram fluvii ripam. De Constantiae antiquitate, & origine cum saepe a quibusdam civibus quaesissem, nemo adhuc michi occurrit, qui vel avi sui nomen & memoriam, nedum urbis tenere videretur. Ego cum diligentius perscrutarer, tabulam inveni marmoream vetustas litteras continentem, ex quibus apparet a Constantio Constantini patre, qui a Diocletiano, & Maximiano Caesar dictus est, hanc urbem nomen coepisse, cum prius Vitodura nuncuparetur. Hanc tabulam nemo Constantiensium legere scit, tenetque vulgus opinio esse sanctuarium quoddam praecipuae religionis-

ligionis. Itaque mulierculae, & cetera imperita turba fricandis per eam manibus & ad faciem refricandis jam litteras pene totas ex tabula deleverunt, cum tamen ibi scripta sint non Sanctorum Christi, sed persecutorum Christianae Fidei nomina. Mores quoque, & instituta civitatis, nam ea quoque res ad peregrinationis historiam attinet, ostendere conabor. Singulis annis unus ex civibus suffragio creatur, apud quem summa potestas cum imperio sit. Hic non publicis aedibus, sed in privata domo sua, & consueta habitat. Si quando per urbem incedit, lictores habet virgas manu ferentes. Cetero autem habitu nichil a reliquis differt civibus. Hic in caput uniuscujusque animadvertendi potestatem habet, si de homicidio, de furto, de rapinis, de veneficio, de adulterio, ac de ceteris criminibus agatur. Astant in consilio ii, quos sibi civitas deputavit. Rei ipsi in vinculis adducuntur. Ibi & accusatoribus, & defensoribus dicendi contra reum & pro reo facultas datur. Auditis omnibus in sententiam itur. Si reus damnatur, lictores magistratus supplicio afficiunt. Eodem ordine de civilibus causis cognoscitur apud hunc magistratum, & ejus consilium. Quia liberam judicandi potestatem habent, oratoria facultas plurimum valet. Itaque si qui disertii reperiuntur, hi advocati in civilibus, & criminalibus causis adducti plurimum & gratia, & dignitate in civitate possunt. Univerſa haec civitas in duo genera divisa est: alii enim sunt equestriſ generis, alii plebei. Plebei mercaturis, & officinis intendunt; equites veteribus patrimoniis contenti redditibus aluntur, & equestrem dignitatem observant. Si quis plebejus diſcior factus ad equestrem locum pervenire tentaret, ei nullo modo licere putant, nec nobilitas, quae in eo prophanari & pollui dignitatem suam arbitrat, hoc cum facere

cere permittit. Ita per longa tempora uterque ordo in suis finibus consistit, cum equites ad mercaturas & sordidiora munera declinare in turpissimis sit; plebeio autem ad equestrem ordinem dignitatemque se attollere nullo modo liceat, nec nobilitas patiatur. Gubernatio tamen reipublicae communis est plebeis & nobilibus. Vale II. Kal. Januarii.

IV.

LEONARDUS POGGIO S. P. D.

De Constantiensi Concilio.

K Alendis ipsis Januarii dum una cum Nicolao nostro mulierum catervam, quae apud templum convenerat, ex consuetudine viseremus litterae tuae Idibus Decembr. Constantiae scriptae nobis redditae fuerunt uno atque eodem fasciculo alligatae. Meas confestim posthabita visendi cura ad ipsas templi valvas, nam intus quidem tenebrosius erat, cum perlegissem, jocunditate magis & salibus tuis exhilaratus sum, quam rerum ipsarum, quae a te significabantur, confusione permotus: Etsi enim tam longa intercesserit mora, ut non maturitatem jam rebus, sed putredinem sane debuerit attulisse; tamen quo longius delatus est, eo celerius finem expecto. Molestissimam tamen esse tibi hanc nimiam tarditatem nequaquam admiror. Nempe ex molestia mea, qui hic in meo sedens lectulo expectando discrucior, tuam & aliorum, qui istuc ut vere dicam, tabescitis, saepe metior anxietatem. Qua quidem in re prudentiae fuerit tuae, ita ut te facturum scribis, tolerantiam adhibere. Senatum vero nichil consuli, time-
re

re multa, michi molestissimum est, doleoque & indignor, hujusmodi dignitatis homines in hunc contemptum esse dilapsos. Dii vos respiciant: quamquam vereor, mi Poggi, ne illorum magna pars haec ipsa & graviora insuper, ob superiora quae referre piget, errata merito atque optimo jure perpeti videatur. Sed haec alias, & saepe coram. Nunc autem non mei solum sed & tui, ad quem scribitur, rationem puto michi habendam esse. Faecem Piceni agri atque Flamini in possessiones nostras scribis impetum fecisse. O rem acerbam! Quid ergo posthac non timendum?

*Jungentur jam gryphes equis, aevoque sequenti
Cum canibus timidi venient ad pocula damae.*

Ego praeter hos & lunaticos expecto, quod si fiat, vides plane integram legionem. Quod me mones, ne properem, recte atque ex officio arbitror te fecisse. Etsi enim patria domus, familia, quemadmodum debent, me plurimum oblectant; tamen dulcissima recordatio curiae, & tot amicorum familiaritas sic interdum movet animum, ut omnibus posthabitis advolare cupiam. Contra hos itaque animi motus tuum opponam consilium, atque ut ii, qui ad certam horam expergisci volunt, si nemo vigil observet, nedum possunt quidem, sollicitudo animi quiescere permittit; si autem observet quispiam, securi capient somnum: Sic ego confusus sollicitatione tua omnem sollicitudinem animi repellam, nec nisi te vocante tempus surgendi adesse putabo. Quod autem de rebus meis certior fieri postulas, ego ad studia id refero. Vereor equidem ne insanire coeperim ea scribere aggressus, quae supra meas sunt vires. Exegi librum meum, cumque pergrandem, in quo longo discursu multa, quae ad historiae nostrae cognitionem pertinent, explicavi.

Ha-

Habet varietas delectationem, cognitio vero etiam utilitatem. Sed tantus est labor in quaerendis investigandisque rebus, ut jam plane me poeniteat incoeuisse. Insuper ut tu nuper in Gallia orationes duas M. Tullii, quas nostra secula nunquam viderant, tua diligentia perquaesitas reperisti; sic ego nuper Arecii epistolam quandam ejusdem reperi, quam te nunquam vidisse certo scio. In ea non sine stomacho Tullius noster Petrarchae respondet. Vale & me ama; praeterea D. Cardinali Florentino, Pisano, & Placentino me commenda. Iterum Vale IV. Nonas Januarii MCCCCXV.

V.

LEONARDUS POGGIO S.

*Abhortatur Poggium, ut pergat ab interitu
vindicare bonos scriptores.*

SI vales bene est, ego quidem valeo. Legi apud Nicolam nostrum litteras, quas de hac ultima professione, ac de inventione quorundam librorum scripsisti. Nec tantum de iis, sed de optima spe, quam pro ceterorum adeptione suscepisse te video, letandum existimo. Erit profecto haec tua gloria, ut amissa jam ac perdita excellentium virorum scripta tuo labore ac diligentia seculo nostro restituas. Nec ea res solum nobis grata erit, sed & posteris nostris, idest studiorum nostrorum successoribus. Neque enim silebuntur ista, nec obli-terabuntur, sed exabit memoria, haec dudum longo intervallo perdita, & jam plane deplorata per tuam industriam recuperata, ac restituta nobis fuisse.

se. Utque Camillus secundus a Romulo conditor dictus est, quod ille statuit Urbem, hic amissam restituit; sic tu omnium, quae jam amissa tua virtute ac diligentia nobis restituta fuerint, secundus auctor merito nuncupabere. Quare te hortatum oratumque maxime velim, ne in hoc praeclaro opere desideas, sed erigas te, atque insistas. Nam rei pecuniariae tenuitas ne tibi impedimento sit, nostra jam hic providentia erit, atque in hac inventione tua scito majus lucrum factum esse, quam tu sentire videaris. Quintilianus enim prius lacer atque discerptus cuncta membra sua per te recuperabit. Vidi enim capita librorum, totus est, cum vix nobis media pars, & ea ipsa lacera superesset. O lucrum ingens! O insperatum gaudium! Ego te, o Marce Fabi, totum integrumque aspiciam? & quanti tu michi nunc eris? quem ego quamvis lacerum crudeliter ora, ora manusque ambas, populataque tempora raptis auribus, et truncas inhonesto vulnere nares; tamen propter decorem tuum in deliciis habebam. Oro te Poggi, fac me quam cito hujus desiderii compotem, ut si quid humanitas impendeat, hunc prius viderim, quam e vita decedam. Nam de Asconio quidem, & Flacco licet uterque placeat, tamen non usque adeo laborandum existimo, quorum si neuter unquam fuisset nichilo fere minus latinitas haberet. At Quintilianus rhetoricae pater, & oratoriae magister ejusmodi est, ut cum tu illum diuturno ac ferreo barbarorum carcere liberatum huc miseris, omnes Etruriae Populi gratulatum concurrere debeant; mirorque te, & illos, qui tecum erant, non statim in hunc manus avidas injecisse, sed levioribus perscribendis hunc posthabuisse, quem ego post Ciceronis de Republica libros plurimum a latinis desideratum, & prae cunctis deploratum affirmare ausim. Proxi-
mum

mum est, ut te moneam, ne in iis, quae hic habemus, tempus teras, sed quae non habemus, conquiras, quorum maxime Varronis, & Ciceronis opera tibi proposita sint. Vale & me ama, ac Mediolanensi, Aretinoque Praefulibus me commendatum facias. Iterum vale: Florentiae Idibus Septembr. MCCCCXVI.

VI.⁽¹⁾

LEONARDUS CORVINO S.

Amicum commendat, amorisque sui causas exponit.

Multiplices amoris causae michi tecum sunt, & singulae, ni fallor, pondus habentes. Quare illam pro Patriae honore principem dixerim, quod nos una atque eadem civitas tulit. Id vero quanti sit, & existimari oporteat, tibi eruditissimo viro scribens non aggredior explicare, ne te forte, qui ista multo melius nosti quam ego, docere voluisse videar. Nec illud sane omiserim, quod majores tui, ut in legibus & in ceteris publicis monumentis intueri licet, ita eminentissimi fuerunt cives, ut propensiolem benivolentiam apud nos, posterofque nostros mereantur. Tnque eorum praestantiam assecutus eum dignitatis gradum tuis virtutibus meruisti, ut ad patriam quoque gloria tua redundet. Accedit ad haec maximum profecto vinculum studiorum nostrorum unanimis conjunctio, quod ego in his humanitatis studiis delectatus sum, in quibus tu non mediocriter excellis, & familiaritates Principum securus, in quibus tu etiam, quod summe gaudeo,

Tom. I. H flo-

(1) Haec desideratur in edit. Fabriciana.

floruisse. Illud quoque me plurimum movet, quod ab egregio adolescente Poggio Terranovano familiarissimo, & amantissimo mei dudum percepi, quanto honore ipsum, cum ad vos accessisset, vel solo meo nomine fueris prosecutus. Cui etiam diversoria michi splendidissime parata, quod illuc venturum putabas, domi ostendisti. Potest igitur non summus amor erga te michi existere, cum quo & tot vincula intercedunt efficacissimae conjunctionis, & propensissima erga me conspecta affectio? Haec scripsisse nunc libuit, ne forte me ex taciturnitate mea, ea quae sunt, ignorare conjectes, intelligasque te habere hominem amantissimum tui, & sine ulla exceptione deditissimum tibi. Atque ego plura scribere ea quoque de causa sum adductus, quod nobilis vir Franciscus Brundalia conterraneus noster meo, ac ceterorum amicorum non hortatu modo, sed impulsu ad te venit, vir, ut ex longa familiaritate verissimum assero testimonium valeo, omnium optimus, ac nulla ex iis virtutibus carens, quae nobilem decent virum. Causa vero impellendi fuit, quod ejus virtutes ociose senescere, ac nichil agendo deficere interireque dolebamus, praesertim cum res familiaris non ampla illi sit, & magnoe familiae onus, magni etiam pro tuenda dignitate majorum sumptus incumbere. Eum igitur ita tibi commendo, ut nichil magis me unquam cupiturum esse existimes. Ego si res Ecclesiastica non penitus obruta ac dissipata esset, te hoc onere vel liberassem omnino, vel sublevassem. Cum vero in eo statu sit, quem vides, tuum erit munus hunc civem nostrum tuo favore ad aliquem locum suis virtutibus dignum apud tuum Principem promovere. Quod ut faciam, te etiam atque etiam rogo. Vale. Florentiae. 16. Decembris. 1516
(Vat. Lat. 8. 25)

VII.

LEONARDUS FELICI S.

Ciceronem ex regio genere fuisse.

LAtior michi ad pervagandum campus ostenditur, si amico tuo viro eruditissimo respondere prolixius velim. Miratur enim, seu potius quaerit, si Ciceronis genus in Tullium Regem Volscorum, uti ego in vita ejus perscripsi, referebatur, cur aut Salustius humilitatem generis illi objecerit, aut ipse Cicero respondens hanc originis suae excellentiam congreuerit. Nam ignorasse quidem sui generis primordia virum omnium doctissimum, & antiquitatis curiosissimum, verisimile non est. In his igitur unum videtur quaesitum, sunt autem plura. Non solum enim verum ne sit de genere scriptum quod ad historiam attinet, sed & dicendi ratio postulari videtur, quod totum rhetoricae est. Respondeo itaque ad omnia, sed breviter quidem, ne ostentare magis ipse me, quam satisfacere postulatis voluisse existimer. Primum igitur in Tullium Volscorum Regem Ciceronis originem referri, non ego ipse ex me, sed probatissimos auctores secutus asserui. Omitto ceteros, qui de Cicerone scribentes hoc ipsum testantur. Hieronymus vir doctissimus, & antiquarum rerum imprimis studiosus in libro de temporibus, quem ab Eusebio scriptum e Graeco transtulit & prosecutus est, cum Ciceronis natalitia annotaret sic inquit: CLXXIX. Olympiadis anno IV. Cicero Arpini nascitur matre Olbia, patre equestris ordinis ex regio Volscorum genere. Plutarchus autem

non solum genus regium, sed & Regem ipsum Tullium autorem generis nominat, qui apud Volscos insigniter regnavit. Ipse quoque Cicero, ne forte amicus ille tuus ignorasse hoc, aut omnino reticuisse credat, idem quodam loco scribit. Nam cum de philosopho antiquo, & Tullii Regis coaetaneo mentionem faceret, sic inquit: *Pherecides syrus primum dixit animos hominum esse sempiternos. Antiquus sane: fuit enim meo regnante gentili.* Quis igitur ambigendi locus relinquitur? cum & alii probatissimi auctores, & Cicero ipse hoc idem testetur? Restat ea dubitatio, cur aut ille objecerit, aut iste non refellerit. Equidem ab oratore non exigo, ut semper verum inimico objectet. Deinde si genus regium quamvis ab initio splendidum in obscuritatem migrarat, res quidem talis erat, ut ex utraque parte ansam haberet, & ad laudem splendor generis, & ad vituperationem obscuritas. Dicentis autem est id assumere, quod & pro se sit, & contra adversarium. Itaque obscuritatem, quam recte potuit objicere, in medium protulit; splendorem autem, qui commendationis erat, praeteriit. Quamquam si recte memini, non tam obscuritatem Salustius objicit, quam novitatem. Sic enim inquit: *ubi M. Cicero ita gubernat, ac moderatur, quasi unus reliquus ex familia Scipionis Africani, ac non reptitius, & paulo ante infestus huic urbi civis.* Haec non obscuritatem generis, sed novitatem civitatis designant. Id ipsum in Historia clarius positum ab eo Salustio est, ubi de Cicerone, ac de consulatus petitione loquens dicit: *veluti pollui consulatum putabant, si quamvis egregius, tamen novus homo adeptus foret, & Catilina: cum eam defendat M. Cicero inquilinus urbis Romae.* Haec omnia, ut dixi, novitatem civitatis redarguunt, non generis obscuritatem. Sed cur Cicero ipse in refutan-

dis

dis adversariis hoc reticet? Primo non objiciebatur obscuritas, ut dixi, sed novitas. Itaque ejus argumenta novitati respondebant. Nam si nullis praeclaris rebus majorum suorum in republica gestis commendabatur, ut Scipiones, & Metelli; at suis, & propriis, quod praestantius erat. Praeterea tacendi plures erant causae. Primo quod nomen regium apud Romanos invisum sane, ac detestabile erat; deinde quod arrogantiam invidiamque vitabat, quae in civibus praesertim novis fastidiosae, & intolerabiles sunt. Illud insuper accedebat, quod Rex ille inimicissimus Populi Romani fuerat. Non erat ergo prudentis consilii illum proferre, ne ab hoste Populi Romani originem traxisse diceretur. Itaque callido consilio obscuritatem potius, quam bonis rationibus in suarum virtutum laudem traducere poterat, objici patiebatur sibi, ut ego, qui novus Florentiae civis sum, si a Castrucio illo praestante quidem Duce, sed inimicissimo Florentini Populi originem traxissem, latere in plebecula malletm, quam eum generis auctorem egregiae licet nobilitatis proferre. Haec habui, quae responderem. Vale.

VIII.

LEONARDUS P. TURCO S.

Amicorum naturam ferendam in quibusdam.

VEreor, ne parum tibi respondere in amicitia videar ex hac mea tarditate scribendi. Eam quaeso suspicionem, si quam forte cepisti, animo tuo erade. Factis enim promptissimus sum, verbis autem tardus, idque natura cum inest, non

facile dimoveri potest. Traditur autem ab his, qui de amicitia scripserunt, in quibusdam ferendam esse naturam amici, ut de Scipione, & Laelio scriptum memini. Cum in Laelio quidem hilaritas esset, in Scipione autem vita tristior, ambitio major; disparitatem morum par voluntas conjungebat animi, nec tamen a Laelio, ut secum una letus esset Scipio, flagitatum est, nec si flagitasset ille, praestare valuisset. Quare tuum quoque fuerit pro tua humanitate existimare, amici animum ita affectum esse erga te, ut debet, etsi forsitan facilitas, quas in te plurimum redundat, deesse illi videatur. Sed haec satis. Nunc venio ad litteras tuas, quas nuper Aretio rediens Florentiae offendi. Quod Matthaeus Albitius familiaris tuus me subratum tibi ex judicio illo affirmaverit, valde equidem admiror. Nisi forte joculari tecum voluit, quod non ex litteris tuis solum, verum etiam ex illis verbis conjecto. Erat una Nicolaus noster, cum ille in foro me conveniens te admodum litteris, quas nuper accepisses, letatum esse, ac perluculente scriptas existimare inquit: cupere denique certiolem fieri, quisnam illas scripseret, ac suspicari quidem de me. Egone pro his tibi subirascerer, qui quod luculentum existimas, a me scriptum existimas, & quae maxime probas, mea esse conjectas? Contra equidem si accidisset, ut quae elegantissima tibi viderentur, ea esse mea diffideres, graviter ferendum putarem. At quae optima reris, eadem mea credidisse, cujus tandem signum est, nisi magnificentissime de me opinantis? Quamobrem tibi non modo, quod postulas, veniam do, verum etiam gratias ago. At forsitan graviter tulisti, me dicendi genus non internosse. Primum id quidem leve est. Michi enim satis eleganter dicta videri solent, quaecunque bene dicuntur. Deinde quid ego novi, utrum
ille

ille michi, an ego illi in hoc genere scribendi prae-
stem? Equidem nullum alium exitum scriptorum
meorum unquam optavi, quam ut ab iis, quibus
scribo, vehementer litterae meae comprobentur,
quod illi accidisse video in iis, quae ad te scripsit.
Id ergo cum ille scribens assecutus sit, quod ego as-
sequi opto, nichil ejus litteris defuisse judico. Af-
fentior nichilominus tibi, facilius affici nos laudibus
nostris, quam ulla alia re. Quo ergo facilius, co-
minori conatu opus est, ad id quod volumus, asse-
quendum. Nam & Themistocles ille summus vir
quoniam cantu maxime delectaretur rogatus, ejus in-
quit, qui laudes meas apte concineret. Ut si etiam
in his percensendis dulcedine laudis captus enar-
rasses, venia tibi sit tribuenda. Priscianum, quem
postulas, omnes tabernas librarías perferutatus, re-
perire nondum potui. Admonui tamen quosdam fa-
miliares, ut perquirant. Si quid emerget, ad te il-
lico transmittam. Vale.. Florentiae. II. Nonas De-
cembriſ. MCCCXVI.

I X.

LEONARDUS POGGIO S.

*Exitum Constantiensis Concilii expectari ab
omnibus, & admonet Poggium, ut cautius de
Hieronymi supplicio scribat.*

DEdi nuper ad te litteras Philippo nostro, in
quibus sane prolixior fui. Nunc autem ni-
chil fere est, quod ad te scribam, nisi hoc
ipsum, quod litteras exspecto. Flagito igitur, quod
adhuc non flagitavi, ut nos crebrius de iis rebus,
H 4 quae

quae istuc geruntur, certiores facere studeas. Nec ego a te acta solum exigo, sed qua prudentia es, etiam spem rerum futurarum. Scito enim non proceres modo, verum etiam plebem nichil tam per haec tempora curare, nec ulla de re cogitare, ac loqui magis, quam de Concilii exitu. Cum igitur haec sollicitudo sit alienis, quid michi, qui verna sim, fieri putas? Tu igitur me hac cura subleva, & siquid de futuro Pontifice odorare sagacius poteris, significa. Si quid occultius fuerit ⁽¹⁾ adnotabis. Nudius tertius exemplum habuimus litterarum tuarum a Barbaro missum de Hieronymi supplicio, quarum elegantiam equidem valde probo. Tu illi tamen plus tribuere videris, quam ego vellem, etsi iudicium tuum saepe purgas, tamen nescio quid maioris affectionis prae te fers. Ego cautiùs de hisce rebus scribendum puto. Quintilianus tuus laboriosissime emendatur. Per multa sunt enim in nostro vetusto codice, quae addenda tuo videantur. Sed in quibus locis vetustus deerat, hoc est in sincopis illis grandioribus, pleisque in locis insanabilis morbus est. Me Pisano, Placentino, & Florentino Cardinalibus commendabis. Vale. Florentiae II. Nonas Apriles.



X.

(1) In MSS. Codd. lacuna quaedam reperitur, in qua graec-

cam aliquam vocem deesse arbitror.

X. ⁽¹⁾LEONARDUS FRANCISCO BARBARO S. ⁽²⁾*Adolefcentem ei commendat.*

VOluissem tibi praesertim nunc scribere incipiens seriusus aliquid, & tua dignum excellentia, dignumque studiis communibus asferre. Quamquam quid seriusus esse potest, quam hominem, quem cautum esse velis, per tuas litteras commendare? Verum aliud quiddam scribendi genus latius, fusiisque optassem. Nam pro commendatione alicujus multa ad amicum scribere diffidentis quodammodo videtur esse. Ita si uberius extendas epistolam, molesta prolixitas; sin ultra legem coërceas, arida brevitatis resultabit. Illa igitur copia, pleno, ut ita loquar, cornu aliud in tempus servetur. In re autem, qua de agere constitui, haec insunt. Rainerius Petri filius adolescens satis claro loco Florentiae ortus, ac juris civilis studiosus nonnulla Venetiis negocia habet, quae cum explicare cupiat, & patrocinium tuum quantum sibi prodesse queat non ignoret, mecum egit, ut ipsum tibi per meas litteras commendarem. Qualia vero sint ejus negocia, & quemadmodum jampridem agitari coepta & in

(1) Haec deest in Edit. ejusdem Fabricii.

(2) Patricio Veneto, Chrysolotae discipulo, de quo ita Blondus: *Franciscus Barbarus excellentissimi vir ingenii, cuius litterarum Graecarum, & Latinarum doctrinae, an elo-*

quentiae editis operibus celebratae, aut in administranda Rep. sapientiae, & pietatis aut gestarum praesertim apud Brixiam rerum gloriam anteponas, haud facile possis discernere, &c.

& in hoc ipsum tempus perducta facilius ab eo cognosces, nec ambigo, quin statuas aequissima esse. Hunc igitur Rainerium pro nostra amicitia tibi majorem in modum commendo rogans, ut cum tuo favore, & auctoritate proregas, & ab injuria tueare, faciasque, ut, quod ille speravit, hanc meam commendationem plurimum apud te valuisse intelligat. Guarinum virum suavissimum, atque optimum meo nomine salvere jubeo. Vale. Florentiae II. Idus Aprilis.

XI.

LEONARDUS PETRO MIANO S.

*Se Curiates res dubias, & confusas reliquisse,
& ad studia litterarum rediisse scribit.*

PRopedlem, tu opinor, plura tibi scribam. Nunc autem scias velim, me Florentiam rediisse ad II. Idus Martias Curia, & Curialibus rebus omnino relictis. Utor autem solacio cum studiorum, quae longo intermissa spatio avidissime repero, tum etiam familiarium antiquorum, quorum tanta dulcedo est, ut prope gratias me debere putem iis procellis, quae ex alto abreptum me in hunc voluptatis, amoenitatisque portum retulerunt. Quoniam vero michi jampridem suasi, omnia quae apud te sunt, mea esse, & quae apud me, tua; utar nunc ea lege praecipue in libris, quos tu dudum summa cum liberalitate obrulisti. Vale.

XII.

LEONARDUS NICOLAO S.

Optat amicorum adventum. Significat autem se ad eos venturum.

SALVUM te advenisse gaudeo, ac ex Pisana coeli gravitate ad salubres Arretinorum colles incolumen evasisse incredibilem de eo suscepi voluptatem. Sed ista coram inter nos agemus uberius. Nunc venio ad epistolam tuam, quam communi amicorum decreto ascripsisse. Nisi istuc ipse accessero, exercitum michi denunciatis, & ducem apud vos esse & regem, quasi exhortaturi jactantes. O rhetoricam contrariam! Vosne me his minimis terre putatis, & hoc adhibito metu ad veniendum compellere? Videte quam errëtis. Ego etsi illico venturus fuissetem, tamen vel ex eo immorandum putarem, ut tam praeclara cohors diversari apud me compelleretur. Nam quid michi dulcius, quid michi optatius esse posset, quam videre domum meam tot simul clarorum virorum, & michi amicissimorum contubernio honestatam? Etenim si hoc in singulis semper optatissime fecimus: quanta voluptatis accumulatio foret universos, ut ita dixerim, amicissimos uno agmine simul accipere? Itaque ego vos oratos atque rogatos velim, ut hoc bellissimum, ut vere dicam, bellum, quod per hietas indicitis, michi inferre non differatis. Equidem si has vestras comminationes facta putarem non verba, etsi superbum forsân videri potest, tamen nunquam me prius venturum affirmarem, quam vos huc accederetis. Verum quia tarditas

ditas nonnullorum vestrum michi suspecta est, ego veniendi inducias postulo dierum octo, quibus exactis ad vos properabo. Causa induciarum est negotiorum quorundam explicatio, quibus ita impediatur, ut nulli rei vacare commodè possim, abesse certe per hosce dies nullo modo licet. Deambulationculas vero ad inclita religionis loca, quae finitima habetis postulo, ut in adventum meum differatis. De Poggiano thesauro coram. Libros Ethicorum divinisimos ut ex integro rescribas, jam nunc te para. Vale mi dulcissime Nicolae, & in adventu meo, ut mecum Aretium venias, certissimum statue. Iterum vale. Aretii VI. Kal. Octobris.

XIII.⁽¹⁾

LEONARDUS LAURENTIO S.

Petit ab eo nonnulla Ciceronis opera.

Reditae sunt paulo ante michi litterae tuae non modo officii plenae, sed benivolentiae, caritatis, & sollicitudinis onustae. Pro quibus quid ego nunc tibi gratias agam, cum familiaritas nostra nichil non ab alterutro promereatur? Verum ut ad sollicitudinem tuam, & praestantissimi viri Rainaldi veniam, nichil est profecto, ex quo formidinem suscipere debeatis, vel quia locus non multum periculi habet, vel quia persona non multum damni. Vigilabo tamen, & ero ipse salutis meae qualiscumque tandem sim, ob tuas adhortationes curiosior. Ac si forte locus infestus esse perget, confestim abibo. De Nicolao recte michi nunciasti,
& si

(1) Haec deest in edit. Fabriciana.

& si quid in diem habueris, oro michi diligenter significes. Fines Bonorum a te expecto. Nam Aristotelis Ethica, quae traducere coeperam, nuper absolvi. Ea cum expolire nunc cupiam, Cicerone, ac Finibus illis opus est. Vale ac Rayn[aldum] in eo nomine salutem jubeo (Ant. Lat. 8. 23)

XIV. ⁽¹⁾

LEONARDUS GUARINO S.

Laurentii epistolam petit, a quo se defendere cogitat.

LEgi hodie litteras Barbari nostri praestantissimi, & disertissimi viri, quas Laurentio Cretensi ⁽²⁾ Cancellario sub apologiae vocabulo graviter simul, ornatèque rescripsit. Quibus etsi magnopere delectatus sum, nichil non ab illo praetermissum, quominus accumulate illius calumniis responsum arbitrer; tamen quia communis est accusatio, ac me quoque, qui eidem Laurentio amicus ac jam pridem notus sum, tangit, cupio ipse quoque pro virili mea censori, & correptori nostro respondere. Res profecto, ni fallor permagna agitur, utrum nos omnes, an ille unus deliret. Itaque te majorem in modum rogo, ut exemplum litterarum, quas Laurentius Barbaro scripsit, michi transmittere procures, ut videam, an rationes ejus tales sint, quae me poenitere cogant temporis hisce studiis impensi, & ab oblivionem harum litterarum quasi inutilium provocent, vel ipse potius sui erroris commonefactus

no^m

(1) Haec quoque in Edit. Fabriciana non exstat.

(2) Laurentio de Monaco Ma-

gno Regni Cretensis Cancellario, de quo Fabricius Lib. X. Bibl. Med. & Inf. Latin.

bonis rationibus tacere compellatur. Sed dices: num tibi Barbarus noster satisfaciit? Abunde profecto. Sed uti si praesens contentioni adessem, quamvis Barbarus superior foret; ego tamen non tacendum michi putarem, sed aliquid ipse quoque dicerem, quo meam in eam partem declararem sententiam: sic & nunc quamquam ipsum longe victorem puto, tamen contra officium arbitror esse, ut taceam, nec ipse quoque simul aliquid pro causa praesenti mea dicam. Praeterea his diebus vigus longo, & continuato tadio quorundam hominum, qui boni haberi volunt, cum sint mali, orationiculam veteri more perscriptam in illos dedi, quam nunc ad te mitto. Tu cura, ut aliquid rerum tuarum majori mensura michi reddas. Vale. Florentiae.

XV.

LEONARDUS POGGIO S.

*Deplorat nescio quod malum Constantiensis
Concilii.*

Litteras tuas perbreves accepi transmissas michi a Nicola nostro. Eum qui detulit, conveniendi, ac rogandi non fuit facultas. Nam Aretii sum tum mearum rerum curandarum gratia, tum etiam vitandae pestis vel potius suspicionis. Nam illa quidem adhuc talis est, ut terreat magis, quam laedat eos, qui Florentiae habitant. Hac igitur de causa illum qui detulit convenire non potui, quamquam in Amalthea Saturnino cetera conjecto. O rem acerbam! Etsi de Patribus non tam equidem laboro, quam de plebe.

Quic-

*Quicquid delirant reges, plebsuntur Achiui
Seditione, dolis, scelere, libidine, & ira
Iliacos intra muros peccatur, & extra.*

Acceperam & alias tuas litteras triduo, ante quam Florentia abirem, in quibus permolestum sane id fuit, quod commentariolum illud, quod michi te mittere cum his litteris, significabas, nunquam repertum est, neque cathalogus ille librorum index. Omnia perdita per viam aiebant: quin & aperta, resignataque diplomata vanis. Quod autem in illis me percontraria, num & aliae tuae litterae, quas ante professionem tuam dederas, michi redditae fuerint; si de iis rogas litteris, in quibus reprehensiones stultissimi, ac levissimi hominis continebantur ne dubita; jam, pridem illae michi redditae fuerunt, risique potius illius stulticiam, quam animo commotus sum. Nam ejus stuporem mentis, ac veluti fanaticam vesaniam jampridem prospexeram. Itaque non michi nova res est. Scripsisse autem nunc illa ipsa, quae mente vesana, atque distorta gerebat, quanti faciendum putas? cum vel nulli unquam lecturi sint, vel si legant aliqui, in ipsa scribendi ineptitudine nullitatem ejus cognituri. Ille certe ne illa ipsa, quae reprehendere conatur, intelligit, & quae fatetur, puerilia sunt, ac pene infantia. Itaque illum omnino sperno, atque contemno, nec dignum responsione mea duco. Tu vale, & me ama, & quid istuc agatur, crebro significa. Iterum vale. Aretii Idibus Junii.



XVI.

LEONARDUS EPISCOP. SENENSI S. ⁽¹⁾

*Excusat se, quod non scripserit, & laudat Episcopum
ocio negotia posthabentem.*

Quem non delectet humanitas, & mansuetudo tua? qui antequam de negligentia me; quemadmodum poteras, accusares, rationem excusationis meae tu ipse obrulisti. Cum enim te jampridem admirari diceres, quod ego nichil omnino ad te scripisssem; illud statim addidisti, te putare non alia causa, quam occupationibus meis id accidisse. Itaque cum id tuae sapientiae persuasum sit quod ego maxime persuasum esse cupio, tacere forsitan in hac parte praestaret, quod & facerem, ni haec mea excusatio partim ambitiosa, partim incredibilis videretur, ambitiosa, si me occupatissimum praedicem, incredibilis, si non potuisse scribere assererem. Pauca igitur ad hanc ipsam defensionem tuam ex meo addam, quo dilucidius ea intelligatur. Fuerunt michi quidem occupationes, & sunt, sed nequaquam tantae, ut scribere non valerem, praesertim cum omnis occupatio mea in studiis litterarum versetur. Cur non scripserim, audi quaeso patienter. Ego te semper eum hominem putavi, cui non nisi magna quaedam, & praeclara, & digna tua gravitate, auctoritateque convenirent. Cum igitur post naufragium illud gubernatoris nostri ad studia litterarum me tanquam in portum quemdam optatissimum retulisssem, scribenda quaedam ac mandanda

(1) Antonio Casino, de quo supra diximus.

danda litteris assumpſi. Ad haec ego quantum ocii eſt, totum conſero, nec libenter diverto. Credo, & aliis evenire, quod dicam. Sed michi, ut affirmare poſſum, haud dubie evenit: difficulter reſumo, quod ſemel abrui. Ad te ergo, quoniam graviora quaedam tua auctoritas poſtulat, ne ab inceptis diverterer, ſcribere ſuperſedi. Poteram certe leviora quaedam, ſed ea indigna tuo nomine arbitrabar. Graviora vero, & expolitiora ſine intermiſſione coeporum ſcribere non dabatur. Haec eſt deſenſionis meae ratio paulo explicatior, quam a te ſit dicta. Quod autem te, & optime contentum, & in quiete conſtitutum ſignificas, ob id te longe beatiorẽ puto, quam cum in magnis rebus agendis, magniſque negotiis oppreſſum caterva hominum intruebar. Ocia enim negotiis longe ſunt praeferenda, cum haec finis ſint, illa ad finem. Negociamur enim, ut ociamur, & bellum gerimus, ut in pace degamus. Quod ſi ocia ſunt praeferenda, & haec certe vita quietã, & tranquilla laborioſae illi, & occupatae, ad quam niſi aut honoris ambitio, aut pecuniarum cupiditas impelleret, quis tandem noſtrum illam ſuſcipiendam cenſeat, ac non velis remiſque fugiendam? Qui autem in ocio contenti non ſunt, ocium ipſum, ut ita loquar, perdunt. Immo nec ſunt ocioſi, ſed poſſiſſima ſui parte, ideſt mente & animo infeſtantur, ac longe rapiuntur. Tu ergo cum utrumque naſtus fueris, gaude quaeso, & felicitate tua diutius fruare. Quod ſi te forſan aut Pontificis juſſum, aut voluntas tua in Curiam, atque in illum aeſtum negotiorum retulerit, ipſe te ubique amabo. Primum tamen ſanius conſilium eſt, quod utinam, & ego tenere poſſim! Vale.

XVII.

LEONARDUS FRANCISCO BARBARO S.

*Praedicat agriculturam, ita tamen ut musas
praeferat, laudatque in amico Sacrarum
literarum studium.*

R Edeunti michi ex agro Aretino, litterae tuae praesto affuere, atque ut de eo ipso, qui illas reddidit, cognovi, complures ante dies Florentiae sic reditum meum praestolatae fuerunt, ut jam longiorem moram incusarent. Ego autem eo diutius illis in locis detentus sum, quod jam supra biennium crassante pestilentia facultatem adeundi non satis habueram. Quare avidius incumbens ita delectabar, ut pene jam urbis me haberet oblivio. Nunc autem & nitore litterarum tuarum, & summa humanitate tua ad meliora revocor studia. Etsi enim agriculturam valde equidem probo, nichilominus illa stat sententia: *Me vero dulces nutrant ante omnia Musae*. Quid enim cum Musarum suavitate Pan, & Silvanus possint conferre? In hoc igitur genere, & audire eruditissimas voces tuas, & reddere ipse meas optavi equidem, atque opto, praesertim cum mutuo in amore familiaritateque jam pridem inter nos suscepta silentium hoc, quod adhuc intercesserit, culpandum potius, quam laudandum videretur. Quod autem te ad sacras litteras majore impetu, & attentiore animo conferre significas, in eo sapientiam, gravitatemque tuam indeficibili laude commendandam duco. Si enim omnes Musae, quod supra diximus, dulces sunt; quanto illae magis, su-

quae verae sunt Musae? Et si vox poëtae in re ficta delectat; quanto magis vox Dei delectabit in vera? Et si praecepta hominum discantibus profunt; quanto magis proderunt Divina? Quare te currentem, ut video, vehementer cohortor ad hujus optimi, perfectissimique operis insudationem. Casum vero gravissimum amantissimi fratris, incommodaque inde suscepta, & tua moderatione, & illarum litterarum solacio levare debes. Vale. Florentiae.

XVIII.⁽¹⁾

LEONARDUS S. D. JOHANNINO⁽²⁾.

Commentaria ei pollicetur, & de rebus nonnullis eundem monet.

TRes epistolas tuas unum fere sub tempus accipi, quibus antequam respondeo, juvat praefari atque praemonere, ea videlicet ipsa, quae meus erga te amor, ac patriae caritas exposcit. Multum igitur hoc brevi tempore, quo a nobis abfuisti te profecisse statuo; siquidem in tanta civitate recentem adhuc, & modo advenam nonnulli praestantes viri in familiaritatem susceperunt, quorum gratiam tuere quaeso diligenter, atque annitere, ut eos bene promerendo in amorem tuum quammaxime vertas. Id tu si, quemadmodum spero, assequare, quod tandem lucrum cum hoc lucro existimem comparandum? Illud praeterea moneo, ut istic degens conquiescere animo velis, nec eorum, quos hic reliquisti, desiderio torqueri. Quod nisi feceris, nichil de

I 2

te


(1) Hanc omisit Cl. Fabricius.

(2) Tortellio fortasse tunc adhuc adolescenti.

te laudabile unquam praestabis. Quid enim cor anxium & moerens exhibere aut sibi ipsi, aut alteri potest? Cogita igitur non tam domesticos, quam impias tuorum molestias domi reliquisse. Urbem autem nunc incolere opulentissimam, ornatissimam, & in qua nichil molestiarum insit, nisi forte quas tu ipse stulta mollicie tibi ultro suggereris. Haec ego quae sentiebam de personis, & urbe commonefacienda putavi. Nunc venio ad epistolas tuas. Mea nescio quae istic reperta quod admirarere, quodque a ceteris ea laudari praedicas, ajunt fortasse homines:

..... *sed non ego credulus illis:
Nam neque me Varo videor, neque dicere Cinna
Digna, sed argutos interstrepere anser olores.*

De epistolis autem, quas aliorum voluminibus insertas deprehendisti, ne fer quaeso tu id quidem moleste. Satis michi honoris ille quisquis fuerit, meis detulit, qui inter suas, quas bonas putavit, collocare dignatus est. Commentaria vero primi belli Punici, quae flagitas, ad te propediem transmittam. Quod autem me consulis de re illa tua, michi una salus videtur, ut fortem nunc te constantemque praestes, etsi scio quam difficile sit non flecti animo, praesertim tibi, qui es natura mollissimus. Sed tamen, ut mea fert opinio, aut nichil unquam, aut taciturnitas tua illorum vesaniam refringet, errantesque, & devios in orbitam reducet. Quod si indices te pati non posse, eludent. Vale. Florentiae. 2. Kal. Febr. 1522. *P. A. 8. 21*



XIX.

PILEO ARCHIEPISCOPO GENUENSI ⁽¹⁾
LEONARDUS S. P. D.

Litterarum studium ad quae utile fit.

Facile recognovi litteras tuas, doctissime simul, optimeque Antistes. Erant quippe ea facundia sapientiaque perscriptae, ut ex tuo potissimum iudicio manasse viderentur. Atque ut natura fit, cum alterum dicentem audias, quod tu maxime probes, ut valde assentiamur; sic ego tuae illi de lectione studioque sententiae vehementer assensi. Sic enim michi quoque perspicere visus sum, aut nichil humanarum rerum adversus animi aegritudinem valere posse, aut unicum in litteris studiisque esse refugium, quas qui fastidiunt & contemnunt, verae puraeque veritatis gustum non habent. Tu igitur iis incumbe, ut facis, praesertim cum nulla res dignior sit homine sapienti, & in ea, qua tu es, dignitate constituto. Quod autem de libris scribundis rogas, non deerit tibi diligentia mea. Verum admirabilis est apud nos ejus rei penuria. Nam & studiosi permulti sunt, & qui mercede scribant, admodum pauci. Ego tamen quo tibi morem geram scrutatus omnia, cum tandem nichil reperirem, ex-

I 3

oravi

(1) Pileo de Marinis Ambrosii
Corficae Gubernatoris filio,
Patricio Januensi, qui pri-
mum in Romana Curia Pro-
tonotarius, deinde an. 1400.
Archiepiscopus Januensis ele-
ctus fuit, licet aetate juve-

nis valde, tamen virtute se-
nex, ut ad an. 1401. in An-
nal. Januens. scribit Geor-
gius Stella, qui paulo infra
*Scientiarum amantem, Sacris-
que eruditum litteris cum nup-*
cupat.

oravi quendam ex familiaribus meis, ut libros quosdam, sui ipsius gratia quos ille scripserat, venundaret. Sunt autem Ethicorum libri, quos nuper eduxi, & Commentaria primi belli Punici cum quibusdam orationibus Demosthenis, & Oeconomicorum libro, sat, ut michi primo aspectu visum est, emendate perscripti. Haec emere licebit. Tu igitur cuivis Januensium tuorum, qui hic negotiantur committere poteris, ut libros excipiat, ac precium decens pro illis exolvat. Vale. Florentiae II. Idus Februarii.

XX.

LEONARDUS JOHANNI S.

Imperatorum calumnias contemnere se scribit.

EXpecto Laugustum illum tuum ac litteras ejus, praesertim si, ut michi persuadeo, festivissimae sunt futurae. Me profecto Epicureum litterarum factum esse scito; voluptatem in illis, festivitatemque confector. Quocirca jubeas velim, si quas ad me missurus est, jocunditate ut illas, salibusquo respergat. Judicium illud tibi permolestum, rotamque stultorum hominum vaniloquentiam vix unius assis aestimandam puto. Adde etiam si placet rhetorem illum eloquentiae hostem. An tu his me censuris commoveri putas, quae ab hominibus parum acutis, ac stulte sibi ipsis judicandi peritiam arrogantibus proferuntur? Fieri non potest, quin ut quisque sapit, ita sentiat. Sed & nostrum nobis judicium est, quo magis nitimur, quam alieno: nisi forte Apellem, aut Protogenem quid rectum, amoenumque

in

in pictura foret, non ex suo potius iudicio, quam ex aliorum opinionibus statuisse credamus. Quamquam est quidem abs te non satis acute causa mea defensa adversus Constantinopolitanum. Quid enim opus fuit ad Ciceronem allegare hanc, quaecunque est in nobis, rerum moralium notitiam? Quasi vero Aristoteles ipse ab studio nostro fuerit alienus, cujus libros in adolescentia sic audivimus, ut etiam publice de his disputationes ex ordine studiorum sustineremus. Biennio certe toto ab optimis illius disciplinae magistris incredibili aviditate imbuti sumus. Haec ego fundamenta cum in adolescentia jecerim, quis iuste admiretur, si nunc aliquid a me exaedicatum sit? aut quis novum me ad haec sacra venisse dicat, quibus ego ab ipsa pueritia fuerim initiatus? Sed haec satis. De se enim ipso omnis sermo gravissimus est. Attamen silere aliquando non licet, ita multi occurrant partim arrogantes, partim desipientes. Venio nunc ad id, quod per superiores literas de Commentariis flagitasti. Ego quae scivi, quaeque memoratu digna aestimavi, in eos libros congesti, neque vero quominus, si quis plura teneat, plura conscribat. Commentaria tamen ab historia multum differunt. Illa enim amplior ac diligentior est: haec contractiora, & minus explicata. Livius quoque in Romuli, & in Hostilii, & Tarquinii Regum Romanorum gestis referendis non annos prosequitur, sed rerum summam. Idem Polybius facit, & ipse quidem probatus auctor, cujus auctoritatem secuti sumus. Vale. Florentiae.



XXI.

LEONARDUS POGGIO S.

Gratum sibi scribit, quod negotium suum apud Pontificem curet.

Nichil omnino statuo duobus nobis fieri potuisse stultius cum hoc nostro importuno silentio. Sed quia illa jam corrigi non possunt, praeteriti defectus temporis, futuri exuberantia compensemus. Unum tamen non ignores volo, me per hoc ipsum silentium grandem tibi epistolam perscripsisse excitatum litteris tuis, quas ad Nicolam nostrum misisti de controversia Nicolai, in quibus cum te falsa illius suggestionem deceptum animadverterem, totam rem verissime sincerissimeque patefacta tuo examini censuraeque subjeci. Eas litteras video te non accepisse. Itaque conquiram nunc rursus illam, tibi remittam. Negotium meum quod apud Maximum Pontificem curaris, michi summae est voluntati. Perspexi enim in te, & amici fidem, & sapientis hominis consilium, & impigri vigilantisque solertiam. Quod autem hortaris, ut ad Pontificem scribam, faciam ut mones. Antonio Lusco, & Cinctio sodalibus nostris meo nomine gratias agito, salvereque iubeto. Vale X. Kal. Martii. Aretii.



XXII.

LEONARDUS DEMETRIO S.

Quod Aristoteles eloquens fuerit, & male a linguarum imperitis latinitate donatus sit.

TRia ut ex litteris tuis animadvertere potui, a te in crimen vocantur ex illa praefatione mea, quam libris Ethicorum adscripsi. Unum quod Aristotelem de eloquentia commendarim, quem tu asseris, nec eloquentem fuisse unquam, nec curavisse quidem, ut eloquens esset. Alterum, quod interpretem illum, qui ante me hunc librum traduxit, Ordinis Praedicatorum fuisse dixerim. Tu vero antiquiorem interpretem ejus libri putas esse quam Ordinem ipsum, ex quo fuisse affirmo. Tertium, quod huic ipsi interpreti maledixerim indignaris. Sunt & alia quaedam in litteris tuis, sed mehercle ita caliginose scripta, ut sensum eruere nullo modo potuerim & illa ipsa, quae supra retuli, alucinando potius deprendi te dicere velle, quam tu dicas. Ad haec igitur tria nunc: ad alia vero, si forsan id cupies, cum apertius scribes, respondebo. Primum igitur de Aristotele vehementer erras. An non curavit ille, ut eloquens esset? nam utrum fuerit mox videbo. Sed ita curavisse illum constat, ut neminem magis. Testes sunt artes rhetoricae ab eodem philosopho labore summo diligentiaque perscriptae, nec semel tantum, sed rursus atque iterum pluribus voluminibus explicatae. Nec est quicquam in ea facultate, quod non illum non modo pro se didicisse, sed etiam alios docere voluisse appareat.

Tan-

Tanta vero in eo cura eloquentiae fuit, ut etiam minutissima quaeque scrutari, & indagari niteretur. Quis enim quaeſo ante hunc pedes, & ſyllabas etiam ſoluta in oratione ſervandas oſtendit? Ut daſtylum jambumque rejiceret, alterum ut elatum nimis, alterum ut depreſſum: paeana vero illum duplicem probaret, qui eſt aut ex longa, quam tres breves ſubſecuntur, aut ex tribus brevibus & longa poſtrema, quorum alterum principiis, alterum clauſulis assignavit. An non curaviſſe illum dicis ut eloquens eſſet, qui eloquentiae artes tam curioſe perſcripſit, & minutissima quaeque tanta diligentia perſcrutatus eſt? Atque ego certiſſime ſcio, nec te, nec praeceptorem illum tuum hominem, ut audio, magna theologiae ſcientia, ſed nullarum penitus litterarum, quid ſit paeon, quid jambus intelligere, nullum denique veſtigium eloquentiae intueri. Nec id ſane in vobis reprehendo: non eſt enim cujuſque iſta diſcernere: ſed id reprehendo, quod tam leviter de rebus vobis incognitis iudicium proferatis. Faliſum eſt igitur, quod ſcribis non curaviſſe illum, ut eloquens eſſet, ſed an fuerit eloquens, videndum eſt. Nam fieri poteſt, ut curaverit quidem, nec tamen ſit eloquentiam conſecutus. Equidem quantum eſt in me iudicii, non video, quomodo iis de rebus, quas Ariſtoteles tractavit, aut aptius, aut ſuavius, aut copioſius ſcribere quiſquam potuerit. Lege ejus libros, nec morales ſolum, & civiles, in quibus magna eloquentia cohaeret, ſed eos, qui phyſici, aut metaphyſici ſcribuntur. Invenies locos nullius eloquentiae capaces eloquentiſſime ab eo tractatos, rebusque obſcuriſſimis ſplendorem, & claritatem per eloquentiam attuliſſe. De quo ſi non michi credere vis, at Ciceroni credas. Quamquam nec tu forſan, Cicero qui fuerit, intelligis, egoque fatuus ſum, qui tecum iſta diſſe-

ro. Sed tamen Cicero vir acerrimi iudicii summus ipse orator suavitatem, & copiam, & omnia scribendi ornamenta Aristoteli tribuit, flumenque aureum illius scripta appellat. Ex quo magis translatoribus indifertis irasci soleo, quod hujus Philosophi libros admirabili facundia, suavitateque in graeco scriptos, tam absone nobis converterunt. Sed non vident illi Aristotelis libri, nec si vivat ipse, suos esse velit, sed merae converforum ineptiae. Ille enim & politissimus scriptor esse voluit, & quod voluit curavit, & quod curavit, assecutus est. Quid ergo me in crimen vocas? Quid eloquentissimum Philosophum infamiae condemnas? An non pudet de rebus tibi incognitis ita leviter asseverare? sed satis de hoc. Ad aliud transeamus. Eum, qui librum Ethicorum ante me convertit, Ordinis Praedicatorum fuisse dixi. Hoc tu ita derides, quasi erratum manifestum. Ecce rursus fatua crassaque opinio vix pueris digna. Putas enim interpretationem illam Boetii fuisse, qua quidem in re perquam pueriliter aberras. Nullam enim Boetii interpretationem habemus, praeterquam Porphyrii & Praedicamentorum & Perihermenias librorum, quos si accurate leges, videbis summum illum virum sine ullis ineptiis libros illos transtulisse. Textus est nitidus, & planus, & graeco respondens. At enim in Ethicis, & Physicis quid tandem est, praeter ineptias meras? Non verba in his latina, non dicendi figura, non eruditio litterarum: praeterea ab ipso graeco male accepta complura. Haec a Boëtio longe absunt viro in utraque lingua docto, & eleganti. Nunquam ille architectonicam, nunquam eutrapeliam, nunquam bomolchos, nunquam agricolas, quorum vocabula in latino habemus, graece reliquisset. Nunquam tristitiam pro dolore posuisset, nunquam honestum cum bono, eligere cum

cum expetere confudisset. Atque ut scias, duo fuerunt ante me, quod equidem viderim, interpretationes Ethicorum. Una, quam ex arabe lingua traductam constat post Averrois Philosophi tempora, quae quoniam anterior est, vetus appellatur. Altera haec posterior, & novior a Britanno quodam traducta, cujus etiam proëmium legimus, in quo & Fratrem se Ordinis Praedicatorum scribit, & rogatu confratrum de his transferendis laborem suscepisse. Quomodo igitur interpretatio ista prius fuit, quam Ordo ipse institutus est? Aut quomodo Boetii fuit ista nova interpretatio, cum vetusta illa, & anterior post Averroem fuerit, Boetius vero aliquot seculis Averroem anteeat? Reliquum jam crimen est, quod huic interpreti maledixerim. Equidem si vitam illius, si mores, si genus insectatus essem, tunc faterer me illi maledixisse. Sed nichil tale attingi, neque attingerem. At enim de litteris studiisque contendere, ac interdum vehementius urgere, & si res exigat, adversarium pungere: differere id quidem est, non maledicere. Denique tota vis in eo versatur, jure an injuria illum reprehenderim. Dixi graeca verba ob ignorance[m] latinae linguae ab eo relicta, pro quibus latina vel optima haberemus. Nec dixi modo, sed & probavi, & verba ipsa ostendi. Cetera quoque errata, nec ea pauca, nec levia redargui. Aut igitur ista defende si potes, aut me pupugisse illum non moleste feras. Equidem si in pictura Jotti quis faecem projiceret; pati non possem. Quid ergo existimas michi accidere, cum Aristotelis libros omni pictura preciosiores tanta translationis faece coinquinari videam? an non commoveri? an non turbari? Maledictis tamen abstinui, sed rem ipsam redargui, ac palam feci. Vale.

XXIII. ⁽¹⁾

LEONARDUS POGGIO S.

Librum a se procuratum scribit, integritatemque suam ostendit.


SI vales bene est, equidem valeo. Egi cum Cosmo, ut liber ille ad te deferatur, quod ipse pollicitus est intra paucos dies esse facturum. Tu cum illum habueris providebis, ut a scriptore tuo pure diligenterque custodiatur. Quod autem de librario mones, recte tu quidem, & amice facis; sed tanta est apud nos hujusmodi hominum penuria, ut quamvis cupiam, habere non possim. Quare te rogo, ut si qua ratione potes, hoc michi negotium conficias. Si quem fortasse idoneum huic operi alicunde eruere queas, ad me mittito perquam cupide suscipiendum, habendumque. Franciscus Barbarus ad vos profectus est, cum quo una hic fui, ac de te multa ab utroque nostrum. Scio cum Romae fuerit, futurum te illi in intimo sinu. Itaque non praetermittendum videtur, quominus te commonefaciam efflagitemque operam, ac medelam tuam. Comperum habeo multa per aemulos obrectatoresque meos sinistre de me ad hunc esse perscripta. Quis sit harum calumniarum fons, tute nosti: quam ingrate indigneque id faciat, te non latet. Adjecit se se huic atque addixit levissimus quidam homo professione hypocrita, patria sodomites: ambo hi de me ad Barbarum, ut compertum habeo, perversa quaedam scripsere. Huic tu rei, quaeso, medelam appone. Tu enim

(1) Haec a cl. Fabricio edita non est.

enim scis, quanti Barbarum semper fecerim, & quanta commendatione illius nomen prosecutus sim. Hoc ille ex te audiat. Deinde tibi notissimum est non mea culpa has inimicitias cum Nicolao esse susceptas. Nichil in hac parte abs te postulo, nisi verum, pergratumque michi fuerit, si pro rei noticia epistolam illam meam, quam de hac ipsa controversia ad te scripsi, Barbaro ostendes, ne aliud pro alio censeat. Intelliget enim, quod ego ad te scripserim, minime in eo me esse mentitum. Nam quod de vita ajunt ipsa, vita mea integerrime acta, & communis de me censura eos refellit. Versor in oculis hominum, atque in luce probatus quidem & acceptus omnium iudicio. Nec est quisquam viventium, cui in hac parte integritatis, innocentiaeque concedam. Nulla foeditas in me, nullum flagitium, nulla libido mala, nulla injuria unquam reperietur. Studiis vero non quantum cupio proficere possum, sed tamen non frustra a me in illis versari opera mea laboresque testantur, constatque me & Curiae Romanae commoda, & hujus urbis emolumenta ultro oblata posthabere, quo studiis & literis dare operam possim. Quid ergo dicit sodomites ille, cujus una dumtaxat cura est in angulis, atque in umbris latentem cevere? Atque ut totum noris, ego de his rebus nichil cum Barbaro egi: praestare enim duxi, hoc quicquid sit apud eum ulceris dissimulare me scire. Quare & tu sic accedas ad hanc medelam, quasi nescias id, quod scias. Plena sunt omnia invidorum, Poggi, & malivolorum, & perversorum hominum. Sed crede michi magno animo eos contemno. De Barbaro tamen laborandum putavi, ne mea negligentia abalienatus dici possit. Vale.

Finis Partis Primae.





LEONARDI BRUNI
A R R E T I N I
EPISTOLARUM
P A R S S E C U N D A.



LEONARDI BRUNI
ARR ET IN I
EPISTOLARUM
LIBRI VIII

AD FIDEM CODD. MSS. SUPPLETI, ET CASTIGATI
Et plusquam XXXVI. Epistolis, quae in Editione quoque
Fabriciana decrant, locupletati

RECENSENTE

LAURENTIO MEHUS

ETRUSCAE ACADEMIAE CORTONENSIS SOCIO,

Qui Leonardi Vitam scripsit, Manetti, & Poggii Orationes
praemissit, Indices, Animadversiones, Praefationemque adjecit,
Librumque Nonum, & Decimum in lucem protulit.

ACCESSERE

*Ejusdem Epistolae Populi Florentini nomine scriptae
nunc primum ex Codd. MSS. in lucem erutae.*

P A R S S E C U N D A.



FLORENTIAE. MDCCXXXI.
EX TYPOGRAPHIA BERNARDI PAPERINII.

Sumptibus Josephi Rigaccii.
SUPERIORUM PERMISSU.

ILLUSTRISSIMO, ET REVERENDISSIMO DOMINO

D. ALBERICO
COMITI ARCHINTO

ARCHIEPISCOPO NICAENO

APUD MAGNUM ETRURIAE DUCEM
PONTIFICIO LEGATO,

cc. cc. cc.

LAURENTIUS MEHUS FELICITATEM.



Uis miretur, ILLU-
STRISIME, & REVE-
RENDISIME PRAESUL, quod Tutelae
Tuae alteram harum epistolarum

partem commendare, Tuoque patrocinio tutari, atque ornare ausus sim? Tu enim is es, qui non solum vel paterno splendore, vel avita Proavorum Tuorum amplitudine præfulges; verum etiam omnibus & litterarum præfidiis, & disciplinarum institutis auctus omnium oculos in Te convertis. Et quidem nullos existimo adeo hospites in litteris versari, ad quorum aures ARCHINTAET NOMINIS gloria non pervenerit, cujus e Stirpe tamquam ex equo Trojano innumeri Heroës prodierunt, quorum partim ingenii præstantia, partim magnitudine rerum gestarum illustres fuerunt. Neque vero, PRAESUL AMPLISSIME, id mihi negotii datum credidi, ut ve-

rustissimam Flotentissimae Tuae
Familiae originem ab ultimis us-
que Langobardorum Regibus re-
petita memoria producerem, vel
ANSELMII ARCHINTI munificam pie-
tatem, vel MANFREDI piissimam
liberalitatem, vel HIERONYMI exi-
miam in jure scientiam, vel PHI-
LIPPI summam apud Principes exi-
stimationem, ac gratiam refer-
rem. Congerant sane haec, &
in avitis hujusmodi praeconiis se-
jacent, qui alienae laudis indi-
gum commendant. Unum tamen
& quidem recentiore ex Proge-
nie Tua nominare fas sit, JOSEPHUM
puta ARCHINTUM Eminentissimum
Sanctae Romanae Ecclesiae Car-
dinalem, qui cum apud Magnum
Etruriae Ducem eodem, quo

Tu nunc emines, Oratoris munere
fungeretur, nihil sibi deesse osten-
dit vel humanitatis ad gratiam,
vel consilii ad res bene gerendas,
vel ingenii ad utriusque lin-
guae, & sacrarum litterarum per-
vestigationem. Quid quod &
CAROLUS ARCHINTUS amplissimus
Pater Tuus in multiplicibus, sub-
tilibusque disciplinis versatus est,
& harum quoque artium gloria
effloruit, ita ut omnem liberalis-
simorum studiorum varietatem,
& reconditarum disciplinarum
paene infinitam vim capaci men-
te comprehenderit. Sed quid ego
haec, PRAESUL AMPLISSIME, in lau-
dem Tuam commemorem? Quum
Te magnum ARCHINTAEI SANGUI-
NIS incrementum, Te inquam pro-
pria

pria cumulatam virtute intueri praesentem, ac subspicere liceat? Adeo simili effictus es ingenio, ut qui Te unum novit, omnes ARCHINTAEORUM HEROUM virtutes noverit. Nihil dicam de pietate, nihil de prudentia, nihil de litterarum latinarum peritia, quas semper cum graecis conjunxisti, nihil de Historiae Ecclesiasticae cognitione, in quam etiam nunc vehementissime incumbis. Praetereo etiam gravissima Ecclesiae munera, quibus a Summis Pontificibus cohonestatus & honorificentissime functus es, & sapientissime fungeris. Excitat me, atque alio abripit incredibilis ille Tuus in literas amor, atque adsiduum de his benemerendi studium, quod

Tibi cum Majoribus Tuis commune est, idemque me allicit, ut favorem Tuum, ac patrocinium supplex ambiam. Praeterea cum in his, quas Tibi fisto, Epistolis de veteri etiam Mediolanensis Urbis celebritate, origine, ac vetustate tractetur, cui potius hunc libellum consecrem, quam Tibi PRAESUL AMPLISSIME, qui non solum maximum es ejusdem Urbis ornamentum, verum etiam ex ea Stirpe prognatus, quae adeo praeclare de eadem civitate promerita est? Excipe igitur hilari vultu hoc obsequii mei monumentum, quod Tibi, amplissimaeque Domui Tuae dulcissimo Musarum domicilio venerabundus offero, dum longaevam Tibi vi-

DEDICATIO.

xi

tam, atque uberrima Virtutum
Tuarum praemia in publicam Fi-
dei, ac literarum utilitatem a Deo
Opt. Max. precor.

Dabam Florentiae VIII. Kal.
Augusti MDCCXXXI.




CAN-





CANDIDO LECTORI

LAURENTIUS MEHUS
S. P. D.



*Abes, Lector Benevole, alterum
volumen Epistolarum Leonardi
Arretini, in quo praeter illas,
quae jam editae circumfereban-
tur, leges librum nonum, ac de-
cimum, qui numquam publi-
cam lucem adspexere. Primum ex his nosmetipsi
exscripsimus ex Codice Chartaceo humanissimi
Viri Ludovici Gualtierii, quem in prioris
volaminis proëmio perperam Julium nuncupa-
vimus, quique amplissimam possidet collectionem
Codd. MSS., qui ad Etruriae nostrae histo-
riam*

riam pertinent. Alterum vero exscriptum ad nos Arretio transmisit Marius Florus Patricius Arretinus, ac pro sua humanitate nonnullas alius diversorum ejusdem seculi scriptorum epistolas adjunxit. Pollicitus eram in Epistola ad Lectorem primo volumini praefixa pag. XV. editurum me Leonardi Arretini epistolam ad doctum juvenem Marrasium Siculum, quae ita insiperet: Nuper suavissime Marrasium apud quosdam praestantissimos juvenes, &c. eamque jam descripseram ex Codice Chartaceo Illustrissimi, & Reverendissimi Marchionis Gabrielis Riccardii amplissimi Florentinae Ecclesiae Subdecani, qui humanissime annuit, ut ex privata sua Bibliotheca longe praestantissima quicquid in rem nostram sit exciperem, atque in publicum commodum proferrem. Sed cum, hanc quam diximus, epistolam sedulo perpendere, in eaque de Batrachomyomachiae vulgo Homericæ translationis hexometro versu facta tractari animadvertirem, deprehendi non esse Leonardi, sed Caroli Arretini, qui Batrachomyomachiam e graeco translatit, eademque epistola versionis suae praefixa Marrasio Siculo inscripsit, atque illa versio cum in multis Bibliothecarum MSS. Codicibus asservatur, cum typis descripta jamdiu prodit, ut ostendit praestantissimas Antiquum Typographorum parens Michaël Maittaire. Hanc itaque nos abire iussimas, aliamque

que produximus ex Cod. Membranaceo illius quem modo laudavimus, ac propter pietatem, eruditionem, humanitatem, atque in literas amorem nunquam satis laudandi Marchionis Gabrielis Riccardii, quae ita inscribitur: Leonardi Arretini Epistola contra detractores suos ad Johannem Nicolam Veronensem Clarissimum ex equestri ordine virum incipit feliciter. Initium ita se habet: Admiratum dixisti doctum quemdam virum, &c. Hanc epistolam excipiunt nonnullae aliae Populi Florentini nomine ad Concilium Basileense conscriptae, in quibus Patres adhortatur, ut Concilium Florentiam transferant, ac malevorum voces, qui id inhibere conabantur, recundit. Paucas vero e multis excerpimus tamquam specimen amplissimae collectionis, quam tibi exhibebimus, cum plus oculis nanciscemur. In aliquibus MSS. Codicibus repertum a nobis est opusculum quoddam, quod hunc titulum praeferebat: Leonardi Arretini de studiis & litteris ad illustrem Dominam Baptistam de Malatestis; de quo Leonardi nostri opera recensentes plura in superioris voluminis Artic. XIII. pag. LX. differuimus. At in nonnullis Codd. non opusculum, sed epistola nuncupatur, ut praeter alios habet Codex Cl. Viri Jacobi Faciolati, in quo legitur est: Ad Dominam Baptistam de Malatestis de generibus studiorum

Leo-

Leonardi viri eloquentis Epistola; *ut idem vir Celeb. maximum Patavini Lycei ornamentum nuper ad me scripsit. Sed quum in pluribus voluminibus manu exaratis opusculum, non epistola inscribatur, & Leonardi scripta enumerans hoc tamquam diversum ab epistolis sejungat Jannotius Manettus, nullam in hac epistolarum collectione locum ei reliquimus. De Leonardi vero scriptis multa in superiore volumine diximus. Labet nunc eam partem percarrere, ac nonnulla adjungere, quae vel omissa a nobis, vel perperam tradita fuerunt. Itaque in Epist. ad Lectorem pag. V. animadvertimus Editionem Epistolarum Leonardi nostri, quae an. 1472. prodiit, praetermissam fuisse a Cl. Maittairio in Annal. Typographicis. Id de prima eorundem Annalium editione intellige. Nam in ea, quam ille vir praestantissimus altera vice curavit, eorundem epistolarum an. 1472. editarum mentio fit, ejusque editionis etiam meminerat amplissimus S. R. Ecclesiae Cardinalis Angelus Maria Quirinus non tam Sacra Purpura, quam eximia, qua praefulget, eruditione Eminentissimus pag. LIII. Aurei Operis, in quo variae Literaturae Brixianae specimen ab oculis ponit. Pag. XIX. produximus particulam Epistolae Alamanni Lunae ad Jannotium Manettum; ubi pro Alamanni, reponendum Nicolai Lunae. Pag. XXXI. seq.*

advertimus contra Fabricium in Cod. Regio, quem adfert Labbeus, sejungendum esse Jacobum Angelum & Rinuccino. Nunc adde, quod Jacobus Angelus est Jacobus Angeli filius a Scarparia, de quo Blondus in Ital. Inlustr. haec habet. Primum Regionis Mugellanae oppidum est via Bononiensis Scarparia Jacobo ornata Angeli filio, cujus graece latineque doctissimi exstat M. Tullii Ciceronis vita in latinitatem luculenter traducta. Ita Blondus. Multi nominis virum Jacobum Angelum Florentinum in Mathematicis doctissimum hunc appellat Jo: Andreas Aleriensis Episcopus in Epist. ad Paulum Secundum Straboni praefixa, quam in Append. ad Vindicias ejusdem Pontificis pag. 253. seq. recudendam nuper curavit Eminentissimus Quirinus. Pag. LII. ubi agitur de Libello, quem de Republica Florentinorum graece scripsit, praetermittendum non est, quod etiam Vir Clarissimus Leo Allatius hoc opusculum ex Codicibus MSS. descripserat, idemque a se versum edere decreverat in primo Variorum Antiquorum Volumine, ut non solum Tom. X. Bibl. Graecae pag. 410. nos docet Fabricius, sed ipsemet pag. 178. Apud Urbanarum de se testatur. Sed quamvis excerpta quaedam ex primo Variorum Antiquorum volumine ann. 1641. edidisset Allatius, nostri tamen Scriptoris opusculum in pu-

blicam lucem nunquam protulit. Pag. LV: in-
uimus in Plut. LXL. Bibl. Laurentianae Cod.
Chart. num. 1. adseruari Historiam de Bello
Gothorum ab anonymo Italico compositam. Nunc
interpretis nomen accipe, quod reperimus in
Cod. Chorr. simplicissimi Estorchianoli, & Sub-
decani Gabrielis Riccardii, ubi haec leguntur:
Proffino di Messer Leonardo di Francesco
Bruni da Arezzo sopra il Libro de Bello Got-
thorum composto da lui al Reverendissimo
in Christo Padre Messer Giuliano Chardina-
le di Santo Agniolo & poi vulgarizzato per
Bernardo di Ser Francesco di Bartolo di
Vanni Nuti. Initium huiusmodi est: Benche
a me molta più giochondo sarebbe stato re-
ferire la felicità, che i danni di ytalìa, non-
te di meno. perchè, &c. Pag. LXL. suspica-
batur Librum de institutione, vel ut in aliis
MSs. Codd. legitur, de ingenuis moribus ado-
lescentium ad Ubertinum Carrariensem non
esse Leonardi Arretini, sed Pauli Vergerii
Senioris. Quid ita se habere mihi per litteras
significavit vir Cl. Iosephus Antonius Saxius,
ac me monuit in Cod. membr. Bibliothecae
Ambrosianae adseruari opusculum de inge-
nuis moribus, in quo tam initio, quam ad
caicem sublatum fuit auctoris nomen, ubi haec
leguntur: Explicet de ingenuis moribus. . . .
Viri peritissimi Ferrariae. Principio vero MSs.

*Codices haec sunt: Licet abasum fuerit Scrip-
toris, sive magis auctoris nomen, fuit tamen
Ferrariensis, ut constat ex calce. Paula infra
ab alia manu additur: Credo esse Leonar-
dum Aretinum: sed subiungitur ab altero:
non: sed Petrus Paulus Vergerius Justinopo-
litanus. In eadem Ambrosiana Bibliotheca
erat alius Codex Chartaceus, qui varia Leo-
nardi opera continet, & inter haec legitur
opusculum de ingenuis moribus ad Uberti-
num nullum auctoris sui nomen praeferebat:
Itaque, qui Codicem recensuit, ejusdem in-
titulo scripsit de ingenuis moribus ad Uberti-
num. Ositantiis vero manus adiuvantis Leonar-
di Aretini, quod ineptum est, cum nihil cer-
tius unquam sit, quam hunc libellum a Ver-
gerio fuisse elucubratum. Testatur hoc alius
Codex Membranaceus ejusdem Ambrosianae,
Bibliothecae, qui cum hoc opusculum exhibeat,
& titulo careat, ad eandem rationem haec habet:
Petri Pauli Vergerii Justinopolitani ad Uberti-
num Carrasiensem de ingenuis moribus, &c.
Causam hujus erroris cum G. Josepho Saxio
com esse arbitror, quod Pauli Vergerii opus
in Cod. MS. nunc inscribitur de institutio-
ne adolescentium, nunc de ingenuis moribus
adolescentulorum, nunc vero de ingenuis mo-
ribus, & liberalibus studiis adolescentiae, ut
prae se ferat editio Medialanensis ann. 1474. &*

Cod. membr. Bibl. Laurentianae Plut. LXV. a. XV, idque Art. XVII. superioris voluminis in- nuimus. Leonardus vero Arretinus dum adhuc graecis scriptoribus Florentiae vacaret, transtulit Basilii Librum, quem habuit ad discipulos instituendos, ut testatur Poggius. Hic itaque libellus tam in vetustis editionibus, quam in MSS. Codd. varios titulos prae se fert, quorum plerosque Art. XXXIV. primi Voluminis pag. LXX. enumeravimus. Codicem MS. prae manibus habeo, in quo legas: Sancti Basilii de liberalibus studiis, & ingenuis moribus liber per Leonardum Arretinum e greco in latinum conversus, eundemque titulum exhibet editio Mediolanensis an. 1474, quam se vidisse mihi significavit Cl. Joseph Saxius, & Bononiensis ann. 1497., ut Tom. 1. Annal. Typograph. nos docuit Cl. Michaël Maittaireius. Quamobrem cum nonnulli libellum de liberalibus studiis, & ingenuis moribus ad Ubertinum Carrariensem sine Vergerii nomine in Codd. MSS. invenerint, meminerintque legere se opusculum Leonardi Arretini eodem modo inscriptum, nullo habito discrimine Leonardi esse putarunt, cum revera P. Pauli Vergerii sit. Siquidem Leonardus Arretinus opusculum suum de Liberalibus studiis, & ingenuis moribus non ad Ubertinum Carrariensem, sed ad Columcium Salutatum misit. Sed de hoc haecenus.

Lau-


Laudationem Florentinae urbis, *de qua* Art. XVIII. pag. LXI. *verbo fecimus in Italicam linguam transtulit* Lazarus Patavinus *e Sacra Dominicanorum Familia Monachus*, *cujus versionem mecum communicavit vir doctissimus* Nicolaus Bargiacchius *ex MS. membr., quem in suo musaeo adservat ita inscriptum.* Comincia il probemio, ovvero epistola di Frate Lazaro da Padova dell'Ordine de' Frati Predicatori maestro in theologia nella traduzione del trattato di Messere Leonardo d'Arezzo huomo elloquentissimo fatto in latino de le vere Lode de la inclita, e gloriosa Città di Firenze, e per lo predetto Frate transposto in volgare intitolato a spettabili Cittadini, e Mercadanti Fiorentini. Feliciter. *Incipit proëmium:* Non solo dagli Antichi Philosophi, ma anco, *ec. Orationis vero initium-hujusmodi est:* Vorrei dallo immortale Dio mi fosse concesso che, *ec. Meminimus Art. XXXIII fabulae cujusdam, eamque in MS. Riccardiano reperiri addidimus. Ea extat in Codic. Chart. Marchionis praestantissimi* Gabrielis Riccardii, *ubi legitur:* Novella bellissima e leggiadra di Seleuco Re di Soria, e di Antioco suo figliuolo tratta dall' Antiche Hystorie, e in volgare ydioma per lo excellentissimo Oratore Leonardo Aretino composta contraria a quella.

di

di Tancredi. *Incipit autem*: Non sono molti anni passati, che trovandomi in compagnia di più gentili huomini, e donne, ec. *Traductionem actus primi primae Comœdiæ Aristophanis, quam nos Art. LVI. memoravimus, nihil aliud esse putamus, quam versionem actus primi illius comœdiæ, quæ in Edit. Aristophanicis principem locum obtinet. Haec vero nihil habet commune cum comœdia Polixenæ, quam a Leonardo Arretino elucubratam fuisse testatur Philibertus de la Mare eodemque invento Seculo. XVI. a Melchiore Lottero Typographo Lipsiensi editam fuisse nuper nos docuit Jo: Henricus Leich de Orig. & incrementis Typograph. Lipsiensis Cap. IV. Inter literas, quæ Lib. VI. leguntur, extat num. IX. Epistola ad Cyriacum Anconitanum, quam nonnulli Leonardo Justiniano tribuunt, eademque inter ejus opera Venetiis per Bernardinum Benalium excusa exhibetur. Sed Leonardum Arretinum esse omnes existimabunt, qui MSS. Codd. versaverint, in quibus Arretinus, non Justinianus legitur. Titus Livius Ferrariensis, ad quem Epist. IX. Lib. VII. scribitur, est Titus Livius de Frulovisis, vel ut in aliis MSS. Filonisis Orator, ac Poeta eximius, qui ann. 1430. floruit, librumque de orthographia composuit, ac vita Henrici V. ab eo exarata MS. adservatur in nonnullis Angliæ*

Bibliothecis, de quo Tom. III. Script. Eccles. Cas. Oudin., & Lib. XL. Bibl. Med. & Inf. Lat. Albertus Fabricius. In Epist. III. Lib. IX. nullo habito suae amicitiae discrimine, exagitat Laurum Quirinum virum aetatis suae doctissimum, ac juris cognitione celebrem, a quo flagitiosa Leonardi convicia propulsare, ejusque eruditionem patefacere breviter decreveram. Ecce autem cum haec scriberem, opportune mihi redditus est fasciculus, in quo reperi partem Diatribae Praeliminaris propediem ante epistolas Francisci Barbari divulgandae, quam ad me humanissime transmisit Eminentiissimus Quirinus maximum Purpuratorum Patrum decus, & ornamentum, ubi pag. DXVIII. seq. eximiam Lauri doctrinam ex Blondo, Cyriaco, Francisco, ac Zacharia Barbaris, Leonardo Justiniano, ac Francisco Philelpho contra Leonardum nostrum, ac Matthaeum Bossum doctissime ostendit. Itaque hanc Diatribam Praeliminarem, vel potius immensum totius resurgentis litteraturae thesaurum consulat lector, qui ejusdem Lauri praestantiam pernoscere cupit. In verbis Blondi, quae Lib. IX. pag. 147. ad epistolam IV. attulimus, pro Nicolaus Bracelleus legendum est Jacobus Bracelleus. Cardinalis Sanctae Sabinae, ad quem epistolae nonnullae Populi Florentini nomine scriptae sunt, est Julianus Caesarinus.

Tituli Sanctae Sabinae Presbiter Cardinalis S. Angeli vulgariter nuncupatus. Vide Mabillonium Tom. 1. Mus. Italici parte 11. pag. 245. Cardinalis vero S. Petri ad Vincula Joannes Cervantes natione Hispanus, qui a Martino V. Presbiter Cardinalis creatus est, de quo Ciacconius, Attichius, alique. Haec sunt, de quibus te breviter admonitum volui.






LEONARDI BRUNI
ARRETINI
EPISTOLARUM
LIBER QUINTUS.



I.

LEONARDUS HUGONI SENENSI S. (1)

*Declarat contra calumniatores se recte ex graeco
ταγαθον summum bonum transtulisse.*



Requenter dubitari percipio in hac nova
Ethicorum interpretatione, quam pu-
blice legere coepisti, quoniam ita scri-
ptum in ea sit: summum bonum quod
omnia appetunt. Oriri autem dubita-

tionem, vel admirationem potius ex eo, quod an-
tiqua interpretatio habuerit, non summum bonum,

Tom. II.

A

fed

(1) Hugoni Bentio Medico Senensi, ac Philosopho.

sed bonum. Itaque suspicari quosdam viros, eosque ferme veteres studiorum hujusmodi sectatores a me esse erratum, & malivolos, obrectatoresque meos id ipsum jam non secus ac manifestum, deprehensumque crimen circumferre. Quare, & respondere malivolis, & apud bonos me ipsum purgare quidam suadent. Ego autem hujuscemodi mentis sum, ut de malivolis, & obrectatoribus illis non multum existimem laborandum. Novi enim & qui sint, & quam facile contemnendi. Bonis autem & studiosis, qui non malivolentia aliqua, sed opinionis errore ducuntur, veniam esse dandam censeo. Est enim difficile, ac protinus arduum, antiqua illa jampridem imbibita animis extirpare tam cito, ac evellere posse. Itaque intueri licet, interdum homines magis anxie male percepta dediscere, quam bona percipere. Ignoscendum igitur, & simul responsione mea satisfaciendum, meque ipsum apud hos purgandum, probandumque esse duco, ut veritate agnita omni me crimine absolvant. Quamquam in hac mea causa neque difficili sane per se, neque obscura illa subit difficultas, quod de verbo graeco controversia sit, de quo apud homines graecarum litterarum ignaros assensionem facere perarduum videtur. Sed tamen tanta est veritatis lux, tantumque jubar, ut aliena etiam in lingua apparituram ejus vim, splendoremque confidam. Nam vero quidem omnia consonant; falso autem cito dissonat verum. Primum igitur videndum est, de quibus michi conveniat cum adversariis, & de quibus sit quaestio, ut ordine, & via procedat oratio. Interpretis quidem esse puto, quae in aliena posita sunt lingua, ea in suam fideliter scribere. Hoc & adversarii fatentur. Inspiciamus ergo quid sit in graeco positum, pro quo ipse in latino summum bonum reddiderim. Est autem verbum *καὶ*:
hoc

hoc etiam adversarii fatentur, sed male interpreta-
tum esse contendunt. De significatione igitur hujus
verbi controversia fit. Ego summum bonum signi-
ficare dico, illi bonum. Antequam ad probationem
descendam, placet quid summum bonum, & quid
bonum latine dicimus constituere. Nam frustra de
verbo graeco disputaremus, si de latino ambiguitas
esset. Haec verba summum bonum eam puto vim
apud latinos habere, ut per illa notetur extremum
illud ac perfectum bonum, ad quod cum tandem per-
ventum fuerit, appetitus omnis conquiescit, id est,
quod semper propter se expetitur, & nunquam pro-
pter aliud, cuius gratia cetera sunt omnia, & ad
illud referuntur, ipsum autem nunquam refertur.
Media vero, per quae ad hoc extremum ascenditur,
bona quidem sunt, non tamen summa, quoniam
propter aliud, quod supra erat, expetuntur. At
summum bonum nichil supra se habet, sed in eo ap-
petitus conquiescit, nec ultra requirit. Quid autem
sit extremum illud ac summum, ad quod omnia fe-
runtur, hoc non est jam de vi verbi, sed de re ipsa
perquirere, in quo magna Philosophorum ingenia
conficiantur. Nec latere nos oportet hoc idem,
quod summum bonum diximus appellari finem bo-
norum, & extremum, & ultimum, & primum. Dici-
tur enim extremum, & ultimum, quia non est ul-
tra progressio: primum autem, quia principium est,
& causa. Nam ejus gratia omnia omnes agunt, de
quo praeclare Tullius in libris de Finibus Bonorum
inquit: *Quaerimus enim quid sit extremum, quid ul-
timum bonorum, quod omnium Philosophorum senten-
tia tale esse debet, ut ad id omnia referre oporteat,
ipsam autem nusquam.* Ecce quid nos bonum, & quid
summum bonum latine dicimus. Age nunc *ῥαῖον*,
de quo controversia est, utrum bonum significat, an

summum bonum? Ego summum bonum significare dico, atque aliud esse ἀγαθόν, aliud τἀγαθόν: alterum enim bonum significare, alterum summum bonum. Quomodo id probas? Quia sic Graeci utuntur. Non credimus inquit. At si non michi, saltem Eustratio credas. Eustratius enim natione Graecus est, & inter doctissimos apud Graecos habetur. Libros certe Ethicorum graeca in lingua sic perite commentatus est, ut solus commentator illorum meruerit appellari. Verba Eustratii sunt haec in X. Ethicorum libro: τἀγαθόν quod conjungitur ex τὸ & ἀγαθόν nichil aliud est, quam solum bonum, & primum bonum: alia autem, puta intellectus & scientia, & virtus bona quidem sunt, non tamen prima, & est intellectus quidem ἀγαθόν, non tamen τἀγαθόν, & virtus ἀγαθόν, non tamen τἀγαθόν. Sic per hoc elementum tibi ostenditur primum principium, & causa, & radix, ac velut centrum omnium bonorum. O testimonium michi optatissimum! testimonium vero? immo sententiam. Quid enim aliud Eustratius, quam velut de tribunali me victorem pronunciat? ἀγαθόν inquit significat bonum, sed τὸ cum illo junctum facit, ut significet primum principium, & causam, & radicem omnium bonorum. Et quid aliud me dicere oportet? nonne haec probant? nonne haec purgant? Intelligent igitur boni & studiosi, qui dubitabant prius, veritatemque opinioni suae anteferant: invidi autem & obrectatores erubescant, & concidant. Nam quid est, quod hiscere valeant contra graecum auctorem, ac doctissimum hominem. Dixi de Eustratio. Quid Aristoteles ipse? nonne haec eadem probat? Certe non minus aperte, sed si dici potest, etiam clarius docet in primo Ethicorum libro bonorum alia esse laudis, alia venerationis. Vult autem laudis esse virtutem, ac cetera hujusmodi bona. Venerationis

tionis autem praestantiora quaedam ac diviniore.
 Tale inquit esse Deum & τὰ κατὰ θεὸν: ad haec enim,
 & alia referri. An iste, qui par fecit Deum, &
 τὰ κατὰ θεὸν, & ad haec alia omnia referri dicit, minus
 tibi probare videtur, quam Eustratius, τὰ κατὰ θεὸν desi-
 gnare non bonum, sed summum bonum? Nam si
 τὰ κατὰ θεὸν declararet idem quod bonum; cur diceret
 praestantius aliquid esse, quam bonum, ac Deo com-
 parari? Quid Boëtius vir doctissimus? Nonne ex hac
 eadem paritate ab Aristotele sumpta τὰ κατὰ θεὸν sum-
 mum bonum appellat? Duo inquit summa bona, quae
 inter se diversa sint, esse non possunt. At Deum,
 & Beatitudinem summa bona esse concessimus. Ec-
 ce quod Aristoteles τὰ κατὰ θεὸν dixit, Boëtius summum
 bonum exponit, cum Deum, & τὰ κατὰ θεὸν duo sum-
 ma bona esse concedit. Quid ad haec respondebunt
 latratores ipsi, non graecarum modo ignari, verum
 etiam latinarum litterarum, qui tempus non in di-
 scendo sed in carpendo consumunt fuci apium, &
 improbiissimi sycophantae? Docebo, & praeter has au-
 daces antiquum interpretem se ipsum damnare.
 Quomodo hoc? quia in principio verbum τὰ κατὰ θεὸν bo-
 num exponit dicens, bonum quod omnia appetunt.
 Postea vero procedens in opere, dum Aristoteles in-
 quit tale esse Deum, & τὰ κατὰ θεὸν, victus jam re ipsa
 ac plane redargutus, quoniam ibi dicebatur aperte
 τὰ κατὰ θεὸν praestantius aliquid esse quam bonum, non
 est ausus exponere talem esse Deum & bonum, ne
 in manifestam dissonantiam caderet, sed dixit tale
 esse Deum, & per se bonum. Eodem quoque modo
 in libro huius operis decimo, cum Aristoteles inquit
 quod bonum sit, & quod omnia appetunt id esse
 τὰ κατὰ θεὸν, vidit absurdum esse, ac stare non posse, si
 exponeret quod omnibus bonum sit, & quod omnia
 appetunt id esse bonum. Exposuit ergo & ibi per

se bonum. Atqui cum in decimo libro exponit per se bonum, quod omnia appetunt, se ipsum redarguit, quod dixerit in primo bonum, quod omnia appetunt. Non enim primis ultima, sed ultimis prima corriguntur, ad quem profecto errorem emendandum non tam voluntas illum, quam necessitas perduxit. Magna quidem est veritatis vis, magnumque numen, ac de primo ad extremum una, atque eadem miro inter se nexu apta, catenataque series rerum. Nam vero omnia consonant, omnia succedunt: falso autem, cum semel dictum fuerit, veritas dissonat, ac refragatur, & quasi obliquum multa offendunt, quod hic accidit. Quod enim falso expositum fuerat, multa postmodum reclamabant ac refragabantur, donec se ipsam, uti corrigeret, vi adegerunt. Nam illud sane dici haudquaquam potest, ut *ἄγαθόν* utrumque significet, cum Aristoteles praestantius aliquid designare asserat, quam bonum, & Eustratius nichil esse aliud, quam primum bonum. Denique *ἡδονή* & felicitas idem est; ac bonum & felicitas non idem. Pater ergo antiquum interpretem male interpretatum fuisse, cum dixit bonum quod omnia appetunt: sed an postmodum bene, cum inquit, per se bonum, fateor minus viciose, inepte tamen. Nostri enim illi praestantissimi atque doctissimi, Ciceronem dico, atque Augustinum, & Lactantium, & Boëtium nunquam dicunt per se bonum, sed summum bonum. Afferre possem testimonia singulorum permulta, ni prolixitatem vererer. Sed tamen Boëtium supra ostendimus dixisse, duo summa bona, quae inter se diversa sint, esse non possunt. Eodem modo Tullius, Epicurei, inquit, *summum bonum voluptatem esse contendunt*. Et alio loco: *Facit Lucius noster prudenter, qui audire de summo bono potissimum velit: hic enim constituto in philosophia constituta sunt omnia*. Et paulo post:

post: summum bonum si ignoretur; vivendi rationem ignorari necesse est. Lactantius quoque inquit: Epicurus summum bonum in voluptate animi esse censet, Aristippus in voluptate corporis; Peripatetici autem in bonis animi & corporis & fortunae summum bonum collocarunt. Horum ergo nullus dicit per se bonum, sed summum bonum. Quam igitur causam habuit interpretes ille a consuetudine doctissimorum nostrorum recedendi? Non credo fuisse usquam adeo sibi arrogantem, ut Tullium, & Augustinum, & Boëtium, & Lactantium damnaret in verbo, ac melius putaret se dicturum. Sed illud magis credo doctos istos viros nunquam ab eo lectos fuisse. Itaque latinae linguae ignarus verbum de se ipso sumpsit, quod nemo eruditissimorum unquam posuerat. Enimvero quod & hoc ipsum viciose, hinc licet intueri, quia quae propter se & propter aliud expetuntur, per se bona sunt, non tamen summa. Nam summum id est, quod semper propter se, & nunquam propter aliud. Quare nec dum bonum exponit *κατὰ σφῆρα*, nec dum per se bonum defendi potest, quominus errasse comprehendatur. Enimvero dicet quispiam: tu quemadmodum defendes omnia summum bonum appetere? Jam enim si hoc inquis, lapidem appetere summum bonum tibi fuerit confitendum. O argutias insulas! Quanquam tu potius hanc defensionem ab Aristotele exigas oportet, quam a me. Nam ego interpretis officio functus sum, ut in graeco positum fuit, sic in latinum reddidi. Sed tamen si aliquid supra interpretem me dicere oportet, potest ne esse quicquam insulsius aut puerilius, quam dum Aristoteles de bono loquitur humano ad lapides, & huiusmodi insensata cavillationem traducere? Quod qui facit, lapideus plane, insensatusque ipse est. Sic enim proponitur ab Aristotele: *omnis ars omnisque doctrina*

similiter autem & actus & electio bonum quoddam appetere videtur. Haec omnia videlicet hominum sunt, non lapidum, neque bestiarum. In libro quoque Magnorum Moraliū inquit: non de simpliciter bono nobis dicendum est, sed de bono, quoad nos. Non enim quaerimus Deorum bonum, nam de illo alia ratio, aliaque consideratio est. De bono igitur humano dicendum est. En quid Aristoteles proponit, & sentit. Omnia vero humana summum appetere bonum, ac illius causa omnia omnes agere nemo sanae mentis unquam negabit. Quin etiam si ineptire placet, ac in verbo cavillari, dabis michi lapidem bonum appetere: sic enim tibi necessarium secundum primum interpretem. Quod si feceris, ergo summum bonum appetere concedam. Neque enim recipiendum est, lapidem, si modo quid appetit, bonum quidem sibi appetere, non autem optimum. Haec ad te, Ugo doctissime, pro graeci cognitione verbi scribere licuit, ut ipse certior factus valeas ambigentibus constanter & intrepide respondere, me non ad casum, neque temere, sed certa ratione & intelligentia Aristotelis verba, ut in graeco sunt, ita in latinum fideliter convertisse. Vale.

II.

LEONARDUS THOMAE CAMBIATORI S.

Divitias in bonis numerari quodammodo a Philosophis ostendit.

Non usque adeo me delectassent litterae tuae, si omnia mea laudibus extulissent, sicut delectarunt hoc ipso, quod quaedam refellere im-

improbareque nitebantur. Hoc ego amici esse puto,
 illud adulatoris. Sed patere quaeso, & tu aequo ani-
 mo vicissim a me redargui. Nam quod ais, ne his
 rescribam, perquam iniquum foret. An tu me istu
 tuo percellas & undique oppugnes, ego neque reper-
 cutiam te, neque resistam? Fieri hoc natura ipsa
 non sinit, quae etiam apibus mellis dulcorisque fa-
 ricibus aculeos tradidit ad vim, si qua sibi infera-
 tur, repulsandam. Contentio tamen nostra non per-
 tinax est, neque odiosa, sed modesta, & liberalis,
 propositumque in eo sit non superandi studium, sed
 indagatio veritatis. Denique, ut inquit Cicero, con-
 troversemur inter nos, non autem certemus. Libel-
 los quosdam e meis Ferrariam delatos legisse te nu-
 per significas, de quibus ad me scribens cum prae-
 cipuis multa laudibus attollas, unum tamen acriter
 detestaris, quod divitias in bonis numerari a Phi-
 losophis dixerim. Hoc a me scriptum usque adeo
 tu indigne fers, ut contra vociferando, ac reclama-
 do pene rauescas. Ego autem duorum in hoc tuo
 crimine reddendam michi rationem puto: primum
 loci, num alienum fuerit, an ineptum, deinde ipsius
 rei, num falsum sit, & erratum quod ita scripserim.
 Constat enim, si locus dicto congruens fuerit &
 sententia vera, tuam hanc reprehensionem, ut le-
 viter dicam, esse non rectam. Primum igitur de
 loco videamus. Librum Aristotelis, qui inscribitur
 οἰκονομικὰ in latinum verteram e graeco. Id munus
 amico familiarique meo homini docto & suavi desti-
 naveram. Disciplina ejus libri est fere circa patrimo-
 nium augendum, ipseque idem inquit alio loco oe-
 conomicae finem esse divitias. Ego igitur hunc li-
 brum mittens ad amicum, quid praefari in proëmio
 debui? An videlicet esse in eo libro praecepta Ari-
 stotelis ad divitias comparandas, ipsas vero divitias per-
 nicio-

niciosas esse atque malas, fugiendas denique, & abominandas? Et quis legeret, si haec dixissem? Quis munus meum non contemneret? Quis Aristotelem ipsum non carperet, quod de malis rebus acquirendis disciplinam tradidisset? Atqui si ulla est dicendi ratio, atque ars, proëmio virtutem hanc tribuit, ut benivolum, ut docilem, ut attentum faciat auditorem. Quam ergo benivolentiam sibi comparabit, qui disciplinam malarum rerum de graeco in latinum vertisse amici gratia dicit? Quam docilitatem & attentionem, qui nocitura fugiendaque se scripturam promittet? Vides ergo, Thoma, quid ratio artificiumque dicendi exigit, ea videlicet ut dicerem, quae dixi, & quod tu quidem reprehendis, artificiosum est, quod autem laudas, contra artem. Locus igitur vel maxime hoc exigebat, cujus tu etiam legens rationem habere debuisti. Est enim prudentis lectoris attendere, quo quidque loco dicatur, ac pro eo accipere, pro quo datur. Venio nunc ad ipsam rem. Divitias in bonis numerari a Philosophis dixi: Utrum tu hoc ita reprehendis, quasi non dicant Philosophi, an ita quasi non verum dicant? Si eos dicere negas, sed a me falso confingi, audi quaeso Aristotelem cum omni Peripateticorum multitudine asserentem, tria esse bonorum genera externa, corporis, & animi. Sin hos falsos esse dicis, non tu jam me, sed illos reprehendis. Qua in re vide etiam atque etiam, quid agas teque circumspice, & expende, nunquid tuum sit adversus Aristotelis, Teophrasti, Cratippi & aliorum pene innumerabilium Philosophorum auctoritatem, quasi tu unus plus sapias, refragari. Quid Plato ipse philosophorum, ut ita dixerim, Deus, quid inquit in Gorgia? *Nichil est, inquit, ex omnibus quod non aut bonum sit, aut malum, aut medium. Bona sunt sapientia, validudo divitiae.*

vitiae. Mala vero horum contraria: neque bona, neque mala, seu sedere, currere, navigare. Potes igitur me reprehendere quasi non verum scripserim, cum hos philosophos principes tam aperte divitias numerare in bonis cernas? Aut turpe est me id scripsisse, quod Plato ipse, & Aristoteles tradidere? Enim vero Epicurus contra sentit. O rem pergravem & non ferendam! An non pudet, adversus hos duos philosophiae soles, Platonem dico, & Aristotelem Epicuri tenebras inducere? Qui si divitias in bonis non putat, ob id movetur, credo, quia prodigos, & afotos, id est pro obscenis voluptatibus patrimonia devorantes sua beatos censeret. Hunc tu hominem sectaris quaeſo? placere tibi, vel sano alicui potest, qui in re tam turpi felicitatem posuerit? Quid insanius, quam a Platone, & Aristotele discedentem Epicuro inhaerere, damnato jampridem homini; atque, ut ita dixerim, in philosophia haeretico? Sed quaero ex te, qui longam juri operam laudabilemque dedisti: num & jurisconsultos tantae auctoritatis homines tam prudentes, tam doctos delirare censes? Atqui hos quoque in Philosophia eruditos praedicatis, & ipsi non abnuunt, quorum est illud, veram, nisi fallor, philosophiam, non simulatam affectari. Hi ergo jurisconsulti verae, ac non simulatae philosophiae sectatores, quomodo nuncupant haec externa? utrum media, an mala, vel bona? pleni sunt eorum libri, in quibus bona appellant. Tu ipse quaero qui de hoc tam pertinaciter contendis, si iudex pro tribunali sedens in possessionem bonorum mitti jubes, utrum de virtutibus sentis, an de fundo, & pecuniis? Quae igitur pervicacia est, aliter loqui velle, quam homines loquantur? Contemnere Philosophos? Platonem, & Aristotelem despiciere? Jurisconsultorum auctoritatem pro nihilo putare? Illos

parum vidisse, nos omnia cernere arbitrari? Bona, inquis, a beando dicuntur. Externa vero facere beatum non possunt. Nec sunt igitur bona. Haec tua ratio, ut video, peracuta tibi videtur. Est autem obtrusa, vel potius fallax. Primum enim, quod tu tanquam concessum tibi assumis, bona a beando dici, M. Tullius scribit se, unde dicantur bona, ignorare. Itaque vide, ne ut in philosophia plus tibi pene arrogas quam Aristoteli concedis: sic in linguae latinae ratione plus te scire, quam M. Tullium contendas. Quod nullo modo tibi permittemus. Quid enim commune habet bonum, & beatum praeter litteram? Itaque quid magis a Beando, quam a bibendo dici bona interpretari potes? Hoc autem perempto & totam rationem tuam perimi vides. Quin etiam si quis tibi dederit a beando dici bona, efficere tamen eo concessu nil potes. Haec enim externa ad beatitudinem pertinere dicimus; atque inde, si tu ita vis, nuncupari bona, quia sine illis beatus esse nemo potest. Nam nec animi quidem bona, si sola sint, beatum facere possunt, nisi forte hunc in Phalaridis tauro constitutum dicas beatum fore, quomodo tu, ut opinor, beatus esse nolles. Ego certe ut affirmare de me valeo, hanc beatitudinem calamitosam longe aspernor, ac fatisse puto, non miserum esse concedamus, beatum vero dicere in carcere, in tormentis, in egestate, in suppliciis, in turcidatione filiorum vereor, ne vox illa sit non hominis quidem, sed cauris potius cuiusdam, & scopuli humanitatem penitus omnem a se rejicientis. Virtus enim bonum quidem virum efficere potest, ad beatum vero faciendum ipsa per se non est satis. Aggregatio enim bonorum existat oportet. Atque ut anima, quam corpus longe praestantior est, corpore tamen indiget, ut sit homo; sic & animi bona lon-

longe praestantiora esse fateor, indigere tamen corporis externisque bonis, ut sit felix. Recte quidem Aristoteles non solum in illa felicitate, quae est per fortitudinem & justiciam ceterasque negociosas virtutes, verum etiam in illa contemplativa & ociosa putat, externis opus esse bonis. Sic enim inquit, cum de contemplativo loquitur: *indigebit quoque externa prosperitate, cum homo sit. Non enim natura ipsa per se sufficiens est ad contemplandum, sed oportet sanum esse corpus, & alimenta, ceterumque famulatum adesse. Neque tamen si absque bonis externis beatum esse non datur, ideo putandum est, multis ac magnis illum indigere. Sed possunt etiam, qui non mari terraeque dominantur, felices esse.* Haec de contemplativa Aristoteles censet. Civilem autem illam, & negociosam vitam longe pluribus indigere fatetur ad felicitatem. Nam *liberali, inquit, opus est pecunia ad liberalitatem exercendam, & justo ad remunerationes, fortique opus erit potentia, si perfecturus sit aliquid secundum virtutem. Denique ad res agendas inquit, multis est opus, & quanto majores & praeclariores sint, tanto magis.* Vide igitur in hac civili vita, in qua versamur, multum nos externis indigere bonis, & quanto majora, & praeclariora virtutis opera, tanto magis. Contemplativa autem paucioribus indiget, sed tamen indiget corporis externisque bonis, cum sine his beata esse non possit. Juvat nunc repetere verba mea, quae tu tam acriter carpenda putasti. Sic enim scripsi: *sunt vero utiles divitiae, cum & ornamento sint possidentibus, & ad virtutem exercendam suppedient facultatem. Profunt etiam natis, qui facilius per illas ad honores, dignitatesque sublevantur. Nam quorum virtutibus obstat res angusta domi, haud facite emergunt, ut poetae nostri distat sententia. Quare cum nostri,*

tum multo magis natorum caritate illarum amplificationi, quoad honeste possimus, studendum est, quoniam in bonis a philosophis numerantur & ad felicitatem pertinere creduntur. In his quaeso verbis quid tandem est, quod Aristotelis menti non plane respondeat? Nonne in bonis numerat divitias? Nonne ad felicitatem pertinere dicit? Nonne esse utiles ad virtutem exercendam? Nam de ornamento quidem non bene accipis. Non enim de spintere, aut fimbria, neque de histrionis auro, sed de magnificentia diximus. Haec enim virtus ad ornatum pertinet, adeoque divitias exigit, ut pauper magnificus esse non possit. Miror igitur, quid in me reprehendas, cum & ob id utiles esse scripserim, quia ad virtutem exercendam facultatem praeberent, & prodesse natis eadem ratione, ne illorum virtutibus rei familiaris obstarer angustia. Certe ego non video, cur me poenitere debeat ita scripsisse, praesertim cum eo loco scripserim, qui vel maxime illarum commendationem flagitabat. Etenim si propter se divitias expetendas esse, & undequaque arripiendas dicerem, merito carperer. Cum vero propter virtutem ac ejus exercendae gratia tanquam instrumentum quoddam, & addiderim, quoad honeste fieri posset, ne studium ejus rei nos a recta ratione deflecteret, quid est quod michi a quoquam valeat imputari? Ad parvos, inquis, & angustos faciendum animos haec tua commendatio pertinet. Vide, ne tu potius hoc agas. Si enim haec sunt virtutis instrumenta, & celsae praeclaraeque res illa desiderant, cum sine his fieri non possint; quis parvos, & angustos facit animos? Ego ne qui virtutis exercendae causa paranda ista dico? an tu, qui omnino paranda ista negas? Denique utri nostrum praestantius animi propositum est? michi ne, qui celsa aggredi cogito, ac jam instru-
menta

menta ad hoc paro? an tibi, qui nichil grande, celsumque meditaris? nunquam fatebor, inquis, divitias numerari in bonis. At Plato, & Aristoteles fatentur, quorum ego auctoritatem longissime antepono tuæ. At, vero non nocerent, si bona essent. Quid tu rationem, & hanc naturalem intelligentiæ vim homini datam, qua præstamus brutis? nonne in bonis reponendam censes? Atqui reperiuntur, qui perverse illa utantur, nec id obstitit tamen, quin sit bonum. At enim bonarum, inquis, rerum nullus honestus comparandi modus esse videtur. Tu quoad honeste adjunxisti, quæ profecto res ostendit, non esse divitias in bonis reponendas. Equidem sic existimo & regnum, & potentiam reipublicæ esse in bonis, tamen horum nullum fraude nobis comparandum esse, sed quantum honestas & jura sinunt, procurandum. Injusta enim acquisitio id ipsum corrumpit, quod acquirit. Præterea cum utilia omnia instrumenti instar habeant, instrumentorum autem ea sit natura, ut nimis parva, & nimis magna corrumpant usum suum: siquidem navis & unius tantum cubiti inutilis est, & duorum stadiorum inutilis: patet nulla in re tantum desiderari modum, quantum in rebus utilibus. Divitias autem utiles esse diximus ad virtutem, in quibus, ut in navi, exiguitas impedit, superfluitas nichil prodest. Itaque & justa, & modesta comparatio in illis esse debet, omnisque illarum amplificatio ad virtutem respicere. Vale & me ama, tibi que persuade, tuas has michi litteras fuisse non ingratas. Iterum Vale.

III.⁽¹⁾

LEONARDUS FRANCISCO PILZOPASSO S

Se purgat, quod amici Epistolis non responderit.

PLures epistolas a te suscepi, & quidem variis de rebus ad me scriptas, quibus si responderi per me cupis, iterum a te rescribendum est. Nam illae quidem omnes in oblivionem jam abierunt. Rides opinor haec legens, & siccioe me tractas, inquires, ut ne responsione quidem dignum putes? Incredible est, quod audies mi Francisce, sed tamen verum. Contraria, tibi ne responderem, effecerunt; cum aut plus nimio ociosus essem; aut plus nimio negotiosus. Principio enim, dum essem Arerii, summo fretus ocio & in hoc uno maxime occupatus, ut nil omnino agerem, tibi rescribere differebam. Nec erat eo tempore quicquam, cui magis adversarer, quam calamo & litteris. Mutavit posthac fortuna vices, & ex illa profundissima quiete, & voluptuosa vivendi incuria ad hos aestus, procellasque occupationum traduxit. Utque prius tranquillitas nimia, ita nunc fluctuatio nimia me submergit. Nul- lum ergo tempus, inquires, litteris meis aprum est? Immo omne tempus tuis, sed meis extremas omnes conditiones temporum adversantur. Optanda igitur mediocritas est, sine qua tibi respondere non possum. Hanc ego si nanciscar, responsum litteris expecta; sin vero ista non aderit, frustra, michi crede, responsa mea flagitabis. Quod epistolas meas transcri-

(1) Haec deest in edit. Fabriciana. In MSs. Pizolpasso etiam reperitur, vel Piccolpasso.

scripseris omnes, & alias habere quaeras, id ipsum honesta causa est, cur tibi nil scribam. Nam si quae omnibus scribo tu habes unus, satis quidem superque est, quod aliena possideas, tuis vero nequaquam indiges. Quod autem gratularis, volo aperte scias, me ultra quam incredibile sit commoveri desiderio Curiae & familiaritatumstrarum. Nec ego hoc a principio non videbam, sed majora erant incommoda, si repudiassem. Finito autem anno libera, & integra michi erit deliberatio. Quare Vale Florentiae VI. Kal. Februarias.

IV.

LEONARDUS POGGIO S.

*Quare inimicitiae cum amico susceptae fuerint,
reddit causam.*

Retulit michi vir optimus Nicolas noster, se abs te litteras accepisse scriptas Londonis II. Non. Octobris, in quibus amice tu quidem, & affecte conquirebare de inimiciis adversum me susceptis ab eo, qui si quid grati inesset, amicissimus omnium esse debebat. Ego vero angi te hisce de rebus, graviterque ista ferre plusquam certissimum scio. Novi enim humanitatem & benivolentiam tuam. Atque ut quisque ipse vir bonus est, ita malefactis alterius conturbatur, & angitur. Quae mediustidius ipse mecum reputans non alia profecto de causa tibi scribere supersedebam, quam ne te, ut putabam, harum stulticiarum ignarum superflua conficerem oneraremque molestia. Totam denique hujuscemodi cognitionem mali tuum sub adventum integram re-

Tom. II. B ser-

servare constitueram. Sed quoniam ille est lingua procaci, & odiosa, nec in extremo quidem mundi angulo quietum esse te ab iis molestiis passus est, ac maligna quaedam, ut sentio, diversaque a vero suggestit; meum, ut videtur, reliquum fuerit non subtrahere, ne aut refugere me examen tuum, aut contemnere iudicium putes. Primum igitur tu michi vel optimus esse testis potes, qualis ego in Nicolaum per superiora fuerim tempora. Tua quidem familiaritas utrique nostrum conjuncta latere te nichil permisit. Non ambigo, illud pro certo tecum ipso statuere, potius fuisse in me nimium & superfluum quiddam in tribuendo illi, quam aliquid defuisse officio. Sed ego benignitate quadam naturae inductus propensio rem me praestiti, non quia hominis demerita non nossem, sed quia illum, qui semel in familiaritatem se dederat meam, laudandum michi honestandumque putaram, nec tantum, quid ille mereretur, intuebar, quantum quid a me decens esset conferri. Omnino, Poggi, hujuscemodi erroris caput est, quod praepostere agimus in vita cum ceteris multis in rebus, tum in amicitiiis conjungendis. Res enim magna, ut ita dixerim, lentitudine experimentoque indiget, priusquam sal illud, de quo dicitur, esset verissime comedendum. Sed nos ante recipimus in amicitiam homines, quam an digni sit amicitia discernamus. Hic autem error & a multis alias, & nunc a me ipso imprudenter facti pergrandes quidem, attamen exigit poenas. Quid ego nunc agam quaeso? aut quid consilii sumam? Divortamne ab eo, in quo est perversitas ista deprehensa? At multi veteris conjunctionis nostrae memores, ignari stultitiae novae, quae in hoc portento nunc erupit, inconstantiam culpabunt meam. Respondebo maledictis ejus, qui me tam acerbe, & intolerabiliter
pro

provocat? Multi levem dicent, quod quem prius audarim, nunc tandem carpam. Tacebo, ac maledicere illum sinam? At mortis instar est acerbissimae ab eo male audire, quem ipse supra dignitatem suam pluribus locis ornarim. His igitur in malis quid potissimum eligam, non satis constituere metum ipse valeo. Tolerantiam tamen adhuc contra illius rabiem adhibui, sed quamdiu id facere possim, & haec indigna perpeti incertum est. At unde ista procella? dices. Unde turbatio? unde irarum aestus? quod principium? quae causa? qui fomes? O Di immortales! pudet me levitatem hominis referre. Sed tamen aperiendum est, praesertim cum ad te scribam, quem celatum iri nichil oportet. Si causam quaeris, Poggi, & initium huiusce mali, respondebo una cum Ennio: *Utinam ne in nemore Pelio feruribus caesa cecidisset in terram abiegna trabes*, & reliqua, quae sequuntur. Una siquidem muliercula, Poggi, una inquam muliercula, & ea ipsa turpissima causa est illius amentiae, de qua dicam breviter. Tu autem cum legeris hanc epistolam, lacerato, ut etiam illius famae quamvis inimicissimi consulamus. An illa est apud illum & re, & nomine Malvenuta, licet ut quondam Samnites pro Malevento, Beneventum dixere, sic iste pro Malvenuta Beneventum solebat appellare. Haec dudum Florentiae cum applicuisset, hospitem quaeritabat uxore carentem. Fortuna hanc veluti calamitatem quandam in hunc nostrum impegit, non tamen ab initio. Nam primo suscepit illam Joannes huius frater junior natus, & quod illa optabat, sine uxore domum adduxit, in cubiculo, atque in famulatu obsceno complures habuit menses. Habitabat hic una cum Nicolao iisdem in aedibus ita modo, ut cenaculis, & tricliniis habitacula sequestrarentur. Mulier per hoc tempus dis-

curfari ad Nicolaum, & blandiri familiarius coepit. Quid multa? Cum fratre cubantem mulierculam hic nofter feverus Caro nil veritus fraterna jura in fuum complexum, libidinemque feduxit. Haec ramen ab initio clanculum erant. Murmura modo, & proſp-ctus occultri, & angulorum latebrae quaeritabantur. Sed poſtquam blanda conſuetudo invaluit, & amor flagitio confirmatus in diem exarſit, ut jam ejus flamma comprimi nequiret, non per inſidias, neque clanculum, ſed palam & aperte mulierem de fratris cubiculo in ſuum thalamum abducit. Ex quo tantae conſeſtim lites ſunt conſecutae, ut per ſingulos ferme dies inter ſe fratres ipſi digladiarentur, vicinia autem omnis non audiret modo hujusmodi nefas, verum etiam videret. Hic ego quid dicam Poggi? aut potius quid non dicam? ſcio enim me non in judicio cauſam agere, ut judicis animus michi ſit inflammandus. Sed tamen flagitium tantum, tam atrox, tam deteſtabile, qui ſine increpatione praeterit, honeſtatis guſtum non habere videtur. Ex quid eſt aliud contemnere divina ſimul atque humana jura, quam miſcere concubitus pecudum ritu, omnem ſanguinis neceſſitudinem, omnem propinquitatis nexum deteſtandae libidini poſthabere? Quis infima ex plebe homo tam ſine litteris, ſine more, ſine honeſtate, qui inceſtum adverſus fratrem non abhorreat? Quem iſte, ut videri vult, litterarum ſtudioſus non veritus eſt commiſſiſſe. Quis tam impudens ex infimo ergaſtulo, qui ſi id admiſſiſſet facinus, non occultum eſſe vellet? Quod iſte palam ſemper tanquam ſui oblitus prae ſe tulit: & miramur, ſi ea opinio eſt vulgi, ut litterarum ſtudio dediti nec Deum putent, nec vereantur; cum hujusmodi monſtra hominum falſa opinione pro litteratis habiti iſta contra Deum & homines committere

ere non formident? Ab hoc tempore, Poggi, noster hic amicus vir nullus fuit; remansit enim apud eum adultera, quam juniori fratri per nefas abstulerat, in cuius potestate usque adeo fuit, ut totus ab illa penderet, amicos & inimicos illius nutu metiretur. Denique ut Circe illa hospites suos diversas in figuras convertisse dicitur, & alios leones, alios feras fecisse; sic ista venefica in hospitium, atque adeo in thorum Nicolai recepta filtris, & veneficiis hominem exuit, ac belluinam feritatem, amentiamque induit. Nunquam enim post cessavit cum fratribus, cum amicis, cum familiaribus lites continue exercere. Quinque illi sunt fratres, neminem horum alloquitur, de singulis ea praedicat, quae tu de sicariis & lenonibus erubesceres. Laurentium modo habebat inter praecipuos amicos; illum sic alienavit, ut capitales nunc inter eos inimicitiae agitentur. Ego unus supereram: me quoque ferino dente lacerandum putavit. Coepit enim jampridem sic adversari michi, ut palam prae se ferret pati non posse, celatim carpere, detrudere, insectari denique, & succensere, contentiones avidius captare, lites ultro exposcere, ut manifeste appareret non esse illum, qui prius fuerat, sed in truculentam aliquam bestiam esse conversum. Haec ego etsi partim cernebam praesens, partim a studiosis mei per absentiam dicta suggerebantur; tamen conniventibus oculis transeunda potius statueram; sed non sinit feritas hominis. Ecce enim rursus in furorem vertitur, ac totam funditus amicitiam tollit ex levissima causa, quam vide quaeso, & cognosce hominis gravitatem. Muliercula, de qua supra dixi, insolens ac plane victrix, cum ex fratribus corrivales fecisset, uxorem alterius fratris, cui Jacobo nomen est, honestam sane ac pudicam mulierem, assiduis contumeliis agitare coepit. Cum

haec aliquandiu fecisset, ad alios fratres rem Jacobus deferit. Illi jampridem ardentes odio, & tunc flagitii indignitate commoti non ferendam hujus perulantiam censuerunt. Itaque facto impetu in Nicolai triclinium spectante illo meretriculam capiunt, tractam denique in viam, ac dorso impositam, natesque nudatam lorīs usque ceciderunt plaudentibus vicinis, & tota multitudine comprobante. Ob hanc igitur moesticiam non aliter se multos dies hic nosster domi continuit, quam si parens illi trucidatus fuisset. Venientibus ad eum consolationis causa lacrymans respondet, ob leviora jam facinora magnas urbes fuisse subversas: se quidem non prius delicturum, quam sceleratorum fratrum sanguine proprias manus cruentasset. Haec & hujusmodi ab illo dicta, partim ridicula, partim iactabunda & non ferendae stulticiae plena ab iisdem consolatoribus per risum efferebantur, perdidisse operam in libris communis venundandisque, & insanire hominem omnes clamitabant. Ego vero haec audiens angebar animo, & ardebat mens objurgare hominem pro hujusmodi ineptiis. Naturam tamen ejus, & saucium amore animum veritus me continebam. Sic enim res se habere videbatur, ut nec ego alloquens sine gravi castigatione, & increpatione stulticiae levitatisque suae praeteriturus essem. Nec ipsum putabam, quantum assequi conjectura quibam, ob aegritudinem, & luctum reprehensionem meam esse laturum. Inter haec venit ad me quidam, dicitque vehementer admirari Nicolaum, quod eum in tanto luctu suo non adiissem. Quid, inquam, miretur; aut quis hic tandem luctus est? An quod fratres coquam ejus, sic enim malui quam concubinam, quam veneficam, quam adulteram, quam meretriculam dicere, castigarunt? ob eam rem consolatum me venisse

nisse ad illum oportuit? Quam praeftaret, inquam has ineptias omittere? Haec ego ingenue porro, & amice. At ille ubi haec audivit, confestim veluti furis agitatus incredibili verborum obscoenitate in me invehatus est. Postea nichil nisi inimice, nichil nisi scelestae, nichil nisi capitaliter de me cogitavit. Habes initium & causam turbae, o Poggi, quod ita leve tibi videri necesse est, nichil ut aestimari levius possit. Quid enim, quaeso, in illis verbis meis dignum vel mediocri indignatione fuit? Indignationem dixi? immo quid, quod non laudem & gratiam, si modo iste compos mentis, si homo denique, & non bellua esset, meretur? Ubi est illa amicitiae lex a sapientibus perscripta? Monendos esse amicos non modo aperte, sed etiam acriter, si res postulet. Atqui esse poterat ulla res, quae magis severam amici monitionem posceret, quam hominem, qui litteratus studiosusque per superiorem aetatem haberi voluerit, eum nunc amore meretriculae sic deperire, ut lacrymas & lamentationes instar pueri dimitteret, ut sine illa se se vivere posse negaret, ut fabula vulgi ob illius infamiam factus esset? Potius michi recto iudicio quis succenseat, quod pro re gravi, & atroci leviter nimis, molliterque admonui. Sed quid agas cum vesano, cum amente, cum furioso, cum eo denique, quem jampridem amor, & beneficia obcoecassent, cui rationem ademissent, cui nichil reliquissent homini simile, praeter corporis figuram? Qui cum levia ab amico dicta non tulerit, quomodo gravia pertulisset? Ego igitur acrimonia abstinens mitia tantum medicamenta adversus illius morbum intentavi, quae nec ipsa quidem aeger animus profligatusque admisit. Sed qui pro levibus adeo furibunde in me surrexit, quid fecisset pro acribus? Nonne se praecipitasset? Nonne in parietem caput

incussisset? Et me provocat maledictis homo stolidus & insanus. Mitto quam indigne, quam immerito, quam nulla ex causa contra amicum, contra familiarem, contra illum, qui pluribus cum locis litterarum suarum honoravit. Mitto inquam ista, atque praetereo. Sed an usque adeo demens factus est, ut nec se se, nec imbecillitatem suam recognoscat? Qui nunquam verba duo latina ob inscitiam linguae, stuporemque cordis, ac enervatam adulteriis mentem conjungere potuerit, is me provocat maledictis? Nescio an in hoc uno plus insania ejus conspicua fiat, quam in ceteris omnibus erratis. Quem ego, nisi me respectus superioris amicitiae tenuisset, jam transfixum verissimis maledictorum jaculis tradidissem infamiae hominum sempiternae, praesertim cum tanta sit in eo ubertas materiae, nulli ut deesse possit oratio. Ut autem ad te, Poggi, revertar habes rem totam, ut verissime gesta est. De qua si recte judicare volueris, multa sunt in illo quidem, quae non condemnes modo, verum etiam detesteris. In me autem quid reprehendere quicumquam possit, non equidem intelligo, nisi forte patientiam nimiam. Sed ego certa ratione id feci: vel quia contemno hominem praesertim insanum & furem, vel quia rationem habere malui superioris amicitiae, quam justis doloris mei. Id vero difficilius michi fuit, quod ille nichil pensi habet, nullo respectu superioris conjunctionis retinetur, sed in maledictis continue perseverat; ut verear jam, ne lenitudo ista mea ad ignaviam & socordiam michi imputetur. Tu es primus, ad quem de his rebus scripserim, & hoc excitatus litteris tuis. Nam ipse tacere constitueram. Quod si tandem rejecta patientia gladium orationis in hunc provocatorem strinxero; faciam ut omnes intelligant, quantum sibi lucrum

crum fuerat in istam dimicationem non descendisse.
Vale.

V.

LEONARDUS PAPAE ⁽¹⁾ S.

*Secretarios honore, & dignitate excellentiores
Advocatis.*

NOVAM litem, Beatissime Pater, Secretariis
Beatitudinis tuae per Advocatos Concistoriales
moveri audio in progressionem, pompaeque sole-
mni de cohaerentia Pontificis contententes. Ego
igitur tanquam clamore excitus accurro, ac locum
defendere meum pro virili propero, rationes colli-
gens, quae pro iusticia nostra contra illorum inju-
riam facere videntur. Primum igitur incipiam ab
eo, quod observatum conspexi. Memini me qui-
dem tribus coronationibus Romanorum Pontificum
interfuisse, Gregorii, Alexandri, Joannis. In qui-
bus omnibus Advocati nobis praere jussi sunt, quo-
niam in remanendo honos habebatur. Idem quo-
que ceteris progressionibus servatum vidi. Quamob-
rem magnopere quidem admiror, cum mos, &
consuetudo haecenus ita fuerit, quid nunc novi im-
pellat ad illa tractanda. Neque enim illud ut cre-
dam adduci possum, eos scilicet moveri, quod Se-
cretariorum, qui nunc sunt, personas contemnant.
Habet enim, quod sine arrogantia dictum velim,
officium hoc excellentissimos quosdam viros, & scien-
tia, & doctrina, & eloquentia praestantes; de quibus
etiam gloriari Sedes Romana possit, qui non recu-
sa-

(1) Martino V. existat in Codd. MSs.

fabunt, si contemni se sentiant, in comparationem illorum devenire. Enimvero personas Secretariorum nequaquam contemnunt, sed officii dignitate se praeferendos autumant & de hoc uno controversia est, non de scientia, nec de virtute hominum, sed de officiorum praestantia, atque dignitate. Si ergo officiorum ipsorum inter se comparatio quaedam, & quasi contentio facienda est, & utrum eorum sit dignius, quod Pontifici adhaereat, quaerendum; idque unum in judicium venit; redeo ad id, quod primo loco posui, usu & consuetudine jampridem receptum esse, ut Secretarii praeferantur, quod nec sine causa probabili factum existimare debemus. Deinde si omissa consuetudine officia per se considerare velimus, reperiemus Secretarios de sui natura Pontifici adhaerere, Advocatos autem longe disjunctos esse. Neque enim latere nos debet, quia Secretarii, Pontificis sunt Secretarii, Advocati autem non Pontificis sunt, sed litigantium Advocati. Atqui id permagnum quiddam est, & quasi totum in praesenti judicio. Nam cujus quisque est, ei natura cohaereat necesse est. Apparet autem Secretarios Pontificis esse, Advocatos vero litigantium, ex quo fit, ut alter suus Pontifici revera sit, alter extraneus, & impertinens. Veritas ergo ipsa subtiliter intuenti ostendit, Secretarios e sinu quodammodo Pontificis esse, illique velut membrum inhaerere; Advocatos vero longe disjunctos esse. Ego igitur in pompa progressuque solemnium, cujus Secretarius sum, Pontificem sequor, eique, ut ratio dicat, inhaereo; tu vero eos, quorum Advocatus, litigantes sequare, illisque inhaereas; qui cum nullum omnino locum in solemnium progressu obtineant, nec tu forsan, si recte judicetur, obtinere debes, & tecum bene agi putare, si non omnino repellaris. Medium autem interponere te
inter

inter Pontificem & Secretarios suos, nec rationabile sane, nec tolerabile est. Vis igitur & natura utriusque officii alterum inhaerere, alterum disjunctum esse ostendit. Quid autem nomina? nonne hoc idem probant? Et quis non videt Secretarii nomen penetralem quandam cognitionem rerum Pontificis dicere, maximeque conjunctam, & cohaerentem designare personam? Advocati autem nomen longinquum hominem, alienumque significat. Cum enim tres in judicio personae necessario versentur Judex, actor, & reus, horum nullus est Advocatus, sed est alienus quidam ab actore vel reo mercede conductus ad litigandum, qui, quod ab alio, cujus lis erat vocatur, Advocatus appellatus est. Quae igitur huic homini conjunctio sit cum Pontifice, qui ad rem alienam, & privatam non a Pontifice adhibetur, sed a litigatore conducitur, cujus etiam munus hoc postulat, ut longinquo clamore Pontificem alloquatur, secreto autem affari suspiciosum sit. Quid ergo est aliud confundere ordines, perturbare officiorum munera, deicere a capite membra, quam postulare, ut Secretarii procul a Pontifice submoveantur, Advocati autem in propinquo consistant, ut quibus secreto loqui expediat in longinquo sint, quibus clamore uti conveniat, hi lateri cohaereant. At dignitate praestabilius est Advocatorum officium. Immo nec Secretariorum dignitati par. Sic enim cogita: res curiae, ut michi videtur, bifariam dividuntur, in litigiosas scilicet, & quietas. Cumque de sui natura quietae sint res litigiosis praeferendae, litigamus enim ut quietem nanciscamur, Advocatorum officium in his rebus versatur, quae molestias, & lites, & odia continent: ex his enim pabulum quaerit, & quasi alitur Advocatorum opera. Secretariorum vero in pacatis tran-

tranquillisque rebus magis versatur, quae procul dubio litigiosis sunt digniores. Est igitur ratione subiecti Secretariorum officium dignius, ac praestabilius. Praeterea lites omnes odibiles sunt, partibus tamen nonnunquam necessariae, Advocatis vero nunquam. Ex quo fit, ut sponte lites & odia sectari videantur, quod nec honestum sane, nec gloriosum est. Quod si decretales epistolas, & rescripta Pontificum Advocati allegent, & quod in illis cognoscendis interpretandisque versentur, ideo se praeferebunt putent; meminerint quaeeso decretales illas atque rescripta Secretariorum dictata esse, atque composita. Quae enim tu, Advocate, legis, quae interpretaris, ex quibus argumenta detorques, quorum sententiam admiraris ea, inquam, verba omnia Secretariorum sunt. De nostris vos manibus fundamenta ipsa officii vestri percepistis, nos vero nichil a vobis percepimus. Utrum igitur officium dignitate praecellit? Id ne, quod tradit alteri, atque praescribit? An id quod suscipit, atque observat? Insuper id officium dignius est existimandum, quod cum majori congruit dignitate. Secretariatus autem officium cum Episcopali dignitate concurrat, nec eam dedecere videtur. Fuerunt jampridem profecto & alii permulti, sed nostra aetate Franciscus Arretinus Episcopus, & Bartholomaeus Cremonensis, & postquam Episcopi facti sunt, in officio Secretariatus perseverarunt. Advocationis autem officium Episcopalis dignitas despiciat, atque abhorret, nec decere Episcopum ullo modo videtur. An igitur dubium est, quin Secretariatus officium & honestius, & dignius sit existimandum, cum Episcopalis excellentia, quae maxima est, hoc non dedignetur, illud despiciat? Diximus de praestantia dignitatis, quae procul dubio praecellere Secretarios docuimus: *nunc autem*

autem de commoditate pauca dicenda sunt. Equidem sic existimo, multa interdum ita constituta fuisse, ut ad commoditatem haberetur respectus. Neque enim possunt res agenda praesertim ingentes, & multae, nisi certis commoditatibus expediri. Est aliquis, qui secreta Pontificis excipere debeat? hic propinquus adsit, vultum ejus intueatur, nec verba modo, sed nutum etiam praestolerur. Est aliquis, qui pro litigatoribus proponere, ac loqui ad Pontificem palam debeat? hic inter litigatores suos consistat, ab his rem crebro audiat, atque doceatur, neque Pontifici haereat, cum ejus cohaerentia inutilis sit, & alios impediat, qui utiles esse possunt. Haec dispositio, atque hic ordo in rebus constituendis semper valuit plurimum, & valere debet. Videmus Notarios Papae antiqua consuetudine hoc uno resp. &u Episcopis esse praelatos: non enim dignitate, ut antecedant Episcopos receptum est, sed commoditate, quod hi sacros Pontificis affatus excipere, illiusque jussa mandare litteris solerent, unde Notarios appellatos constat. Si ergo horum officium, ut videmus, obsolevit, nichilque praeter nomen inane illis reliatum est; Secretarii autem illorum vicem subierunt, eaque apud Pontificem gerunt, quae ab illis gerebantur; eadem patientia ferant Advocati, Secretarios sibi honore anteferri, qua Episcopi Notarios dudum antelatos sibi pertulere, praesertim cum Episcopalis Ordo dignitate longe superet Notarios, Advocati autem dignitate non superent Secretarios, immo nec pares illis sint, & commoditatis ratione, ut probavimus, superentur

VI. ⁽¹⁾

LEONARDUS PHILELPHO S.

*Significat, quid in negotio amici fecerit, Dionisque
versionem commendat.*

IN bonam quaeso partem accipias, si non ita ce-
leriter, ut desiderium erat tuum, ad te litteras
dedi. Michi enim tarditatis, vel morae potius
scribendi ad te causa fuit duplex. Una, cum ipse
pro re tua non secus ac pro mea egissem, cupiebam
aliquid certi posse rescribere. Deinde quod tuo pul-
cherrimo, & ornatissimo muneri non inanes episto-
las, sed aliquid eruditius atque gravius rependere cu-
piebam, ut essent haec initia, ac veluti fundamenta
nostrae familiaritatis. Et de re tua quidem ea in
dies expectatio fuit, ut neque spes michi certa, ne-
que desperatio afferretur. Aggressum vero me gra-
vius aliquid ad te scribere permagnae, & incredibiles
occupationes meae quasi currentem in medio spacio
retardarunt. Haec igitur causa differendi fuit, quae
tibi quoniam longior videtur, ut epistola tua graece
scripta deprehendi, obsequor plane desiderio tuo,
ne committam, ut dum esse diligentior propero,
negligentior videri possim. De negotio igitur tuo,
quid scribam nescio. Civitas enim longis belli sum-
ptibus fatigata, ac pene exhausta difficiles nobis au-
res praebet. Eruditi vero homines a me commone-
facti cupiunt quidem, ac magnopere affectant, sed
non ita multi sunt, ut perfici adhuc potuerit. Ex-
pectamus novos magistratus, in qua una re non sine
causa

(1) Haec adhuc inedita fuit.

causa spem habere posse videbar. Haec publice: privatim vero e juventute complures, sed hanc partem Ambrosius curavit, ab eoque suscepisti credo, quantum aut quale existimari debeat. Translatio vero Dionis a te facta vehementer michi placet. Est enim illustris, & erudita, & graeco respondens. Talis denique, ut quamquam saepe alias graece legerim, tamen latinum legisse michi fuerit per jocundum. De Dione autem ipso quid sentiam, alias scribam ad te. Vale.

VII.⁽¹⁾

LEONARDUS MARCO DANDULO S.

Amici prudentiam, ac virtutem laudat, & de gratulatione gratias agit.

EGO tuis ornatissimis suavissimisque litteris respondere cum vellem, & ubertas varietasque orationis tuae michi occurreret, obruebar quasi flumine quodam rerum a te sapienter praeclareque dictarum, nec unde initium respondendi facerem, satis michi constituebam. An a virtutibus exordierer tuis? At illarum ea magnitudo est, ut non epistolae brevitatem, sed voluminis prolixitatem efflagitent. Quis enim paucis verbis tantam sapientiam, gravitatem, celsitudinem animi, mansuetudinemque enarrare queat? An a dicendi nitore, & ab hoc eruditissimo scribendi genere, quod in te uno plurimum eminet, laudando, exornandoque inciperem? At verebar, ne quasi spectante Roscio gestum in scena facerem, & sterilis ipse, jejunusque viderer.

An

(1) Haec quoque nunc primum lucem aspicit.

An amicitiam commemorarem nostram? teritorum esse commemoratio solet: amic. nostram praesentem, vigentemque conspiciamus. ergo faciam? Tuum michi ordinem proponam, tua ipsa, ut vere dicam, vestigia ambulabo. Primum igitur quod michi tanta tribuis, quanta ego neque mereor, neque postulo, proficisci quidem id intelligo ab immenso quodam, inenarrabilique amore erga me tuo. Letatum vero esse te de Civitatis munere noviter michi injuncto, tacente etiam te certissimus eram. Putas enim me ob hoc ipsum dignitate adauctum, cui opinioni consequens est in amante quidem voluptas, in osore autem molestia. Enimvero scias volo, neminem unquam tanta cupiditate honorem appetisse, quanta ego cupiditate hoc ipsum munus evitare, atque rejicere nixus sum. Noveram enim procellas, & aestus civilium negotiorum; ipse autem michi ocium & quietudinem vitae ab his strepitibus vacuum toto animo complectebam. Non igitur non petii solum, verum etiam ultro deferentibus restiti, nec restiti modo, sed etiam adversatus sum. Depulit tandem Patriae jussus me de proposito saniore meo, cui, ut nosti, parendum fuit, quoniam se exhortari non patiebatur. In hoc ego munere nunc versor grato quidem aliis, michi vero ipsi, ut tibi verum fatear, permolesto. Nos tamen ut in ceteris rebus, ita in hoc ipso, quod Patria nobis injunxit, obeundo curas, cogitationesque nostras ad laudem honestatemque referemus: quamquam intelligo, dum his deservitur rebus, mirabilem studiorum meorum fieri jacturam. Sed haec qualiacumque sint, tolerare necesse est. De Petro autem viro clarissimo tuique amantissimo libentissime commendationes audiavi tum Reipublicae nostrae gratia, tum etiam hominis michi & semper alias, & nunc maxime

xime tua confirmatione jocundissimi. At ego summam ex illo quoque suscepi voluptatem, quod qualem te in illius commendatione perspexi, talem illum in tuis amplissimis laudibus referendis, cumulatque cognovi. Est autem nequaquam mirum, cum nihil amabilius virtute sit in hominibus, virtuosos ipsos inter se se plurimum amari. Ego igitur gratulor legationi vestrae, quae & rerum maximarum pondere, & difficultate incredibili locorum, & anxietate difficillima temporis virtutes utriusque vestrum non patefecit quidem, erant enim prius quoque patentes & clarae, sed majorem in modum tantis difficultatibus illustravit. Nos itaque Petrum cohortati sumus, & cohortaturi non desistemus, ut famam, atque gloriam factis extendere quammaxime pergat. De te autem, fortunisque tuis non aliter existimamus, quam de singulari praesidio rerum nostrarum. Vale, & me, ut facis, plurimum ama..

VIII.

LEONARDUS GUARINO S. P. D.

Silentium suum excusat, & de gratulatione gratias refert.

Guarine virorum optime, addo etiam doctissime quid nunc tibi respondeam, aut quo pacto tarditatem hanc meam, & procrastinationem excusem? Occupatum fuisse me? Quae fuerit occupa-

Tom. II. C cupa-

(i) Hanc, quae in edit. Brix. exstat, omisit Fabricius. Nos ex MSs. Codd. sic eam exhibemus.

cupatio tanta, per quam facultas non fuerit respondendi? Alieniorem fuisse animum? Testor Deum, te michi semper in primis carissimum fuisse, quanquam conati sint quidam contra moliri. Quid ergo fuit? Nichil protinus, nisi mos quidam meus ad scribendum tardior. Tu ergo feres aequo animo me fecisse idem in te, quod in ceteris facere carissimis soleo. Dnas a te epistolas habeo, unam perveterem de controversia malivolorum, qui nos invicem constare nitebantur, alteram benivolentia & gratulatione refertam pro hac nova dignitate mea. De prima hoc dicere michi breviter licet, factum esse inscio te, ut quidam homines, qui favorem tuum suis indignissimis odiis praetexebant, molestissime nos comparando ita me contemnerent, atque deprimerent, ut tibi ipsi, si affuisses, qua probitate es, dolor & fastidium gigneretur. Non possum negare me indigne tulisse. Sed tamen adversus illorum improbitatem multa per me, adversus autem dignitatem tuam nichil dictum fuit, quam moderationem laceffito praesertim non semel, sed dies singulos difficillimam esse sentiebam. Sed haec ut jam antiqua sunt, sic etiam antiquari facillime patior. Itaque totam huiusmodi controversiam praeterire, ac mandare silentio libet. De nova ista dignitate quod gratularis, est id quidem amoris, & benivolentiae tuae. Rem tamen scito molestissimam, & contra quod optarem, michi contigisse. Neminem credo tantum adhibuisse conatum pro honore adipiscendo, quantum ego adhibui, ne michi mandaretur. Sed quoniam voluntas Civitatis nostram diligentiam, & repugnantiam superavit, dedimus tandem manus, ne aut superbi nimium, aut ingrati videremur. Vita tamen illa ociosa, litteris studiisque intenta jocundior erat michi atque tranquillior, quam haec negotiosa, & civilis. Sed Patriae voluntati parendum fuit,

fuit, cui neque repugnare ad extremum, neque re-
fragari contumaciter debemus, ut Socrates in Cri-
tone sapientissime docet. Id ergo nos fecimus ad
tempus praefinitum, ne forte abjecisse nos omnino
propositum illud primum existimes. Vale.



nam gentium reperiantur, investigare sit cura: michi vero tu nunc carminibus tuis mirabilissimi fontis latices, ut vere dixerim, superfudisti. Juvenescere profecto me sensi statim, atque illa perlegi, graviorique deposita aetate ad juventam reduci. Natura hoc fieri dicemus, an alia quapiam ratione, ut in eorum affectuum, quos attente inspicimus, similitudinem traducamur, quod in risu & fletu licet intueri? Te igitur amantem inspicens, ac toto affectu effuse loquentem dispeream, ne ipse quoque amare incoeperim. Sed ante omnia illud discutendum est, quod de furore scripsisti inquires: *indulgere velis nostro Arretine furori*. Id alius forsan aliter; ego certe sic accipio, quasi laudis furor sit, non vituperationis. Sunt enim furoris, ut a Platone traditur, species duae: una ex humanis proveniens morbis, mala profecto res ac detestanda: altera ex divina mentis alienatione. Divini rursus furoris partes quatuor, vaticinium, mysterium, poësis, & amor. His vero Deos totidem praecessse veteres putaverunt. Nam vaticinium Apollini, mysterium, Dionysio, poëticam Musis, amorem Veneri tribuebant. Et vaticinium quid tandem sit, nemo fere, qui modo quicquam legerit, ignorat. Est enim divinatio quaedam, sed non omnis divinatio vaticinium est, sed illa tantummodo *magnam cui mentem animumque Delius inspirat vates, aperitque futura*, ut Maro⁽¹⁾ inquit. Nam aruspices, & augures, & conjectores, ac cetera hujusmodi turba, nec vates ipsi quidem sunt, nec eorum opus vaticinium est, sed sanorum hominum prudentia, & ingeniosa rerum futurarum conjectatio. Mysteria vero circa religionem, expiationesque, & propiciationes divini numinis versantur, cum vehementiori quodam men-

(1) Lib. VI. Aeneid.

+ An. d. Regie Archivum vgl. IXm

tis concitatione, qualia in sacris libris permulta ad placandam caelestem iram quibusdam suppliciis factitata leguntur. Poëma quoque eandem fere determinationem recipit, quam & de vaticinio supra dicebamus. Non enim omne opus poëma est, ne si versibus quidem constet: sed illud praestans, illud hac honorata nuncupatione dignum, quod afflatu quodam divino emittitur. Itaque quanto vaticinium conjectioni dignitate praestat, tanto poëma, quod ex furore fit, sanorum hominum artificio est anteponendum. Hinc illae sunt a bono poëta quasi velani hominis emissae voces: unde jubetis Ire ⁽¹⁾ Deae? & Virgilius ⁽²⁾:

. Dicam horrida bella,
Dicam acies, actosque animis in proelia reges,
Tyrrhenamque manum, totamque sub arma coactam
Hesperiam, major rerum mihi nascitur ordo,
Majus opus morbo

Quod totum vaticinantis more prolatum est a poëta. Quid ergo vaticinium, quid mysterium, quidve poëma, haftenus michi dictum sit. De amore autem postea dicemus. Nunc autem illud ostendendum est, has furoris species, de quibus supra diximus, non esse malas. Primum enim, ut a mysteriis incipiam, quis alienationem istam, ac furorem, & quasi abstractionem, raptumque hominis circa rem divinam dixerit esse malum? Quis vero non bonum, atque laudabile? amplo me in loco versari sentio. Exstant enim exempla pene innumerabilia divinorum hominum, si forte liberet hac in parte orationem extendere. Sed prolixitatem in re conspicua rejiciendam censeo. Circa mysteria igitur furorem non esse malum constat. Quid autem vaticinii furorem? illum non esse quoque malum vel ex eo patet, quod bona permul-

ra

(1) Statius Theb. Lib. 1.

(2) Lib. VII. Aeneid.

ta ab illo proveniunt. Sibyllae quoque, & huiusmodi furentes quidem dum essent, publice & privatim multis profuere, sanae vero exiguis, aut nullis. Poëtae quoque tunc demum boni existunt, cum suo illo corripuntur furore. Qua de causa vates eos nuncupamus, quasi furore quodam correptos. Qui vero absque furore Musarum poëticas ad fores, ut inquit Plato, accedit sperans quasi arte quadam poëtam se bonum evasurum, inanis ipse, atque ejus poësis prae illa, quae ex furore est, haec, quae ex prudentia, disperditur. Poëtarum ergo furor a Musis est, amantium vero a Venere. Oritur autem hic ex verae pulchritudinis contemplatione, cujus effigiem visu intuentes acerrimo, ac violentissimo sensuum nostrorum stupentes, ac velut extra nos positi totis affectibus in illum corripimur, ut non minus vere, quam eleganter dictum sit, amantis animam in alieno corpore vitam ducere. Haec igitur vehemens occupatio animi, atque correptio amor vocatur, divina quaedam alienatio, ac velut sui ipsius oblivio, & in id, cujus pulchritudinem admiramur, transfusio. Quem si furem ac vesaniam appellas, concedam equidem atque fatebor, dummodo intelligas, neque poëtam bonum esse ullum posse, nisi huiusmodi furore correptum, neque perfecte atque eximie Deum coli, nisi per huiusmodi mentis alienationem. De furore igitur haecenus michi dictum sit provocato verbis tuis. Equidem si talis est furor tuus, qualem ipse modo descripsi, non modo indulgeo illi, quod me flagitas, verum etiam ultro te ad illum cohortor. Qui enim amorem vituperat, quid tandem dici potest, nisi dignum esse illum, qui extremo in odio cunctorum versetur? Sed haec satis in epistola praesertim, quae longitudinem renuit. Carmina vero ipsa tua, atque hanc scribendi amoe-

nitatem usque adeo probo, ut inter Nasones, & Propertios, & Tibullos te existimem collocandum. Hi enim emendatissime, ornatissimeque omnium elegiam scripsisse putantur. Sed unum scias volo, me non tam tibi eximiam hanc palmam esse tribuendam existimare, quam amor. Ille est enim, qui verba tibi dictat, qui sententias ostendit, qui varietatem, & copiam, & elegantiam subministrat. Quod vero me tantopere laudas carminibus tuis, fateor, idem michi, quod Themistocli evenire. *Sed non ego credulus illis.* Nam conatum esse me atque conari, ceterum longe abesse; te vero nequaquam adulatum, sed benivolentia mei deceptum intelligo. Vale, & quotidie scribere aliquid, ut facis, dignum amore, & Musis ne cesses. Gloria quippe agendo periclitandoque acquiritur. Nec spectantibus coronae, sed certantibus parantur. Iterum vale. *Non. vultu. gloriosa 1428 (Vol. lat. 8. 215)*

I I. ⁽¹⁾

LEONARDUS REVERENDISSIMO D. CARDINALI S. CRUCIS.

Gratias agit pro Nepote suo inter domesticos recepto.

EGo vero gratias habeo Patri Cartusienſis Coenobii, qui deſideratas michi Reverendiſſimae Paternitatis tuae litteras detulit. Nam ad eam uſque diem nullas omnino habueram. Ex litteris vero ipſis ſummam equidem ſuſcepi voluptatem, tum quod munuſculum illud meum ſatis probatum ſapientiſſimo graviſſimoque iudicio tuo perſpexi, tum
etiam

(1) Hanc omiſit Cl. Fabricius.

etiam, quod laudes quaedam inerant, & cohortationes ad cetera obeunda. Ego igitur tanti viri iudicio confirmatus, non penitus inanem posthac fore operam meam, si quid forsan mandare litteris aggrediar, aestimabo. De Stephano autem Aretino necessario meo, quem dignata est R. P. tua ob litteras meas inter domesticos recipere, summas ago gratias, & certe ni talem novissem illum, qualem mundicies integritasque domus tuae flagitabat, nunquam de eo verbum facere ausum essem. Illi profecto fac erit apud tantum Dominum inter bona probatissimae disciplinae exempla educari, quem etsi non expediat, tamen ipsum R. P. tuae totis affectibus recomendo. Florentiae. Idibus Aprilis.

III.

LEONARDUS POGGIO S.

An Aristoteles Socratis discipulus fuerit.

Nichil opinor me juvissent commentaria illa tua de bibliothecis Germanorum eruta ad vitam Aristotelis componendam. Hoc enim ipsum, quod tu magnificare videris, triennio videlicet in disciplina Socratis illum fuisse, prius quam Platoni se traderet, perridiculum esse scito. Socrates enim, ut tempora ipsa ostendunt, aliquot prius annis obierat diem, quam Aristoteles nasceretur. Quomodo igitur discipulus ejus esse potuit, qui non erat? Nec ego id ipsum, quod tu scribis, ignorabam, a quibusdam parum eruditis traditum. Legeram namque & ipse hujusmodi ineptias, sed quia falsum sciebam penitus rejiciundum putavi. Ad octogesimum aetatis.

tis annum Plato vitam perduxit: eo adolescente Socrates ex damnatione illa nefaria veneno interiit: Aristoteles autem longe postea Platoni jam plane senī, & majori sexagenario cohaesit. Inter supremum vero Socratis diem, & Aristotelis exortum anni circiter quatuordecim interfuisse comperiuntur: Huic ergo scriptori tam manifeste deliranti, ego aut de Platonis statua & epigrammate, aut de ceteris fidem praestem? Quanquam de statua quidem etiam maxime verum foret, vulgarior tamen ea res est, quam ut litteris mandare expediat. Non enim omnia in describenda vita sunt congerenda, sed illa dumtaxat, quae notatione sint digna. Statuas vero Philosophorum usitatissimum fuit discipulos habere. Unde illud est, quasi poëtae irridentis:

.⁽¹⁾ *Quanquam plena omnia gypso
Chryssippi invenias, nam perfectissimus horum est,
Si quis Aristotelem similem, vel Pittacon emit,
Et jubet archetypos pluteum servare Cleantbas.*

Et Cicero: - *propter statuam Platonis consedimus.* Haec igitur dixisse velim, quod intelligas me lente admodum & morose singula considerasse, quae in illius vitam conjeci, nec quicquam ponere voluisse, quod aut falsum, aut leve, aut ineptum censuerim. De Plinio autem quod postulas, nunc fieri non potest, quoniam id volumen apud quendam ex familiaribus exemplum scribenti praebet. Vale.



IV.

LEONARDUS C. LUCENSI S.

Judiciorum quendam certum ordinem esse.

AEquum fuerat, egregie Vir, si quid a me per litteras tuas quaerebas, expectare responsionem, non autem & quaerere simul, & tibi ipsi respondere. Quaestio nanque omnis de re dubia consuevit esse. Terminatio autem certitudinem flagitat. Quod si haec licentia hominibus tribuatur, ut & narrent ipsi rem suo arbitratu, & falsa pro veris, incognita pro cognitis asserant, deinde ipsimet sententiam ferant, quae auctoritas erit hujusmodi judicio, quod non meritum causae, sed libido expresserit, in quo idem accusator, & iudex? Verus enim judiciorum ordo personas distinguit, ut sit alius accusator, alius defensor, alius iudex. Controversia vero omnis fere litigantibus est aut facti, aut juris. Si de facto ambigitur, tabulis, testibus, signis, argumentis, conjectura probatur. Si de jure, aequi, vel iniqui ratio in medium venit. Sed ante omnia factum discutiatur oportet, frustra nempe de jure quaeritur, ubi factum non constet. Haec, ut vides, communia sunt. Nunc ad nostra regrediamur, ut intelligas, de quibus conveniat inter nos, & de quibus adversemur, & cernas, quam multa desint ad veritatem conclusionis tuae. Non potuisse salva fide contra Paulum Guinifium inferri bellum a Florentino Populo dicis, cum esset idem ipse pro adhaerente ejusdem Populi in pace nominatus. Nos autem nominatum confitemur, & tamen salva fide bellum sibi

in-

inferri potuisse affirmamus. Haec igitur prima quaestio juris est. Quod tu per hujusmodi nominationem remitti priores injurias, & obligationem inter nominantem & nominatum oriri existimas, nos rem inter alios actam nullam hujusmodi vim habere putamus. Haec igitur juris: facti vero illa, quae sequuntur. Tu occultis insidiis, & dolosis simulationibus usum Florentinum Populum in hoc bello inferendo calumniaris: nos nullum protinus dolum, nullam simulationem, nullas insidias in illo fuisse certissime scimus. Tu non denunciatum fuisse bellum praedicas: nos per Philippum, qui & vivit, & testimonium perhibebit, denunciatum fuisse affirmamus. Haec & hujusmodi, de quibus controversia est, prius a te probanda erant, postea lamentanda. Nisi enim facta haec ostendis, & illa superiora fuisse injusta probes, nulla tibi de his aut querela, aut exprobratio justa esse potest. Sed tu nec ista quae sunt facti, nec illa quae sunt juris ullo modo probas, sed ex nuda, simplici-que narratione concludis. Hoc igitur primum in litteris tuis non probo: Deinde illud vehementer reprehendo, quod aut te, aut me rebus populorum admisceas, quasi nostrae sit censurae illos corrigere, ac non potius arrogantia vesaniaque haberi debeat, homunculum unum ex se ipso nemine deferente tantis de rebus iudicium sibi assumere praesertim inaniter. Quid enim quaeso nostra haec censura proficere potest? ne fiant? At facta sunt. ut corrigantur? Unde haec censura nobis? Frustra autem niti, nec aliud se fatigando, nisi odium quaerere extrema dementia est. Ego tamen invitus licet, quoniam me provocas, defensionem scripsi, quam tibi mitto. Et quia de re populi agitur, popularibus verbis uti placuit, ut populi ipsi, quorum causa agitur, non ab interprete, sed ex se ipsis intelligere possint. Videbis

bis autem in tractatione ipsius causae, quam indigne leviterque proflueris ad rem tibi non satis notam reprehendendum. Vale Florentiae VI. Idus Januariis.

V.

LEONARDUS POGGIO S.

*Sepulcrorum magnificentiam docet vanam esse,
potissimum indignorum.*

REs protinus risu digna michi nuper occurrit, dum iter facio in agrum Aretinum. Offendi enim boves plostra trahentes, anhelantesque. In plostris columnae vehebantur marmoreae, & statuae duae non satis fabrefactae, basesque, & arculi, & hyperstilia, casuque in saltus difficiles conjecta plostra expediri non poterant. Circumstabant vero redemptores cum dolabris, purgantes iter, adjuvantesque. Tunc ego novitatem rei admiratus, neque enim plostra per eos saltus traduci neque marmora importari consueverant, accessi propius, & percontatus sum, quid rei esset: & quonam illa tam molesta opera deferrentur. Tunc unus ex redemptoribus me aspiciens, ac simul manu sudorem a facie abstergens, pertaesus credo laboris, ac secum ipse indignans, dii perdant, inquit, poëtas omnes, & qui fuerunt unquam, & qui futuri sunt. Egoque hoc ejus responsum audiens, quid tibi cum poëtis est, inquam, aut qua tandem in re tibi molesti fuerit? In eo, inquit, quod hic poëta, qui nuper defunctus est, stultus nempe homo atque ventosus, sepulcrum sibi fieri marmoreum imperavit. Eaque de cau-

causa marmora haec Montepolitianum deferuntur, sed credo perducere nunquam poterunt difficultate viarum. Et ego volens clarius intelligere, quid ais, inquam? an Montepolitiani poeta quisquam decessit? Non ibi, inquit, sed Romae: sepulcrum tamen in patria faciendum sibi testamento providit. Atque haec est imago ejus, quam cernis, altera vero parentis, quam juxta se collocari jussit. Tum ego de patria, & de obitu conjecturam faciens, audieram enim nuper quendam Bartholomaeum Montepolitianensem Romae interisse, pecuniarumque nescio quid reliquisse, interrogavi redemptorem, num de eo loqueretur, illeque hunc ipsum esse annuit. At enim inquam, cur tu poetis ob hunc asinum maledicis? An tu illum poetam credis fuisse, qui nullam neque scientiam, neque doctrinam cognovit? Stulticia vero, ac vanitate omnes omnino homines superavit? Non novi, inquit illum, dum vixit, nec eum nominari unquam audiui, sed oppidani quidem sui poetam illum arbitrantur, & si paulo plus pecuniarum reliquisset, Deum putarent. Quod si non fuit ille poeta, nec maledictum poetis velim. Atque ego tunc abiens considerare mecum coepi redemptoris verba, qui stultum hominem, atque ventosum dixerat eum, qui Romae decedens marmoreum in patria sibi fieri sepulcrum imperasset. Re enim vera sic est: nemo qui gloriae suae confidat, de sepulcro sibi faciundo unquam cogitavit. Operum enim laudabilium fama & claritate nominis contentus, satis ob hoc ipsum posteritati se se putat commendatum. Quid enim sepulcrum, quoad muta res est, juvare sapientem potest? Aut quid vilius, quam sepulcrum memorari, vitam sileri? Tres eminentissimi imperatores variis seculis fuisse referuntur Cyrus, Alexander, Caesar. Quorum Cyrus qui fuit antiquior, nedum sepulcrum
infi-

insigne appetierit, sed testamento mandavit nullum sibi sepulcrum constitui, sed terra humari, affirmans terram flores producere, & segetes, & arbores amoenissimas, preciosissimasque efferre, nec ullam generosiores sepulcri materiam reperiri posse. Itaque nuda in humo sepelire corpus suum jubet sine ullo penitus marmore, aut structuræ monumento. Recte quidem: virtus enim illius, & facta egregia penitennem sui memoriam pollicebantur futuram. Bella quippe maxima singulari fortitudine industriaque conlecerat, victorias plurimas gloriosissime reportarat, imperium Medis adeptum in Persas transtulerat. Ipse vero mirabili sapientia præditus, vitæque & moribus ut ita dixerim, civilissimus, optimis legibus sanctissima disciplina paritum a se imperium communierat, ex quo Cambysæ, & Ochi, & Xersæ, & Artaxerxæ, & Darii longissima ac potentissima successione regnaverunt. Hic ergo tantus, & talis imperator humi sepeliri voluit, marmor autem Parium, aut Nunidicum lapidem non quaesivit. Eadem in Cæsare & Alexandro mens fuit, quorum neutrum de sepulcro sibi faciendo videmus cogitasse. Facio contumeliam summis viris, quos in reprehendendo hoc vilissimo homine testes adduco. Sed tamen si excellentissimi viri hanc vanitatem ambitiosam cum laude vitarunt, quantum in hac faece hominis hæc est superbia deridenda? Tu marmora tibi ex longinquo portari, tu sepulcrum fieri, & statuas tibi ipsi collocari testamento jubis? Quo merito quaeso? An scientia, quæ in te nulla fuit? An litteris, quarum vix quatuor tenebas? An vita, & moribus, qui levissimus, ac singulari stulticia plenus nichil consilio; cuncta vero temeritate vesaniaque prosequere? Verum enim si non mores, at genus illum honestat, dignumque & statua, & sepulcro marmoreo facit

cit natum ex patre mercatore circumforaneo, avia obstetrice, matre fanatica. An propter pecunias sub terra absconditas statua dignum te ipsum censebas? Hoc suberat unum videlicet. Verumtamen has ipsas pecunias Pontifex post mortem tuam, cum illae tandem in lucem venissent, ut tibi a te furto subtraheretur, reposcit. Quid scribes quae in sepulcro? quae acta? quas res gestas insigniri facies? An pater tuus ut asinos & merces circum nudinas agebat? An avia, ut editos in lucem partus tollebat, puerperis ancillabatur? An mater, ut in fanis soluto crine volitabat? An tu ipse, ut pecunias furtim cumulabas? An Pontifex, ut eas pecunias reposcebat? Haec est summa rerum tuarum, haec est gloria tua atque tuorum, quae talia sunt, ut si modo quicquam speres, si non ut in omni vita, sic etiam moriens stulticia ac temeritate delatus esses, testamento cavisses, ut tu olim pecunias, sic etiam te tui sub terram absconderent, ne risus & querelae materiam haec tua sepulcri vanitas, & ambitio exhiberet.

VI.

LEONARDUS NICOLAO S.

Adbortatur juvenem ad optima litterarum studia, docetque, quae nam literae aliis praestent.

VEhementer me delectarunt litterae tuae, quas nunc primum ad me scripsisti. Ferebant enim prae se & naturam praestantissimam, quod est ingenii, & disciplinam vigilantem & solertem, quod est studii, ac diligentiae. Itaque michi contigit aetatem istam tuam & sensum earum litterarum confide-

consideranti, ut admirabilis quaedam, ac place supra annos haec tua maturitas videretur. Nec vereor, si modo tibi ipse non deeris, praecellentissimum te virum esse evasurum. Quamobrem invigila quae so, ac per singulos dies adde insuper aliquid, et accumula, considerans permagna in his studiis praemia tibi esse proposita ad constitutionem vitae, ac nominis celebritatem, & gloriam. Haec duo, crede michi, & opes amplissimas consequentur, quae celebribus viris ac virtute expolitis nunquam volentibus defecere. Habes praeceptorem eximium, cuius imitari diligentiam, & assiduitatem debes. Studium vero tibi sit duplex, alterum in litterarum peritia non vulgari ista & communi, sed diligentiori quadam atque recondita, in qua praecellere te magnopere volo: alterum in cognitione earum rerum, quae pertinent ad vitam & mores, quae propterea humanitatis studia nuncupantur, quod hominem perficiant, atque exornent. In hoc genere varia & multiplex & undecunque arrepta sit tibi cognitio, nichil us praetermittas, quod ad institutionem vitae, quod ad decus, quod ad laudem pertinere videatur; sed eos legas censeo, qui non solum doctrina, verum etiam nitore orationis, ac peritia litterarum juvare te possint, quales sunt Ciceronis libri, & si qui proxime accedunt. Si tamen me audies, fundamenta disciplinamque harum rerum ab Aristotele perdisces, ornatum vero orationis, & copiam, & omnes verborum divitias, sermonisque, ut ita loquar, dexteritatem in his ipsis rebus a Cicerone mutuaberis. Volo namque praestanti viro hoc adfir, ut & scientiam rerum habeat abundantem, & ea ipsa, quae scit, illustrare dicendo, & exornare possit. Hoc autem facere nemo valebit, nisi qui multa legerit, multa didicerit, multa undique deterpserit. Itaque non modo a philo-

sophis doctus, quod est hujus studii fundamentum, verum etiam a poetis, & ab oratoribus, & ab historicis paratus venias oportebit, ut copiosa, & varia, ac nulla in re rudis sit tibi oratio. Brevior sum in his explicandis, quoniam novi te illa legisse, quae de studiis & litteris alias a nobis scripta fuere, in quibus formam hujus disciplinae vel expressimus nos quidem, vel certe adumbravimus. Hanc vero praestantiam si tu, quemadmodum spero, nanciscare; quatenam divitiae cum horum studiorum praemiis fuerint comparandae? Licet enim juris civilis studium vendibilis sit, utilitate tamen & dignitate longe ab istis studiis superatur. Nam studia quidem ista ad faciendum virum bonum tota contendunt, quo nil utilius excogitari potest; jus autem civile ad faciendum virum bonum nil pertinet. Quid enim bonus vir de aqua pluviali arcenda, aut de perendinis cognoscendis laboret? aut qui melior erit quis, si partum ancillae in fructibus esse censeat, quam si non censeat. Quin etiam bonus vir, & legata persolvat, & mandata testatoris adimplebit, etiamsi septem testium solemnitas testamento defuerit. Ac jus civile contra disponit. Praeterea bonitas & virtus stabilis est, jus autem locis & temporibus variatur, ut saepe quod Florentiae legitimum est, Ferrariae sit contra legem. Jam vero magnis ac praectaris viris non satis decora est haec in litibus & controversis mercenaria versatio. Itaque qui nobilitate aut divitiis praecellunt militiae dignitate gaudent, doctoratum vero sibi ad dedecus potius, & ignominiam reputarent. At enim superioribus illis studiis tanta dignitas inest, ut nemo Princeps, nemo Rex sibi turpe ducat scientia illarum rerum, & eloquentia insigniri. Alexandrum certe Philippus pater Aristoteli tradidit non ad discendum jus civile, quod tanto Regi sordidum fuisset, sed

sed ad doctrinam vitae ac morum, & ad eloquentiam perdiscendam. Omitto voluptatem, jocunditatemque illorum studiorum, quae tanta est, ut difficile sit inde mentes revellere. In jure autem civili perdiscendo, quid tandem praeter mera taedia? Itaque oscitans scientia non immerito ab antiquis vocatur. Sed haec satis. Michi enim ad te scribenti potius his de rebus loqui, quam aut de familiae, aut de parentis amicitia placuit. Illa enim tempus expectare possunt, & sunt non indicta prius. Cohortationem vero ad haec studia non est visum differre. Vale.

VII.^oLEONARDUS ATTO MILITI SAXO-
FERRATENSI S.

*Amicum rogat, ut Matatestarum Familiae
se commendat.*

ETSI cognosco me prolixioris epistolae debitorem esse, tamen cum Ariminensis iste domum ad me venisset, & numquid vellem rogaret, non permisi ipsum ad te vacuum redire litterarum mearum. Gaudeo igitur semperque gavisus sum, prospera atque secunda de tuo statu, dignitateque audisse. Nec puto esse quemquam amicorum tuorum, qui me in hac parte gaudii, atque benivolentiae antecedit. Id vero totum proficiscitur ex ingulari praestantia virtutum tuarum, qui humanitatem summam cum gravitate morum, & sapientiarum gerendarum mirifice conjunxisti, ut idem tu

D 2

& ama-

¹) Haec deest in edit. Fabriciana.

& amari ut facilis, & timeri ut fortis, & obsequari ut prudens mereare. Sed haec cum aliis uberius & solutius, quam tecum de te. Nunc autem iuvet locus iste, in quo degis, ut non praetermittam de me aliquid scribere. Equidem tanto ardore generosam inclitamque Malatestarum Familiam colui, ut non alienum proceres illi me existimarent, sed unum de ipsis. Ut enim ceteros omittam, cum inclitae memoriae Carolo Principe illius familiae ita aliquando vixi, ut neque mensa, neque venatio, neque studia litterarum me ab illo sequestrarent. Qui peractis ad occasum venationibus ita redire Ariminum solebamus, ut duobus vel tribus passuum millibus disputando summis interdum contentionibus, ac desperatis prope clamoribus certaremus. Fuit enim illi ingenium magnum, & scientia multarum rerum abundans. Ceterum ita pertinax in disputando, ut quid semel dixisset semper defenderet, & suppetebat mirabilis quaedam copia rationum, argumentorumque ad cuncta, quas assumpserat sustinenda. Ex quo frequenter fiebat, ne clamores, contentionesque deessent. Sed idem in omni virtute ceteris hominibus longe meo iudicio praestitit. Quorsum vero haec? Ut junioribus istis proceribus, qui illi succedere, me norum, & commendatum facias. Vale, & laborem harum litterarum in concessione illius officii, quod postulat, habeas recommissum. Iterum vale. *Arretini (Bibl. Vat. 215)*



VIII.

LEONARDUS NICOLAO S.

*Consolatur Nicolaum in funere matris, describitque
felicitis mulieris laudes, & dotes.*

QUoniam publico munere necessario detentus
adesse tibi in parentis tuae optimae atque
praestantissimae mulieris luctuoso funere ne-
quivi, quod reliquum est litteris adimplere officium
tentabo. Neque enim confido praestare id posse.
Ecce enim cum pietatem filii debere me illi & habere
intelligam, ac in luctu prope aequali tecum ver-
ser, sentio profecto me consolatione potius indige-
re, quam alios consolari posse. Quae tamen ad ra-
tionem desolenti animum michi venire in mentem
soleant, recensere constitui, si forte ea res lenire ali-
qua ex parte dolorem tuum valeret. Quid tanto-
pere fugemus inquam? Quid afflictamur? quasi ve-
ro novum quoddam, inopinatumque acciderit. Num
quaeso vel ignotum, vel ambiguum fuerat illam esse
mortalem? Num ad maturitatem jam plane suam
& senium pervenisse? Num annorum numerum eum
implesse, quem vix centesimus quisque pertingit?
Cursus autem vitae cui unquam prosperior, aut bo-
nis omnibus cumulator fuit? Quid igitur nobis vo-
lumus? quid exposcimus? quid erga superos usque
adeo ingrati atque perversi sumus? Quae enim ma-
gnopere a diis immortalibus precaremur, ea nobis
collata non recognoscimus. Bona quidem, nisi ego
fallor, in mulieribus numerantur, genus, forma, pu-
dicitia, foecunditas, liberi, divitiae, superque his omni-
bus

bus virtus, & probitas. Ego quoque his addo valitudinem prosperam, & vitae longinquitatem. Nam in fracta, miseraque valitudine etiam superiora squalent bona, & in brevitate vitae nulla perfectio potest existimabilis reperiri. Horum igitur omnium si quisquam docere potest aliquid huic primariae mulieri defuisse, confitebor equidem non esse illam tantopere extollendam. Sed quid defuit quaeso horum omnium, quae superius numerata sunt? quid non abunde etiam superfuit? Nam ut breviter percurram singula ab initio exordiens: maternum illi genus praestantissimum fuit ex clarissima familia Malatestarum; paternum vero ex gente honoratissima, ac maxima nostrae civitatis, patre, avo, & atavo splendidissimis equitibus, forisque, & domi summae auctoritatis. Quid igitur magnificentius, quid illustrius in hac parte dici potest? aut quid insignius, quam tanta claritate majorum honestari? Forma vero fuit egregia plane, atque magnifica, plena dignitatis, plena ingenii, plena pudoris, aderatque & in proceritate generositas quaedam, & in gravitate auctoritas, & in diligentia commendatio probitatis. Qua quidem in parte licet a Zenone, Stoicisque reclametur, tamen veterum michi Academicorum, Peripateticorumque sententia magis probatur, qui ut fuco atque fallaciis affectare falsam opinionem formae damnandam, sic natura largiente verum decorem grate suscipiendum existimant, & in bonis numerandum. Nec ego sane lepiditatem, aut venustatem in hac praesertim muliere laudari, sed praestantiam quandam nativam & venerationis plenam dignitatem. Nam de pudicitia quidem illius, in qua fuit unicum singulareque exemplum, tacere melius est, quam pauca dicere. Nupra vero fortunatissimo conjugii divitiis, opibus, celebritate nominis suae aetatis omnium nostrorum civium

ivium praestantissimo, numerosam sobolem procreavit, viditque multitudinem ex se progeneratam, filiorum filios, atque nepotes. Quanta sunt quaevis ista, quae adhuc numeravimus, & quanti existimanda? vel quam multi reperiuntur, quibus ista contigerint? Uno fortasse aut altero nonnulli, cunctis vero simul cumulatis perpauca admodum gloriari possunt. Sed bona animi maxime in ea muliere conspicua fuere: admirabilis probitas, insignis humanitas, magnificentia, liberalitasque egregia, maximeque ad decus, & praestantiam erecta mens. Quid dicam de humanitate mirifica, de charitate in suos, de dilectione in omnes, de bonitate denique singulari, in qua nullam unquam mulierem huic comparandam me cognovisse affirmare verissime possum? Prudentia vero quanta fuerit vel ex illo apparet, quod maximam domum, magnas clientelas, varia, multipliciaque negotia mortuo conjuge per annos amplius triginta sic gubernavit, ut nemo consilium aut prudentiam viri deesse in tanta administratione unquam sentiret, essetque ipsa simul regula morum, & integritatis, honestatisque disciplina & norma. Cum his illa laudibus ad septuagesimum quartum pervenit annum prospera valitudine & continuata auctoritate, exitum quoque vitae facilem tranquillumque sortita, qualis superiori ejus moderationi maxime congruebat, desiderium sui mirabile filiis propinquisque reliquit cum unanimi, consentienteque omnium commendatione. Ego igitur hanc mulierem pro tantis, atque ita continuatis ad extremum usque vitae diem bonis nequaquam lacrymis decorandam puto, sed gratulatione & gloria prosequendam. Nec adversi quicquam illi accidisse existimo, quod mortua sit, nec sane in morte quicquam est mali, propterea quod aut extinguantur protinus omnes sensus, & fiat quasi somno cuidam

nunquam interrupto simillima requies, qua si est suavissimum unius interdum noctis toto spacio sine ulla intermissione potiri: quanta suavis in illo sempiterno tempore est existimanda? Aut si remaneant sensus, vivantque animi nostri post mortem, viam illam facilem ingressos ad meliora domicilia migrare, & cum melioribus & sui similibus habitare est procul dubio confitendum, ut aut nichil mali sit in morte, aut malum etiam boni. Cum vero ex duobus alterum necessarium sit, & quibusdam incertum obscurumque videatur, ego tamen michi persuadeo, animos hominum esse sempiternos, atque optimo cuique cum a corporeis vinclis fuerit liberatus, reditum facilem in Coelum patere, ubi nunc illa consistens ac tenebris exuta puro intuitu divina illa spectacula contemplans, imbecillitatem nostram miseretur, seque, nunc tandem vivere, nostram vero hanc, quam vitam dicimus, mortem esse cognoscit. Equidem homini jam plane seni, qui cum laude eximia vixerit, optandam etiam mortem existimo, cum & impendeant quotidie permulta, quibus periculum est, ne extrema aliqua labe superioris vitae splendor, & gloria deturpetur, ut Priamo regi, & Pompejo accidit, quorum utrumque calamitates extremae ex superiori felicitate miserabilem reddidere. Vel ut ista cessent, tamen illud est certissimum aetate longius proventus incommodum, quod necesse sit quodammodo haberi sensus, videreque deterius, atque audire, & in ceteris multis natura ipsa debilitari & frangi, ut optime cum illa actum in hoc suo decessu putare debeamus. Quod si nostram vicem dolemus, quia videlicet spoliati illius praesidio atque solatio sumus, isque nos moeror afficit, & in luctum impellit; videndum est, ne nimis ingratis atque injuste commodum nostrum illius commode anteferamus. Amor enim

verus ad ejus, quam diligimus, causam, non ad nostram est referendus. Si enim aetas illius jam ingravescens, & ante parva laus, & fortunae mobilitas hoc flagitant, ut illam ad extremum vitae diem quasi in portum quendam ex longa periculosaque navigatione tuto se recepisse gratulandum sit atque letandum; nolimus quaeso illius commodum lamentari, aut desistere. Denique illa certe, qua benivolentia fuit, hoc nos in dolore versari permolestè fert, & cessare nos jubet atque desistere, cui etiam mortuae parere, & condonare moerorem nostrum debemus, & quantum natura patitur, moderate perferre idus
deember. An. d. vi. 427 (Ant. lat. 8. 25)

IX.

LEONARDUS CYRIACO S.

Regis nomen majus esse, quam Dictatoris. Dictatoris autem praestantius Imperatoris nomine fuisse docet.

Melius erat, o Cyrlace, non tantum sapere, quantum sapi; siquidem te scientem aliorum errata conturbant, quae ab ignorante nulla molestia praeterirentur. Habet enim ignorantia multis in malis quiddam boni, quod minus angitur, quia minus sentit. Atque ut ad postulata veniam tua, admiratum te dicis in hoc novo Sigismundi Principis adventu, quod qui ante coronationem se Regem scriberet Romanorum, post coronationem quasi majus quiddam & dignius exprimere volens, Imperatorem se nuncupabat, non Regem, quod tu perperam factum arbitraris. Itaque te id reprehendisse ais, & quaeris a me, num idem sciam quod tu, an contra

tra putem. Ego vero & in his & in aliis permultis plurima michi videor quotidie cognoscere errata, sed utor Democriti regula: rideo enim illa, non fleo. Quid enim mea refert, quemadmodum barbari loquantur, quos neque corrigere possum, si velim, neque magnopere velim, si possim? De Rege tamen & Imperatore idem sentio, quod tu & jampridem ridens barbariem istam hoc ipsum notavi, atque redargui. Tres enim gradus majorum dignitatum apud Romanos, de quorum Principe loquimur, fuisse: Rex, Dictator, Imperator. Ex his suprema omnium potestas Rex est; post Regem vero secundum tenuit dignitatis locum Dictatura, post Dictaturam Imperium tertio gradu consequitur. Hujusce rei probatio est, quod Octaviano Imperatori optime se gerenti volens Senatus Populusque Romanus dignitatem augere, pro Imperatore Dictatorem facere decrevit, quod ille non recepit, sed flexo genu recusavit, quasi majoris status, majorisque invidiae dignitatem existimans, Imperatoris, nomen modicum ac popolare, si ad Dictatoris fastigium comparatur. Inferioris ergo dignitatis Imperator est, quam Dictator, ut ex hoc pater: majorem vero esse Regiam potestatem, quam Dictaturam, ex eo potest intelligi, quia Julius Caesar Dictator cum esset, affectavit Regem fieri, cujus gratia interfectus est non ferentibus civibus, ut Regiam assumeret potestatem, sed Dictaturam utpote minorem aequis animis in eo patientibus. Haec igitur quae adhuc dixi, etsi nulla penitus alia superadderentur, tamen ipsa per se vel sola probant abunde Regium nomen, quam Imperatorium esse praestantius, nisi forte aut Senatum, dum pro Imperatore Dictatorem facere volebat, aut Caesarem, dum ex Dictatore Rex fieri cupiebat, non intellexisse vim istarum dignitatum existimemus. Sed nolo his esse contentus praefere-

fertim ad te scribens, cujus aures novi quam avi-
 distimae sint vetustatis simul, ac veritatis. Explice-
 mus ergo singulorum naturam, qua cognita & inter
 se comparata differentiam sui dilucide nobis osten-
 dant. Regem omnes sic accipiunt, quasi suprema
 quaedam & absoluta sit potestas, supra quem in suo
 regno nemo sit, sed ipse praesit omnibus. Ex quo
 fit, ut Rex nisi unus duntaxat esse non possit, plu-
 res enim reges eidem regno praesidentes se se mu-
 tuo impedirent, naturamque perimerent Regis, quae
 non omnibus praeset, sed haberet paritatem. Pa-
 tet hoc in antiquis, modernisque Regibus. Neque
 enim Numa, neque Hostilius, neque Ancus, neque
 alii deinceps Romani Reges consortem, aut socium re-
 gni habuere. De Romulo, & Tacio ferunt: Sed
 alter Sabinorum, alter Romanorum Rex erat, &
 in propinquo collati repugnante natura se se passi
 non sunt. In modernis quoque Regibus idem ap-
 paret. Neque enim Francorum, neque Anglorum
 plures simul Reges regnum gubernant, sed unus &
 solus, cui fratres, cui patru, cui propinqui omnes
 genua submitunt. Cessit jam quandoque apud hos
 filio pater, cui regiam potestatem se vivo transferre
 in filium voluit, ipse dimisit, quoniam duos simul
 regiam potestatem habere contra naturam est hujus
 dignitatis. At Imperatores simul plures saepissime
 fuerunt: non est enim suprema potestas imperium,
 sed salva republica, salva auctoritate Senatus & Po-
 puli, & salva libertate Imperator creabatur. Est enim
 imperium armorum exercituumque ad tutandam au-
 gendamque Rempublicam commissa auctoritas. Ita-
 que Imperatore existente nichilominus Consules, Prae-
 toresque, ac ceteri Magistratus in republica manebant;
 Rege autem existente manere non poterant, quod
 patet ex Dictatura. Illa enim, quia vim quandam
 regiae

regiae potestatis habere videbatur, simul atque induta fuerat in Rempublicam, ceteri magistratus omnes interibant, & abrogati per creationem Dictatoris censebantur praeter Tribunos plebis, & in hoc differabat Dictator a Rege, quod Dictatore existente plebs, plebeique magistratus vim, auctoritatemque suam retinebant: Rege autem existente Tribunitia potestas, plebisque auctoritas omnis omnino solvebatur. At enim cum Imperatore cuncti simul magistratus in republica perstabant, & auctoritas vigeat Senatus, & Populi libertas servabatur. Ex quo apparet Imperatorem non esse dominum, sed legitimam potestatem, nisi forsitan Crispum Salustium ignorasse vim potestatemque Imperatoris nominis arbitremur, qui inquit: *Nam cum tu te per molliciem agas, exercitum supplicio cogere, idest dominum, non Imperatorem esse. Volo insuper unam, vel alteram rationem inducere, quo majoris dignitatis regium nomen esse ostendam; imperium enim quibusdam Magistratibus recte tribuimus. Nam omnes, qui jurisdictionem exercent, ac punire & coercere possunt, imperium habere dicimus, & regnum habere illos nunquam diceremus, quoniam nomen imperii legitimam potestatem significat, regnum autem habere supra leges esset. Praeterea, quae Deo tribuimus vocabula, ea praestantissima sunt existimanda. Cum enim Deus ineffabiliter excellat, nec ulla humana reperiri digna possint ejus majestate, illa Deo tribuimus, quae apud nos sunt maxima, quoniam majora tribuere non habemus. Deum autem Regem nuncupamus, ac regnum Coelorum dicimus, ut sacrae litterae, poëtaeque testantur: Imperatorem vero qui Deum vocaret vix quisquam reperitur, propterea quia Rex supremam potestatem absolutamque significat, Imperator vero longe inferiorem. Ex his omnibus luce clarius appa-*

apparet, qui imperatorium nomen regio nomini anteferunt, eos in maxima ignoratione versari. Sed heus tu qui hunc errorem notasti, cur alium huic annexum tacitus praeteristi? Coronari enim Imperatorem ubinam gentium mos fuit? Quis Imperatorem Romanum antiquis illis temporibus coronatum fuisse unquam audivit, aut legit? Non Augustum, non Tiberium, non Caligulam, non Neronem, cum praesertim hi duo extremi intolerandae superbiae, aut luxuriae forent, non Trajanum, non Adrianum, non Antoninum, nemo inquam istorum coronam imperii unquam suscepit, aut habuit, aut usus est, nisi forte lauseam, cum triumphasset, aut rostratam, quod classem hostium cepisset, quae duae coronae non Imperatorum erant magis, quam quorumcumque triumphantium, aut vincentium. An ergo quod illi tantam imperii magnitudinem habentes non faciebant, hi quatuor jugerum possessores coronabuntur? Enimvero non ut Imperatores, sed ut Reges Romani coronantur. Cur ergo se post coronationem Imperatores scribant, non Reges? Deinde totum hoc ignorantiae est, cum ne Reges quidem Romanos unquam coronari mos fuerit. Romulus enim, & hi, qui post eum fuerunt Reges nunquam coronam receperunt, aut gestaverunt, aut usi sunt. Idem quoque observatum est a Tuscorum regibus, ut nunquam corona uterentur, sed trabea dumtaxat, & palmata tunica. Quare hanc barbariem quaelo cum sua ignorantia valere sinamus, & nos antiquis doctissimorum virorum scriptis, quod unicum est refugium, oblectemur non curiosi, quid agant isti, aut quemadmodum loquantur. Vale.

des. Andri 1437 (Quint. Lat. 6. 215. v. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000. 1001. 1002. 1003. 1004. 1005. 1006. 1007. 1008. 1009. 1010. 1011. 1012. 1013. 1014. 1015. 1016. 1017. 1018. 1019. 1020. 1021. 1022. 1023. 1024. 1025. 1026. 1027. 1028. 1029. 1030. 1031. 1032. 1033. 1034. 1035. 1036. 1037. 1038. 1039. 1040. 1041. 1042. 1043. 1044. 1045. 1046. 1047. 1048. 1049. 1050. 1051. 1052. 1053. 1054. 1055. 1056. 1057. 1058. 1059. 1060. 1061. 1062. 1063. 1064. 1065. 1066. 1067. 1068. 1069. 1070. 1071. 1072. 1073. 1074. 1075. 1076. 1077. 1078. 1079. 1080. 1081. 1082. 1083. 1084. 1085. 1086. 1087. 1088. 1089. 1090. 1091. 1092. 1093. 1094. 1095. 1096. 1097. 1098. 1099. 1100. 1101. 1102. 1103. 1104. 1105. 1106. 1107. 1108. 1109. 1110. 1111. 1112. 1113. 1114. 1115. 1116. 1117. 1118. 1119. 1120. 1121. 1122. 1123. 1124. 1125. 1126. 1127. 1128. 1129. 1130. 1131. 1132. 1133. 1134. 1135. 1136. 1137. 1138. 1139. 1140. 1141. 1142. 1143. 1144. 1145. 1146. 1147. 1148. 1149. 1150. 1151. 1152. 1153. 1154. 1155. 1156. 1157. 1158. 1159. 1160. 1161. 1162. 1163. 1164. 1165. 1166. 1167. 1168. 1169. 1170. 1171. 1172. 1173. 1174. 1175. 1176. 1177. 1178. 1179. 1180. 1181. 1182. 1183. 1184. 1185. 1186. 1187. 1188. 1189. 1190. 1191. 1192. 1193. 1194. 1195. 1196. 1197. 1198. 1199. 1200. 1201. 1202. 1203. 1204. 1205. 1206. 1207. 1208. 1209. 1210. 1211. 1212. 1213. 1214. 1215. 1216. 1217. 1218. 1219. 1220. 1221. 1222. 1223. 1224. 1225. 1226. 1227. 1228. 1229. 1230. 1231. 1232. 1233. 1234. 1235. 1236. 1237. 1238. 1239. 1240. 1241. 1242. 1243. 1244. 1245. 1246. 1247. 1248. 1249. 1250. 1251. 1252. 1253. 1254. 1255. 1256. 1257. 1258. 1259. 1260. 1261. 1262. 1263. 1264. 1265. 1266. 1267. 1268. 1269. 1270. 1271. 1272. 1273. 1274. 1275. 1276. 1277. 1278. 1279. 1280. 1281. 1282. 1283. 1284. 1285. 1286. 1287. 1288. 1289. 1290. 1291. 1292. 1293. 1294. 1295. 1296. 1297. 1298. 1299. 1300. 1301. 1302. 1303. 1304. 1305. 1306. 1307. 1308. 1309. 1310. 1311. 1312. 1313. 1314. 1315. 1316. 1317. 1318. 1319. 1320. 1321. 1322. 1323. 1324. 1325. 1326. 1327. 1328. 1329. 1330. 1331. 1332. 1333. 1334. 1335. 1336. 1337. 1338. 1339. 1340. 1341. 1342. 1343. 1344. 1345. 1346. 1347. 1348. 1349. 1350. 1351. 1352. 1353. 1354. 1355. 1356. 1357. 1358. 1359. 1360. 1361. 1362. 1363. 1364. 1365. 1366. 1367. 1368. 1369. 1370. 1371. 1372. 1373. 1374. 1375. 1376. 1377. 1378. 1379. 1380. 1381. 1382. 1383. 1384. 1385. 1386. 1387. 1388. 1389. 1390. 1391. 1392. 1393. 1394. 1395. 1396. 1397. 1398. 1399. 1400. 1401. 1402. 1403. 1404. 1405. 1406. 1407. 1408. 1409. 1410. 1411. 1412. 1413. 1414. 1415. 1416. 1417. 1418. 1419. 1420. 1421. 1422. 1423. 1424. 1425. 1426. 1427. 1428. 1429. 1430. 1431. 1432. 1433. 1434. 1435. 1436. 1437. 1438. 1439. 1440. 1441. 1442. 1443. 1444. 1445. 1446. 1447. 1448. 1449. 1450. 1451. 1452. 1453. 1454. 1455. 1456. 1457. 1458. 1459. 1460. 1461. 1462. 1463. 1464. 1465. 1466. 1467. 1468. 1469. 1470. 1471. 1472. 1473. 1474. 1475. 1476. 1477. 1478. 1479. 1480. 1481. 1482. 1483. 1484. 1485. 1486. 1487. 1488. 1489. 1490. 1491. 1492. 1493. 1494. 1495. 1496. 1497. 1498. 1499. 1500. 1501. 1502. 1503. 1504. 1505. 1506. 1507. 1508. 1509. 1510. 1511. 1512. 1513. 1514. 1515. 1516. 1517. 1518. 1519. 1520. 1521. 1522. 1523. 1524. 1525. 1526. 1527. 1528. 1529. 1530. 1531. 1532. 1533. 1534. 1535. 1536. 1537. 1538. 1539. 1540. 1541. 1542. 1543. 1544. 1545. 1546. 1547. 1548. 1549. 1550. 1551. 1552. 1553. 1554. 1555. 1556. 1557. 1558. 1559. 1560. 1561. 1562. 1563. 1564. 1565. 1566. 1567. 1568. 1569. 1570. 1571. 1572. 1573. 1574. 1575. 1576. 1577. 1578. 1579. 1580. 1581. 1582. 1583. 1584. 1585. 1586. 1587. 1588. 1589. 1590. 1591. 1592. 1593. 1594. 1595. 1596. 1597. 1598. 1599. 1600. 1601. 1602. 1603. 1604. 1605. 1606. 1607. 1608. 1609. 1610. 1611. 1612. 1613. 1614. 1615. 1616. 1617. 1618. 1619. 1620. 1621. 1622. 1623. 1624. 1625. 1626. 1627. 1628. 1629. 1630. 1631. 1632. 1633. 1634. 1635. 1636. 1637. 1638. 1639. 1640. 1641. 1642. 1643. 1644. 1645. 1646. 1647. 1648. 1649. 1650. 1651. 1652. 1653. 1654. 1655. 1656. 1657. 1658. 1659. 1660. 1661. 1662. 1663. 1664. 1665. 1666. 1667. 1668. 1669. 1670. 1671. 1672. 1673. 1674. 1675. 1676. 1677. 1678. 1679. 1680. 1681. 1682. 1683. 1684. 1685. 1686. 1687. 1688. 1689. 1690. 1691. 1692. 1693. 1694. 1695. 1696. 1697. 1698. 1699. 1700. 1701. 1702. 1703. 1704. 1705. 1706. 1707. 1708. 1709. 1710. 1711. 1712. 1713. 1714. 1715. 1716. 1717. 1718. 1719. 1720. 1721. 1722. 1723. 1724. 1725. 1726. 1727. 1728. 1729. 1730. 1731. 1732. 1733. 1734. 1735. 1736. 1737. 1738. 1739. 1740. 1741. 1742. 1743. 1744. 1745. 1746. 1747. 1748. 1749. 1750. 1751. 1752. 1753. 1754. 1755. 1756. 1757. 1758. 1759. 1760. 1761. 1762. 1763. 1764. 1765. 1766. 1767. 1768. 1769. 1770. 1771. 1772. 1773. 1774. 1775. 1776. 1777. 1778. 1779. 1780. 1781. 1782. 1783. 1784. 1785. 1786. 1787. 1788. 1789. 1790. 1791. 1792. 1793. 1794. 1795. 1796. 1797. 1798. 1799. 1800. 1801. 1802. 1803. 1804. 1805. 1806. 1807. 1808. 1809. 1810. 1811. 1812. 1813. 1814. 1815. 1816. 1817. 1818. 1819. 1820. 1821. 1822. 1823. 1824. 1825. 1826. 1827. 1828. 1829. 1830. 1831. 1832. 1833. 1834. 1835. 1836. 1837. 1838. 1839. 1840. 1841. 1842. 1843. 1844. 1845. 1846. 1847. 1848. 1849. 1850. 1851. 1852. 1853. 1854. 1855. 1856. 1857. 1858. 1859. 1860. 1861. 1862. 1863. 1864. 1865. 1866. 1867. 1868. 1869. 1870. 1871. 1872. 1873. 1874. 1875. 1876. 1877. 1878. 1879. 1880. 1881. 1882. 1883. 1884. 1885. 1886. 1887. 1888. 1889. 1890. 1891. 1892. 1893. 1894. 1895. 1896. 1897. 1898. 1899. 1900. 1901. 1902. 1903. 1904. 1905. 1906. 1907. 1908. 1909. 1910. 1911. 1912. 1913. 1914. 1915. 1916. 1917. 1918. 1919. 1920. 1921. 1922. 1923. 1924. 1925. 1926. 1927. 1928. 1929. 1930. 1931. 1932. 1933. 1934. 1935. 1936. 1937. 1938. 1939. 1940. 1941. 1942. 1943. 1944. 1945. 1946. 1947. 1948. 1949. 1950. 1951. 1952. 1953. 1954. 1955. 1956. 1957. 1958. 1959. 1960. 1961. 1962. 1963. 1964. 1965. 1966. 1967. 1968. 1969. 1970. 1971. 1972. 1973. 1974. 1975. 1976. 1977. 1978. 1979. 1980. 1981. 1982. 1983. 1984. 1985. 1986. 1987. 1988. 1989. 1990. 1991. 1992. 1993. 1994. 1995. 1996. 1997. 1998. 1999. 2000. 2001. 2002. 2003. 2004. 2005. 2006. 2007. 2008. 2009. 2010. 2011. 2012. 2013. 2014. 2015. 2016. 2017. 2018. 2019. 2020. 2021. 2022. 2023. 2024. 2025. 2026. 2027. 2028. 2029. 2030. 2031. 2032. 2033. 2034. 2035. 2036. 2037. 2038. 2039. 2040. 2041. 2042. 2043. 2044. 2045. 2046. 2047. 2048. 2049. 2050. 2051. 2052. 2053. 2054. 2055. 2056. 2057. 2058. 2059. 2060. 2061. 2062. 2063. 2064. 2065. 2066. 2067. 2068. 2069. 2070. 2071. 2072. 2073. 2074. 2075. 2076. 2077. 2078. 2079. 2080. 2081. 2082. 2083. 2084. 2085. 2086. 2087. 2088. 2089. 2090. 2091. 2092. 2093. 2094. 2095. 2096. 2097. 2098. 2099. 2100. 2101. 2102. 2103. 2104. 2105. 2106. 2107. 2108. 2109. 2110. 2111. 2112. 2113. 2114. 2115. 2116. 2117. 2118. 2119. 2120. 2121. 2122. 2123. 2124. 2125. 2126. 2127. 2128. 2129. 2130. 2131. 2132. 2133. 2134. 2135. 2136. 2137. 2138. 2139. 2140. 2141. 2142. 2143. 2144. 2145. 2146. 2147. 2148. 2149. 2150. 2151. 2152. 2153. 2154. 2155. 2156. 2157. 2

X.

LEONARDUS FLAVIO FOROLIVIENSI ⁽¹⁾ S.

Quaerit, an vulgus & literati, eodem modo per Terentii, Tullisque tempora Romae locuti sint.

NE forsan tu aliter accipias quam ego, vel ego quam tu, placet ante omnia constituere, quid nobis in controversiam venit. Quaestio nostra in eo consistit, quod tu apud veteres unum eundemque fuisse sermonem omnium putas, nec alium vulgarem, alium litteratum. Ego autem ut nunc est, sic etiam tunc distinctam fuisse vulgarem linguam a litterata existimo. Pressius quoque, si placet, ista circumscribamus, ut certo tempore loque diffiniantur. Nam qui apud veteres dicit, nec tempus, nec locum satis certum designat. Sit igitur quaestio utrum Romae per Terentii poetae, & M. Tullii tempora vulgus ita loquebatur, ut loquuntur hi, quos nunc latine litterateque loqui dicimus, vel alius fuerit vulgi sermo, alius litteratorum. Tua quidem prima ac potissima ratio est, quod Oratores in Senatu, judiciisque, & concionibus latine orabant, quod non fecissent, nisi a cunctis intelligerentur. Praeterea Terentii, Plautique comediae recitabantur ad populum ea ipsa lingua, qua scriptae sunt, idque signum esse ais, quod eodem modo vulgus loquebatur. Quomodo enim dele&arent, nisi intelligerentur? Hae tibi firmissimae probationes videntur, ac certissima argumenta opinionis tuae. Ego autem non majora ista puto, quam nunc sint, Evangelia Missarumque solemnia latine ac litterate in audientium

(1) Historico ac Eugenii IV, aliorumque Pontificum Secretario.

rium turba pronunciari. Intelligunt enim homines, licet inlitterati sint, nec tamen ipsi ita loquuntur, nec illo modo loqui scirent, licet intelligant, propterea quod longe facilius est intelligere alienum sermonem, quam proferre. Discutiamus igitur, si placet, argumenta tua, & quid valeant videamus. Neque enim signis & opinionibus tam assentiri non decet, quam necessariis rationibus; nam opinio & existimatio saepissime fallitur. Duo quidem argumenta per te inducuntur, unum oratorum, alterum poetarum. Videamus ergo utrumque. Primum igitur Oratores quod in Senatu iudiciisque latine, litterateque loquerentur, nichil opinionem tuam adjuvat. Erat enim in Senatu, & iudiciis ad homines litteratos Oratoris sermo. Itaque haec duo loca nichil ad rem pertinent tuam. Restat concio, in qua ad doctos simulque indoctos habebatur oratio. Neque enim appellatione populi turba solum, & infimae sortis homines, sed nobiles & ignobiles, doctique, & indocti significabantur. Itaque non ad pistorum tantum, & lanistas, sed multo magis ad eos, qui in Reipublicae gubernatione versabantur, & quorum interesset, quid populus decerneret, Orator loquebatur. Praestantes igitur homines Oratorem latine litterateque concionantem praeclare intelligebant; pistorum vero, & lanistarum, & huiusmodi turba sic intelligebant Oratoris verba, ut nunc intelligunt Missarum solemnia. Nam illud nos latere non debet, Oratores ipsos aliter scripsisse orationes suas, quam dixerant, quod & apud Graecos, & apud Latinos exploratissimum est, non quod diversum scriberent, sed quod ornatus, & comptius id ipsum, quod dixerant, litteris mandabant, ut quaedam in concione dicta verbis forsan vulgaris, & apertis, & ad intelligentiam accomodatis, limatius postea, contractiusque scripta legantur. Et
de

de Oratoribus hæc michi quidem dicta sūt. In Senatu enim & judiciis ad scientes litteras loquebatur litterate: in concionibus vero etiam ad scientes. Aderant quoque indocti quidam: hi sic intelligebant Oratoris verba, ut nunc intelligunt Missarum sollemnia. Quare hæc tua Oratorum inducta ratio non efficit, id quod vis. Habet enim apparentiam quoddam prima fronte, sed si trite discutatur, nichil admodum importat. De poetis autem, eorumque fabulis video te longe aliter sentire, quam ego sentiam. Tu enim turbam convenisse putas ad carmina poetæ intelligenda; ego autem convenisse puro ad ludos scenicos spectandos. Itaque non auditores qui aderant, sed spectatores dicebantur. Agebatur enim fabula magno Aedilium apparatu, nec solum gestibus, verum etiam tibiarum modis, & personæ e scena prodibant. Ad hæc mehercule spectanda non minus hodie populus concurreret, quam tunc concurrebat. Quod autem vera dico, ex Plauti, Terentiique prologis comoediarum intelligi potest. Totas enim ex illorum, qui agebant, opera videntur pendere: *Acta ludis funebribus: modos fecit Flaccus Claudii tibiis disparibus*: non dicit recitata, sed *acta*. Agere vero quid est, nisi repræsentare, actuque referre? Quid tibiis modos facere, nisi multitudinem ad spectandum allicere? *Hecyra* est huic nomen fabulae, ea cum *acta* est nova, novum intervenit vicium, & calamitas, ut neque spectari, neque cognosci potuerit: Ita populus studio stupidus in funambulo animum occupaverat. Et paulo post: In his, quas primum Cæcilii didici novas, parum sum earum exactus, partim vix steti. Quia scioham dubiam fortunam esse scenicam, spe incerta certum mihi laborem sustuli, easdem agere coepi, ut ab eodem alias discerem novas. Quod, inquit, didici novas, & alias discerem, aper-

aperte ostendit, ne actores quidem ipsos scripta poetarum intelligere, nisi a poetis primo illa didicissent. Si igitur magistri ipsi agendi non intelligebant, multo minus turba, & multitudo. Sed ludos spectabat turba, non verba exaudiebat, oculorum tantum aspectu & tibiarum sono distinebatur. Quod autem subjicit: *Quia sciebam dubiam fortunam esse scaenicam*: idem probat quod dixi. Fortuna enim in scaenicis ludis erat, non in poetae stylo atque ingenio. Hoc enim in eorum, qui legunt, iudicio repositum est, nec fortunae subjacet. Actio autem, & tibiae, & huiusmodi ludicra fortunae spectantium subiacebant. Et paulo post: *perfecti*, inquit, *ut spectarentur*: non dicit *intelligerentur*, sed: *ut spectarentur*. Quod totum est iudicium oculorum. Et paulo post: *vobis potestas data est condecorandi ludos scaenicos*. *Nolite finire per vos artem muscam recidere ad paucos*. Ex his omnibus patet ad ludos scenicos, & tibias, & actorum personas spectandum multitudinem convenisse. Poetae autem verba ne actores quidem ipsos intellexisse, nisi prius docerentur. Nichil igitur poetae, nichil eorum fabulae ad sermonem vulgi pertinent. Non enim intellectum verborum, sed spectaculum ludorum vulgus sequebatur. Quoniam illa, quae putabas firmissima tuae opinionis fundamenta nichil valere ostendi, docebo jam ipse impossibile esse vulgus illo modo, quo tu putas, esse locutum hoc tantum praemisso. Tu ne quaeso, Flavi, cum sis vir doctus, ac litteris expolitus, vel alii, qui tecum sentiunt, animum inducere potestis, ut credatis, nutrices & mulierculas, & huiusmodi turbam ita tunc nasci, ut quae nos tot magistris, tanto usu vix tenemus, illi nullis magistris assequerentur, ut eo modo loquerentur, quemadmodum hi, qui latine litterateque loquuntur, intelligerentque poetarum com-

moedias nullo prius eos docente? Profecto valde absurdum est ita credere. Atque latina lingua a vulgari in multis differt, plurimum tamen terminatione, inflexione, significatione, constructione, & accentu, de quibus omnibus simul dicamus, nam seorsum prosequi singula longum foret. Mulierculae igitur illae, ac nutrices tuae si de supellestili recte dicendum erit, supellex dicent. Rursus vero si inclinandum, ita ut possessionem vel generationem significet, supellestilis dicent, & si poscat intentio supellestili supellestilem variabunt, eademque cum pluraliter dicendum erit, supellestilia variato genere pronuciabunt, & supellestilium, & supellestilibus. Per Deum immortalem nonne videtis impossibilia vos credere? Difficile nomen capis, inquires. At tu facilius aliquod cape. Dominus recto dicent, flectent vero cum opus fuerit, ut dicant Domini, Domino, Dominum, & si de foeminis dicendum sit, dominabus, filiabus, libertabus dicent, quae de maribus Dominis, filiis, libertisque dixerunt. Vix mehercule cum disciplina & regula hoc facerent, ne dum sine disciplina & regula. Fero verbum est, a quo tuli, latum, sustuli, sublatum. Cado, cecidi, si casum significet: si caedem cecidi media producta. Ita quaelo internoscent mulieres & turba, atque ita loquentur? Pulso & vapulo alterum active, alterum passive dicimus eadem voce. *Ego vapulando, ille verberando usque adeo defessi sumus* inquit Poëta. Tu mulierculas, & nutrices, & huiusmodi quisquillas haec intelligere, ac eodem modo loqui putas? Absuit, & defuit duo sunt, quorum alterum laudem, alterum vituperationem significat. Sinapis latine dicimus media producta, & Polixena brevi penultima. Virgili autem, & Mercuri vocativo penultimam natura brevem pronunciamus, ut longam. Video te,
invi-

invideo tibi, salutem dico tibi, interdico tibi bonis, non bona. Haec ne quaeso mulierculae, & nutrices, & vulgus illiteratum dicent, quae nos literati vix dicere valemus? Quid si probo per ea tempora vulgarem sermonem distinctum a literato fuisse? Nonne desistere debes talia opinari? Duellium, qui classe poenos superavit, vulgo Bellum appellatum fuisse Cicero tradit. Ergo aliter vulgus, aliter literati nuncupabant. Varro villam a Veho dictam putat, adducit vero conjecturam, quod rustici pro villa vella dicunt, pro vestura quoque vellatura. Quid amplius egemus testibus? A vulgo vellatura & vella, a literatis vestura & villa dicebatur. Alius ergo vulgi sermo, alius literatorum. At enim Cicero ait de quodam: *Putabatur bene latine loqui sed litteras nesciebat*. Non diceret hoc Cicero, nisi sibi in illo uno admirabile videretur. Quod enim miratur in illo quasi singulare, probat in aliis hoc nusquam fuisse. At concio clamavit, cum a Carbone diceretur, patris dictum sapiens filii temeritas comprobavit. Quidni? Cum adessent in concione docti complures, & inter ceteros M. Cicero? Se enim in concione stante hoc dictum fuisse testatur. Denique iudicium numerositatis commune est avium, & non intellectu rerum, sed longitudine brevitateque spiritus adnotatur. At filia Laelii praeclare latine, & mercurule Sapphos praeclare graecis versibus scripsit poemata. Quis enim negat, mulieres quasdam doctas fuisse, ut Cornelia Graccorum, & Epicarmi poetae filias, & alias latinarum graecarumque complures? At Cajus Curio nichil admodum sciebat literarum: tamen est inter oratores numeratus splendore, & copia optimorum verborum. Credo stadia haec majora non attigerat. Sed idem Curio orationes suas, & dialogos scripsit. Qui autem cogitationes suas

litteris mandavit, cum dicemus litteras nescivisse? At domus ei contulit ad verborum copiam. Fateor: parentes enim litterati, & servi, matres etiam si elegantes sunt, adjuvare eloquentiam filiorum possunt. Denique etiam hodie mulieres Romanae iudicio meo elegantissime loquuntur, & purius certe, quam viri. Et quanquam non litteratus sit earum sermo, potest tamen figura ipsa dicendi, nitorque verborum eloquentiam adjuvare. Me audiente Matrōna quaedam Romana, quod se antecedeat plebeia mulier, indignabatur: *proh Deum!* inquit, *quam omnis observantia omnisque consuetudo laudabilis per haec tempora defecit? Quam confusi sunt ordines cuncti, gradusque dignitatis?* Deinde conversa ad eam, quam indignabatur: *tu ne*, inquit, *cum sis plebeio patre, plebeioque viro, me equestri familia ortam, Equitique Romano nuptam antecedere non erubescis? Sed quid ego de me? Jam, si Deo placet, etiam te patricii mulieribus antepones?* Haec illa puro nativoque Romano proferebat sermone, ita ut admodum sum equidem delectatus, cum & verba, nitorem, gravitatemque sententiae, & pronuntiatio ipsa vernaculam quandam haberet suavitatem, Hoc ego modo filiis matres, & nutrices alumnis profuisse ad elegantiam puto. Non quod casus inflecterent, aut verba variarent ac terminarent litterate, sed quod purum, & nitidum, ac minime barbarum sermonem infunderent. Nam & habet vulgaris sermo commendationem suam ut apud Dantem poëtam, & alios quosdam emendate loquentes apparet. Haec ad libellum tuum respondisse volui, quibus si te in sententiam traxi, satis dictum puto; sin perstas in opinione tua, nec rationum necessitati cedis, plura etiam polliceor in eam sententiam me esse dicturum. Vale.

XI. ⁽¹⁾

LEONARDUS PHILELPHO S.

*Lapum a se in clientelam receptum scribit,
& de versione Politicorum monet.*

L Apo, quem michi per tuas litteras commendas, obruli equidem me, & mea, eritque posthac in eo, si uti volet, cum ob commendationem tuam, tum etiam ob naturam meam, quae studiosis hominibus sponte benivolentiam, caritatemque impartit. Quod autem certior fieri cupis de rebus meis, eadem est conditio, quae prius. Illud enim nostrum tenemus institutum, ut Reipublicae, quod debetur a nobis officium, sincere exhibeamus, in ceteris vero nequaquam studiosi. Tempus autem quodcumque nobis ab officio supersit, libenter ad studia referimus litterarum. Aggressi nempe sumus post discessum tuum Aristotelis Politicorum libros perficere, quos, ut scis, traducere jam pridem coeperamus. In his nunc versatur plurimum cura, & cogitatio nostra. Vale.



E 3

LEO.

(1) Hanc quoque Epistolam in
Edit. sua reliquit Fabricius.

Nos ex edit. vet., & MS.
restituimus.



LEONARDI BRÜNI
ARRETINI
EPISTOLARUM
LIBER SEPTIMUS.



L

LEONARDUS COSMO^m S.

*Socraticae philosophiae praeconia haec
epistola continet.*



LN Sympósio Platonis amoenissimo omnium
libro Socratis philosophi laudes festive si-
mul, periteque enarrat Alcibiades. Ejus
verba tibi mittere constitui in latinum
sermonem traducta. *Dico igitur, inquit
Alcibiades, Socratem esse persimilem Silenis istis, qui*
ab

(1) Mediceo Viro aetate sua
admirabilis eloquentiae, ac
morali philosophiae praeci-
pue dedico, qui Leonardum,
& Carolum Arretinos, Nico-

laum Nicolum, Poggiam
aliosque opibus, ac benevo-
lencia prosecutus est. Vide
Accoltum.

ab Sculptoribus inter imagines figurantur, quos faciunt artifices fistulas aut tibiae tenere. Qui se bifariam divisi, atque aperti sunt, reperiuntur intus imagines habere Decorum. Rursusque eum dice persimilem esse Satyro Marsiae, & quod aspectu quidem persimilis eis es, ne tu quidem, o Socrates, negabis. Quod vero in aliis quoque similitudinem eorum habes, deinceps jam audi. Procax tu quidem es an non? Si non fateris, equidem testes adducam. An non cantator longe melior, quam Marsia? Ille enim instrumentis quibusdam homines trahabat ab oris potentia, & nunc etiam, si quis modulationem illius canat. Nam illa, quae Olympus cecinit ab eo doctus, Marsiam dico cecinisse. Quae igitur ille carmina coxuit sive bonus alter quis, sive malus ea canat, sola abstrahunt animos, ostenduntque, quinam diis & mysteriorum indigent, ex eo quod sacra sunt. Tu autem illi tantum superexcellis, ut sine ullo instrumento nudis quidem verbis hoc idem efficias. Nos certe quotiens alium audimus alterius verba referentem, etsi nimium oratoris boni, tamen nullius, ut ita dixerim, illa facimus. At cum te quis audit, vel cum tua verba referente alio, quamvis ille ineptus sit qui refert & sive vir, sive femina, sive adolescens, obstupescimus quidem, ac mente corripimur. Equidem nisi ebrius nimium michi ipsi viderer, iurejurando interposito affirmarem qualia ob hujus verba michi dudum contigerint, contingantque etiam nunc, quotiescunque hunc audio: multo certe etiam magis, quam is, qui Corybantum more defruntur, cor in me concitatur ob hujus verba, lacrymasque effundit, videoque multis aliis hoc idem contingere. Et dum Periclem audio, ceterosque oratores bonos, videntur illi michi praeclare dicere. Sed nichil tale michi contigit, neque concitatur animus, neque se ipsum quasi serviliter viventem condemnat.

Sed ab hoccine Marsia nostro saepe ita inflector, ut existimem nullo modo in hoc statu vitae michi esse vivendum. Quin etiam certe scio, si nunc in hoc ipso tempore aures illi praestare velim, quia nequaquam tolerarem, sed eadem illa michi evenirent. Cogit enim me fateri, quod cum ipse ego in multis deficiam, tamen me ipsum negligo, remque Populi Atheniensium caero. Vi ergo quasi adversus Sirenas obturans aures hanc fugio ac vito, ne apud eum studens, consenscam. Patior vero erga hunc, quod nemo existimaret, ut cujusquam pudore, ac verecundia detinerer. Conscius enim michi sum, defendere non posse, quin sint agenda quae jubet; sed cum ab eo discedo, cupiditate, ambitioneque sentio me superari. Fugio ergo istum, atque vito, & quotiens ipsum intueor; pudor ac verecundia me capit, ut saepe cupiam hunc in rebus humanis non esse. Rursus vero si hoc accideret, scio quod longe magis dolerem. Itaque quo me vertam, aut quemadmodum hoc utar nescio, & a cantu quidem ac modulationibus Satyri hujus talia michique & aliis contingunt. Cetera vero audite, ut similis sit his, quibus eum assilavi, & vim, quam admirabilem habeat, intueamini. Pro certo quidem scitote, & viri convivae, neminem vestrum Socratem cognoscere. Sed ego patefaciam ipsum, atque ostendam, quandoquidem dicere incoepi. Cernitis enim, ut formositatem, ut divitias, ut honores, ut cetera hujusmodi admirari videtur, ut ea laudet, ut obstupe scat? Scitote igitur cum hac habitus forma exterius amirari tanquam sculptus quidam Silenus: intus vero si aperiatur, quanta Dii immortales inest castimonia, quanta integritas! Sciatis enim, quia neque pulcritudinem corporis cujusquam quicquam aestimat, neque divitias, neque honores, neque cetera, quae vulgus admiratur, sed ea cuncta longe spernit, ac pro nichilo ducit. Fingit tamen

tamen aliter, ac joculari de iis rebus erga homines nunquam cessat. Serio autem agentis, atque intus aperte nescio si quisquam vestrum preciosissimam illius aspexit imaginem. Ego certe quandoque eam aspexi, ac michi visa est usque adeo divina, & aurea, & formosa, & mirabilis, ut nullo modo fas sit a me silentio praeteriri. Equidem jam quodam tempore, o viri convivae, magnum aliquid, & mirificum de me ipso, ac de formositate mea sapiebam. Ardebam vero discendi cupiditate. Non dicerem ea, quae dicturus sum, nisi apud eos convivas loquerer, quos semper quasi vesano quodam Philosophiae furore correptos, baccantesque conspexi Phaedros, Agathones, Thrasymachos, Pausanias, Aristodemos, Aristophanes, Socratem denique ipsum, & ceteros. Haec enim, nisi sauciis eodemque modo affectis narranda non essent. Quare vos audientes michi veniam dabitis pro his, quae tunc a me facta, & nunc dicta fuerint. Famuli autem, & si quis alter adsit propbanus, & agrestis nimium forte aures obturent. Ego igitur astrictus vehementiori Philosophiae morsu, & siue cor siue animum siue quomodocunque id appellandum sit saucius cupiditate in Philosophia sermonum, qui occupant magna violentia juvenilem animum, neque dimittunt, cum semel momorderint, compelluntque ad quicquid tandem sit faciendum atque dicendum, illud unum enixissime conandum michi proposueram, quomodo Socratem ad explendam hanc mei animi cupiditatem michi adiutorem quam conjunctissimum facerem. Itaque totis, ut ita dixerim, castris illi insidiatus sum, & forma & divitiis, & omnifariam illecebris, quibus promoveri homines solent. Pudet me referre, quas illi insidias tetenderim, quam ingeniose, quam efficaciter, quam vel dissimulanter, vel aperte. Denique cuncta expertus nichil unquam proficere valui. Nam opibus,
aut

aut divitiis ne ipse quidem multum sperabam illum posse deflekti, neque forma, ceterisque illecebris, quibus ego maxime fidebam, in aliquo unquam deflekti sanctitas ejus, & integritas potuit, hominemque plane totum intus prospexi, atque intuitus sum preciosissimam illius effigiem mirabili stupendaque sanctimonia praeditam, occultentemque jocundis verbis internam mentis animique severitatem. Itaque licet ab eo spreus atque contemptus viderer, perseveravi tamen in ejus amicitia, sapientiam, constantiam, & integritatem hominis obstupeficens, virum talem nactus, qualem me reperiendum esse nullum credideram. Procedente post haec tempore militia illi simul, michique obvenit ad Potideam, fuimusque Socrates, & ego in eo exercitu contubernales. Quod autem illic egerit, quaeso attendite. Primam enim laborum patientia non me solum, sed alios longe superabat, & si quo in loco, ut accidere solet in bello, commeatus deficeret, nulli pares huic reperiebantur ad famem, sitimque perferendam. Rursus vero in abundantia rerum, & conversatione, mensaque militari solus iste frui posse videbatur; & quanquam bibere nollet, tamen si cogebatur, omnes protinus bibendo longe vincebat. Et quod mirabile est, ebrium nunquam eum quisquam conspexit. Adversus autem hyemes & frigora, quae illis in locis asperrima sunt, mirabilia faciebat. Quandoque enim gelu maximo intolerabilique facto, ita ut nulli exire de tabernaculis auderent, & si qui exhibant, non nisi suffarcinati admodum, pedesque & crura pellibus ac fasciis mirabiliter circumvoluti, Socrates per hoc tempus ita exibat cum ceteris militibus, ut nichil ad eam vestem adjungeret, quam primo ferre solitus erat. Decalceatus vero per glaciem facilius incedebat, quam alii calceati. Milites vero haec intuentes se contemni ab eo suspicabantur, &

in

in his quidem talis erat Socrates. Quid autem fecerit tolerantissimus vir in eodem exercitu, opere praestitum est audire. Nam cum aliquando sibi cogitatio peraequam incidisset, stetit cogitans eodem vestigio a matutino tempore. Cumque explicare id quod cogitaret non daretur, perstabat cogitans, neque dimittebat, & jam meridies erat, hominesque id senserant, & mirabantur, aliorque narrabat alteri, Socratem ab aurora stetisse cogitantem. Demum vero ab Jovis quidam milites, cum nox jam adesset, cenati prius, erat enim tunc aestas, circa eum strata posuerunt, jaceruntque sub divo illum observantes, an per noctem quoque perseveraret. Socrates vero stetit usque ad auroram sequentem, ac solis exortum. Postea vero abiit, cum jam solem nascentem salutasset. In proeliis quoque qualis fuerit, non est silentio praetereundum. Nam cum ea pugna fuit, ex qua me quasi optimum pugnatorem Duces exercitus donaverunt, nemo alter hominum me servavit, quam Socrates. Videns enim me graviter vulneratum nequaquam deseruit, sed ante me profliciens me ipsum, atque arma mea protexit, ab hostibusque servavit. Atque ego tunc ista praedicans conatus sum, ut non michi sed Socrati huius, a quo servatus eram, dona illi traderentur; verum Duces ad familiae respicientes dignitatem, me donare maluerant ipso quidem Socrate, ut dona michi, non sibi tribuerentur, in primis annuente. Illud quoque dignum est memorari, quemadmodum fuga nostrorum apud Delium facta, Socrates se gessit. Nam interfui quoque huic proelio, & quidem ex equo pugnans, cum Socrates ipse pedes esset. Profligatis igitur nostris, ac fuga jam omnium facta, Socrates una & Laches qui tunc erat Praetor, pedem referebant. Atque ego cum in hos casu incidissem, bono animo esse jussi, meque nunquam deserturum eos edixi. Hic igitur

tur eo melius aspicere potui Socratem, quam apud Potideam, quo ipse confisus equo minus formidabam. Primum igitur intueri licebat, quanta Lachitem constantia, ac praesentis animo superaret. Deinde ut hostes simul, civesque vicissim respiceret oculis & aspectu prae se ferens, si quis eum invadat, non esse id impune facturum. Itaque tute abibat & ipse & alter; fere enim qui ita cedunt nemo eos invadit, sed eos, qui effusa fuga deferuntur. In multis quidem igitur aliis mirifice laudari Socrates potest; sed talia sunt, ut ceteri quoque forsitan nonnulli eandem laudem mereantur. Verum illa praecipua in isto, per quae nemini aliorum hominum, neque antiquorum, neque modernorum esse similis reperitur. Nam qualis Achilles fuit, talem conjectet forsitan aliquis fuisse Brasidam, & alios quosdam, & qualis Pericles, tales Anthenora, & Nestora. Sunt alii quoque, qui isto modo assimilari possint; sed qualis Socrates est, qualisque ejus dicendi ratio, nemo prope ad ejus similitudinem accedit, neque veterum, neque eorum, qui nunc sunt, nisi, ut ego nunc dixi, atque assimilavi: quippe nulli hominum, sed Silenis & Satyris. Nam & hoc a me praetermissum erat prius, sermones ejus persimiles esse Silenorum imaginibus ab artificibus factis. Si quis enim hujus sermones audiat, videntur prima facie nimium esse absurdi. Nomina quippe, & verba exteriori aspectu Satyri cujusdam procacis habitum prae se ferunt. Asinos enim, & canterios, fabrosque, & sutores & coriarios semper habet in ore, eademque semper dicere videtur, ut omnes fere, qui non intelligentes sint, illius verba irrideant. Verum enim si intus aspiciat quis ejus sermones, primo quidem reperiet sensuum profunditatem habere solos aliorum omnium & insuper divinissimos esse, ac plurimas virtutum speciosissimas imagines continere, ac per omnem vitam ad bene vivendum extendi.

II.

LEONARDUS REGI HISPANIAE S.

*Hispaniam laudat; docetque maximos Romani
Imperii ex Hispanis fuisse.*

Serenissime ac gloriosissime Rex. Cum vehementer flagitarent quidam familiares tui, ut scriberem aliquid ad Regiam Sublimitatem, satis diu renuere perseveravi, nec profecto, ut michi videbar, sine probabili ratione. Quid enim ego pusillus homo & incognitus, maximo clarissimoque Regi non laceffitus primo litteris, non proposita quaestione aliqua provocatus scribere ipse ultro, ac memet ingerere auderem? Sed cum illi ipsi non reciperent justissimas excusationes meas, & quicquid a me scriptum fuisset, id humanitati tuae pergratum fore affirmarent, dare tandem manus, ac morem eis gerere constitui. Quid ergo scribam Serenissime Rex? Aut quibus initiis aures tuas demulcebo? Scio enim magno Regi non nisi sublimia & magnifica convenire: sublimiora vero, ac magnificentiora quacumque esse possent, quam ea, quae splendorem & gloriam, & incomparabilem laudem gentis tuae contineant? Haec igitur michi prima congressio est, primaeque scribendi materia. Errant Serenissime Rex, qui gloriam Romani Imperii Gallis, aut Germanis attribuunt. Hispaniae est haec gloria, Hispaniae hic honor est proprius. Ab Hispania enim Trajanus, ab Hispania Adrianus, ab Hispania Theodosius, ab Hispania Arcadius, ab Hispania Honorius, ab
His.

Hispania alter Theodosius Imperatores Romanorum fuere, ut non minus vere, quam eleganter a Claudio poëta scriptum sit, Provinciarum alias frumentum, alias ferrum, alias aliud quiddam mittere consueſſe; ſolam vero Hispaniam Imperatores Imperio Romano dare. At quales Imperatores? Nam in hoc totum conſiſtit. Nempe equidem reor, imo probare poſſim, ac ratione certa oſtendere, Trajanum ſolum longe plus in ſuo imperio poſſediſſe terrarum ac provinciarum, quam omnes Caroli, omnes Othones, omnes Friderici, & Henrici in unum collecti poſſederunt. Siquidem Trajanus a Babylonia & Theſiphonte uſque ad Gades, & Oceanum conſta poſſedit, & in rubro Mari ſolus Romanorum Principum claſſem habuit, per quam Indiae fines vaſtaret, Aegyptum, & Africam totam ſub imperio tenuit. Gallia vero, & Germania, & Dacia uſque ad Scythiam & Caſpium Mare illi paruit. Ad haec autem ſi comparetur omnis poſſeſſio Gallorum Germanorumque Principum, qui unquam fuerunt, vix unius Provinciſſimae locum obrinere videbuntur. Quamobrem plus ille ſolus, quam hi omnes ſimul in unum coacervati terrarum, Provinciarumque poſſedit. Idem dico de Hadriano: quanquam ille pacis avidior, vel Trajani gloriae invidens ex Aſſyria & Meſopotamia, quae a Trajano ſubjectae fuerant, legiones revocavit. Sed fuit Princeps maximus, & non armorum dumtaxat, verum etiam litterarum ſcientiſſimus. Poſt hos duos praetantiſſimos Imperatores ſatis longo intervallo Theodoſius imperavit. Hic quoque & Orbem terrarum poſſedit, & virtute non inferior ſuperioribus fuit, qui poſt multas, egregiaeque victorias, admirabilesque res geſtas Mediolani è vita decedens filios reliquit duos, quorum Arcadio, qui erat major natu, Orientem assignavit, &
apud

apud Constantinopolim sedem Imperii tenere iussit, Honorio autem Romam, & Italiam cum Gallia, & Germania, Africaque tota, & Hispaniis attribuit. Hos secutus est alter Theodosius Arcadii filius, qui patri, patruoque successit. Hi ergo Imperatores eo tempore fuerunt, quo vere Romanum erat Imperium. Nunc autem ut est, vel ut jampridem fuit non ignoramus. Sola igitur Hispania est, cui haec gloria sit prae ceteris tribuenda cum propter excellentiam maximorum Principum, tum propter Imperii non umbratilem, sed veram possessionem. Sed ut haec ad me scribis, inquires? Ut si tibi nota sunt, ratuler scienti; si non sunt nota, ut faciam, teque Regem maximi opulentissimique Regni Juvenem summae spei per exemplum tantorum Principum, quos Hispania genuit, ad excellentiam virtutis, ac maximarum rerum aviditatem cohorter. Vale, & Benedictum Ananiensem ⁽¹⁾ doctum hominem, & benemeritum, qui in obsequio tuae Praecellentiae deservit, rogo suscipias recommitsum.

III.

LEONARDUS BARTHOLOMAEO S.

Scripta ut vultus, & oculos esse animi indices.

Voluntas deprehenditur animi non tam ex verbis, quae simulata esse solent, quam ex vultu ipso atque oculis ejus, qui cum loquimur. Unde vultum putant ab eo dictum, quod, videlicet, per ipsum significetur. Hoc idem mihi frequenter in epistolis quoque videor intueri: Sed

(1) Benedictum Anagninum, ad quem exstat Epist. X. hujus Libri.

sed ita, si bonus sit scriptor. Nam imperitus scribendi quasi fanaticus quidam, neque quid sentiat, neque quid velit, significare valet. Sed in bono scriptore praeter verba & sonum, inest profecto aliquid repositum, & tacitum indicium animi, quod ut in loquente ex oculorum motu, sic in scribente ex vibratione ipsa orationis deprehendas. Nempe tuas inter, & aliorum litteras hoc interesse video, quod illi ad me scribentes externo quodam, & communi, tu autem interno, ac praecipuo amore mei deflagras. Quid enim tam affectuosum, quam tua epistola, quae cum verbis facundissima sit, habet tamen in se tacitum quiddam amoris ac benivolentiae longe ardentius. Quod etsi michi pergratum est; tamen efficit, ut tibi me, meaque laudanti minus fidei impendam, quasi affectione nimia, quominus recte iudices, impedire. Sed non plura de hoc, praesertim cum sit non novum, sed antiquum me a te observari unice, atque amari. Quod autem decreto Civitatis Anconitanae vocatus sis ad negotia Reipublicae obeunda, id tibi & honestum imprimis, & honorificum duco. Est enim Civitas illustris, ac famosa, caputque provinciae magnae, ac notabilis, cui etiam nomen dari pro excellentia meruit, ut Anconitana Marchia nuncuparetur, portumque habet insignem, cives autem & prudentes, & graves, morumque, & civilitatis, ut ita dixerim, observantissimos. Adde ad hoc, quod eadem Civitas altera semper patria Aretinorum fuit, quod benivolentiam & affectionem tuam plurimum debet incendere. Tu igitur fide, virtute, industriaque tua quotidie magis annitere, quo cumulatam, integerrimumque obsequium illi persolvas. Vale. Scribo epistolam unam Cyriaco, quam leges, & ut sibi reddatur, curabis. Iterum vale.

IV. ⁽¹⁾LEONARDUS ARCHIEPISCOPO
MEDIOLANENSI S.*Defendit suam Aristotelis translationem.*

CUM per se ipsas michi gratissimae fuerunt litterae tuae, tum gratiores eas fecit, quod libellum Alphonſi ⁽²⁾ praestantissimi viri pro antiqua Ethicorum interpretatione scriptum una cum ipsis litteris ad me misisti. Quem cum legere coepissem, statim a proœmio ridere michi contigit. Siquidem ut olim Stephanus veritatem novam praedicans a Judaizantibus, hoc est a veteris legis defensoribus lapidibus impetitus est; ita nunc me novam ac veram traductionem edentem veteris illius non traductionis, sed delirationis defensores lapidibus impetere comminantur. Dignam profecto mercedem vigiliarum mearum, quas pro communi utilitate suscepi, ac bonam nimirum gratitudinem, ut si alius quidam phrenesi correptus venientem ad se medicum lapidibus repellat. Sed de lapidibus quidem, quemadmodum urbane ac non maligne ab illo praestantissimo viro dictum est, sic ego urbane suscipio, nec miror id michi accidere, quod ne Hieronymus quidem vir doctissimus potuit evitare, adversum cujus

Tom. II.

F

inter-

(1) Haec desideratur in edit. Brix. Porro scripta est ad Franciscum Piccolpassum Bononiensem, qui tunc Mediolanensi Ecclesiae praesidebat,

non ad Bartholomaeum Capram, ut perperam putabat Cl. Fabricius.

(2) Alphonſi de S. Maria, sive de Carthagena.

interpretationes fidelissimas quidem, ac verissimas quidam illius aetatis homines nec hi sane admodum indocti reclamabant, jejunitatem, & famem, & ineptias antiquae litterae praeferentes. Est enim quibusdam natura insitum, ut quae in adolescentia perciperunt, obstinate defendant, idque faciunt non tam scientia rerum inducti, quam inveterata quadam existimatione. Hi tunc repugnabant adversus Hieronymi utilissimos labores, & nunc adversus ista nostra pares quidam, ac similes illorum repugnant. Verum ut illi tandem a veritate ipsa fracti manus dare coacti sunt: sic nostros istos refragatores confido manus tandem esse duros. Non enim incerto vacillanti-que judicio interpretationem fecimus, sed certissima exploratissimaque ratione. Itaque victa demum repugnatorum protervitas, & a veritate ipsa increpita conticescet. Quanquam cui unquam facilius, ac prosperior cursus fuit, quam interpretationi nostrae? quam, simul atque edita est, sic arripuerunt homines, ut momento paene temporis non solum Italia voluminibus ejus repleta sit, verum etiam ad extremas terrarum oras convolarit, ut publica jam lectio-
ne studiorum celebretur. Alphonsus vero iste correptor noster permultum, ut video, de nobis fallitur; putat enim me quendam e turba hominem temerario ausu ad haec scribenda prosluisse, neque studia nostra, neque diligentiam novit, neque gravitatem, religionemque, cum qua semper viximus, emeticur. Itaque ignarus horum omnium puerilia quaedam de nobis suspicatur. Inquit enim me posse fingere ita in Graeco esse, cum non sit. Errat videlicet in eo, quod me solum putat Graecae linguae studiosum, ac nescit plenam esse Italiam doctorum hominum, qui Graecas pariter, Latinasque litteras tenent, qui & ista nostra quotidie legunt, & eorum censuram

necessario subimus, & certe non inviti, qui libenter nos arguerent, si quid falso confingeremus. Quamquam quae causa nobis esset tantae vanitatis? Certe si bonus vir est Alphonfus, non deberet de alio talia suspicari. Illud etiam in eo puerile, ne dicam leve, quod Demosthenis, Aeschinisque orationes illas famosissimas in causa Crebiphonsis, ne a Cicerone furatus sim, suspicari videtur. Inquit enim se legisse a Cicerone jam fuisse translatas, ac nescire se, si illas viderim. Hoc perinde est, suspicor ne Ciceronis sint, hic autem suas esse confingit. O sapientem hominem! putat enim se dicere aliquid magnum ac novum, cum dicit legisse se, a Cicerone jam fuisse translatas. At mehercule nemo puer, qui modo quatuor pagellas legerit, hoc ignorat. Est enim mille locis scriptum, orationes istas, & Xenophontis Oeconomicum, & Prothagoram Platonis a Cicerone in latinum fuisse conversos, & insuper Arati librum de Figuris Coelestibus, qui libri omnes jamdum periire. Extat solummodo praefatiuncula quaedam Ciceronis, quam illis orationibus ascripsit, quae est in manibus omnium. Orationes tamen ipsas ab adolescente Cicerone latinas factas, nec ego, nec quisquam aetatis nostrae unquam conspexit. Sed ne suspicetur Alphonfus, illud sciat, nos non modo illas, sed alias insuper satis multas Demosthenis orationes, quas Cicero nunquam attigit, e graeco traduxisse, ut satis grande volumen eorum a nobis traditarum existat, quas a Cicerone furatum nemo suspicari me potest. Illud etiam leve, quod Italicos statim calamus arripere inquit, quod otiosi sint: Hispanos vero, quod Regia curia sint occupati, calamo vacare non posse. Quasi vero Itali non Curiam habeant Romanam multo certe majorem, quam sit Regia, & infinitas publicarum, privatarumque re-

rum occupationes. Nec sane consentaneum est, ut in extremo mundi angulo plus humanarum occupationum sit, quam in medio. Sed haec relinquamus. Sunt enim generaliora, & de causa nostra dicere prosequamur. Si tantummodo consuleret amico suo Alphonsus, ut veterem interpretationem legeret, non autem novam; silerem equidem, atque conticerem. Est enim liberum cuique pro capto intelligentiae suae consilium dare. Sed cum non contentus consilio, refellere quaedam, improbareque nixus est, honestum michi fuerit defensionem suscipere. Illud igitur moneo, ut patienter ferat vice versa redargui. Neque enim pugil ea lege in certamen descendere debet, ut percutiat ipse alios, non autem percutiatur. Ac primum de persona reprehensoris mei dicam, postea vero de re ipsa, quantum necessarium erit, transigam. Magnum esse hominem Alphonsum existimo, idque ex proëmio hujus libelli apparet. Est enim, ut video, juris professor eximius quod principale studium ejus esse videtur, & etiam, ut ipsemet in praefatione hujus libelli praedicat, frequentibus, ac magnis occupationibus regiis occupatus. Retinet in iis ipsis occupationibus admirandam curiositatem, ut noscat, si quisquam aliquid novi in jure, quae sua est professio, ediderit. Sacrae Paginae codices familiarissimos habet, nec iis contentus philosophiam sibi asciscit, Platonem, & Aristotelem cum Theophrasto & Archesilao indagatur, Ciceronis ac Senecae libros crebro evolvit, Quintilianae disciplinae non parcat, Poëtas, & Historicos omnes pariter novit, ac in deliciis habet. Praestantissimum hominem negare non possum, qui tot, & tanta tam varia sciat. Nostri quidem Itali, qui juris studium profitentur, nichil fere aliud sciunt, quam ipsum jus, & si in ceteris vagentur studiis, ac Philosophis
& Poë-

& Poëtis, & Oratoribus, & Historicis impartiri operam velint, ridiculi habentur. Nichil enim plane tenent, qui cuncta sectantur. Contingit enim illis, quod de viatoribus dictum est, permultos quidem habere hospites, sed amicos nullos. Si igitur Hispani tanta, ac tam multa & varia possunt, congratulemur Hispaniae, quae tales viros producit. Si Alphonsus unus, congratulemur soli. Nostris ego hominibus suaderem, ut juris periti in jure suo se contineant, aliena vero castra non temere ingrediantur. Nulla enim disciplina, quae non aetatem hominis totam occuparet, beneque agi existimandum est, si singuli singulas adipiscantur. Nec ego illos reprehendo, qui multa ista ac varia quantulacunque ex parte attigerint; sed illud moneo, ne cum superficiem aliquam norint, sibi de tota re judicium arrogare pergant. At de persona quidem in hunc modum a me sine ulla contumelia dictum sit. De re autem ipsa principalique negotio, quid ipse sibi velit, vix equidem intelligo. Omnis quippe contentio nobis de interpretatione est: interpretatio autem omnis recta, si graeco respondet, viciosa, si non respondet. Itaque omnis interpretationis contentio unius linguae ad alteram est. Hic autem graecam linguam se ignorare fatetur. Quae igitur mecum disputandi ratio illi relinquitur, nisi per divinationem quandam rei penitus incognitae? Si nescientem se plus in ea lingua intelligere putat quam ego, qui scio, intolerabilis est; sin me plus intelligere concedit, quid mecum contendit? Confero, inquit, antiquam interpretationem ad tuam, quod possum, & illam longe antepono. Utrum tu eam anteponis, quia elegantior sit, an quia verior? Si quia elegantior, nichil profecto sapis: si quia verior, quomodo id judicare poëta, qui graecum nescis, ad quod omnis veritas interpretatio-

nis est necessario referenda? Nullo certo modo, nullaque ratione. Itaque tecum de veritate interpretationis contendere nichil est aliud, quam cum vaticinante aliquo, somniantreve contendere. Quid tu ergo michi de bono potius, quam de summo bono interpretando vaticinaris? Quid de re tibi incognita disceptas conjecturam afferens, quamobrem bonum dicendum sit, non summum bonum, & inquis me, qui statim ab initio erraverim, in multis postea verisimiliter erravisse? Profecto si intelligas, quam inepta dicas, taceres potius, quam loquereris. Graeci enim litera, quam tu penitus ignoras, summum bonum habet expresse, quod Graeci per unum verbum significant *ἀγαθόν*, idque etiam in libro Ethicorum decimo manifestius patet, ubi opinionem recitat Eudoxi. Inquit enim: *Eudoxus summum bonum voluptatem esse censebat: propterea quod omnia rationabilia & irrationabilia eam appetere cernebat. Singula enim, quod sibi bonum sit, reperire, quemadmodum escam. Cuncta vero in idem ferri, omnino optimum esse significare. Quod autem omnibus bonum sit, & quod omnia appetunt, id esse summum bonum.* Hic eadem verba sunt, eademque sententia, qui in principio Ethicorum. Tuus autem Interpres in principio Ethicorum dixit, *bonum, quod omnia appetunt.* In decimo autem, quia videbat absurdum se dicere, *quod omnibus bonum sit, & quod omnia appetunt, id esse bonum*, mutavit sententiam, & dixit: *per se bonum, quod omnia appetunt*, nec potuit ex eodem verbo modo *bonum* interpretari, modo *per se bonum*. Sed tamen, qui in decimo dixit *per se bonum, quod omnia appetunt*, corrigere voluit se ipsum quod in primo dixerat, *bonum, quod omnia appetunt.* Non enim primis ultima, sed ultimis prima corriguntur. Atque ut intelligas quantum fieri possit licet

licet graecae linguae ignarus sis, tamen scire debes, non idem esse verbum in graeco, dum dicit, *aliquid appetere videtur*, & paulo post dum dicit: *propterea bene ostenditur summum bonum, quod omnia appetunt*. Sed in primo est verbum *ἀγαθόν*, quod significat *bonum*: in secundo est verbum *ταῦτά*, quod significat *summum bonum*. In quo si michi non credis, audi quaeso Eustratium graecum auctorem doctissimum hominem, & horum ipsorum librorum commentatorem, quomodo hoc ipsum verbum exponat. *ταῦτά*, inquit, *quod componitur ex τὸ, & ἀγαθόν, nichil significat aliud, quam primum bonum, ac summum bonum, & est scientia quidem ἀγαθόν, non tamen ταῦτά, & virtus ἀγαθόν, non tamen ταῦτά*. Sic per hoc elementum *τ* ostenditur principium, & causa, ac velut extremum omnium bonorum. Quid ais ad haec? An hi sunt errores mei, quos statim ab initio deprehendisse jactas? An non vides stare non posse, ut *ταῦτά* interpretetur *bonum*, & interpretem tuum se ipsum postea corrigere voluisse, ac pro *bono* posuisse *per se bonum, quod omnia appetunt*? In quo etiam defectus fuit posuisse *per se bonum*, cum *per se bonum* non illud ostendat, quod vult. Quaecunque enim propter se, & propter aliud expetuntur, ut scientia, ut integritas sensuum, ac cetera hujusmodi, *per se* quidem bona sunt, non tamen summa. Itaque a Boëtio, & a Lactantio, & a Tullio extremum illud, quod omnia appetunt, non *per se bonum* appellatur, sed *summum bonum*. Duo summa bona, inquit Boëtius, quae inter se diversa sint, esse non possunt. At Deum & beatitudinem summa bona esse concessimus. Lactantius vero inquit: Epicurus summum bonum in voluptate posuit, quae fuit opinio Eudoxi. Tullius autem in libro de Finibus dicit. Facit Lucius nosse prudenter, qui de summo bono audire velit; il-

lo enim in Philosophia constituto constituta sunt omnia. Hi ergo omnes *summum bonum* dixere, non *per se bonum*. Qui igitur in hoc me reprehendit, is non meam arguit, sed suam detegit ruditatem. Equidem si tales sunt errores mei, non abnuo multis in locis eos reperiri. Et graecorum quidem linguam ipse, ut diximus, se ignorare fatetur. De latina vero, ut pace sua dixerim, absurdissima sentit; putat enim non graeca modo, verum etiam, ut ipse appellat, Galetia quaedam, & Germanica, & Hispanica vocabula in latinam orationem esse admiscenda: alioquin linguam ipsam latinam inopem, atque defectivam putat. Recte suadebam juris perito, ut in suo studio versaretur; haec enim, quae de latina lingua existimat, ita sunt aliena, & abhorrentia ab omnium bene litteratorum opinione, ut nichil videri possit absurdius. Quid enim est aliud, quam barbara simul, & latina, & graeca in unum confundere, & chaos, ut ita dixerim, literarum moliri. Vide quam multum inter me, & illum intersit. Ego milles singula verba olfacere soleo, priusquam literis mandem. Nullum denique nisi probatum, & ab optimis auctoribus michi commendatum recipio. Ille autem passim undecunque oblatum arripit. Itaque bomolchos, & agricolas, & eutrapelas, & epieces, & cacectos, & cetera hujusmodi monstra verborum probat, & qui in opulentia latinae linguae mendicat, non intelligit paupertatem propriam, sed communi linguae adscribit paupertati juxta illud Salustianum: *Culpam auctores quique suam ad noscenda transferunt.* Jam equidem non miror translationem illam veterem ab isto probari, est enim secundum ejus regulam confusa quaedam, & permixta barbaries. Sed illud deterius, quod eam Boëtii putat, nec intelligit, quantum figura nitorque dicendi, qui in Boëtio
emi-

eminet, longissime absit ab illius interpretis deliratione. Nos certe nullam Boëtii interpretationem habemus, praeterquam Porphyrii, & Praedicamentorum, & Perihermenias librorum. Quos si accurate leges, videbis summum illum virum sine ullis ineptiis libros illos transtulisse. Textus est nitidus, & planus, & graeco respondens. At enim in Ethicis, & Physicis quid tandem est, praeter ineptias meras? Non verba in iis latina, non dicendi figura, non eruditio litterarum, praeterea ab ipso graeco male accepta complura. Haec a Boëtio longe absunt, viro in utraque lingua docto & eleganti. Nunquam ille architectonicam, nunquam bomolcos, nunquam agricolas, quorum vocabula in latino habemus, in graeco reliquisset, nunquam tristitiam pro dolore posuisset: nunquam honestum cum bono, eligere cum expetere confudisset: nunquam *per se bonum*, dixisset, quod ipsemet alias appellasset *summum bonum*. Atque ut scias, duae fuerunt ante me, quod equidem viderim, interpretationes Ethicorum: una quam ex Arabe lingua traductam constat post Averrois philosophi tempora, quae quoniam anterior est, *vetus* appellatur. Altera haec posterior, & novior a Britanno quodam traducta, cujus etiam proëmium legimus. Quomodo igitur Boëtii fuit ista nova interpretatio, cum vetusta illa, & anterior post Averroin fuerit? Boëtius vero aliquot seculis Averroin antecedit? Reliquum iam crimen est, quod huic interpreti maledixerim. Equidem si vitam illius, si mores, si genus insectatus essem, tunc faterer me maledixisse. Sed nichil tale attingi, neque attingerem. At enim de litteris studiisque contendere, ac interdum vehementius urgere, & si res exigat adversarium pungere, differere id quidem est, non maledicere. Denique tota vis in eo versatur, jure, an injuria illum reprehenderim.

Dixi

Dixi libros illos inepte traductos: quis negare potest? Dixi graeca verba ob ignorationem latinae linguae ab eo relicta, pro quibus latina vel optima habemus, nec dixi modo, sed probavi, & verba ipsa ostendi. Cetera quoque errata, nec ea pauca, nec levia redargui. Aut igitur ista defendat si potest, aut me pupugisse illum non moleste ferat. Equidem si in picturam Joſti quis faecem projiceret, pati non possem. Quid ergo existimas michi accidere, cum Aristotelis libros omni pictura elegantiores tanta translationis faece coinquinari videam? An non commoveri? an non turbari? Maledictis tamen abstinui, sed rem ipsam redargui, ac palum feci. Haec michi ad te, Francisce carissime, scripsisse libuit potius, ut satisfacerem postulationi tuae, quam quod necessarium arbitrarer. Cum enim & scripta mea extant, quibus illum redargui, & hujus defensiones, faciliter quivis dijudicare poterit, quam inania sunt, quae ab isto afferuntur. Vale. Idibus Octobris.

V.

LEONARDUS ANTONIO CREMONENSI S

*Mediolanum urbem vetustam semper populosa tot
seculis miratur, quaeritque unde dicta sit.*

CUM praestantissimus Laudensis ⁽¹⁾ Episcopus me tuo nomine literas flagitasset, cogitavi si scribendo lucri facere aliquid a te possem: foenerator enim literarum esse consuevi, pluraque reperere,

(1) Gerardus nempe Landrianus Mediolanensis, primo Episcopus Laudensis, postea Comenensis, inde S. Rom, Ecclesiae

Cardinalis, qui *Pir summus* & *Blondo* appellatur in Ital. laudat.

re, quam dare. Vellem igitur scire abs te, quanamquidem tu Mediolanensis es, ac patriae tuae constitutiones tibi notissimas esse decet, fato ne fieri putas, an aliqua evidenti ratione, ut Mediolanum urbem populosissimam jamdudum fuerit, atque sit? Quidem apud probatissimos auctores legisse memini, usque dum per Scipionum tempora populosissimam totius Italiae urbem Mediolanum fuisse, excepta urbe Roma. Hodie vero eandem videmus omnino omnium, nullaque excepta, populosissimam Italiae esse. Continuatam igitur istius populositatem innois prope mille septingentis, tot enim a Scipionum temporibus ad aetatem nostram fuere, mirabilissimum existimo, praesertim cum videam ceteras urbes magnas quidem prius, ac populosas in medio temporis cursu fere ad inanitatem esse redactas. Quid enim Roma hodie praeter nomen? Quid Athenae? Quid Syracusae? Quid Corinthus? Quid Capua? Quid Vejos? Quid Corcyra? quam antiquis illis Peloponnesiacis bellis centum triremes implere, atque ad bellum emittere consueisse novimus: nunc autem vix triscalmum unum impleret. In tanta autem varietate, ac defectu aliarum urbium continuasse Mediolanum populi sui numerosam magnitudinem, & ex tam antiquis temporibus ad tempora nostra usque perduxisse mirabilissimum puto. Atque hujus a te rationem, causamque requiro, utrum existimes fato quodam fieri, an temperie coeli, an situs bonitate, an uberrate soli, an Principum hujus urbis, qui excellentissimi procul dubio fuerunt provida quadam sapientia in repellendis pestilentibus, & salubribus adsciscendis? Haec abs te audire cupio, ac super his responsum expecto. De nomine quoque Mediolani certior fieri velim unde sit, & quamobrem ita dictum. Consueverunt enim cives originem, antiqui-

tiquitatemque suae civitatis non ignorare. Ego autem originem ejus non quaero, est enim explorata, & certa. Sive enim de gente quaeramus, a Gallis conditam fuisse constat: sive de civitate, ab Heduis, a quorum pago Insubres dicti sunt, sive de tempore, non magna varietas, ut in tanta vetustate esse potest. Tarquinio enim Prisco regnante in Italiam transisse Gallos primum constat. Fuerunt autem hi Bituriges. Sive igitur Hedui simul cum Biturigibus transierunt, sive postea per priorum vestigia Hedui & Cenomani secuti sint, sive ad extremum cum Senonibus, & Boiis, non magna temporis varietas est. Ego igitur ista non quaero, sed civitas unde nominata sit audire cupio, utrum ab eo, quod media sit inter amnes, vel ab alia quadam ratione. Claudianus enim poeta, cui multum tribuo, ab ovibus dictam arbitratur. Nam cum Venerem ex Cypro ad nuptias Honorii Imperatoris, quae Mediolani parabantur, venientem describeret, eam mari advectam dicit usque ad Ligures, inde vero Mediolanum advolasse. Versus Claudiani hi sunt:

*Jam Ligurum terris spumantia pectora Triton
Appulerat, lassosque frequens extenderat orbis.
Continuo sublime volans ad moenia Gallis
Condita lanigeris ovis ostentantia pellem
Pervenit: adventu Veneris pulsata recedunt
Nubila, clarescunt puris aquilonibus Alpes.*

Ego igitur, nisi tu melius aliquid doceas, Claudiano assentior, qui & doctissimus in historia fuit, graecaeque linguae, unde id nomen videtur, peritissimus, Mediolani quoque versatus, utpote qui sub Honorio aulicus fuerit, & miles. Vale.

VI.⁽¹⁾

LEONARDUS REGI HISPANIAE S.

*Literas scire regium esse, & quod scriptorum genus
Reges debeant legere.*

Serenissime ac superexcellantissime Rex. Placuisse literas meas Regiae Sublimitati, benigneque, & humaniter ad me rescriptisse magnopere gaudeo. Super omnia michi tamen gratissimum fuit intelligere, Serenitatem ipsam, cum per occupationes licet, studiis, & literis operam impartiri solere. Rideat enim me, si quis vult ex istis hominibus literarum; ego tamen Regem vix puto, qui literas nesciat. Nec porro michi quicquam videtur tam regium, quam & laude rerum eminere, & scientia literarum ornari. Haec nempe duo iudicio meo Regium culmen requirit. Nec ego tamen omnia lagito in Rege studia, sed illa tantummodo, quae sunt propria. Quaecunque igitur ad rectam gubernandi formam, quaecunque ad iustitiam, ad mansuetudinem, ad magnanimitatem, ad gloriam scripta nos instruunt, & hortantur, ego Regi legenda & imbibenda puto. Intelliget enim Rex & pacis, & belli temporibus qualem se praestare oportet. Et quamvis multum natura valeat, tamen mirabile, quantum scriptis, monumentisque doctissimorum hominum adjuvabuntur. Videbit enim, quantus sit gloriae splendor, quantus bene agendi etiam in hac vita sit fructus, quid Regem discriminet a tyranno, quae deforment vicia regentem, quae virtutes clarum maxime

(1) Haec desideratur in edit. Brizicnsi.

xime, ac celebrem reddant. Haec autem non ab istis balbucientibus ac semidoctis, qui omnia ineptis scribendo conturbant, sed a veteribus illis praestantibus viris perdiscet, qui ad veram Philosophiae rationem adjunxerunt scribendi nitorem, & elegantiam. Ut enim equi vestesque nitidiores Regem decet; sic etiam oratio speciosa, & ornata, & grata. Historia quoque magistra vitae quantum afferre regenti fructum potest? Regum enim potentissimorum, & Principum, magnorumque populorum origine factaque cognoscere, tum ad voluptatem admi, tum ad disciplinam agendi multum admodum confert. Et habet sane hoc genus scriptores optimos, omnique mundicia, nitoreque perpulitos, quos & legere dulce sit, & perdiscere nequaquam arduum. Ego igitur ad haec Regem cohortor non arrogantia quadam, sed fideli animo. Et haec satis: epistola enim prolixitatem respuit. Ceterum Serenissime Rex, quia scriptorum meorum aliquid per litteras regias petebatur, paravi munusculum, quod tui dono Majestati. Erit enim cum iis literis libellus quidam e meis varia continens opuscula, non a me potissimum electa, sed casu ita fuerunt perscripta. Ea volo esse Regiae Serenitati tanquam degustationem quandam scriptorum meorum, recommendans me.



VII.⁽¹⁾LEONARDUS BERNABAE SENENSI S.⁽²⁾

*Suam ei spondet amicitiam, & Scriptoris
locum de Duillio explicat.*

Multa continentur literis tuis, & quidem omnia michi pergrata, quorum illud primum per amicitiam tuam liberalibus verbis obtulisti, imo, proprius ut loquar, amorem tuum michi patefecisti. Videtur enim amorem inter, & amicitiam hoc esse discrimen, quod amare possumus etiam nescientes, amicitia vero non fit, nisi inter scientes. Est enim amicitia reciprocus animorum affectus. Ego igitur & accipio amorem tuum, & vicissim meum tibi spondeo. Quod autem mea laudibus extollis, & gratum est, quamquam timide, & diffidenter fidem his praesto. De Politicorum libris quod quaeris, sunt illi quidem absoluti, ac penitus expoliti, affirmareque audeo nichil praestantius, neque utilius, de libris loquor, latina in lingua reperiri: tantus est dicendi ornatus, tantaque rerum utilissimarum doctrina. Quia enim materia est civilis, & capax eloquentiae, usus michi videtur Aristoteles amplissimo quodam scribendi genere, elegantia, nitore, & incredibili exemplorum copia referto. In Alphonsum Hispanum orationem scripsi nunquam, sed amice respondi in epistola quadam mea illius objectis. Epistola tamen non ad eum est, sed

(1) Haec deest in omnibus edit.,
tamque ex Codd. MSs. nunc
primum producimus. || (2) De Bernabeo Senensi dice-
mus ante ejus epistolas,

sed ad Archiepiscopum Mediolanensem, nec exemplar nunc habeo penes me. Quod quaeris de tibia, funali, tale aliquid est, quod C. Duellio datum fuit Populo Romano, ut quotiens reverteretur a caelo tibia sibi ad funale praecineret. Quia ergo triumphus erat honorifica transmissio, videbatur quoque spectare quaedam triumphum, quod illi datum erat per omnem vitam, ut quotiens reverteretur domum a caelo amicorum, haberet ante se tibiam sonantem cum lumine. Et hoc est: *non triumphavit modo speciose, verum etiam per omnem vitam illi datum fuit, ut tibia sibi ad funale praecineret*. Funale est, quem hodie torquem cereum vocitamus dictum a funere, in quo cerei feruntur accensi. Vale, & Andreoccio ⁽¹⁾ plurimam salutem a me dicas.

VIII. ⁽²⁾

LEONARDUS JACOBO FOSCARO S. ⁽³⁾

Causam affert, cur tam sero responderit, hortaturque ad paternarum virtutum aemulationem.

R Edditae michi sunt hodie litterae tuae Venetiis datae XII. Kal. Decembres, quae etsi michi fuerunt voluptati, tamen nonnihil molestiae attulerunt ex eo, quod intellexi te alias ad me litteras dedisse, quae nunquam michi redditae sunt, & quod hae ipsae, quas accepi, tarde nimium ad me fuerunt perlatae. Nam suspicari facile

(1) Andreoccio Petruccio Senensi, de quo plura in ejus vita, quam ejusdem epistolis praefigemus.

(2) Haec deest in edit. cl. Fabricii.

(3) Francisci Foscarini Venetiarum Ducis Filio.

e quis poterat, me respondere neglexisse, & cul-
 m aliorum, qui vel non reddidissent unquam li-
 ras, vel tarde reddidissent, in me transferre. Sed
 iusce rei causam fuisse illam puto, quod ego jam-
 idem absfum fugiens pestem, quae Florentiae coe-
 rat haud segniter desaeuire, idemque fecerunt ce-
 ri ferme omnes praeter eos, qui vel inopia, vel
 agistratus necessitate retinentur. Atque ita sit, ut
 neque sint qui reddant literas, neque quibus red-
 untur. Hoc igitur ante omnia te scire volui, ut
 admirationem deponas. Quod autem flagitas, ut
 aliquid scriptorum meorum ad te mittam, fiet id
 eundem leto animo, cum facultas aderit. Nam
 arc quidem cum sim, ut ita dixerim, profugus, &
 torris, nec libros habeo penes me, nec exempla-
 ra, quae mitti possent. Quamobrem dilatione mi-
 ni opus est, & mora. Tu autem ad exemplar il-
 lustrissimi Principis parentis tui virtutibus incumbe.
 lagnum tibi onus impositum esse cogita. Neque-
 rim satis erit, si par sis ceteris. Sed ut parens
 uudentia, consilio, facundia, magnanimitate cete-
 s omnibus praecellit, sic a te quasi quodam here-
 tario jure haec eadem exigentur. Quare stude
 aefo satisfacere & paternae gloriae, & tuae exi-
 mationi. Vale.



IX. ⁽¹⁾LEONARDUS TITO LIVIO
FERRARIENSI S.

Causam exponit, cur Libros Principi non miserit.

Circiter nonas Decembris cum Aretii forem obfugam pestis, quae Florentiam invadere coeperat, redditae sunt michi literae tuae Londoniis datae XXII. Kal. Septembris. In quibus multa sapienter, & amanter a te scribuntur de munus amore, conjunctioneque nostra. Haec igitur rata sine, ac perpetua. De libris vero Pollicorum Principi nostro expromissis, miror Borromaeos aliter significasse, quam scriptum fuerit a me. Nam & volumen ipsam jampridem obtuli, & completum expolitumque offendi, ac ut transmitterentur, rogavi. Desiderium etiam istius Principis de habendo libro non taceui, quodque, ut ipsis darem, michi perscriptum fuerat. Responsum ab illis est non esse viatori, aut tabellario tale munus committendum, propterea quod circa Flandriam cuncta forent bellis, latrociniiisque infesta, magisque expectandum, ut trimes, aut nostrae, aut Venetorum istuc navigarent. Volenti relinquere libellum eis, satius apud me servari dixerunt, atque commodius: se se, cum venerit facultas mittendi, petituros. Atque ita liber est penes me, praestolans eorum postulationi. Est autem volumen insigne, & quod a te videri, perlegique cupiam. Pecunias vero neque petivi, neque accepi, neque petiturus sum, nisi volumen dubie trans-

mitti

(1) Desideratur in edit. Fabricii.

mitti videatur. Tunc enim petam, quo aliud volu-
 ion praeparetur ad secundam missionem. Satis
 nim fuerit meis sumptibus semel misisse. Ea vero
 impridem angor, quod tamdiu missio retardetur,
 rascertim cum sciam Principem vehementer illud
 spectare. Valo.

X.

LEONARDUS BENEDICTO ANAGNINO S.

*Laudat Italiam, & vitam parva contentam, &
 quas epistolas ferret, certiores reddat.*

SI vales bene est. Cum existimarem esse te pe-
 nes Regem Hispaniae, scripsi ad eum com-
 mendationem tui ¹⁾, quae si forsan aus tibi ipsi,
 ut alteri, qui te bene norit, visa sit brevior, quam
 magnitudo meritorum tuorum flagitabat, illam sci-
 b fuisse causam, quod tunc primum ad hominem
 antae dignitatis scribens efficacior, ac minus sus-
 ectam illi fore commendationem existimavi, si non
 edita opera, sed quasi casu in eam devenissem, ut
 on affectata, nec precibus elicita, sed ex se ipsa
 ata commendatio videretur, essetque potius testi-
 monium doctrinae excellentiaeque tuae, quam ex-
 licatio laudis. Haec igitur ante omnia declarare
 buit, ut scires me quam amplissime de te sentire,
 ed tantum dixisse, quantum prodesse existimavi.
 Et enim, ut video, tu jam abieras, cum literae
 neae ad Regem pervenerunt, in quo laudo equi-
 lem consilium tuum, quod neque aulas Regum,

G 2

ac-

¹⁾ Nempe in secunda hujus Li-
 bri epistola, ubi cum vocat Be-

mediū Ananiensem doctum
 hominem, ac bene litteratum,

neque omnem auriferi Tagi arenam pluris feceris,
quam Italiam nostram, de qua praeclare Virgilius
inquit ⁽¹⁾:

*Sed neque Medorum silvae ditissima tellus
Nec pulcher Ganges, atque auro turbidus Herma
Laudibus Italiae certent, non Baëtra, nec Indi
Totaque thursiferis Panchaja pinguis arenis.
Haec loca non tauri spirantes naribus ignem
Inverti, satis immanis dentibus hydra,
Nec galeis, densisque virum seges borruit hastis
Sed gravidæ fruges, & Bacchi massicus humor
Implevere, tenent oleae, armentaque leta.
Hic bellator equus campis se se arduus infert,
Hic ver assiduum, atque alienis mensibus aestat,
Bis gravidæ pecudes, bis pomis utilis arbor.
Adde tot egregias urbes, operumque laborem,
Tot congesta manu praeruptis oppida saxis,
Fluminisque antiquos subter labentia muros:
An Mare quod supra memorem, quodque abluit infra
Anne lacus tantos? te Lari maxime, teque
Fluctibus, & fremitu insurgens Benace, marino?
An memorem portus, Lucrinoque addita claustra
Atque indignatum magnis clamoribus aequor?
Haec eadem argenti rivos, aerisque metalla
Ostendit venis, atque auro plurima fluxit,
Haec genus acre virum Marsos, pubemque Sabellam
Assuetumque malo Ligurem, Volscosque verutos,
Extulit: haec Decios, Marios, magnosque Camillos
Scipiadas duos bello, & te maxime Caesar.
Salve magna parens frugum Saturnia tellus,
Magna virum.*

Proh Deus immortalis! Num discunt pueri hos ver-
sus? qui deberent medullitus esse infixi, quo excel-
lentiam patriae nosceremus. Equidem quotiens pe-
regre-

(1) Georg. Lib. 2.

grinatus sum, non solum amoenitatem, suavitatemque natalis soli, verum multo magis humanitatem, atque ingenia nostrorum hominum requisivi. Ist enim nescio quid natura insitum nationibus aliis longe a nostris moribus, ingeniisque alienum, atque et Falerni vini sapor alius est, quam Taracinensis, et mihi videntur homines ab ipsa, in qua nascuntur, terra saporem, ut ita dixerim, naturae, ingeniorumque traxisse. Intueri licet alios immanes, alios efferatos, alios stolide arrogantes, alios ita alieno judicio, ut nec justum, nec honestum ea regant, qua nos metimur metiantur, alios suspiciosos, et diffidentes. Me quidem cum mei similibus conversari juvat, & cum iis qui sint ejusdem mentis, atque sensus; in his enim amicitia fit, in aliis vero, aut nunquam, aut perraro. Quibus autem in oculis amicitia cadere non potest, in his nulla potest vitae jocunditas reperiri. Sublata vero jocunditate vitae & felicitas tollitur, quae non potest esse absque vitae jocunditate. Ego igitur te reversum ad ea loca gaudeo, in quibus tibi, & amicitia, & felicitas esse possit. Perindeque tibi suadeo, ut in patria consistere velis, ac longinquas istas spes omnino contemnere. Praeclare enim Poëta quidam inquit: *Neque divitias opto, neque voto precor, sed michi contingat ex parvo vitam agere omni carentem molestia.* Et apud Theocritum Syracusanum pastor quidam inquit:

*Non michi sint nec opes Pelopis, nec regna Seleuci,
Nec celeri cursu ventos superare fugates;*

At vacuo curis liceat cantare sub antro,

Et procul e specula mare prospectare profundum.

Hanc nos vitam nobis ipsis plurimum dare possumus, finem modo cupiditatibus imponamus. Sed de his alias, & quidem uberius: nunc autem quasi per

transennam hæc attingisse satis esto. Quod autem
 stolas quasdam meas apud virum clarissimum Co-
 lumnensem legeris, non michi placet. Ut enim Le-
 cilius formidans doctiorum hominum iudicia non
 Romanis, sed Tarentiris, & Consentinis scripsi
 libros suos aiebat, proinde isti non legerent, illi le-
 gerent; sic ego epistolas meas Romanis, aut Au-
 guinis scripsisse nego, sed Nepesinis, & Sutrinis. Qui
 enim habere laudis epistolæ possunt, familiares per-
 ferunt, & de rebus contingentibus scripserunt? Itaque
 ego ipse spernens satis longo tempore nullas servavi.
 Postea vero cum intellexissem quasdam pro meis ci-
 cumferri, quæ meæ non essent, conquirere illas coepi
 & quas postea scripsissem servare, non tamen omnes
 sed eas tantum, quæ haberent in se narrationem
 rei non quotidianæ. Tu vale, ac me, ut facis, am-
 Florentiæ XII. Kal. Septembris. Ut vero tibi pro-
 ponam aliquid exercitationis gratia, illud quæ-
 situm abs te, quomodo intelligenda sint illa Virgillii verba
Hic ver assiduum, atque alienis mensibus æstus
 Iterum vale.






LEONARDI BRUNI
ARRETINI
EPISTOLARUM
LIBER OCTAVUS.



I.

LEONARDUS FLAVIO FOROLIVIENSIS.

*Libros Politicorum Aristotelis laudas,
te enumeras, quid in illis contineatur.*

 Volo, ut exeret opus aliquod studiornum meorum,
quod sit rectis, & index amoris mei erga
Sanctissimum Dominum Eugenium Papam
Quartum. Nam cum ab adolescentia mea illum di-
lexerim propter celsam quandam eius magnitudinem
G 4 ani-

(1) Elegantissima Blondi episto-
la, qua Leonardo responderet,
apud me adservatur, eamque
publici juris faciam inter mi-

scellaneas cum multis aliis
eiusdem Blondi hactenus in-
ditiis.

animi, & virtutis praestantiam, & ipse me iure familiarissimos recipere dignatus sit; debet profecto nunc monumentum aliquod extare dilectionis meae. Itaque libros Politicorum multis a me vigiliis, multaque assiduitate, & opera in latinum conversos ad Beatitudinem suam mittere constitui. Est enim opus magnificum, ac plane regium, & profecto dignissimum, quod Summo Pontifici dedicetur, quandoquidem tota ejus libri materia est de rectione populorum. Est insuper eo nitore, eaque elegancia scriptum, si modo illam nos servare potuimus, ut se la quasi preciosa veste ornasse videatur, qua non erubesceret ante faciem eruditi hominis comparere. E quidem affirmare ausim, nullum esse opus latinae linguae, de literatis loquor, quod huic Aristotelis operi sit anteponendum dignitate rerum tractatarum, & auctoritate scriptoris. Tu ipse, dum leges, gaudebis profecto non modo ob scientiam rerum eximiam, verum etiam ob incredibilem quandam amplitudinem, varietatemque, & copiam. Octo sunt illius operis libri plenissimi quidem rerum commemorandarum. In eorum primo quasi elementa civitatis continentur. In secundo autem Respublicas ante se vel scriptas tantummodo, vel actu existentes singulatim recenset. Scripserant enim ante ipsum quatuor maxime praestantes, Plato Atheniensis, Hippodamus Milesius, Phileas Carthaginensis, Epimenides Cretensis. Horum institutiones & formas Respublicarum recensens, singulas seorsum examinat. Itaque multa ad eam formam Reipublicae, quam scripsit Plato, multa subinde ad eam, quam scripsit Hippodamus, multa insuper ad eam, quam scripsit Phileas, disceprat. De civitatibus autem, quae actu erant, tres enarrat, quae optime ceterarum omnium gubernari putabantur: Lacedaemoniorum instituta & mo-

& mores, deinde Carthaginiensium, postea Cretensium. Est pulcherrimum in his videre, quae instituta, & formae illarum Rerumpublicarum essent, quaeve probet Aristoteles, aut refellat. Multa praeterea in hoc ipso libro de Atheniensium Republica, multa de Solone, & de Licurgo, de ceteris legum positoribus amoenissime referuntur. Cum igitur nullam earum Rerumpublicarum esse perfectam ostendisset, ipse jam in tertio libro ac deinceps totam materiam ingressus opinionem, ac disciplinam explicat suam. In quibus, Deus bone, quanta series rerum, quanta varietas, quanta explicatio inducitur! Ut omnia, quae unquam facta sunt, nota fuisse huic Philosopho videantur. Quis putasset in his libris historiam Italiae contineri? Atque ita refertur de Italo Rege, deque Italia ab eo nominata, ut michi latinam historiam legisse videatur. Quis putasset de Carthaginiensibus, deque eorum institutis, & moribus ab hoc Philosopho dici? Atqui ita de his refert, ut omnia illorum cognovisse appareat. Praecipue tamen est in eo disciplina mirabilis. Tres putat esse Rerumpublicarum species rectas: aut enim unus ad utilitatem publicam gubernat, & hic est Rex, aut pauci, & hi sunt optimates, aut multitudo mixta ex opulentiis, & popularibus, & haec proprie appellatur Respublica. His tribus legitimis speciebus tres aliae species non legitimae correspondent, quas ille tum labes, tum excessus, tum errores appellat. Labitur enim Regia gubernatio in tyrannidem; optimatum vero in paucorum potentiam, Respublica vero in popularem statum. Popularis igitur status non est legitima gubernandi species, neque paucorum potentia, neque tyrannis. Sed omnes istae tres sunt excessus & labes. Legitimarum vero specierum praestantissima omnium est Rex; dignitate, ac bonitate
post

post Regem optimates: post optimates Respublicae. In labibus autem contrarius est ordo. Popularis enim status, quae est labes Reipublicae, statim post Rempublicam collocatur. Paucorum autem potentia, quae est labes optimatum, post popularem sequitur. Tyrannis vero, quae est labes Regni, sextum in ordine locum obtinet. Itaque labes Regni fit de summa specie ad infimam, id est ex optima omnium rectarum, ad deterrimam omnium depravatam. Reliquae vero species minus ex alto cadunt, quoniam non tam perfectae sunt, quam Regia gubernatio. Regum autem ipsorum unum una sit species an plures & quae sint propria Regis, quaeve tyrannica, & quid intersit, & quomodo fiant, praeterea quae conservent gubernationem unius, quaeve corrumpant, & quae consilia atque remedia pro conservatione sint adhibenda, mirifice differitur. Illud vero admirandum, quod nemo Rex unquam fuit, qui praestabilior esset, cujus exempla & mores non referantur; nemo tyrannus per Graeciam, Asiam, Siciliam, Italiam, cujus non vita, & mores, & quibus artibus dominationem conservaverit, & quanto duraverit tempore, describatur. Rursus vero ut plurimum in gubernatione, quae accidero consueverint seditiones atque discordiae, & quibus de causis oriuntur, quaeve consilia, atque remedia adversus haec existant. Praeterea de situ urbis, de regione, de magnitudine populi, de disciplina juventutis longo ordine demonstratur. Sed quid ago? Tanquam enim mare ingressus provehi me in altum sentio. Referam ergo pedem, & ad ipsos libros tanquam ad litus revertar: ubi haec omnia divinitus perscribuntur. Vale.

II.

LEONARDUS ANTONIO^{us} GRAMMATICOS.

Contendit in hac epistola michi per C. scribendum.

AN dicendum scribendumque sit hoc pronomen *michi* per C litteram, vel sine C potius, a me per tuas litteras studiose perquiris, & simul ais quibusdam in locis notasse te, sic a me scriptum fuisse, ut C littera interponeretur post primam I, & aspirationem sequentem, quod esse contra veterum consuetudinem affirmas, nec tamen reprehendere te id ais, sed admirari quidem, ac rationem hujus requirere. Ego autem non quibusdam in locis, ut tu ais, sed ubique per C litteram eam dictionem scribere consuevi, habeoque auctores hujus rei Dantem, & Petrarcham, & Boccacium, & Colucium Salutaturn doctissimos homines, qui & ipsi ita scripserunt, & usus aere communis idem comprobatur. Nam quis ita loquitur, ut dicat *michi* praeter ineptos quosdam, qui ostentare volunt se antiquarios esse, nec intelligunt ita proferri ab se hanc dictionem *michi*, ut Judaei, & Chaldaei magis, quam latini videantur. Nam illae quidem Nationes sic proferunt coincidentiam earundem vocalium, ut ab imo pectore aspirationem deducant, nec tam lingua & labiis, quam gutture loquuntur. Si igitur & usus hoc habet, & doctissimi homines nostrae vel superioris aetatis id observarunt, cur ipse michi non putem observandum? Usus nempe magister, & dominus est sermonis nostri, & quidem nimium, ut ita dixerim, imperiosus, qui non tam ratione, & via, quam

(1) Eadem nempe, ad quem exstat Ep. XIV. Lib. I.

quam pro arbitrio moveatur. Neque enim cum *mibi* dixerunt antiqui, rationem secuti sunt, sed voluntatem usus. Nam ratio quidem, ut analogia ostendit, non *mibi*, sed *mibi* dicere jubebat, ut enim, *me*, *te*, *se*, sic etiam *mibi*, *tibi*, *sibi* erat dicendum, quod praepotens usus aspernatus est. Credo quia ineptum quiddam *mibi* sonare videbatur, cum *tibi*, & *sibi* melius sonent. Usus ergo, qui tunc dominus fuit, etiam hodie dominus est, & potest improbare, quod tunc probavit; alioquin variatio nulla foret in verbis, nec essent mutata tot antiquorum placita. Nam quid tu magis de hac dictione *michi*, quam de ceteris pene innumerabilibus admiraris? Nonne *optume* dicebant antiqui & *peffume*, eodemque modo alia permulta? ut *aeditumus*, *decumus*, *lubens* *lubenter*. Pro Pyrro etiam *Purrum* dicebant, & *posiverunt* pro *posuerunt*. Nos vero haec omnia variamus usu jubente. Quin etiam per Ciceronis tempora *causam* per duo *ß*, contra vero *jusus* per unum *ß* scribebant, ut Agellius testatur, & marmoreis quibusdam monumentis Romae licet conspicere. Insuper *coeravit faciundum*, dicebant antiqui: nos autem *curavit* dicimus non *coeravit*, & *faciendum* non *faciundum*. C vero literam, quam nos hodie in dictione *michi* interponimus, antiqui locis quibusdam interposuerunt nulla cogente causa praeter sonum, ceu, *si* & *ubi*, *ficubi*, *necubi*, *alicubi*. Usus ergo apud illos haec potuit: cur igitur idem usus apud nos idem non possit? *Nichil* quoque eodem modo scribo, & profero ductus auctoritatibus, & rationibus quas supra dixi. Vale.

III.

Nos itaque non Codd. MSS. ut
inepte comminiscuntur aliqui,
sed hujus epistolae auctori-

te ducti *michi* & *nichil* per
literam *c* excudendam curavi-
mus.

III. ⁽¹⁾LEONARDUS JACOBO FOSCARO ⁽²⁾ S.*Commentarium rerum Graecarum amico misit.*

Scripsi noviter commentarium quoddam rerum Graecarum, ut nobis aliorum pericula forent exemplo, quam sint bellorum, contentionumque discrimina formidanda. Eum nunc librum tuo nomine transcribi feci, & parvum licet munus ad te mitto, quandoquidem, ut tuis litteris ad me scriptis perspexi, tu meorum operum comprobator simul, atque amator es. Quae vero me causa impulit id commentarium scribere, in proëmio ejus libri poteris intueri. Ego enim ob id in hac epistola brevior sum, quod proëmium illud tibi legendum censeo. Et quoniam ad libros, studiaque tandem redivimus, si quid novi posthac a nobis componetur, dabimus operam, ut ad tuam noticiam labores nostri perducantur. Vale, & Commentarium illud lege quaeso diligenter. Continet enim luculentam historiam, & scitu dignissimam propter incredibilem rerum, casuumque varietatem. Iterum vale. Cum superiorem epistolam exarasset, supervenerunt litterae tuae non unae quidem aut alterae, sed quaternae simul eodem tempore, ut facile appareret desiderium tuum. Jam me pudet muneris mei pusillitatis, cum illud tam avide expectari a te conspiciam. Sed refarcietur aliquando majori aliquo munere.

IV.

(1) Haec desideratur in edit. Fa- || (2) Ad hunc existat epist. VIII.
briciana. || Lib. VII.

IV. ⁽¹⁾LEONARDUS ⁽²⁾ ARCHIEPISCOPO
MEDIOLANENSI S.

*Laudationem suam Florentinae Urbis contra
criticum defendit.*

Vidi exempla quarundam epistolarum passim de quibuscumque scriptoribus collectarum, quae nuper ad me Mediolano transmissa fuisse noster Poggius assererat. In his una fuit epistola a nescio quo nebulone contra opusculum quoddam meum scripta, quam ego admiror in illo volumine fuisse servatam. Nichil enim habet epistola illa, quod aut prodesse aut delectare possit, nisi forsitan quis delectetur hoc ipso, quod michi maledicit. Quod si forsitan ideo scripta, ac missa fuit, ut quemadmodum nuper Alphonso, sic etiam nunc isti respondeam, gravis nimium provincia michi imponeretur, si haberem omnibus stultis & malivolis, qui contra me aliquid dixerint, respondere. Satis enim michi, quod opera ipsa mea in manibus doctissimorum hominum versantur, qui de illis multo melius judicare valent, quam iste nescio quis sycophanta, quem acquirere se posse aliquid penes inimicos Florentini Populi existimavit, si illa, quae in laudem Florentinae Urbis scripseram, tam acerbè reprehenderet. Ego autem quantum ad me attinet, neque laudator, neque assertor meorum studiorum esse consuevi, sed attenuator

(1) Haec epistola haecenus inedita fuit, eamque ex Codd. Laurentianis, Riccardianis,

|| Gualteriano, ac Florentinae
Abbatiae hic ex ibemus.
(2) Piccolpasso, de quo supra.

tor potius, dum alii laudarent. Quare aliorum iudicium sit, qui recte judicare possunt, cum de ceteris operibus meis, tum de hac ipsa Laudatione, quam iste carpit, atque oppugnat. Quanquam scripta fuit oratio illa a me valde tunc quidem adolescente, cum recess tunc primum e scholis Graecorum exissem. Fuit enim ea Laudatio michi tanquam puerilis ludus, ac exercitatio ad dicendum. Recti vero iudicis est cum aliorum multorum, tum etiam temporis considerationem habere. Neque enim Ciceronis oratio, quam dixit adolescens pro P. Quinio, eandem meretur laudem, quam oratio post ab eodem dicta pro A. Chuentio. Laudamus tamen utranque, alteram ut adolescentis optimae spei, alteram ut perfecti jam oratoris. Demosthenis quoque orationes illae, quas adolescens scripsit in tutores suos, non ejusdem sunt virtutis, qua est illa subtilis de immunitate ad Leptilem, aut illa praestantissima pro Ctesiphonte, aut illa grandis, & plena, in qua falsae legationis Aeschinem accusavit. Equidem pari quoque adolescentia Laudationem illam scripsi, sed tamen in ea ipsa juvenili Laudatione permulta reperiuntur a me tractata fuisse, quae lector aequus & diligens, ut leniter dixerim, non aspernetur. Non enim temere neque leviter id opus aggressi sumus, neque vagi, aut incerti per semitas nobis incognitas peregrinantium more nostro ipsi arbitrato processimus, sed ducem itineris, totiusque laudandi progressus certum indubitatumque habuimus Aristidem celebrem apud Graecos Oratorem eloquentissimum hominem, cujus extat oratio pulcherrima de *Laudibus Athenarum*. Illius sermo tanquam magister michi fuit: conatus vero imitandi tanquam ludus, exercitatioque adolescentiae. Genus autem dicendi, nam id etiam considerare iudicem oportet, in huiusmodi

modi laudationibus plausibile quoddam, & gloriosum esse debet. Id Graeci *panegyricum* vocant, nec ad subtilitatem differendi, sed ad plausum multitudinis accommodari, omnisque laudandi occasio arripienda est in eo genere, ac verbis extollenda. Itaque Aristides humanitatem Atheniensium laudans inquit: *Reginam quunque ipsam eadem humanitate se se in mare extendere, quasi obviam progredientem navigantibus, qui ad se venirent.* Et alio loco antiquitatem laudans inquit: *Alios quidem populos advenas esse suarum civitatum habitatores: Athenienses vero ibi natos ab initio, ubi inhabitabant, eamque regionem homines genuisse, ac peperisse.* Item alio loco inquit: *ceteras urbes omnes vel ad occasum vergere, vel ad orientem, vel ad septentrionem, vel ad meridiem: Solas vero Athenas ad nullam istarum partium vergere, sed esse in medio harum omnium constitutas, ut quicquid ultra citraque quoquo versus existat, id vel orientale, vel occidentale, vel septentrionale, vel meridionale sit appellandum.* Haec & huiusmodi per multa in ea laudatione scripta quis non videt non ad veritatem, sed ad plausum, & leticiam multitudinis audientium pertinere? In laudationibus enim civitatum ad eos ipsos habetur sermo, quos laudare velis, coronamque flagitat id genus dicendi, & multitudinem populi non ad iudicia, vel ad decernendum aliquid de Republica coactam, sed ad plausum & leticiam ex propriis laudibus percipiendam. Genus igitur dicendi in huiusmodi laudationibus tale quoddam est, quod si intellexisset reprehensor meus, parcius reprehendisset. Aliud est enim historia, aliud laudatio. Historia quidem veritatem sequi debet, laudatio vero multa supra veritatem extollit, ut in laudibus Athenarum factum ab Aristide supra ostendimus. Neque enim verum est, Aethicam regionem huma-

humanitate quadam se in mare extendere, cum sensu careat, atque motu. Neque rursus verum est, regionem illam homines genuisse ac peperisse, cum terra neque concipiat hominem, neque pariat. Nec etiam verum est, Athenas esse medium umbilicum habitabilis terrae, cum alibi sit hujusmodi punctus. Sed haec omnia quamquam non vera, nichilominus ornate ac probabilius cum plausu quodam, ac letitia multitudinis auribus infunduntur. Cum igitur hujusmodi sit in laudandis civitatibus dicendi genus, constat vero Florentiam Romanorum esse Coloniam nam id clarissimum est, & negari non potest; quis esse admirari debet vel conqueri, quod dictum fuerit a me in laudatione praesertim, gloriam & res parentum ad filios, tanquam ad successores legitimos pertinere? Hic est enim primus & conveniens laudandi locus. At reprehensor meus, utpote qui haec non intelligit, perinde ac si hereditas apud praetorem in judicio peteretur, negat Populum Romanum esse mortuum, neque delirare parat, qui hereditatem viventis ad alium pertinere scripserim. *Vixit inquit Populus Romanus. Tu hereditatem ejus ad alios dedisti.* Utinam viveret! Sed certe Populus ille Romanus, de quo ipse loquor, jampridem mortuus, & sepultus est: haec autem, quae nunc Romae habitat, collectitia turba non dominatur, sed servit. Quare de mortui agitur, non de viventis hereditate. Sed finge ipsum vivere, quamquam est mortuus. An conveniens est dixisse gloriam, & res parentum ad filios, tanquam successores legitimos pertinere? Si enim vivo parente res ejus ad filium nihil pertinet, ad quid inducta foret exhereditatio filiorum? Satis profecto fuerat, vel praeteriisse, vel non instituisse, si hereditas ad eos non pertineret. Quomodo dixisset ille senex apud Terentium de fi-

lio: *meus particeps?* Qua ratione se ipsum remordens Aeneas de Ascanio dixisset: *quem regno Italiae fraudo, & dotalibus arvis?* Itaque nec si viveret parens, foret inconueniens ita de filio dixisse. Alia enim fori, & iudicii ratio est, alia laudationis. In foro quidem possessio bonorum petitur aliis auferenda: in laudatione vero gloria, & res parentum ad filios pertinere monstratur. Qua in re nichil parentibus auferitur, immo plus tribuitur, cum gloria, & amplitudo, quae parentes illustrat, in filios quoque fulgere asseueratur. Quare desistat quaeso iste, quisquis est, hujus laudationis reprehensor immoderatus loqui, genusque dicendi, quale postulat laudatio, non ignoret. Nec me inconsiderate ac temere processisse arbitretur, cum & ducem probatissimum habuerim, & nichil non ad exemplum laudatissimae orationis in hac mea direxerim. Haec pro cognitione tua scripsisse volui. Nam obrectatorem illum meum neque novi equidem, neque nominare unquam audiui. Sed satis apparet furiosum quendam esse, quisquis is sit. Simul enim reprehendit de rebus sibi incognitis, simulque maledicit, quasi non ratione, sed odio furoreque moveatur. Quid autem simile hic habet Alphonso? Ille veterem interpretationem Ethicorum suis rationibus defendebat; de me autem nichil, nisi honorifice loquebatur. Tribuebat literas, splendoremque orationis, plura denique quam ego ipse vellem, in hac parte de me praedicabat. Unum modo reprehendebat, quod novam interpretationem meam veteri antepferrem. Et in hoc ipso tamen humanissime, ac moderatissime opinionem suam non contumeliis, ut iste, sed rationibus tuebatur. Hic autem alter nichil modesti habet. Itaque ego ille, qui Alphonso moderate admodum, civiliterque respondi, hanc moderationem meam huic
ref-

respondens servare non possum. Jurgia vero, & contumelias si reddam, & in his diutius consistam, vereor ne ipse levior, ac stultior fierem, quam iste ipse, qui me provocat. Et profecto si certare maledictis vellem, abundantissima michi contra hunc asinum suppeditaret oratio. Sed in tam levi re occupatum esse pudet. Itaque haec praeteribo, atque mittam, rideboque potius illius ignorantiam, ac fatuitatem, quam ipse facere aliquid me indignum adducar. Et de literatura quoque, si Deo placet, nescio quid cavillari pergit, homo stolidus & insanus. Qua quidem in re idem sibi contigisse video, quod presbyteris ruralibus evenire consuevit, qui propter ignorantiam literarum abradunt in libris suis, quae bene scripta fuerant, vel aliter pronunciant quam scriptum sit, asserentes illo modo stare non posse. Hoc idem illi contigit in libro meo, si modo meum habuit. Quod si alienum habuit librum, & forsan, ut sit, a scriptore aliquo mendose transscriptum, quid me accusat? Neque enim Ciceroni imputamus, quod epistolae ejus ad Atticum multis in locis librariorum vicio ita scriptae sunt, ut stare verba non possint, neque Virgilio, quod quandoque ita scripti versus ejus reperiuntur, ut pedes non habeant congruentes. Sed nichil est malignius calumniatore, neque perversius qui cum haec sciat non esse reprehendenda, tamen per calumniam reprehendit. Homo stultitiae, & ignorantiae, & levitatis plenus qualis est ille, non aliter, quam contumeliose & maligne loqueretur. Nam quales sunt hominum mores, talis & sermo esse consuevit.

V.⁽¹⁾

LEONARDUS M. TRIVENSI S.

Quaestionem sibi obscure propositam fuisse ostendit.

NON satis dilucide propositum a te quaestionem istam video, de qua per tuas litteras percontaris. Ats enim cum sermo foret de rhetorice institutis, dixisse quendam etudicum hominem ex his, qui tunc aderant: *solutae pronuntiationis vim dimittunt maxime usum, & exercitium desiderare.* Deinde quasi ratio huius dicti offeratur, subjicis: *Cum enim dicimus inquitbas, & non aliud? Non aliud.* Haec sunt verba quaestionis propositae. Dico igitur, nec primo loco dictum satis clarum videri, & quae ad declarandum subijciatur ratio, non tam ipsum declarat, quam obscurat. Sed accidit forsan ebberudine mea, ut minus intelligam. Itaque priusquam propositae quaestioni respondeam, percontabor ipse te, immo illum, qui haec dixit: nam tu relator es, ac non auctor. Primum igitur quaero, quid ille tibi voluerit, dum inquit: *Solutae pronuntiationis vim.* *Soluta* enim pluribus modis dici solet. *Aliter* enim *solutam* pecuniam dicimus, aliter *solutam* quaestionem, aliter cum dicimus *rupe soluta obijce saxi* ut Boëtius, aliter cum dicimus *lege soluta*, ut de Pin-daro inquit Flaccus, aliter *soluta oratione*, idest absque metro, aliter cum dicimus *solutus* in dicendo, idest promptus, ac fluens, ac minime ligatus. Haec michi occurrunt scribenti. Sunt credo & plures modi, quibus *solutam* dicimus. Cum igitur inquit, *solu-
tae*

(1) Haec deest in edit. Fabriciana.

lutae orationis, quid tandem intelligit? Utsum quemadmodum *solutam pecuniam*, & *solutam questionem*, & *solutam rupem* dicimus? Vel potius quemadmodum *solutam orationem*, idest *prosa*, non *versu*? Si hoc vult, cur minus in *versu*, *pronunciationem* habere locum existimat, quam in *prosa*? Roscius enim, ac ceteri histriones boni, qui *tragoedias*, vel *comoedias* agebant, plus artis in *pronunciando* habuerunt, quam oratores. Siq. autem dicere vult *solutae orationis*, idest *promptae*, *fluensque*, novum loquendi morem inducit. *Pronunciatio* siquidem, quam meliori vocabulo *actionem* dicimus, non solum voce, verum etiam *gestu*, *vultuque* conficitur. Quomodo igitur congruere potest, si dicamus *soluta gestu*, *soluta vultu*? Certe nullo modo: Itaque ut pace sua dictum sit, *solutae pronunciationis* dixisse non satis quid velit ostendit. Deinde quod subiicit *vim*, obscuritate non caret. In dicendi enim arte quaedam est orationis virtus, quam appellamus *vim*. Haec virtus Demostheni tribuitur maxime: inquit enim Cicero: *vim Demostheni* tribuimus, *lenitatem Aeschini*, *subtilitatem Hyperidae*. Et Quintilianus Ciceroem laudans inquit: *expressit vim Demosthenis*, *jocunditatem Socratis*, *copiam Platonis*. Utrum igitur iste *vim* dicens de hac virtute oratoria intelligit, an de alia re, michi vehementer obscurum est. Nam si de latronibus loqueretur, non dubitarem quid esset *vis*: est enim *violenzia* contra jus illata. Nunc autem cum de oratoribus loquatur, verba intelligere debemus secundum subjectam materiam. Est enim *vis* in oratore virtus quaedam, cui iudices resistere non valent. Deinde quod subiicitur, *dumtaxat maximo usum & exercitium desiderare*, absurdissimum videri non immerito potest. Nam *dumtaxat* excludit, *maxime* implicat. Exeam qui usu

maxime fieri dicit, significat & aliis modis fieri, quam usu; qui vero *usu dumtaxat* fieri dicit, alios omnes modos excludit, atque ita pugnancia inter se dicere videtur, qui *dumtaxat* & *maxime* simul conjungit. Quod autem inquit *desiderare*, eodem vicio laborat. *Desiderare* enim idem michi significare videtur, quod *carere*, ac *desicere*. In eo proelio, inquit Livius, *desiderati sunt milites centum*: idest *perierunt*: *desideravimus humanitatem*, idest *desuit tibi humanitas*. Usus ergo, & exercitium *desiderare* nichil significat aliud, quam *usum*, & *exercitium non habere*. Haec tecum, quandoquidem tu grammaticus es, disceptare libuit, & quasi themate quaedam tibi proponere. Nam illud quod subjicitur tanquam ratio primi dicti *cum eum inquebat dicimus*, & *non aliud! non aliud*: ejusmodi est, ut non ad grammaticum, sed ad Oedipodem, vel ad Sibyllam sit rejiciendum, quorum alter Sphingis, altera futuri seculi caliginem patefecit. Ego vero cum Davus sim, non Oedipus, ut inquit ille apud Terentium servus, ad ista, quibus divinatione opus est, respondere non possum. Quod si quaestio illa michi proposita sit, an pronuntiatio usu dumtaxat nobis comparetur, negabo equidem, nec id sane immerito. Quanquam enim usus, & exercitatio in ea re multum valeat; tamen primae & maximae partes naturae sunt. Nam magnitudinem, claritatemque, & suavitatem vocis natura praebet, & dignitatem vultus, gestusque venustatem eadem natura largitur. Ars deinde superaddita haec naturae bona vel temperare potest, si ardentiora sint, vel extollere, si frigidiora existant. Usus absque arte periculosus est, crebroque aberrat. Contra naturam vero nemo feliciter pugnat. Itaque nullus in dicendo magnus evadere unquam poterit, qui non habeat largas a natura dotes, & eas ipsas
flu-

tudio, & arte, & exercitio confirmatas. Esse vero rem quandam pronuntiandi, & non usum solummodo, histriones, scenaque declarant. Demosthenem certe, ac Ciceronem, cum uterque in actione deficeret, histriones duo ad probabilem modum pronuntiandi reducerunt. Siquidem Demosthenes a Sauro, Tullius vero ab Roscio institutus est in actione, ex quo palam est, non exercitationem solam ad hoc sufficere, sed artificio quodam adhibito comparari. Vale.

VI.⁽¹⁾

LEONARDUS FRANCISCO PICCOLPASSO S.

Cum amico queritur, quod falso Duci Clocestriae obitum suum nunciaverit.

Admirabiles profecto epistolae apud vos scribuntur Reverendissime Pater, ut ego per hos dies conspexi. Venerunt enim ad manus meas exempla quarundam epistolarum, in quibus una fuit tuae Paternitatis, ad Ducem Clocestriae de obitu meo, altera fatui cujusdam, ac ridendi nebulonis ad Candidum⁽²⁾ contumelias & maledicta in me continens. Erant insuper aliae complures epistolae, de quibus quid ego sentiam non necesse nunc est aperire. At enim duas illas, quas primo retuli, silentio praeterire non possum. Primum igitur quantum ad significationem mei obitus attinet, ut jocosè pro antiqua familiaritate nostra tecum agam, tu etiam

H 4

at-

(1) Hanc haecenus ineditam nunc primum ex Codd. MSS. publici juris facimus.

(2) Nempe Petrum Candidum Decembrium.

atque etiam vide, quomodo famam, existimationemque tuam defendas, qui de viventis hominis obitu literis tuis, tuoque sigillo impressis apud Duce Clocestriae testificatus fueris. Atqui iuri operam dedisti, nec ignoras, quatenam huius delicti poena sit a legibus constituta. Deinde quid sibi voluit tanta festinatio ac properatio scribendi, praesertim de re tibi dolorosa, & illi ipsi minime placitura, cui significabas? Prospera enim significare celeriter, ac libenter solemus; aspera vero nemo libens significat. Quae igitur fuit causa tam properandi? Instabar, ut video, Candidus, ac te impellebat: concepam ex illo Duce spem tibi non patiebatur. Faceret Candidus ut vellet. Tu rationem potius habere debuisti gravitatis tuae, quam illius voluntatis. Quid autem illud, quod in eadem epistola per te significatum fuit Duci Clocestriae? me defecisse in promissis, cum eos, qui sibi a me promissi fuerant, Politicorum libros tribuerim alteri. Haec profecto, neque amici, neque de amico vox fuit. An tu Candidi? usque adeo inservire studio debebas, ut talia de me scriberes, praesertim & tibi incognita, & non vera? Eundem cuncta, quae promiseram Duci Clocestriae, cumulatissime persolvi. Itaque non magis de obitu meo falsum tibi relatum fuit, quam de promissorum defectu, quod ut scias, attende. Scripsit ad me dudum Clocestriae Dux, se libros Ethicorum per me traductos vidisse, tollebatque illos in Coelum laudibus, ac provenisse ex illis mirificam utilitatem studiosis omnibus praedicabat: proinde hortatus est me, ut pro communi utilitate libros quoque Politicorum eodem modo in latinum transferrem. Hoc illi tandem promisi, nec promisi modo, sed etiam adimplevi, primumque volumen ejus operis insigniter ornatum ad illum per manus Borromaeorum, qui

Lon.

Londoniis negociantur, transmissi, ac praesentari illi Domino feci. Ubi est ergo defectus fidei meae? Ubi frustratio promissorum? Postulavit inquam, ut pro communi utilitate illos transferrem: ut vero sibi, ut ea dixerim, titulum libri adscriberem, nec ipse petivit unquam, nec ego promisi. Nam si promississem, observassem; nichil enim michi facilius erat. Sed ego illa gloriola delectari tantum Principem non putavi, praesertim cum ipse non peteret, & me aucupari gratiam per hujusmodi scriptiones nolebam videri. Quare nec mors nuncianda fuit, cum essem vivus, nec defectus fidei, cum in me non esset. Equidem ab illo Duce nichil unquam accepi, nec unus quidem obolus, ut dici solet, ab illo michi collatus est. Tua vero Paternitas credebat forsan, me infinita quadam pecuniarum vi ab illo extorta libros sibi promissos alteri tradidisse. At enim ipse nunquam studia mea venditavi, neque mercaturam librorum unquam feci. Uno volumine simul omnes, statim atque illos absolvi, Glocestriae Duci liberalissime transmissi. Deberent profecto homines suas res agere sine aliorum insectatione, atque calumnia, nec de tua loquor Reverentia, qui omnia de me potest, cui omnia permitto, cui in omnibus acquiesco, sed loquor de his, qui haec te scribere voluerunt, quos de rebus suis loqui oportuit, meas autem nequaquam attingere. Haec ad epistolam tuam. De altera vero illa stultissimi, atque levissimi nebulonis epistola, qui tanquam Canis Aegyptius contra me latrat, risi stulticiam scriptoris furiosi ac vesani. At quam impudens est ille nebulo? Sic enim me contemnit, ut cunctis, quae dici possunt, spoliatur. Illi autem, ad quem scribit, scientiam, eloquentiam, ingenium, & cuncta, quae dici possunt, attribuat. O pecudem! neque enim appellari hominem nec unum mittens libellum alio edidit, neminem ut erat celsi tibi, (Pat. lat. 8. 215)

Ingenio ut intelligenda omnia ut (a. a. 2)

nem decet, cui tam insensatum iudicium sit. Deinde mandat, ut me confodiat, & prosternat. Huic succurre precor, metuo confodi, metuo prosterni, fer opem quaeso, da michi aliquid, quo muscas abiciam me invadere parantes, accelera obsecro. Sed quo vult me confodiat thesites iste. Manu ne? at longe abest. Literis ne? at nobis quoque sunt literae, quibus si certandum erit, haec illius verborum iactantia, quam vana sit, ostendetur.

VII.

LEONARDUS CARDINALI COMENSI §. (1)

*Quae sit differentia inter civitates Italiae
Comum, & Cumas.*

SI tempora me non impedissent, Reverendissime Pater, fecissem id quod erat amicitiae nostrae, ut gratulatum ad te venissem pro hac nova exaltatione tua. Nunc autem prohibitus ratione quadam, ac respectu rerum minime negligendarum exclusus, tibi quidem exhibere officium abstinui. Ipse tamen pro te michi gratulatus sum, ac letatus tua dignitate, ita ut nemini tuorum in hac parte concesserim. Quod si Deus dederit, quod & ego opto & te optare scio, ut ex hac belli turbulentia pacis amoenitas subsequatur, facile quicquid vel omissum, vel interruptum est consuetudinis nostrae, sedulitate officii compensabimus. Unum tamen differre nolo, quod animadverti quibusdam literis *Comanum* te scribi a civitate videlicet, de qua exaltatus es ad Cardinalatus supereminentiam. Id vero erratum

(1) Gerardo Landriano Episcopo Comensi, qui in Concilio Florentino ab Eugenio IV.

creatus est Presbyter Cardinalis de quo supra.

tum si in alio foret, silentio praeterirem, ac darem communi ignorantiae. In te autem homine docto literis expolito nequaquam michi praetereundum videtur. Non enim *Cumanus* dicendum est, ut michi quidem videtur, sed *Comensis*. Rationem vero hujus si quaeris, nihil est, quod facilius explicari possit. Duae sunt enim civitates Italiae nominibus fere contriguae, sitibus vero locorum valde distantes: una secus mare inferum, quae *Cumae* vocatur. Ex hac urbe Sibyllam fuisse dicunt. Haec est urbs, ad quam Aeneas navibus ex Sicilia pervenit, de qua Virgilius.

Sic fatur lacrymans, classique immittit habenas,

Et tandem Euboicis Cumarum allabitur oris.

Haec est etiam urbs, de qua Juvenalis⁽¹⁾ inquit.

Quamvis digressu veteris confusus amici,

Laudo tamen, vacuis sedem quod figere Cumis

Destinet, atque unum civem donare Sibyllae.

Janua Bajarum est, & gratum littus amoeni

Secessus, ego vel Prochytae praepono Suburae.

Est igitur haec urbs in littore maris non longe a Puteolis & Neapoli, utque Pisae, Athenae, & Volterrae plurali tantum numero dicuntur; sic etiam *Cumae*, ut *vacuis Cumis*, & *Cumarum allabitur oris*. A *Cumis* vero istis *Cumanus* dicitur, ut *Cumana Sibylla*, *Cumanus civis*, *Cumanus praeful*. Sunt autem haec omnia luce clariora, milleque auctoritatibus, si foret opus, probarentur. Altera est urbs non longe ab Alpibus penes lacum, qui dicitur *Larius*. Haec autem urbs non *Cumae*, sed *Comum* appellatur. Fuit autem haec patria C. Plinii Secundi oratoris, qui per tempora Domitiani & Nervae & Trajani floruit. *Comum* vero ab initio positum fuit a transalpinis gentibus. Quanquam de prima ejus origine ambiguum

¹⁾ Sat. III.

guum est: postea vero longo intervallo Colonia Romanorum civium in eam urbem fuit deducta, eamque urbem novum Comum appellavit, quasi repervata civitas esset ob colonos noviter inductos. Itaque de Plinio ita scriptum legimus: *Cajus Plinius Novicomensis Orator*. Vides igitur *Novicomensem* dici, & si quis *Novi* abjiciat, *Comensem* esse dicendum. Vulgo etiam loquentes Comum appellant eam urbem, non *Cumus*, ut melius vulgaris sermo veritatem servaverit, quam homines parum eruditi, qui omnia sua ignorantia conturbant. Quod vere penes antiquos novum Comum appellaretur declarat Catulli poetae Veronensis epistola versibus scripta ad Caecilium poetam sodalem suum. Sic enim inquit:

*Poetae tenero meo sodali
Velim Caecilio Papyre dicas,
Veronam veniat Nova relinquent
Comi moenia, Lariumque litus,
Nam volo quasdam cogitationes
Amici accipiat sus, meique.*

Est cetera, quae sequuntur. Plinius quoque ille major in libro Naturalis Historiae tertia Comum appellat. Sic enim inquit: ⁽¹⁾ *Orobisum stirps esse Comum, & Bergamum Cato existimat: verum origina gentis se ignorare fatetur, quam docet Cornelius Alexander a Graecis ortam interpretatione etiam nominis, quasi vitam in montibus degentem*. Item alio loco idem Plinius ita scribit: *Latitudo Italiae subter radices Alpium a Varo flumine per vada Sabinae Taurinas, Comum, Bergamum, Brixiam, Veronam, Vicentiam, Opitergium, Aquilejam, Tergestas, Polam, Arsam septingentis quadragintaquinque millibus passuum colligit*. Quid ergo est? Cum ista probaverim, te hominem apprime doctum magis censeo

(1) Sic in Codd. MSS.

leo verum sequi debere, quam in hanc manifestum
romani errorem consentire, nisi forsan Cumis, &
Baiis & calidis aquis magis delectaris, quam gelido la-
na, de quo Virgilius in laudibus Italiae inquit:

*Quidve lacus tantos? te Luri maxime, teque
Fluctibus, & fremitu assurgens Benact marino?*
Vale, ac me ama, tibi que persuade a me pluri-
mum amari.

VIII.

LEONARDUS CARDINALI COMENSI S.

*Rationes, causasque variae redduntur nominum
oppidorum, & ab eis deductorum.*

DE ceteris quidem omnibus, Excellentissime
Pater, ut ex litteris tuis conspicio, nulla
inter nos varietas est. Nam & praetermit-
tendarum gratulationum probabilem michi causam
fuisse concedis, & incommoda belli pariter deplora-
mus, & de urbe Como quae scripta fuerunt a me,
Tua Paternitas assensit, & non ingrati sibi
fuisse illarum rerum commemorationem ostendit.
Restat igitur una pars non in controversia quidem,
sed in admiratione, de verborum scilicet, quae a
civitatibus oppidisque tractantur, permagna quadam,
& incomprehensibili varietate, quae a te perite, scienterque commemorata, ac multis exemplis demon-
strata fuit, de qua quid ipse sentiam optas certior a
me fieri, nisi michi grave sit, & nisi res indigna
videatur. Ego vero tantum abest, ut graver de hi-
sce rebus scribere & loqui, ut etiam gratias tibi per-
magis habeam, quod ex praesentibus occupationi-
bus non satis michi quidem jocundis ad cogitatio-
nem

nem rerum michi jucundissimarum me revocasti. Licet enim nos derideant ii, qui neque quid, neque quomodo loquantur, unquam cogitarunt; ipsi tamen recte emendateque loquendi peritiam a praestantibus viris non existimo negligendam. Verborum enim delectum, eloquentiae principium constat esse. Nemo quidem eloquens esse potest, qui non rectus, & congruentibus verbis utatur. An igitur C. Julius Caesar tantus vir librum de analogia, idest de formatione tractatuque verborum cum laude scripserit: nobis vero turpe fuerit illis ipsis de rebus tractare & loqui? Fateor ergo in eorum verborum, de quibus a te scribitur, formatione permagnam quandam esse varietatem, adeo ut vix rationem ullam analogiae constare in illis videam. Hujus vero causam puto, quod alia graeca sunt oppida, alia barbara, alia latina. In singulis autem & voces, & consuetudines regionum permultum valuisse reor. Cives enim, & oppidanos par est hujuscemodi appellationes ab initio frequentasse, utque ipsi se se scribebant, sic ab aliis vocabantur. Ex quo factum est, ut graecorum oppidorum homines ad graecam linguam, latini ad latinam, barbari ad barbaram declinarent. Similitudines quoque, ac vicinitates frequenter in hac re valuisse comperio, in multis etiam suavitatis, concinnitatisque rationem habitam puto. Ex his autem causis varietas tanta suborta est, quantum esse videamus. Ut vero aliqua de his exempli gratia per nos attingantur, quid similis esse potest in verbis, quam Verona, & Ancona? Cur igitur alios Veronenses dicimus, alios Anconitanos? Graeca videlicet civitas Ancona fuit, hoc est a Graecis conditoribus posita, nomenque Anconitani a graeca voce trahitur *Anconitae*. Ipsi enim conditores sic ab initio vocari coeperunt. Thomum civitatem sci-

mus

aus esse in Ponto non longe a fluminis Danubii ostiis constitutam, apud quam relegatus fuit Ovidius poeta. Verbum ab ea tractum *Thomitanum* facit, non *Thomensem*, de qua inquit Ovidius ipse:

Naso Thomitanae non jam novus incola terrae

Hoc tibi de Getico littore mittit opus.

Thomum igitur, & Comum ita similia esse video terminatione & syllabis, ut nichil differant: tamen ab altera *Comensem* dicimus, ab altera *Thomitanum* terminatione illa graecarum linguae consona, quae etiam Anconitanos dictum ostendimus. Illa etiam graeca sunt oppida, & ad figuram graecorum figurata verba, *Neapolitani*, *Panormitani*, *Drepanitani*, *Alibetani*, in quibus non correspondere analogiam latinorum verborum non equidem admiror. Nam ut *Fano Fanensis*, sic etiam a Drepano *Drepanensis* secundum latinam analogiam erat dicendum. Segregemus igitur ea verba, quae a Graecis habent conformationem quandam, neque de eorum varietate admirationem suscipiamus. Voces etiam, ac mores regionum inter causas varietatum assignavimus, eaque rem permultum valuisse in appellationibusprehenditur. Vicini enim ad exemplum vicinorum facilliter pertrahuntur, ut in Campania *Ferentinates*, *Irpinales*, *Aquinates*, *Casinales*, *Antiates*, & in Umbria *Fulginates*, *Urbinales*, & horum vicini illorum secuti voces a *Sarsena Sarsenates*, a *Caesena Caesenates*, a *Ravenna Ravennates* dixere. Nam quid vetebat dicere *Caesenenses*, *Sarsenenses*, *Ravennenses*? Galliae transalpinae urbs est Gabenna: Nomen ab ea tractum *Gabennensis* facit. Poterat per eandem analogiam a *Ravenna Ravennenses* dici: nihil enim interest inter *Ravennam*, & *Gabennam*. Sed incolae illius loci *Ravennates* maluerunt dici ad similitudinem *Sarsenatum*, & *Caesenatum* finitimorum

rum suorum. Haec Sarsena, de qua loquimur, Plati Comici Poëtae patria fuit: sicq; vero est inter Casenam, & Aretium, ita ut dioeceses earum circum utrinque attingat. Suavitatis quoque rationem habitam in multorum formationibus conspicio: aurium enim sensus delicatissimus est, contraque repudiat, quae non belle sonant. Pisas, & Senas, & Fefulas pluraliter dicimus. A Pisis *Pisunum*, a Fefulis *Fefulanum*, a Senis *Senensem* dicimus, non *Senanum*, quia insuaviter sonare videbatur. His tribus exceptis causis, analogiae ratio in verbis quidem latinis satis constare videtur, ut Florentia, Placentia, Vicentia, Consentia, cum eandem in ultimis syllabis habeant terminationem, eodem modo formentur ab iis *Florentinus*, *Placentinus*, *Vicentinus*, *Consentinus*. Aretium, Sutrium, Clusium, Regium, Opitergium, Patavium, & cetera his similia, eodem modo *Aretinus*, *Sutrinus*, *Clusinus*, *Reginus*, *Opiterginus*, *Patavinus* faciant. Item Tarentum, Tridentum, Tudertum, *Tarentinus*, *Tridentinus*, *Tudertinus*. Quae vero habent o longum ante na, ut Verona, Cremona, Cortona, Hippona, Derrona, Savona & alia huiuscemodi analogiam conservant. Mediolanum, & Fanum cum similiter sonent, & similia producant ex se nomina. Eodem modo Ferraria, & Navaria. *Tusculum*, *Esculum* *Verulum*, & alia huius generis, *Tusculanus*, *Esculanus*, *Verulanus*. Mantua, & Capua *Mantuanus*, & *Capuanus*, licet antiqui per ablationem u litterae Campanum dicerent, ut *Campanae deliciae*, *Campanus Senator*, *Campanus civis*. Sed nos hanc spinosam siliam omittimus, neque enim tractare de tota re, sed aliqua deliberare exempli gratia propositum fuit. Cor autem *Comenses* dicendum sit potius, quam *Comanus*, duae, ut michi videtur, quaestiones sunt. Aut enim
de

le novis quaeritur, aut de primis impositoribus. Si
 e novis, nichil expeditius esse potest. Cum enim
 ceteros doctissimi viri ita scribant, & nos eodem
 modo observare debemus. Plinius in libris ⁽¹⁾ de Na-
 turali Historia inquit: *In Comensi juxta Larium la-
 num fons hōris singulis intumescit, ac refidet*: & alibi scri-
 tum est: *Cajus Plinius Novicomensis*. Quare nos
 quoque eodem modo scribere, ac loqui debere ma-
 nifestum est. Quod si de primis impositoribus quaer-
 itur, cur maluerunt *Comenses* dicere quam *Comanos*,
 redendum est non sine probabili ratione ab illis fa-
 tum, vel quia magnificentius sonare videatur, vel
 quia Mediolanenses, & Laudenses, & hujuscemodi
 vicinorum appellationes eos per similitudinem invita-
 unt, vel quia Remensium, & Parmensium analo-
 giam magis sequendam censuerunt. Potuit etiam il-
 los ea causa inducere, quod *Comanus* idē signifi-
 cat, quod villanus, & rusticanus. *Coma* siquidem
 graece *villa* est. Ut autem ab urbe urbanus, & ur-
 bicus, & a villa villanus, & villicus, sic etiam a
Coma Comanus, & *Comicus*. Itaque ut hanc nomi-
 nis aequivocationem non satis honorificam vitarent,
Comenses dicere maluerunt, quam *Comanos*. Vale.

1) Lib. II.





LEONARDI BRUNI
ARRETINI
EPISTOLARUM
LIBER NONUS.



I.^m

LEONARDUS REGI ARAGONUM S.

*Politicorum Aristotelis libros mittit, docetque,
quae dignitas, quodque sit officium Regum.*



Ampridem, Serenissime Rex, insignem praestantiam mirabilium virtutum tuarum conspiciens gavisus sum ipse mecum, & seculo nostro gratulatus, quod ei contingat Regem habere praestantissimum, & tam belli, quam pacis

(1) In edit. Fabricii haec epistola est u'ti na Lib. VIII. In edit. vero Brixienf. desideratur.

Optime quidem: cum siquidem esse primam Lib. IX. ex Codd. MSS. didici.

pacis artibus gloriosum, cujus industria in bello gerendo sapientiam summam, patientia vero ac perseverantia magnanimitatem eximiam ostenderit. Quid dicam de justitia, quae in te plurimum luceat? Quid de pietate; ac religione? quid de fidei constantia? quid de omni rerum moderatione? quid de studiis literarum? quibus in medio fervore maximi belli dare operam nunquam destitisti. Maxima profecto sunt haec, & eximia Regis ornamenta. Itaque & illa, quae jamdudum a te possidentur, hereditaria Regna sub tantis virtutibus tuis tranquille, beateque degunt, & ii, qui insuper ex te adjuncti sunt populi, sub tua gubernatione tandem tranquillitatem sperare merito possunt. Quis igitur ista considerans non faveat coeptis tuis? quis tuo nomini non suffragetur? Equidem si tantam operam militiae dedissem, quantam studiis literarum impendi, armatus forsan prodesse nonnichil possem. Cum vero arma non didicerim tractare, sed libros, in hoc ipso quod didici, ne opera mea tibi desit, annitar. Itaque Politicorum Aristotelis libros per me in latinum traductos ad te mittere constitui magnum ac dives instrumentum Regiae gubernationis, ac propriam Regis suppellectilem. Nam ceteri quidem libri, ut michi videtur, communes omnium, ut ita dixerim, sunt: ii autem proprii Regis. Siquidem Rex a reppendis populis dicitur, libri autem ii nichil aliud docent, quam quemadmodum populi regantur. Quare ego ille tuae laudis avidus te hortari obtestaque non desinam, ut hos Politicorum libros quam familiarissimos tibi facere studeas. Licet enim a parentibus Regibus, ut tuae distabant litterae, pernixa ac praecelara exempla bene regendi susceperis, amen aliud est natura, aliud disciplina, ut in rhetorica, & musica licet intueri. Qui enim musicae

I 2

scien-

scientiam tenet, longe melius de illa judicabit & sentiet, quam is, qui vel ex ingenio proprio, vel ad imitationem alterius vocem formabit. Idem quoque est in arte Rhetorica. Etsi enim magnis ingenii praediti quidam copiam dicendi sine arte affectui sunt, ars tamen dux certior est, quam natura. Aliud est enim arbitrato suo verba facere, aliud ea, quae dicas, ratione & arte distinguere. Regia quidem dignitas suprema est omnium dignitatum humanarum. Itaque Poëtae Jovem non Imperatorem appellant, sed Regem, tribuentes Deo id nomen, quod est apud homines maximum, atque amplissimum. Multa igitur, ac maxima ornamenta & a natura, & ab arte dignitas Regia requirit, si munus suum recte velit adimplere, cum esse debeat tanquam Deus quidam inter homines, excellens bonitate, excellens sapientia, excellens virtute. Quod considerans Philippus Macedonum Rex sapientissimus, ac maximus vir Alexandrum filium Aristoteli in disciplinam tradidit, quo illam, quam modo dicimus, excellentiam adipisceretur. Extat illius epistola ad Aristotelem de Alexandro, in qua haec sunt verba: *Diis, inquit, gratias habeo non tam proinde, quia natus, quam pro eo, quod cum nasci contigit temporibus vitae tuae. Spero enim fore, ut educatus, eruditusque a te dignus existat & te, & harum rerum susceptione. O sapientissimam hominis vocem! Ita demum eum putavit dignum fore susceptione Regni, si disciplina erudiretur. Atque plane ita fuit. Natura enim & disciplina ornatus Rex Mundum quasi totum suis victoriis illustravit, & Indos adusque Regnum extendit. Pyrrhus quoque Epirotarum Rex, maximus & ipse bello vir non solum lectitavit libros cum esset Rex, verum etiam scripsit de militari disciplina. Julius vero Caesar*
quan-

quantus fuerit in litteris, libri ab eo scripti declarant. Hi ergo summi viri non solum natura praestantes, verum etiam literis disciplinaque edocti, univrsum pene terrarum Orbem gloria sui nominis replevere. Ex quo ridere interdum soleo Francorum quorundam Regum simplicitatem, qui generosum ducunt literas nescire, nec intelligunt ex eo fieri, ut Reges ipsi ab aliis regantur. Neque enim putandum est, in parvis quidem rebus disciplinam, & artem esse necessariam, in maximis autem non esse. Imo quanto majus est regere populos & gentes, tanto plus sapientiae, disciplinaeque requirit. Est autem horum librorum non doctrina solum admirabilis, ac praecipua, verum etiam incredibilis quaedam amoenitas, cum propter determinaciones pulcherrimarum quaestionum, tum propter explicationes innumerabilium pene rerum cognitu dignissimarum, tum quia narrationes insunt veterum Regum, ac potentissimarum civitatum, & sapientium Legumlatorum, ut vel historiae gratia operae pretium sit illa cognoscere. Summa vero totius disciplinae de populis regendis, gubernandisque existit, infinitaque ferme sunt in iis libris, quae Regem vel instruere, vel ornare, vel commonefacere possint. Salubria consilia, praecepta permulta ex intimo philosophiae sacrario deprompta. Morbi Regnorum unde proveniant, quibus remediis ac medicinis hujusmodi morbis obvietur, praeterea quot sint Regum genera, & qualia. De tyrannis etiam permulta, ac dignissima cognitu, quo illorum opera nefarie declinemus. Popularium quin etiam naturas & mores non alienum fuerit Regem cognoscere, cum ei sint populi gubernandi. Omnis legitima gubernatio pro utilitate eorum, qui gubernantur, instituta est, pro honore vero & gloria illorum qui gubernant.

Itaque partitio illa recta existit, ut Rex quidem gloriam ex gubernatione sua suscipiat; populi vero, qui ab eo reguntur, utilitatem. Sed quid ago, cum libros ipsos mittam, in quibus prolixius, & commodius ista continentur? Intellego enim me plura scripsisse, quam oporteat, praesertim cum ad Regem scribam. Sed excuset me affectio mea. Devotio enim summa nescit paucis esse contenta. Vale
Decus seculi nostri.

II. ⁽¹⁾

LEONARDUS LAURO QUIRINO ⁽²⁾ S.

De propositis sibi quaestionibus differit.

Permulta michi tribuis in litteris tuis, quae ego neque recipio, neque assentior conscius imbecillitatis meae. Quamquam nomen ipsum Philosophi, quod tu in me usurpas, non arrogantiam significat, sed humilitatem. Studium enim discendi importat, non autem profectum. Itaque Pythagoras Samius, cum ab aliis sapiens vocaretur, non sapientem se esse respondit, sed Philosophum, idest amatorem sapientiae. Amatores enim dicuntur, qui ardent desiderio alicujus rei adipiscendae. Si igitur me talem significare voluisti, assentiar tibi: sicut ut vulgus, & consuetudo intelligit, negabo. Quaestionibus tamen a te propositis respondere constitui non quo te doceam, sed quo a te discam. Quatuor
igi-

(1) Hujus libri epistolae, quae sequuntur, nunc primum ex Codd. MSS. erutae sunt.

(2) Patrio Veneto, qui magis graecarum, latinarumque

litterarum peritiae juris cognitionem addidit. Ita de eo Blondus in Ital. Illustrata. Hunc inter illustres viros recenset Kyriacus in Diario MSS.

gitur controversiis me invadis. Prima est de felicitate, quam Aristoteles, ut tu putas, in contemplatione sola posuit. Tibi autem non videtur contemplatio hanc nobis felicitatem praestare posse. Altera est de virtutibus, quas Aristoteles dicit esse meliocritates. Tu autem contra probare anniteris. Tertia est, in qua contendis virtutes esse a natura, non a usu. Quarto loco quaeris, an qui unam habet virtutem, omnes habeat, vel recipiant separationem. Ego igitur servans ordinem tuum, de singulis quid pse sentiam, conabor ostendere. Ac primo quod le felicitate dicis, non recte capere videris. Aliud est enim proprium opus hominis, aliud felicitas. Nam opus quidem proprium hominis cunctis hominibus adest, felicitas vero paucis, vel nullis. Quod i autem proprium opus hominis hoc modo ab Aristotele investigatur: *ut fabri, inquit, & sutoris aliquod est opus, sic etiam hominis aliquod opus esse debet, quid igitur id erit?* Certe non vivere, nam id commune est etiam plantis: non sensus habere, nam id commune est etiam brutis. Restat igitur, ut sit proprium hominis operatio cum ratione. Hoc tu ita apis, quasi operari cum ratione sit contemplatio, & felicitas, quod falsum est: nam secundum hanc expositionem tuam omnes essent felices. Omnis quippe homo rationem habet, & cum illa operatur, cum sit animal rationale. Si igitur a me quaeris, quod sit proprium opus hominis, respondebo operari cum ratione. Si vero quid sit felicitas, respondebo felicitatem esse operari secundum virtutem perfectam in vita perfecta. Omnis autem homo rationem habet, & cum illa operatur, virtutem tamen perfectam rationis possident. Non est ergo idem proprium opus hominis, ac felicitas. Illa igitur expositio tua non est recta, neque contemplativa propria est hominis

vita, sed activa. Non enim, qua homo est, contemplatur, sed qua est divinum aliquid, ac separatum. Justiciam vero, ac temperantiam, & fortitudinem, ceterasque morales virtutes exercet ut homo. Itaque illa est proprie vita hominis, quae per morales virtutes agitur. Atqui per haec, quae hucusque praemisimus, si recte inspicias, responsum est ad primum, ac validissimum argumentorum tuorum. Contemplativa enim vita cum non sit proprie vita hominis, neque divitiis indiget, neque civili potentia, neque magnificentia, neque ceteris huiusmodi. Itaque quod inquit Boëtius, statum omnium bonorum aggregatione perfectum, non de contemplativa dicere videtur, sed de activa. Civilis enim vita multis indiget, ac tunc demum beata est & felix, cum omnium bonorum aggregatione perficitur. Contemplativa autem paucis contenta est, ac exter nam istam bonorum aggregationem contemnit, quippe cui satis sit nichil sibi deesse ad contemplandum. Haec ad Boëtii sententiam responsa sunt. Quamquam tu non recte facis, qui ex dictis Boëtii Aristotelem redarguas. Contra nempe faciendum fuit. Nam si Aristotelem contemplationem ipsam satis esse putat ad beate vivendum, constat Boëtii sententiam non procedere, qui aggregationem bonorum omnium exigit ad felicitatem. Alia ratio tua est ex defectu scientiae. Si enim contemplativus homo paucorum certitudinem habere potest, quae tandem erit ista felicitas scientiae, & cognitionis rerum sterilis? Nam quid homo scire potest, aut quarum rerum certitudinem habere? Parva quippe est hominum scientia, & parvo tempore duratura. Haec summa rationis tuae. Profecto vel tentandi me gratia ista dicis, vel non recte fundamenta capis huius disciplinae. Non enim omnes, qui contemplativam
sequun-

equuntur vitam, felices dicimus, nec omnes qui
activam. Sed cum quaereretur, utrum activa, &
negociosa vita aptior sit ad felicitatem, vel otiosa
ita in contemplatione rerum posita, docet Aristoteles multis rationibus in hac vita quiesca & otiosa
felicitatem magis existere, non quod activam vitam
elicitate privet, sed quod hanc praeferat, & ante-
ponat, quasi divinae vitae similiorem. Quis igitur
in hac vita contemplativa felicitatem adipiscetur?
Non omnis quidem, sed ille, qui sapientiam, &
scientiam & intelligentiam, ceterasque virtutes in-
tellectivas habebit, & in his exercitatus habitum ea-
rum confecerit. Is denique est, qui secundum per-
fectam virtutem operabitur in contemplatione. Tu
autem, nescio quos ignorantes michi proponis, &
illum summum ac beatum sapientia hominem inda-
gari debes, ignarum quendam, & hebetem induce-
re videris. At pauci tales fuerunt inquit, Fateor:
sancta enim praecellentia rarissima sunt, sed tibi
affirmo multos esse potuisse. Quicumque enim ma-
gno ingenio praediti hoc vitae genus vere, ac non
imulate eligere voluerint, & assidua sedulitate co-
gnitioni, & indagationi rerum puro animo incum-
bere, tales fieri possunt, modo longitudo vitae, ac
sanitas corporis, ceteraque opportuna non desint.
Magni viri Augustinus, & Basilus, & alii ex no-
stris permulti hanc vitam sectati sunt. Ex gentili-
bus vero Pythagoras, & Plato, & alii etiam per-
multi. An tu credis post Augustinum neminem
tanto ingenio natum fuisse, quanto ille fuit? Mul-
tos crede michi pares ingenio illi fuerunt, sed stu-
dium, & sedulitatem, & vigilantiam non adhibuerunt
eandem. Itaque ille palmam in stadio adeptus est.
Illi autem aut non cucurrerunt in stadio, aut cum in-
coeperunt, in medio cursu fatigati destiterunt. Qua-
re

re si rari sint, qui ad summum evadant, nostrum incuriam, & negligentiam, & ignaviam accusamus. Recte quidem Horatius de hoc ipso inquit:

*Qui studeat optatam cursu contingere metam,
Multa tulit, fecitque puer, sudavit, & alsi,
Abstinnit Venere, & vino.*

Nos in utramque dormientes aurem summum hominis bonum adipisci credemus? Nam de scientia, quod dixisti, valde admiror. An tibi Pythagoras, & Plato pauca scivisse videntur, qui & mathematicas scientias incredibili sedulitate perscrutati sunt, & coelo, terraque nichil fere incognitum reliquere? Quid Aristoteles? qui tam numerosa librorum volumina de cunctis scientiis, ac facultatibus scripta nobis reliquit? An is tibi pauca, vel potius infinita pene aliqua scripsisse videtur? Equidem hunc virum potius nimis multa scivisse dixerim, quam parum. Quid Augustinum? an pauca scivisse dicemus, cujus tot extant volumina admirabilis doctrinae? Quid Basilii Magnus? Quid Gregorius Nazianzenus? Quid Dionysius Areopagita? qui non contentus terrena, atque humana scrutari, etiam Coelos, eorumque Hierarchias perscrutatus est? Quid Marcus Varro? Quid Sextus Nigidius? Quid Marcus Cicero noster? An hos scientia steriles fuisse audes dicere? Noli igitur quaeso ex ignorantia quorundam hominum cunctos homines inscitiae condemnare. Homo enim infinitarum pene rerum cognitionem habere potest, modo velit in his perquirendis esse occupatus. Mentem certe habet divinae mentis participem, & est quasi mortalis quidam Deus. Sed haec satis in praesentiarum. Materia enim ista librum requireret, non epistolam. Aliud est argumentum tuum, per quod probare vis, non esse summum bonum in contemplatione. Ais enim, voluntatem nobiliorem esse intel-

(1) In Epist. ad Pisones.

intellectu. Quod si ita sit, non consistit felicitas in contemplatione, quae fit per intellectum, sed in alia, quae fiat per voluntatem. Quod autem sit nobilior voluntas ex eo probari inquis, quod communior est voluntas, cum sit etiam impossibile, & quod intellectui praecipit voluntas, & quod est posterius in ordine naturae. Certe ego ad haec vix respondere dignatus sum, ita michi videbantur absurda. An tu voluntatem, quae est irrationalis animi potentia, nobiliorem dicis esse intellectu, qui est pars animi, quae habet rationem, & quae communis est nobis cum Diis? Quis haec diceret? At communior est voluntas: bonum autem quanto communius, tanto divinius. Haec tua ratio nobiliorem facit vegetativam animam, quam sensitivam, & quam rationalem. Communior enim est vegetativa, cum insit etiam plantis, & animalibus cunctis. At enim rationalis homini solum. An igitur ex eo dicemus, vegetativam nobiliorem esse rationali, quia communiores? Certe non. Falsa igitur est ratio tua. At enim Aristoteles ipse inquit, bonum quanto communius est, tanto divinius. Fateor; sed hoc in se ipso verum est, non autem in comparatione aliorum. Verbi gratia: Vegetativa in ipsa multo major est, ac dignior, quia inest plantis ac animalibus, quam si inesset solummodo plantis. Ita bonum quanto communius est, tanto majus in se ipso. In comparatione vero ad aliud, dignitas, & excellentia attenditur. Rationalis enim anima longe dignior, ac nobilior est, quam sit vegetativa, licet vegetativa sit communior. Hoc idem dicendum est de voluntate & intellectu. Partes enim animae nostrae duae sunt; una rationem habens, altera irrationalis. Ea pars quae rationem habet, intellectus vocatur, & virtutes, quae in illa fiunt, intellectivae dicuntur. Sunt autem hae
vir-

virtutes sapientia, scientia, intelligentia, prudentia, & ars. Morales autem virtutes non sunt in illa parte, quae habet rationem, sed in illa parte, quae non habet rationem, in qua ira, & concupiscentia, & metus, & appetitus existit. Quomodo igitur praecipit intellectui voluntas? cum intellectus rationem habeat, voluntas non habeat? Nam quod posterius dicis esse in ordine naturae voluntatem, longe aberras. Patet id in pueris, quibus statim ira, & voluntas, & concupiscentia existit. At ratio, & intellectus procedente aetate in illis sunt. Haec ad primam questionem tuam dicta sunt. Venio nunc ad secundam, in qua de mediocritate virtutis dubitare videris. Ais enim, Aristotelem virtutes omnes in medio posuisse. Tu autem de quibusdam conexistimas, ut de prudentia, de temperantia, de iusticia, quae quidem virtutes non videntur tibi mediocritates esse, sed potius extremitates. Antequam huic parti respondeam, illud declarare volo, Aristotelem non dicere, omnes virtutes esse circa affectus & actus, in quibus parum, & nimis vituperatur, medium autem laudatur, ut audere, timere, irasci, misereri, cupere, & cetera huiusmodi. Intellectuales autem virtutes non circa affectus, sed circa verum & falsum versantur. Aristoteles igitur omnes virtutes morales mediocritates esse dicit. De intellectibus autem, si recte memini, nusquam dicit. Tu forsitan imperite facis, qui prudentiam, & temperantiam, & iusticiam simul conjungis, cum prudentia intellectiva sit virtus, temperantia, & iusticia morales existant. Quod autem mediocritas quaedam sit temperantia patet. Est enim circa corporis voluptates, quibus omnino se se dedere flagitiosum est. Rursus vero ab omnibus penitus abstinere, & omnem omnino voluptatem refugere, est quasi insensibilis quae-

medam; & inhumanitas, si & vina, & epulas, & convivium, & omnem jocunditatem refugiat, quam ego ne amicum quidem habere velim. Cum ergo haec extrema hinc inde habeat temperantia, vis negare potest eam esse mediocritatem? De iusticia quoque multo minus dubitandum est, cum sit iusticia quaedam, aequum vero sit inter plus, & minus. At enim si mediocritatem iusticiam, & temperantiam esse dicamus inquis, sequeretur ut mediocriter temperatus esset laudatior temperantissimo, mediocriter iustus esset melior iustissimo. Haec ratio nichil valet. Licet enim virtus mediocritas medam sit inter excessum & defectum; tamen ipsius virtutis nulla est mediocritas. Ex quo fit, ut illi temperantiam habet, non mediocriter sit temperatus, sed omnino temperatus, nec qui iusticiam habet, mediocriter est iustus, sed omnino iustus. Denique ut temperantia mediocritas quaedam est circa voluptates, ita temperatus mediocris quidam est circa voluptates, sed non circa temperantiam. Ais praeterea omne medium componi extremis, ut in coloribus, & saporibus patet. Si ergo virtus medium foret, sequeretur, ut ex viciis esset composita, quod est absurdum. Insuper si virtus foret in medio, non esset contraria vicio, cum sint contraria illa, quae durimum inter se distant, medium autem parum distat ab extremo. Insuper sequeretur, ut pars vicii esset virtus, ut patet in prodigalitate. Nam si illud, quod est nimium in illa auferemus, erit liberalitas, quod remanebit. Ad horum singula breviter respondebo. Neque enim talia sunt, ut multa vera mereantur. Nego esse verum, ut omne medium extremis componatur; punctum enim quod est medium lineae, non componitur ex linea: Nec qui erat medius inter duos latrones, componebatur ex latro-

sacronibus. At sapes, & colores medii extremi
 componuntur. Fateor per admixtionem. In virtu-
 bus autem admixtio non est, sed separatio, & re-
 jectio viciorum. Non componitur ergo ex viciis vir-
 tus, licet sit mediocritas inter excessum & defectum.
 Nec proxima est vicio virtus, sed valde distans, cum
 virtus secundum rationem fiat, vicium autem contra
 rationem, & virtus bonum, vicium malum, & illa
 laudabilis, illud vituperabile. Haec omnia contraria
 sunt, ac multum inter se distantia. Ad illud ver-
 quod ais, si a prodigalitate auferamus superfluum,
 pars illa mediocris, quae remanebit, erit liberalitas
 & sic pars remanentis vicii erit virtus: credebam
 te intelligere, virtutem liberalitatis non consistere in
 quantitate, sed in dispositione animi per electionem,
 quando, & quomodo, & cuius gratia largiatur. It-
 que si haec prius non erant in prodigo, nec ista quae
 remanet pars virtus erit. Tercia quaestio tua est de
 virtutibus, de quibus dubitare videris, utrum a na-
 tura sint, vel ab usu. In quo illud simpliciter res-
 pondeo, virtutem omnem esse habitum, habitus au-
 tem omnis per exercitationem & usum fieri. Ex
 quo palam est ab usu, & exercitatione virtutes ex-
 stere. Est tamen nobis quaedam naturalis dispositio
 ad virtutes: videmus enim manifeste nasci alios ad
 alias virtutes aptiores. Nempe alii natura intrepidi
 adversus pericula existunt, alii meticulosi, quidam
 mites natura, & verecundi, quidam effrenes natu-
 ra & impudentes, alii cupidi natura, & rapaces,
 alii liberales, & abstinentes. Hujuscemodi ergo dis-
 positiones hominibus innatae vel ad liberalitatem,
 vel ad fortitudinem, vel ad justiciam, non sunt vir-
 tutes propriae. Nam propria virtus est, quae habi-
 tum jam per usum, exercitationemque contraxit. Ut
 enim fabricando fabri, & citharam pulsando citha-
 raedi,

roedi, sic iusta agendo iusti, & fortia fortes efficiunt. Ex his patet, neque natura, neque praeter naturam inesse nobis virtutes, sed sumus nos quidem ad illas recipiendas natura apti, perficimur autem per exercitationem, & assuetudinem. Superest postrema quaestio tua spinosa profecto, atque ardua, utrum virtutum ipsarum sit consortium quoddam, & quasi consecutio talis, ut qui unam habet virtutem, ceteras quoque omnes habere necessarium sit, vel separari, ac dissolvi ab invicem virtutes possint. In qua quidem quaestione, ut tibi verum fatear, soleo interdum diversa sentire. Ratio enim me cogit fateri, virtutes omnes esse inter se conjunctas, & catenatas indissolubili quodam nexu. Sensus vero communis ab hac spinosa ratione abhorret. Sed permittamus nos rationi, sensum autem in hac parte valere sonamus. Primum igitur distinguendae sunt virtutes. Hoc enim modo clarius id, quod quaerimus, apparebit. Virtutum aliae sunt naturales, aliae propriae, ut paulo ante ostendimus. Propriarum rursus virtutum aliae sunt intellectivae, aliae morales. Naturalium ergo virtutum non est consecutio ulla. Potest enim esse quis natura constans, & intrepidus adversus pericula, & sic naturaliter fortis, & tamen hic idem rapax, & avarus, & injustus, & inimicus honestatis, ut plerisque videmus. Itaque in naturalibus virtutibus non est consecutio, sed separatio manifesta. Moralium autem virtutum omnium catenatio quaedam esse videtur, nec alteram ab altera separari posse. Sunt enim habitus cum ratione circa affectus animi, ratio autem in huiusmodi virtutibus prudentia est; prudentia vero in omnibus affectibus eadem est. Non enim unum curat, alium negligit. Ex quo fit, ut prudentia omnes virtutes morales simul liget, nec ullam separatim patiatur, & qui
unam

unam habet virtutem, omnes habet. Restant virtutes intellectivae, in quibus non video, cur separatio fieri non possit. Artifex enim quandam perfectionem, & habitum in arte sua consecutus, ut Apelles in pictura, Praxiteles in statuis, non necesse habet rei militaris, aut gubernandae Reipublicae scientiam habere, aut naturae rerum cognitionem. Immo, ut Socrates in Apologia docet, hoc est commune viciū in artificibus, quod ut quisque in arte sua excellit, ita se se decipit putans in aliis quoque facultatibus se scire, quae nescit. Ars igitur ab aliis virtutibus intellectivis separatur. Idem forsā de scientia, & prudentia dicendum est. Prudens enim cum in agendo versetur, non videtur requirere scientiam naturae, cuius finis est non actio, sed cognitio. Itaque ut naturales virtutes, sic etiam intellectivae videntur separationem recipere. Morales autem nequaquam recipiunt separationem, sed data una virtute morali, ceterae omnes ejusdem generis consequuntur. Vale.

III.

LEONARDUS LAURO QUIRINO S.

Ejus contumeliosae epistolae respondet.

Scripsisti nuper michi proponens quaestiones aliquas a me rogans, ut illis responderem. Erant vero quaestiones satis pervulgatae, atque communes; posita enim quibusdam in capitibus Aristotelis opinione contra illam arguebas, improbareque tentabas. Ego igitur a te requisitus & rogatus quaestionibus illis tuis per epistolam meam respondi Aristote-

potestis dicta defendens, & argumenta tua dissolvens. Feci autem hoc valde modeste, utpote qui scirem hujusmodi quaestiones disputandi potius causa proponi solere, quam quod ita revera, qui arguebat, taceret. Expectabam vero a te pro iis, quae tibi responderam, michi gratias agi. Ecce autem epistola tua super iis ad me scripta valde intemperanter, & contumeliose: pro gratiarum siquidem actione michi convicia reddidisti. Itaque mecum ipse obstupui tantam in te stulticiam, levitatemque, ac perversitatem naturae existere, ut pro beneficio michi maleficio retribueres. Nam si responderia me nolebas, cur me rogabas? Sin volebas, cur michi irasceris, qui id feci, quod a te rogatus fui? Si dicis me parum humaniter tibi respondisse, habes epistolam meam, ostende quaeso illam cuivis intelligenti. Nullus crede mihi de humanitate illam reprehendet. Quid enim in illa scriptum fuit non modeste? Nonne ab ipso ferre initio haec sunt verba? *Quaestionibus a te propositis respondere constitui, non quo te doceam, sed quo a te discam.* An potuit humanius dici? In sequentibus vero quid est, quod reprehendere valeas? Nam verba quidem illa: *non recte capis, & absurdum videtur*, & similia in disputationibus necessaria sunt. Tibi enim Aristotelem impugnanti quid ego defendens respondere poteram, nisi negarem rationes tuas esse veras, & quaedam a te verba non recte capi ostenderem, & non ita dicere Aristotelem, ut tu asserebas, monstrarem? Haec enim communia sunt disputantium, neque praeter te unquam vili aliquem, qui ista communia dici graviter ferret. Quod si usque adeo arrogans es, ut nichil contra tua dicta audire velis, rogare me non debuisti, ut argumentis tuis responderem. Ego enim quantum ad te attinet, libenter quiescebam. Tu dormientem

vocasti, respondentem indignaris. Inter cetera me contemnens hujusmodi sententiam scribis. *Relinque michi Aristotelem, cujus ego doctrina imbutus sum: Tu autem, qui haec non intelligis, Tullium, ac Livium legas.* O pecudem! Neque enim homo appellari meretur, cui tam falsum de se ipso iudicium sit. Certe me valde miseret stulticiae tuae, qui te magnum aliquid esse putas, cum nichil sis. Quantum praestaret te ipsum cognoscere, quam tam fatue de te ipso opinari? Sed quoniam magistrum te ipsum facis, & michi libros aufers, doce nos quaeso magister cucule admirabilem philosophiam tuam, & fatuitates illas tuas, quas in epistola ineptissime scripsisti, nobis declara. Potes quidem id faciliter agere. Nam, ut audio, non philosophum modo, sed & oratorem te putas esse, & epistolas tuas librariis ostentas. Qui si scires, quam ineptae, & ridiculae, & pueriles sint, eas potius ex libris deleres, quam librariis ostenderes. Et qui tu es quaeso, aut qualis, qui tam arroganter de te ipso loqueris? a quo si ventositatem quis detraxerit, instar vesicae inflatae nichil penitus remaneret. Quanto melius foret tibi Franciscum Barbarum, & alios civitatis tuae viros clarissimos, humanitate litterisque excultos imitari, quam inter babiones numerari velle, quibus incredibilis ignorantia cum intolerabili superbia, & fatua, ridiculaque opinione sui innata existit. Vide quaeso, quam sis inter babiones numerandus. Proposuisti michi quaestiones aliquas, addidisti argumenta quaedam contra Aristotelem plena ignorantiae ac fatuitatis tuae, meque rogasti, ut ad illa responderem. Feci quod postulasti, & humaniter quidem feci. Tu autem eberudine ingenii tanquam in tenebris ambulans, nec monstrata tibi discernens contra tua dicta me dixisse indignaris, & contume-

lia

ia me indigne afficis, & ut tibi relinquam Aristotelem superbissime jubes. Ego igitur cum tu talis sis, ualem te ipsum patefecisti, non Aristotelem, ut u postulas, sed stulticiam, & leuitatem, & ignorantiam tuam tibi relinquo. Quibus viciis obsessus, c plane obcaecatus tanquam talpa quidam lucem a enebris non discernis,

IV.

LEONARDUS NICOLAO CEBÆ⁽¹⁾

Causam significat, cur ejus epistolas non responderit, nonnullaque volumina ab eo petit.

NON putabam in uniuersa Graecia tantum esse latinarum literarum, quantum in te uno conspexi. Duas enim abs te epistolas accepi tanta elegantia nitoreque conscriptas, ut admiratus quidem fuerim tibi inter alienigenas uiventi tam ininterruptam patrii soli eloquentiam permanuisse. Et d primas quidem literas responsum exaravetam datum illi ipsi Religioso, qui tuas ad me detulerat. Praedixerat enim michi, se propediem abiturum fore, proinde litteras pararem, se enim venturum ad me, ac litteras suscepturum quod tamen non fecit. Illas postmodum tuas accepi litteras taciturnitatem meam accusantes, & nichilominus gratias agentes, quod illi Religioso, quem michi commendaras, non defuerim. Ex hoc igitur postremo intelligere potui-

fi,

K 2

1) Jansenius, Viro doctissimo: Blondus de Genoa loquens haec scribit in Ital. Inlustr. Paucos habet egregie literatos

quorum notiores nobis sunt Nicolaus Cebæ, & noster item Nicolaus Bracellensis, ac Gotardus Principis scriba.

sti, me leto animo suscepisse amicitiam tuam, qui homini ignoto tuis apud me litteris commendato ita me volentem & cupientem obtuli, ut promptius nichil fieri potuisset cum vera significatione amoris erga te mei. Quod si responsum tunc non habuisti, culpa in me non fuit, qui responsum paraveram, ut supra dixi. Nec tamen venerabilem illum, ac praestantissimum Religiosum carpo. Multa enim tam longum iter ingressuros occupant, ac distrahunt. Sed praeterita omittamus, & ea dicamus, quae ad rem nostram pertinent. Ego mi Nicolae perquam libenter te in amicitiam recipio virum bene literatum ac perhumanum, & de me plusquam ipse postulo egregie sentientem; estoque posthac nobis amicitia non vulgaris, sed qua boni viri inter se diligunt non emolumentum spe, sed comprobatione virtutis. Haec enim stabilis amicitia est, ceterae simul cum fortuna mutantur. Laudas translationes meas, ex quibus Phaedonem Platonis, & Aristotelis libros de moribus ad Nicomachum, & quasdam Plutarchi vitas te vidisse commemoras. Utinam tantas mererentur laudes, quantas tu illis tribuis! sed ego me, ac imbecillitatem meam novi, nec michi ipsi in illis satisfacio. Verumtamen ut scias, multo plura traduxi, quam a te commemorata sunt. Quod autem me hortaris ad translationem librorum Platonis de Rep., & ais vidisse te eosdem libros a nescio quo interprete ineptissime traductos, atque ob id magis me hortaris ad id onus suscipiendum, respondeo tibi plane, quod sentio. Equidem libros illos jampridem latinos facere aggressus essem, si michi placerent. Sed multa sunt in iis libris abhorrentia a moribus nostris, quae pro honore Platonis tacere satius est, quam proferre. Quod autem offers operam tuam in Graecis voluminibus comparandis, pergratissimum est. Obsecro des operam

am, ut michi emanent volumina, quae tibi nominatim in schedula his litteris interclusa exprimo. Studebis tamen potius vetustos eligere, quam novos, modo haberi possunt. Tu igitur hunc laborem michi gratissimum assumes. Ego autem ut aliqua hic tibi comparentur curabo. Vale.

V. ⁽¹⁾

LEONARDUS CYRIACO S. *anag. Cyriaco*

Historiam de Bello Italico promittit, ac p. 385. monumenta ab eo collecta petit.

Quid michi dabis, Cyriace, si de urbe Anconitana tibi permulta, ac praeclara vetustatis monumenta ostendam, quae tu numquam videristi, licet Acarnaniam totam cum Aetolia, & Boeotia lustraris, ac Peloponnesum, Spartamque, & Argos inspexeris, & quicquid antiquitatis est in illis prueris, & Athenarum propylaea nobis describeris. Ego tamen, dum tu peregrinando aliena conquiris, ipse manendo domi tua, idest patriae tuae monumenta tibi invisa, incognitaque perspexi. O magnam vim animi nostri, ac penitus divinam! Siquidem dum stamus domi, ipse peregrinatur, nec distantia modo locis adit, verum etiam quae jam mille annis gesta sunt, tanquam praesentia intuetur. Sed ne te per longa demorer, aperiam quid rei sit. Scripsi noviter libros quatuor *de Bello Italico*, quod Belisarius & Narfes Justiniani Duces adversum Gothos gessere. In eo bello multa, ac praeclara de Patria tua Anconitana reperi, ac reperta libens perscripsi.

K 3

Nam

(1) Hanc edidit etiam ex Cod. || zius Tom. VI. Miscell. pag. 538.
suo Vir Cl. Stephanus Balu.

Nam , & obsidio ejus Urbis terra marique a Gortia agitata , ac pugna navalis egregia & insignis circa eam commissa , in qua septuaginta quinque naves longae pugnaverunt , & situs oppidi , qui tunc erat , ac cetera permulta memoratu digna referuntur , in quibus scribendis tu etiam aliquid michi caloribus & imperus addidisti , quod tibi , & civibus tuis haec placitura existimabam , & sunt maximo ornamento vestrae civitati . Est autem haec non translatio , sed opus a me compositum , quemadmodum Livius a Valerio Antiate , vel a Polybio Megalopolitano sumpsit , & arbitrato suo disposuit . Hanc vero historiam meam si tu inspicere voles , non aliter tibi ostendam , quam si omnia epigrammata , omniaque vetustatis monumenta , quae in toto Orbe terrarum collegisti , ad me feres . Vale . Ptidie Kal. Septembris .

VI.

LEONARDUS CARDINALI
COLUMNENSI S.

Polybium , ac Livium inter se conciliat .

LAudo generositatem tuam , Reverendissime Pater , qui non circa negotia Curiae , ut ceteri faciunt , totus incumbis , sed politionibus interdum studiis mentem convertis . Quod autem diversa videntur tibi relata de Legione illa , quae Regium occupavit , non est mirabile . Scriptores enim antiqui varia , & interdum diversa reperiuntur tradidisse , ut in Livio videre licet , qui Valerium Antiatem , & Fabium Pictorem , & Pisonem Frugi non solum in numero caesorum , verum etiam in rebus

nus ipsis gestis saepe diversa tradidisse testatur. Ego
 gitor in Commentariis illis, quos tu legisti, Poly-
 nium Megalopolitanum secutus sum magnum pro-
 fecto virum, & scriptorem egregium, ac summae
 apud Graecos auctoritatis. Floruit autem maxime per
 Scipionis Aemiliani tempora, cum quo etiam in Afri-
 ca bello Carthaginiensi fuit. Tradit vero ex ea Le-
 gione, quae Regium occupavit, trecentos dumtaxat
 vivos in potestatem Romanorum venisse, qui Ro-
 nam ducti in foro verberati, ac securi percussi fue-
 runt. Livius autem in oratione quadam Scipionem
 inducit dicentem, totam Legionem securi percussam
 fuisse. In hoc igitur varietas est, quod hic de tota
 Legione sumptum supplicium dicit; ille vero de mi-
 litibus trecentis dumtaxat. Sed forsitan non est ita
 diversum, ut apparet. *Legio* enim *congregationem*
 significat, ut *grex*, ut *conventus*, ut *Senatus*, ut *Po-
 pulus*. Si de grege quadringentorum capitum de-
 manantur paulatim ducenta, tamen remanebit grex,
 ac priorem appellationem retinebit. Similiter con-
 ventus centum Monachorum, si ad viginti rediga-
 tur, tamen erit conventus; & si populus decemmil-
 lium hominum ad trecentum redigatur, tamen
 erit populus; & si trecenti isti supplicio afficientur,
 totus populus illius civitatis dicetur fuisse supplicio
 affectus. Romulus ab initio Senatum instituit viro-
 rum centum, unde *centumviralia judicia* dicuntur.
 Si quinquaginta ex illis mortui fuissent, tamen reli-
 qui superstites totus erat Senatus. Etenim si legio
 illa decem annis Regium possedit, necesse est, ut
 multi ex ea legione illo decennio interierint in obsidio-
 ne, & proeliis multos cecidisse consentaneum est.
 Non est igitur verum, ut de quatuor millibus pedi-
 tum, & equiribus ducentis fuerit supplicium sumptum,
 sed de iis dumtaxat, qui superstites ex ea Legione

fueraut. Restat alia dubitatio, quod Florus in deditionem acceptos, ego expugnatos dixi. In quo illud intelligendum est, quod qui se se dederunt milites, in deditionem accepti sunt; qui repugnauerunt, nec se dediderunt, expugnati, & interfecti sunt. Nec est inconueniens capta urbe, ut pars abjectis armis se dedat, pars vero interire malit, quam deditionem facere. Itaque haec, quae diuersa videntur, non sunt diuersa. Et idem dicunt scriptores, licet primo aspectu diuersa dicere videantur.

VII.

LEONARDUS LEONARDO ⁽¹⁾ S.

Stultitiam inuidia peiorem esse demonstrat.

VIdi illa, quae a te scripta sunt *aduersus Invidiam*, laudavique, & laudo ingenium tuum. Sed michi videtur longe plura dici posse *aduersus stulticiam*, quam *aduersus invidiam*. Cum enim utraque sit malum, stulticia tamen deterius est. Vide quaeso rationes, quae me in hanc sententiam trahunt: dicam enim breviter, & quasi punctis quibusdam illas attingam, quarum illa michi prima ratio sit, quod invidia quidem non ignorans est, stulticia vero ignorans. Quanto autem scire, quam nescire praestabilius est; tanto deterior stulticia, quam invidia reperitur. Quod autem non sit ignorans invidia patet. Cognoscit enim, & cui, & pro

(1) Leonardum Datum intellige, ut patet ex epistola IX. huius Libri. Hic est Leonardus Datus junior, qui *aduersus in-*

vidiam scripsit, fuitque a Secretis Pauli II., inde Massanus Episcopus. Vide Gasparum Veronensem.

pro quibus invidet: nam cui invideret, si ignoraret? At enim stulticia cuncta, ut ita dixerim, ignorat, & in hoc ipso ridicule fallitur, quod sibi putat invideri, & nemo invidet. Itaque Poëtae carere luminibus stulticiam dicunt: invidiam vero perspicacem nimis intuitum habere. A videndo nempe *invidia* li&ta est, utque *interviens*, & *immodicus* praepositione augentur, sic etiam *invidia*. Utrum igitur deterius est? Id ne, quod ignorans, & caecum esse constat, an id, quod scire, & videre confitemur? Praeterea invidia illi ipsi, qui invidet, boni alicujus causa interdum fuit, ut Aristoteles commotus Socratis gloria dedit operam eloquentiae, ac praecepta dicendi cum sapientia conjunxit. Et Temistoclem Militiadae trophaea de somno excitabant ad parem, vel majorem gloriam sibi comparandam, multaque hujusmodi afferri possunt exempla. At enim stulticia nichil omnino parit, quod bonum sit. Itaque *monstrum est*, ut inquit Satyricus, *nulla virtute redemptum*. Insuper stulticia deridetur, & contemptui habetur. Invidia autem neque deridetur, utpote intelligens, neque contemptui habetur, utpote majora conspiciens. Quis ergo dubitet, quin magis fugienda sit stulticia, quam invidia? Cum stulticia deridiculos, atque abjectos homines faciat; invidia non faciat? Equidem cognovi Perusinum quemdam aetate jam provectum, cum ego tunc adolescens essem. Hic Perusinus admirabilem quamdam Poëtarum, & Oratorum se habere scientiam existimabat. Sciebat autem, ut ita dixerim, nichil: tamen stultus homo credebatur sibi ab hominibus invideri, & de hoc plurimum conquerebatur. Erat vero, qui illi invideret, penitus nemo. Is si michi carus esset, mallet ut invideret aliis, quam sic stultum esse, ut sibi ab aliis invideri putaret. Cognosceret enim ignorantiam suam

suam, nec de se ipso tam fatue opinaretur, nec sibi putaret invideri, cum nichil in se haberet, quod invidiam mereretur. Haec sunt, quae michi adversus stulticiam in praesentiarum occurrunt. Credo autem si excogitare voluero, plura etiam esse michi de hoc ipso superventura. Vale.

VIII.

LEONARDUS ANDREOCCIO S.

De amoris sui constantia erga amicum.

RESTE fecit noster Franciscus Mini, quod te meo nomine salvere iussit. Id enim tibi nominatim mandaveram, cum de te prius, ac de omni statu tuo diligentissime percontatus sum. Gralias igitur ago & ipsi Francisco, qui mandata fideliter peregit mea, & tibi, qui eam salutationem tam grate suscepisti. Equidem ex ea re lucrum ingens reportasse me sentio, quod litteris tuis humanissime simul amoenissimeque scriptis fuerim versa vice ab te non salutatus modo, verum etiam honorificentissimis verbis ornatus. In quibus quanta vis amoris erga me, quantaque mei nominis redundans affectio insit, perfacile intelligo. Quod autem in iisdem litteris postulas, ut te amem, currentem, crede michi, ut curram, hortaris. Egone, cum in te tantum amoris erga me cernam, tantum benivolentiae, tantum caritatis, tibi in iis ipsis affectibus non respondeam? Praesertim cum ipse is sim, qui semper necessitudinem quandam, & conjunctionem arctioris vinculi existimarum esse michi cum omnibus, qui eisdem litterarum studiis detinentur. Similitudo enim

unitatis, eademque appetitio, & affectio majus indum, efficaciusque benivolentiae vinculum esse videtur, quam ulla consanguinitas, aut generis necessitudo. Cum ergo te iis studiis delectari cernam, quibus ego delector, te non amare non possem, etiam amor tuus michi ignotus esset. Fervente vero amore tuo erga me, seque palam ostendente, duplici sculo trahor ad amandum. Et de amore quidem tuo satis dictum in praesentiarum sit. De Principatu vero litterarum, quem aetate nostra michi concessu omnium tribui affirmas, haud equidem asperior. Nempe qui ipse michi non satisfaciam in dicendo, nec auris meas implere possim. Itaque conari tantum me sentio, nec tamen proficere, in quibus conor. Tu vale, mi suavissime Andreocci, & facis, haec studia amplectare. Iterum Vale.

IX.

LEONARDUS JOHANNI ARRETINO⁽¹⁾ S.

Gratulatur, quod studiis sacrarum litterarum se dederit; quodque Gasparem Bononiensem audierit.

Cupienti michi vehementer prospera de te audire, supervenerunt litterae tuae singularis amoris, & officii plenae, quibus certior factus sum te bene valere, ac studiis sacrarum litterarum assiduam operam dare. O res duas michi optatissimas de te cognovisse! Nam & validudo corporis ne-

¹⁾ Johanni Tortellio Archipresbytero Arretino, atque Eugenio IV. Subdiacono, qui cum

Nicolao V. conjunctissime vixit. Vide Volaterranum Lib. 21. Anthiop., Co. etiam, &c.

necessaria est homini in acquisitione veritatis occupato, & electio illa studiorum maxime probanda est, quae diviniore sectatur. Jam enim videre videntur aciem ingenii tui circa illius verae Essentiae cognitionem, quantum fas homini sit, toto nixu crescant nec miror te, dum coelestia scrutaris, terrenorum oblivisci. Suscepi etiam ex eo voluptatem permaximam quod michi significasti, Gasparum Bononiensem ⁽¹⁾ summum meo judicio hominem a te auditum superiore anno in disciplina morali fuisse. Crede michi, Johannes, fortunatus es hujus viri conversatione, atque doctrina, quem ego unum admiror maxime, quem vera philosophia, veraque scientia non fatua umbratilique imbutum sensi jamdiu, atque expertus sum. Huic tu inhaereas suadeo, & quoad fieri potest, nunquam dimittas. Plurima quippe sunt illius viri ornamenta, cum litterarum, cum disciplinarum, ut doleam equidem & interdum indigner tam mirifice doctum hominem & tam ercultum decidisse. De quo verissime dici potest: *Lux in tenebris lucet*. Sed non plura de hacre, quae corrigi non potest. Quod autem de Meteororum conversione flagitatis ambo, esset michi quoque jocundissimus labor, modo per occupationes meas liceret. Verum ego & defessus jam sum aetate, & insuper occupationibus variis obsessus. De historia vero quod petis, scias me post discessum tuum IV. libros de *Bello Italico* adversus Gothos scripisse. Scripsi vero illos non ut interpres, sed ut genitor, & auctor; quemadmodum enim, si de praesenti bello scriberem, noticia quidem rerum gestarum ex auditu foret, ordo vero, ac dispositio, & verba mea

(1) Gaspar Sighicellius Ordinis
Praed. Philosophus, ac Theologus insignis, qui creatus

fuit Episcopus Imolensis. V.
de Blondi Italiam Illustratam.

nt, ac meo arbitratu excogitata, & posita; eo-
n item modo ipse noticiam tantum rerum gesta-
n de illo sumens, in ceteris omnibus ab eo reces-
utpote qui hoc unum habeat boni, quod bello
erfuit. Cetera illius sunt spernenda. Vale, ¹⁰⁰
10 *Cassianus nostris* (Cod. Vind. 519) vgl. *Epist. 44. d. 1. r. 163*

X.

LEONARDUS BAPTISTAE ALBERTO S. (1)

Apud amicum se defendit.

VOlo cognoscas simplicitatem meam, vel potius puritatem. Nuper enim cum in Sanctae Crucis Templo me convenisti, ac verba fecisti responso Caroli ⁽²⁾, non intellexi ex illo responso te esse aliquid inferre adversum me. Itaque nichil ad hanc partem nunc respondi, utpote qui non suspicer te exostulare aliquid posse. Tantummodo coratatus sum ad contentiones deponendas, ut turpe iteratis hominibus in hujusmodi altercationes devenire. Postea vero referente michi egregio adolescente Jacobo, cui tu verba super hoc feceras, intellexi, te ex illo responso suspicari, ne Caroli rogatu illa scripserim, quae nuper ad Leonardum Dati ⁽³⁾ virum praestantem, michique amicum de invidia, stulticiaeue conscripsi. Quae suspicio si in te est, eam quaelo epone. Nullius enim rogatu, vel suasionem, vel conpirationem illa scripsi, sed ex me ipso citra ullam magnitatem animi de genere ipso disputavi, quemad-

[1] Florentino, qui nobili, & ad multas artes bonas versa-
tili ingenio patriam exornavit.
Ita fere de eo Blondus.

(2) Caroli nempe Marfuppini
Cancellarii poſtea Florentini.

(3) Nempæ in epistola VII.
hujus Libri.

modum de avaricia, & prodigalitate disputari solem, utrum illarum perniciosior sit, ac nocentior. Ne vero sum adeo levis, ut alterius rogatu, vel impulsu molestus cuquam esse quaererem, praesertim benevolis; & amicis, qualem te puto. Quare de me, & aliquid tale existimes, causa non est. Illum autem qui respondit, video aliunde scire potuisse, quae scripta fuerant. Mecum certe nichil de hac re ipse contulit. Vale.

XI.

LEONARDUS ALPHONSO EPISCOPO BURGENSI S. (1)

Cum Alphonso in gratiam redit.

PErgratae michi fuerunt litterae tuae, Reverende Pater, ac doctissime Vir, quas proxime suscepi mirabili sapientia, & optimorum copia verborum refertae. In quibus multa me delectarunt, & in primis pugilum illa similitudo ad causam utriusque nostrum verissime accommodata. Etenim si in armorum certaminibus, & in gladiatorum ludo, qui ferro inter se dimicant, tamen amici postea remanent; quanto magis id esse debet in certaminibus litterarum, in quibus non ferro, sed ingenio decertatur? Ego igitur protinus in hac parte tibi assentior, atque gratias ago, quod ad me scribere tanta distantia locorum dignatus sis, mentemque tuam amicissimam ostendere. Ut autem videas in me quoque eandem fuisse jampridem, & nunc esse dis-

(1) Alphonso de S. Maria, sive de Carthagena, de quo supra. Vi- || de Nicolaum Antonium in Bibl. Vet. Hisp. Lib. X. Cap. VIII.

positionem, & mentem, subjiciam hic verba, quae a pluribus mensibus ad amicum quendam ⁽¹⁾ descripsi. Nam cum ille scripta cujusdam malivoli intra opusculum meum ad me misisset, ac hortaretur, ut illi responderem, quemadmodum Alphonso nuper responderam, ego tunc mea cum adsum illius calumniam defendissem, in hunc modum tandem ad amicum verba feci: *Haec pro cognitione tua scripsisse volui. Nam obrectatorem illum neque novi equidem, neque nominare unquam divi. Sed satis apparet furiosum quendam esse, isquis is sit. Simul enim reprehendit de rebus incognitis, simulque maledicit, quasi non ratione, & odio, furoreque moveatur. Quid autem simile hic habet Alphonso? Ille veterem interpretationem Esbirum suis rationibus defendebat; de me autem nihil, nisi honorifice loquebatur. Tribuebat literas, splendoremque orationis, plura denique quam ego ipse vellem, in hac parte de me praedicabat. Unum modo reprehendebat, quod novam interpretationem meam veri anteferrem. Et in hoc ipso tamen humanissime, & moderatissime opinionem suam non contumeliis, ut solet, sed rationibus tuebatur. Hic autem alter nichil odesti habet. Itaque ego ille qui Alphonso moderate quidem, civiliterque respondi, hanc moderationem meam huic respondens servare non possum. Jurgium vero, & contumelias si reddam, & in his diutius consistam, vereor ne ipse levior, ac stultior fierem, quam esse ipse, qui me provocat. Haec fuerunt verba mea tunc ad amicum de te scripta. Potes igitur ex his videre, qualis sit animus erga te meus, cum jampridem de te non voce modo, sed & litteris fuerim attestatus. Quare sit jam nobis inter nos amicitia vera, qua boni viri se se invicem diligunt non spe utilita-*

(1) Nempe ad Franciscam Piccolpassum in Ep. IV. Lib. VIII.

litatis, sed opinione virtutis. Quod autem meorum opusculorum aliquid postulas, non erat sane apud me nunc, quod ad te mitterem, sed in posterum curabimus, ut tibi non defuit. Amicorum enim communia omnia. Misi vero jampridem ad Dominum Regem Hispaniae, qui hoc per suas litteras postularat, libellos quosdam meos, in quibus fuit opusculum cujus titulus est: *Isagogicon Moralis Philosophiae*. Hoc rogo, ut videas, & ad me rescribas, quid tibi videatur. Vale, ac me ama. *Flor. 1542*
editum 1542 (Cod. Vat. 549)

XII.

LEONARDUS JOHANNI CIRIGNANO S. 119

*Hebraicas litteras inutiles, Graecas vero
 Latinasque utilissimas esse ostendit.*

CUM ex agro Aretino, in quo rusticationis causa fueram multos dies commoratus, Florentiam rediissem, inveni domi epistolam tuam elegantem profecto, ac diligenter elaboratam. In qua reprehendere me operam tuam, quam hebraicis litteris perdiscendis dares, te audivisse scribis, & rationem tui facti reddens studia earum litterarum imprimis necessaria esse ostendere conaris. Ego autem quid tibi de me retulerit excellens ille vir, quem tu allegas, nescio. Illud tamen scio, non quasi rem turpem reprehensam fuisse a me illarum litterarum cognitionem & studium, sed quasi minus utilem, ac ut ita dixerim, supervacaneam operam. Litterae enim illae quicquid habuerunt boni jampridem in latinos translatus est, nec leves quidem

20-

(1) Lucensi, cujus nonnullas epistol. ad Cyriac. publici juris faciemus.

uictores, sed gravissimi, ac doctissimi transfulerunt. Sic tu quid jam amplius requiras, non equidem intelligo. Nisi forte illis ipsis Interpretibus diffidis, eos in disquisitionem, & iudicium vocare contemnis, quod si feceris, crede michi, ineptus sis. At enim, inquis, summum bonum, & cognitionem Dei ante omnia quaerere debemus. Fateor: sed si d hoc necessariam putas hebraicarum litterarum scientiam, vehementer erras. Neque enim Augustinus, neque Basilus, neque alii permulti ex nostris ac Græcis, qui hebraice nesciverunt, Deum agnovissent, si absque litteris hebraicis Dei cognitio haberi non posset. Quin & Judæos videmus litteris hebraicis perquam optime instructos, eosdem tamen summi boni, ac veri Dei cognitionem nequaquam habere, sed inimicissimos esse Religionis, & Fidei. Itaque non in cognitione litterarum hebraicarum consistit id bonum, quod tu quaeris, sed in aliis. At enim Hieronymus Poëtarum fabulas, & oratorum argutias damnat. Quid ad rem? Ego enim non te ad fabulas Poëtarum, neque ad argutias fori roco; sed si Philosophiae, ac liberalibus studiis opera danda est, si disciplina & moribus imbuendi sunt homines, quod nemo sanæ mentis unquam negabit esse faciendum: multo commodius, & plenius latinis, & graecis litteris fieri id posse dico, quam Judæorum barbarie. Quod si haec studia negligenda sunt, & contemplationi Dei incumbendum, ad eam rem non esse necessariam hebraicae linguae scientiam affirmo, cum multi in ea lingua eruditissimi perverse de Deo sentiant, & sint Religionis perfidissimi hostes: multi etiam illius linguae ignari ad perfectionem veritatis ascenderint. At enim, inquis, fundamenta rectae Fidei a Judæorum libris existunt, qui etsi sint translati, melius tamen est fontes con-

sectari, quam rivos. Certe si Christiani sumus, non autem Judaei, apud nos esse fontes dico, non apud illos. Novum enim Testamentum totum, ut in dixerim, nostrum est, non Judaeorum. Ex quatuor enim Evangelistis unus dumtaxat hebraice scripsit, ceteri omnes graeca lingua Evangelia sua ediderunt. Ex epistolis vero Pauli una solummodo hebraice scripta fuit, ceterae omnes alia lingua. Actus Apostolorum Lucas graece descripsit. Apocalypsis Joannis graece scripta est, non hebraice. An ii tibi videntur, an non fontes? Adde tamen multos, ac tam praestantes Doctores Christianae Fidei, quos habet latina lingua, & graeca: Dionysium Areopagitam, Gregorium Nazianzenum, Basilium, Chrysostomum, aliosque permultos Graecorum excellentissimos: Latinorum vero Augustinum, Hieronymum, Cyprianum, Ambrosium, Gregorium, Thomam Aquinatem, & alios quidem permultos. Si igitur Christianae Fidei cognitionem perfectam, & non vulgarem habere vis; hos lege quaeso, ac intellige, quorum nichil simile apud Hebraeos reperiri potes. Quid Concilia, in quibus permultae haereses, ac variae Christianorum lites sunt penitus extirpatae? Nonne tota Latinorum, & Graecorum sunt, Hebraeorum vero nulla? Lateranense, Nicaenum, Chalcedonense. Quid igitur apud Hebraeos quaeris? an Christianae Fidei fundamenta? Certe apud nos illa sunt, non apud eos. Disputationes doctorum, & determinationes dubietatum? At illae apud nos reperiuntur, non apud illos. Enim vero, inquires, multa ex Prophetis, & ex aliis Hebraeorum libris ad confirmationem Christianae Fidei dici possunt. Fateor: sed haec ipsa jampridem interpretata, & translata fuerunt a multis doctissimis viris, ut nichil lucrisit in illa magis hebraice legere, quam si latine legas

as. Nisi forsan diffidis Hieronymo sanctissimo, ac doctissimo viro, & tibi ipsi confidis melius intelligere posse, quam ille intellexit. Dare igitur te operam hebraicis litteris, voluptatem fortassis animi afferre tibi liquam potest: utilitatem vero nullam. Ceu si quis inum ex praelo haurire malit, quam ex dolio, noniam in praelo ante, quam in dolio fuit. Ne vero michi objeceris Graecarum litterarum studia, & operam illis impensam. Si enim tales interpretes, qualis Hieronymus fuit, Graeca lingua labuisset, labore me, & ceteros liberaffet. Sed quibus libros Aristotelis transtulerant, barbaros magis, quam Latinos illos effecerant. Deinde quid simile habet Graecorum eruditio cum Judaeorum ruditate? Graeca enim lingua Philosophiae, ceterarumque disciplinarum gratia addiscitur. Confert etiam latinis ad perfectionem litterarum. Eadem quippe origo videtur, eademque institutio, ac eadem paene litterarum figurae. Apud Hebraeos autem nullum tale invitamentum esse potest. Nulli enim illis Philosophi, nulli Poetae, nulli Oratores reperiuntur; lingua vero, ac figuris litterarum sic abhorrent a nostris, ut etiam in scribendo contrariam viam incedant, quam nos incedamus. Cum hac lingua tibi quid commercii sit, cujus litterae comites nostris esse non possunt, sed cum dextrorsum incedant nostrae, illae sinistrorsum aufugiant? Eloquentiam vero, ac dicendi artificium, quod tu, auctore Hieronymo improbare videris, Beato Paulo Apostolo non displicuisse conspicimus, qui cum in iudicium Hierosolymis tractus esset, ac jam pro damnato haberetur, injecto multitudini scrupulo, quod ipse Pharisaeus esset, ac resurrectionem animarum crederet, & ob id persecutionem pateretur, seditione apud auditores concitata evasit. Rursus vero cum apud Agrip-

pam, & Festum causam diceret, proemio, ac gestu oratorio usus est. Extento siquidem brachio, & manu leviter sublata principium dicendi fecit, ut Lucas Evangelista testatur, Agrippam compellans, ac sibi, quod jam pridem optasset, datam facultatem affirmans, ut ab Rege causa cognosceretur, adeoque persuasit dicendo, ut liberandum Rex diceret, nisi Caesarem appellasset. Homini quippe in communi vita degenti necessaria est eloquentia, qua conciliet sibi animos, qua impetus malivolorum infringat, qua justiciam suadeat. Itaque Stoici unam ex maximis virtutibus eloquentiam posuerunt. Nec te deterreat judicii dies, de quo Hieronymus inquit: *O quot illi elingues feliciores erunt disertis, & quot rustici oratoribus praeferentur!* Nam licet hoc modo de omnibus dicere. Quid vetat, ut ille de oratoribus, & disertis, sic etiam me de Theologis dicere: *O quot rustici, & illiterati feliciores erunt multis, qui sacrarum litterarum cognitioni vacant!* Siquidem Ariani, & Manichaei, & Sabelliani, ac ceteri haeretici, qui in Litteris Sacris versati perverse de Deo opinati sunt, sempiterno igne damnantur. Habes nunc judicium meum de Hebraicis litteris. Neque tamen legem tibi impono, quominus tuo arbitratu agas. Sed neque tu legem imponere michi debes, quomodo libere dicam, quid sentiam. Vale. 17. *Octobris 1549.*

(Lod. Vind. 1549; 17. Oct. 1549, 161)



XIII.

LEONARDUS REGI ARAGONUM S.

*Partem Librorum De Bello Italico
ei mittit.*

REm incredibilem, Serenissime Princeps, sed tamen veram Excellentiae tuae per has litteras indicabo. Nec erit tibi ingratum, ut opinor, eam rem ex me potissimum cognovisse. Scripsi nuper libros quatuor *De Bello Italico* adversus Gothos gesto. In eo bello, quia urbs Neapolitana bis obpressa fuit & bis capta primum a Belisario Justiniani Duce, postea vero a Totila Gothorum Rege, & utroque tempore magna & notabilis fuit obsidio, decreveram eos libros tibi eandem urbem obsidenti transmittere. Sed retardavit me respectus quidam, quod veritus sum, ne aliquos offenderem, si viam, & occultum aditum quodammodo monstrarem ad urbem capiendam. Cum igitur ob hoc respectum detinerer, ecce tua virtus admirabilis Neapolim coepit per eum maxime modum, ut audivimus, quo in eisdem libris describitur a Belisario fuisse captam. Itaque ego haec audiens obstupui post mille ferme annos eandem urbem eodem modo captam, & servatam fuisse. Neque enim minorem humanitatem tuam fuisse audivimus in conservando cives, quam tunc fuerit Belisarii, neque minorem industriam in capiendo. Nec putet aliquis me ista fingere. Nam libri illi sex mensibus ante editi a me fuerunt, quam tu urbem illam coepisti, multi-
L 3
que

que jam illos non legerant modo, verum etiam transcripserant. Ut autem videas modum, quo Belisarius tunc Neapolim coepit, mitto tibi partem illam libri, in qua captivitas ejus urbis describitur. Vale Decus seculi nostri.





LEONARDI BRUNI
ARRETINI
EPISTOLARUM
LIBER DECIMUS.



I.

LEONARDUS ARPINO ⁽¹⁾ SUO S. P.

Juvenem ei commendat.

Cum egregio juvene Paulo Florentino latore
praesentium, magna, & arctissima familia-
ritas michi est, & jam a puerilibus annis
multis officiis, & mutua caritate firmata.
Is cum nunc Januam se venire velle dixisset, non
praetermisi ipsum ad ea loca, in quibus tu es, va-
uum venire mearum literarum. Quid tandem ad

L 4

te

(1) Has epistolas ex Codice Ma- || nunc primum in lucem pro-
rii Florii Patricii Arretini || ducimus.

te scriberem nichil plane erat, nisi fortasse conqueri, ac lamentari vellem, & haec misera tempora, in quae incidimus, accusare; sed hujusmodi querelae sunt, ut ad augendum dolorem magis valeant, quam ad tolerandum. Vale.

II.

LEONARDUS FRANCISCO
PICCOLPASSO S.

*De suo, atque Jo: ejus amici negotio
commonefacit.*

DE die in diem cogitavi istuc accedere, ex quo factum est, ut litteris, quas nuper ad me scripsisti, nondum responderem. Tamen sic habeto, neminem michi prorsus visum esse aut sapientius, aut diligentius, aut ut ita loquar, circumspectius de universo negotio meo respondere potuisse, quam tu nuper per litteras tuas michi respondisti cum summa attestatione caritatis erga me tuae. Itaque statim dabo operam, ut id faciam, quod tu michi persuades. Tamen responsionem unam ab socio illo, cui & oves, & boves insuper, & pecora campi recitabas, expecto, qua delata, vel desperata continuo ad vos curram, tamquam ad solacium quoddam prioris dissidii. Et hoc quantum ad me attinet. Quantum vero ad Johannem amicum tuum, utinam te, aut virtute tua dignus foret! Sed quotidie audio nonnulla de ipso, quae magno me dolore afficiunt. Saepius his proximis diebus hortatus eum fui, ut ad te veniret; ipse vero propter scabiem, qua premitur, se se excusabat. Tandem die

te sabbati proxime praeteriti postulante Philippo editore pro XXV. Florenis, si bene memini, catus, atque detentus est. Egi cum Philippo, quantum potui, nil dum perfeci. Credo erit non inuti-
le, ut cum Nicolao nostro de hac re loquaris. Vale.

III.

LEONARDUS PETRO SAL. P. D.

Amico partum honorem gratulatur, benevolentiamque suam pollicetur.

Cum pro tanto honore, tamque amplo dignitatis gradu tibi per meas epistolas gratulari vellem, supervenerunt epistolae tuae, quae letitiam ante susceptam mirum in modum accumulaverunt. Nam praeter quam quod rem gestam ratius fuit michi abs te ipso, quam ab aliis audire; cum me alloquebaris, sic omnes cogitationes, & consilia michi enodabas tua, ut facile appareret te ad id scribere, ad quem ob eximiam caritatem, singularemque benevolentiam, non solum impensis honoris letitiam, verum etiam impositi oneris curam existimantes pertinere. Super qua quidem re semper conabor, ut nec ita existimando falsus fuisse videaris, nec me, quod turpissimum est, parum didici possit in amicitia respondisse. Ad haec igitur facienda non alia michi via eundum est, quam superiori tempore. Noverunt enim cuncti, quibus modo aliquis usus, vel conversatio mecum fuerit, quale ego ad te semper testimonium ferrem. Nunc igitur idem sum, qui prius, atque eo frequentior, quo de te mentio habetur crebrior. Ultro enim homines

*huid ego, quod ego de amicitia nostrorum hominum
no invidiam & laudem se ostendit de tuo ingenio, laetitia, de-
lia, dicendi copia, quia meliora de maximo obsequio comi-
me sentiam, quod ego de te, cum te viderem, semper
boni deambulationibus, quod ego in conspectu, quod ego
omnes cum huiusmodi homo videtur, sig de te
pleroque, quod ego in conspectu, quod ego*

rogatum veniunt propter partem tibi dignitatem; quibus ita respondeo, ut debeo; debeo autem quod sentio; sentio vero ut de homine praestantis ingenii, & bene litterato maxime omnium ad benedicendum apto sentire par est. Sed ut ad illud redeam quod proposueram, ego tibi, mi Petre, pro his, quae tecum acta sunt, vehementissime gratulor, & ut felix faustumque sit tibi, Reique publicae, & tuis omnibus exopto. Vale, & cognatos, affinesque meos, quos ego jam per litteras admonui in omni causa, omnique re explicanda ad tuam tutelam, patrociniumque confugere, si quid acciderit, suscipias recommissos. Ego idem faciam pro tuis, si quid Romae agendum sit. Iterum vale.

IV.

LEONARDUS PANAGATHO ⁽¹⁾

Se excusat, quod non scripserit.

Solent qui errati veniam petunt, causam aliquam sui erroris probabilem allegare. Ego autem si quam haberem, jampridem illam ad te scripsissem; sed nullam habeo quam afferre possim, veldum probabilem, sed ne tolerabilem quidem. Quare ad deprecationem me confugere necessitas cogit. Scire tamen abs te velim, si facilitatem illam tuam, & humanitatem pristinam observes, an posteaquam te non vidi, durior factus sis, ut exinde consilium capiam. Nam si mitis es, audebo, si inexorabilis, me contraham: malo enim perpetuo silentio uti, quam aliquid petere, quod a te non sum impetraturus.

(1) Vide Epistolam IX. Libri primi.

ms. Proinde tu etiam, atque etiam videas, num
 istiusmodi praestet, & aliquid ex eo, quod tibi de-
 cam, remittere, quam dum totum persequeris, to-
 tum perdere. Quamquam tecum jocos haec dicens;
 istiusmodi enim fundamentis conjunctio nostra stabi-
 ta est, ut si maxime cupias me amittere, non
 possis. Et si calamus cessavit ad te scribere, non ta-
 men caritas, & benivolentia mea cessavit, aut re-
 missior fuit. Binas tamen ad te literas dedisse me-
 mini, quas intelligo nunquam tibi redditas fuisse.
 Aliarum exemplum, quia apud me existerat, nunc
 tibi mitto. Aliarum etsi diligentissime conquererem,
 sperire non potui. Si oblivioni vis tradere praete-
 ritam tarditatem, scribam ad te nonnunquam; sin
 remississe velis, faciam, quod amici negligentiores
 in visitandis aegrotantibus facere consueverunt, prae-
 erecundia praeteriti erroris magis quotidie errare
 perseverant. Vale.

V.

LEONARDUS COLUCIO SUO S.

Nonnulla in Colucii epistola reprehendis.

Vereor mi, Coluci, ne te paenituerit eorum,
 quae superioribus literis in commendationem
 meam ad summum Pontificem scripsisti. Nam
 cum illa epistola ingenium atque doctrinam michi
 attribueris, ita tamen posterioribus litteris me op-
 pugnas, quasi omni sensu in scribendo careres; quae
 si vero animo, ac non jocandi causa te scripsisse ar-
 bitrarer, vocarem te in jus, ulciscereturque injuriam
 illatam, petita tamen prius, quemadmodum contra
 pa-

parentes decet, ac ut jura praecipiunt, venia Praetoris. Neque enim, ut credo, Praetoris aequitas perteretur, ut quae tu michi teste summo Pontifici ob mea, ut tu praedicabas, merita tribuisti, ea mihi nullo meo demerito auferre coneris: sed te joco puto, ac ejusmodi cavillationes, quibus interdum gaudere soles, non quia ita sentires, sed tentant gratia induxisse. Quibus si ego inter occupationes meas liceret, responderem libenter. Itaque hanc etiam partem relinquo, & rectus, an perperam scripserim non dubito. Illud tamen, ne in medio quidem occupationum praeterire possum, quod tu in principio tuae epistolae scripsisti: *Linus Colucius Leonardo Car. Arcisino salutem.* Quod ego cum legerem, valde quidem dubitavi, michi ne, an patri meo jam multis annos functo literae istae scriberentur, quod & hoc a nostris vatibus scriptum est: *Quoniam viventes non sufficiebant, mortuos quoque suis epistolis laceperent.* Sed ut ex sequentibus intellexi, quod ad me laaberentur, vehementer equidem sum admiratus, et contra consuetudinem tuam patrem meum admisi, nisi forte ipsum testem esse voluisti castigatorem meae. Sed ista omittamus: Scio enim te ea de causa fecisse, ut antiquum modum imitareris, quod ego non improbo, dummodo id ratione fiat. Sed ineptias antiquitatis delabi cum leve est, tum abridum. Nam quis audivit, aut apud scriptores legitur ut nomen patris pro filio poneretur, aut filii per Patre? *Q. Tullius M. filius, Gneus Pompejus Sextilius*; dicebant antiqui. Quod autem *Pompejo* scriberetur, aut *Quinto Marco*, penitus est innotum. Nichil itaque absurdius videri solet, nec ab antiquorum more discrepantius, quam cum dicunt: *cobus Ansellus, Poggius Guccius*, in quo manifestissima est absurditas: exinde nulla antiquitatis imitatio

o, immo corruptio: recta enim imitatio existit, si cum patris habenda est mentio, *Nicolaus Bartholomaei filius*, *Leonardus Cecchi filius* diceretur, quod bonus dicendi non solum antiquitatem reddit, verum etiam habet venustatem. Et ego hoc sentio tibi habenda est patris mentio, quod non faciebant antiqui, nisi cum ad inimicos, aut ignotos scriberent, ut manifeste per epistolas Ciceronis animadverti potest. Si autem ad notos scribebant, nominabant tunc, & agnomina adhibebant; Sed plerique nomina, & cognomina, quae ex familiis sumebantur, adeo *Marcum Licinium*, & *Quintum Saturnium*, tribit Plutarchus nulla agnomina habuisse. Duo item nomina, aut duo cognomina nunquam apud nos reperiuntur. Itaque nescio an graviter a te sumptum *Lini* vocabulum. Cum enim *Colucius Salutaris* bellissime dicatur secundum antiquos, qui nomina, & cognomina habuerunt, nec linum, nec upam adungere necesse fuit ad tuum nomen illustrandum. Jocari tecum michi libet, nisi forte *C. Iulius*, *Q. Saturnius*, *Q. Coelius* parum nominati minores videantur, qui nominibus, & cognominibus dumtaxat contenti fuerunt. Quare cum fiducia ad te scribo: nulla causa est, cur id, quod inventute, quae profecto iactantior esse solet, reieceris, nunc in senectute parum tibi graviter assumes. Id cur, dicet quispiam, tu idem hac eadem antiquitate ductus *Leonardum Aretinum* scribis, non *Leonardum de Aretio*? Ego vero nec superius dixi, nec aliquam dicam, displicere michi antiquitatis imitationem, dummodo sit ratio aliqua. Sin autem, ut bene nosti, qui omnia, quae legi possunt, accuratissime perlegisti, ejusmodi apud antiquos appellationes sunt, ut *Cassius Parmensis*, *Valerius Antias*, *Architarantinus*, *Pythagoras Samius*; per horum

ut

ut ita dicam, analogiam michi videor potuisse hunc modum dicendi sequi sine ullo crimine levitatis. Quod quidem in re illud me movet, quod apud literatos jam homines legisse memini: *Plato de Athenis, Varro de Roma, Epaminondas de Thebis*, vel quid simile de patria significanda, quod ego nescio qua ignorantia ad aetatem nostram traductum omnem eloquentiam corrumpit orationis nostrae. Quis enim vel modiciter doctus sine offensione legere potest *Nannus de Monticulo, Bartolus de Saxoferrato, Dinus de Massilo*? Itaque in *Arretino* dicendo ego non tantum antiquitatem sequor, sed fugio obscuritatem. Quamobrem recte feceris, si & *Linum*, & *Cecum* praetermiseris. Satis enim habet uterque nostrum: tu in cognomine Familiae, ego in patria nora. Denique tu de tuo ut vis: ego enim ad te scribam, ut te maxime velle intellexero, quod tu in me observes observo. Sed jam sit finis; Longius enim progressus est sermo, quam ab initio fuerim opinatus. Verum est, ut inquit Cato, senectus loquacior. Ego autem si vera sunt quae tu scribis, gratissimus natus sum cum habeam filium septuagesimo quarto anno aetatis suae constitutum. Quaeso, Coluci, has, cum ad me scribis, ineptias penitus depone, quod nisi feceris ego illud reddam, quod est a te multis de locis meritis derisum, ut ad te scribens pluralitatem complectar. Adversus si tu clamabis, unus sum, non plures: Ego majori voce replicabo: Filius sum, Coluci, tibi, non Pater. Vale.

VI.

LEONARDUS NICOLAO S.

Amicum rogat, ut frequentius scribat.

ET tacendo, & scribendo me superas mi Nicolae, nec plus literarum tuarum multitudine ante hoc tempus superatus, quam nunc taciturnitas tua me frangit. Cupio mehercle jam audire causam hujusce diuturni silentii tui: Non enim timore, nec partim dolore, partim verecundia, ut Ciceroni noster ait, eo uteris. Novi insuper modum illum, qui cum antiquitatis amator sis, nunquam nisi ante per feciales more majorum denunciando mihi bellum indixisses, nec rursus eo silentio odio alioquin me uteris, nam praeterquam amississes⁽¹⁾ tantumque mihi conscius ipse, contra te haud existeret. Verum illud arbitror esse, ut quem ante scribendo superasti, nunc tacendo superare volueris memorabilem victoriam referens. Hominem articulati verbo laborantem a te valentissimo digitis vinci, sperare non fuit. Ast illud est praeclarum, & omnium gloriosissimum, quod tacendo, idest nichil scribens eundem hominem superasti. Si coronae taciturnales donarentur, tibi jampridem caput insignitum dederemus. Vale.

VII.

1) Haec lacuna est.

VII.

LEONARDUS FELTRINO BOJARDO
EQUITI FERRARIENSI ⁽¹⁾ S. P. D.

Se ejus postulatis satisfacturum pollicetur.

Nescio qua sorte factum sit, praestantissime vir, ut quo in tempore maxime cogitabam tui satisfacere postulatis, eo tempore negotium pergrande, ac nimium paene rationibus vitae illius, quam ego michi delegeram, sit impositum. Nam cum desiderium michi tuum quotidie succurreret, virque deinde clarissimus, & amantissimus tui Paulus Gal-tretanus a te rediens hoc ipsum michi percrebro re-fricaret assiduus, ac pene importunus; decreveram hoc alienum aes propere exolvere, cumque instituto jam operi manus admovissem, ecce tibi quod quam minime gentium suspicabar occupationum procella me corripuit, & in altum undosum, fluctuosumque devexit. Credo enim audivisse te literato ex ocio invitum repugnantemque me jussu Civitatis negotiis publicis fuisse praefectum. Quas ob res licet ita impediatur, ut nichil de me, utpote alieno homine pol-liceri valeam, tamen cum antecedit obligatio tua, prior enim est in tempore, quam haec publica obli-gatio, dabo operam, ut aliquando persolvam. In-terea tamen has literas tenebis, quasi chirographum promissorum meorum, ac memoriae indicem. Aldo-brandinus noster est assidue mecum, ac me sedulo mo-

(1) De hoc vide, quae habet *Diarium Ferrariense* editum a Cl. Muratorio Tom. XXIV. || Script. Ital., quaeque referunt *Annales Estenses* Jacobi de Delayto.

monet, ut promissis faciam satis. Et quia Juris consultus est, negat me legitime posse absolvi, nisi moram hanc meam cumulatione aliquo munere purgato. Vale.

VIII.

LEONARDUS ARCHIEPISCOPO MEDIOLANENSI ⁽¹⁾ S.

Nonnullas suspensiones evellere conatur.

Reculit mihi Thomas Salveſtus ⁽²⁾ querelas, vel potius suspensiones, quas de me conceperas. Itaque nequaquam deferendum putavi, quin, & me purgarem, & veritatem sine ullo veramine, fucoque defenderem. Primum igitur, quod le compellationis inhonorificentia objicitur, factum est a me nullo contemptu, sed quod ita rationi cononum arbitrarer. Etenim si de hominis dignitate igeretur, ego summa omnia tribuere tibi non dubitasset; sed agitur non de personae meritis, sed le Ecclesiastica dignitate, cui superlationem si tribuero, quid michi relinquitur, quod Tusculano, aut Ostiensi Cardinalibus, eisdemque Legatis de Latere tribuere possim? Ego sic dici servatum conspexi, ut compellatio illa *Reverendissima* his eminentioribus dignitatibus, quasi praecipua reservaretur, & usus certe Curiae Romanae sic habet, & sic locus hactenus servavit. Sed non committam posthac, ut querelandi ex ea re nascatur occasio, cum tibi, quod non putabam, haec placere intelligo. Satisfaciam

Tom. II. M. enim

(1) Piccolpasso de quo supra. || pſit B. Gometii Ulyſſiponenſis
(2) Florentino, qui vitam ſcri- || Abbatis Caſſinenſis.

enim abunde in hujusmodi compellationibus. *Patri* vero *nostro* adjungere cum superius *Patri* dictum sit, id ignorantiae, & conculcationis ineptae plenum mihi videtur. Quid enim attinet, cum aliquem vocaveris *Patrem*, paulo post, ac fere statim *patrem meum* subjungere? Itaque nemo hoc expectet a me, sed vel ignarum aliquem literaturae, vel adulatorem quaerat. Quod autem suspicaris scriptum aliquid fuisse per nos ad Principem tuum, & querelas factas, missaque exempla litterarum tuarum, & Genovesium; hoc scito nullam protinus in se veritatem habere. Nichil enim de ea re illic scriptum ab hac *Repub.* fuit, imo in litteris, quas ipse nobis scribit, purgat sese, & nichil scivisse de hujusmodi scriptione asserens, & reprehendens inhonestatem eorum, qui scripserunt, in his inquam litteris scribit copias ipsarum litterarum, & responsionis nostrae de Urbe *Genua* sibi transmissas fuisse. Itaque vide, ne in parietes, ut dici solet, aliquid lateat non satis inivolum dignitati tuae, ac desine suspicari de nobis à quibus nichil omnino factum est, aut scriptum contra tuam dignitatem. Ego quidem hoc ipsum graviter fero, quod in mentem tuam cadere potest talis suspicio. An ego in tam longa familiaritate nondum satis probavi integritatem meam, ut cum nunc dubitetur, qua mente sim praecipue erga dignitatem tuam? Commemorasti beneficia tua in me collata, & rectè: sed ego quoque non leviora a me collata in te commemorare possum. Et tu ipse fac me unum amicum non defuisse in summis periculis tuis, cum ceteri omnes te palam desertissent, nec potentiores ea facere auderent pro te, quae ipse feci. Nam quod de verbo temere in litteris posito conqueustus es, forsitan ego vel litteras nunquam didici vel oblitus sum. Significat enim non quod tu inter

taris, *Stolide*, & *insane*, sed *inconsulte*, & non *is confiderate*. In quo quae contumelia sit, non idem intelligo, praesertim cum non ad te solum verae illae scriptae sint, sed ad te, & ad alios quos-
n, nec dictum sit vos *temere* fecisse aliquid, sed videretis, ne quid *inconsulte* ageretur. Ut finem iam, ego benevolentiam erga te servavi haecenus in omni integritate, & eam servaturus sum. Hoc quoque tibi persuadeas velim. Vale.

IX.

LEONARDUS LAPO ⁽¹⁾ S. P.

Quomodo se gerere debeat.

Uum jampridem redditae forent litterae michi tuae, in quibus non satis prospera de te, statuque tuo significari videbantur, ac postmodum audivissem Lecturam, & honorem tibi impendit, expectabam rursus a te certior fieri de rebus secundis, ut tecum, quemadmodum debeo, gratuler. Haec itaque causa fuit differendi responsum. Adde insuper occupationes Reipublicae, & tandem ex natura tarditatem ad scribendum. Tutur haec omnia pro excusatione ita colliges, ut benevolentiam, & amorem erga te meum eundem esse existimes qui prius fuit, nullam quippe mutationem suscepit, licet tu locum mutaris, quod totum fecisti consilio, & suasionem mea. Restat nunc

M 2

ut

Lapo a Castilionchio, de quo etiam in Epist. XI. Lib. VI. praetis, latinisque litteris instructo, qui nonnullas Plu-

tarchi vitae in latinam linguam transtulit. *Lapum Florentinum* nuncupat Cortesius.

ut te currentem quidem cohorter ad constantiam perseverantiam, & durationem. Expertus equidem, omnia Curiae hujuscemodi negotia esse, ut perseveret, & duret certissimam sibi spem reponere possit optato potiundi. Quod si perseverantia sit, & immatura sit properatio, in medio cursu evanescit. Noli ergo principia incusare, etsi non satis tuo desiderio correspondent; sed spem optimam complectere, futura, si perseveras, qualia tu expectas. Studia vero tua, in quibus omnis spes tui futurus reposita esse debet, noctu dieque augetur, familiaritates, ac noticias majorum, ac minorum hominum tibi conciliare ne cesses. Haec erit tibi certissima amplitudinis, atque dignitatis futurae. V. Idus Martii.

X.

LEONARDUS FLAVIO FOROLIVIENSI S.

Rogat, ut epistolam suam Pontifici ostendat.

E Pistolam grandiore⁽¹⁾ ad te scribo de Politicorum, quos donare Domino nostro Imperatoris pae⁽²⁾ constitui. Scribo autem ea de causa quod per te potissimum ostendi eam epistolam Sanctitati Suae, existimans, quod nec tibi gravaretur ostendere pro singulari amore, quem erga me habet, atque Beatitudini suae inspicere. Tu igitur noster ornato verbis, ut inquit ille Terentius amator, & tempus ad hoc aptum deligito. lent enim Principum aures occupationibus anxie

(1) Ea est prima Libri octavi. || (2) Eugenium IV. inel.

atae recreationem aliquam pascere ex suavioribus ; ita dixerim, Musis, quod praesertim hic noster Princeps facit, cum sit nostra legendi, audiendique studium. Insuper praefationem illam Beatitudini Suae endes, ita tamen, si placitum existimabis. Sed stolam, quam ad te scribo, nullo modo praeteritas, quin ostendas, atque cures, ut sibi legatur. O super triennium in horum librorum translatione laboravi conterens singula verba, atque sententias. Non enim haec est narratio, aut historia, qua nichil sit praeter significationem rei gestae; est disciplina magna, & accurata, in qua si paucum modo aberraveris, omnia paene confundantur. que incredibili diligentia opus est ad fidelitatem translationis. Et haec fuit michi causa retinendi hos libros diutius in manibus, atque multi jam pridem gemit, & avide expectant, ut libri edantur. Quod tandem fiet a me, prius quam finis sit hujus saeculi. Simul enim ac librum in secreto Dominum nostrum Papam ostenderis, sub ejusmine edetur. Tu ergo vale, & hunc librum suscipe, quem opinor tibi fore non ingratum, & michi ponde. Kal. Martii Florentiae.

XI.

LEONARDUS FLAVIO FOROLIVIENSI S. P.

Causam significat, cur Romam non ierit.

Non permisit valetudo mea, ut venire potuerim, quemadmodum statutum fuerat a me. Nam per illos dies celebres, & festivos cum impetivissem licentiam veniendi ab istis Dominis meis

respectu literarum Domini nostri, subito destinationibus quibusdam frigoris ita vexari coeptus sum, ut vix consistere super me possem. Dixeram hoc Gerardino ⁽¹⁾, ut ad te referret meo nomine: quod si fecit superfluae sunt hae litterae. Nunc autem, quia spes sublata est adventus nostri, expectabo, nisi tu aliud monebis. Vale. Die VIII. Junii 1437. Recommenda Domino nostro me, & excusationem meam facias. Iterum vale.

XII.

LEONARDUS GUARINO S. P.

Se ejus epistolam amisisse scribit.

R Idebis opinor cum ista legeris, ita quibusdam in rebus fata nonnunquam, contra quam velis, niti videntur. Reddidit enim michi litteras tuas vir suavis, & impiger Gerardinus Fulginas. Capio letus, atque aperio. Principium statim legenti gratissimum fuit, quod hoc silentium inter nos culpae non immerito videbatur, cui mehercle vehementer equidem assentiebar. Sed me cupientissime legentem superveniens inopportuna Magistratus vocatio festinare ad se jussit. Quamobrem cum replicata epistola paruissem, & a Magistratu fasciculum literarum suscepissem, nescio quemadmodum inter haec, vel excidit michi, vel subrepta est epistola tua, ut paulo post omnia diligentissime scrutatus nondum reperire valuerim. Si quid igitur erat, quod facto opus esset iterato rescribas obsecro; nam & tuae michi litterae sunt jocundissimae, & ardet animus

(1) Gerardino Fulginari, de quo paulo infra.

nus singulari cupiditate in omnibus tibi morem ge-
endi. Vale, & me ama. Florentiae.

XIII.

LEONARDUS POGGIO SUO S. P.

Rogat, ut ad eum scribat.

Postquam ab invicem discessimus nichil omnino
literarum tuarum, de quo summam capio ad-
mirationem a te suscepi, cum, ut nosti, ita
convenisset inter nos, ut ego a tuis literis penderem.
Quod si tamdiu pendere voluissem, quamdiu a te
literae venirent, adhuc in pendenti essem. Sed prae-
lare censui, ut vulgo dici solet, ruere semel, quam
semper pendere. Itaque Ariminum veni, cum lit-
eras tuas frustra apud Aretium expectassem per
dies multos. Sum autem etiam nunc avidissimus li-
terarum tuarum, & quid agatur, quidve sperer-
e scire percipio. Quare te rogo, ut non gravate
michi hoc negotium, quod te curaturum promissisti,
implere pergas. Tibi enim plus tribuo, quam ce-
teris hominibus, qui & in Curia, & etiam extra
Curiam versantur: facilius quam ceteri judicare, &
solidius praestare potes. Ego tamen interea non pen-
lebo, sed in solido consistens, si tibi aliter videbi-
tur, ad revolandum alas pendam. Vale.

XIV.

LEONARDUS EMILIANO S. ⁽¹⁾ P.*Integritatem suam demonstrat.*

Numquam convenientius exordium, neque ad rem, de qua agebatur, accommodatius. Tunc deinde orationis series principio congruebat. Verae profecto sententiae, & cohortationes iustae, indignationes etiam adversus tardantem plusquam iustitiae. Sed crede michi, non sum tardus, neque... ⁽²⁾ neque defui unquam communi bonorum causae, neque deero, quoniam jam pridem meditavi, & disponere non desisto, ut bonis rationibus me, & negocia mea simul explicem, nec tamen interim adversus sententiam animi mei quicquam gero. Sic enim nota est integritas mea, ut nichil hujusmodi michi demandetur, nec socio meo clarissimo, & optimo viro in hac parte concessi nusquam, ac non concedo, eandemque commissionem, quam ille abeundo bene, & laudabiliter evitavit, michi priusquam sibi factam ego resistendo aperta, ut ajunt fronte repudiavi, atque rejeci; ille fortasse propter benignitatem morum, & consuetudinem parendi non est ausus in praesentia refragari, atque absens effecit, quod in praesentia facere verebatur. Ego propter liberalitatem animi, statim in ipso congressu primo commissionis sic in vultu ostendi, sic spem omnem suscipiendi negotii mandatoribus abstuli, ut ad alium ex tunc converter-

(1) Haec lacuna est.

(2) Petro nempe Aemiliano, ad quem nonnullas alias epistolas a Leonardo scriptas lapsi sumus.

verterentur, de me autem in ea re nichil penitus cogitarent. Itaque inter ceteras multas haec me nunc ratio sollicitat, quod nec illis obsequor hic manens, & alios offendo, utrisque vero displiceo; istis quod non facio, & illis quod non abeo. Illud tamen video interesse, quod isti qualitercunque me gerentem libenter amplectuntur, & enixissime retinent, Tui autem sive Cives, sive Parochiani, sive incolae me nunquam postulaverunt, nec requisiverunt. Juvabit me tamen sponte mea bene facere, quod alii fortasse nisi provocati non fecerunt. Vale.

XV.

LEONARDUS CARDINALI DE
COLUMNA S. P. D.

*Eidem respondit, suorumque operum exemplar
pollicetur.*

Reverendissime in Christo Pater, & Domine:
Rescribo ad virum doctum, & suavem Benedi-
ctum de Anania, quae quidem rescriptio
erit etiam responsum ad literas Reverendissimae P. V.
Si igitur non aderit Benedictus, poterit R. P. V. li-
teras aperire, & perlegere. Recommendo me ei-
dem P. V., & si quid noviter edetur, postquam ita
placet, nomine vestro exemplum ejus servabo. Flo-
rentiae octavo Kal. Septembris.

XVI.

LEONARDUS GUARINO S. P. D.

Gratias agit pro amico sibi comparato.

SI vales bene est, ego quidem valeo. Cavitellum ⁽¹⁾ sese michi dudentem ex antiqua formula suscepi. Tu autem fuisti in hoc tanquam pater patratus. Ago tibi gratias ingentes pro singularissimo lucro, quod a te michi comparatum est. Neque enim cum suavitate amici thesaurum ullum existimo conferendum, nec tu magis illum michi, cum me illi comparasti. Siquidem reciprocus amor est amantem amare, & inhumanissimum sit non respondere in amore iis, a quibus provocere. Vale, ac me splendidissimo Leonello ⁽²⁾ commendatum facias. Iterum vale.

XVII.

LEONARDUS ARRETINUS ANONYMO.

Exemplum litterarum ei mittit, affinemque suum commendat.

Venerabilis vir, frater charissime. Mihi nuper, ut nosti, vitam Aristorelis Reverendissimo Domino Cardinali Sanctae Crucis ⁽¹⁾, & nunc ipsius literae non ingratum fuisse sibi munusculum illud

(1) Nicolaum nempe Cavitellum.

(2) Leonello Estensi, ad quem

pluræ epistolas scripsit Poggius.

(3) Cardinalem puta Albergatum.

illud ostenderunt, de quo summam letitiam suscepi. Verum quia Poggius, qui eam vitam legerat, michi de hoc scripsit ostendens se habere commentaria quaedam pertinentia ad illarum rerum notitiam, non alienum putavi, ut quae ad illum rescripserim cognoscas. Suspicio enim quae michi scripserat Poggius, eadem illa Domino Cardinali dixisse optima tamen fide, & sine ulla obestimatione; sed tamen interesse putavi illum etiam cognoscere responsionem meam. Itaque exemplum litterarum cum his mitto, & Stephanum Aretinum necessarium meum suscipias commissum. Vale.

XVIII.

LEONARDUS ARRETINUS SANCTISSIMO
DOMINO NOSTRO PAPAE ⁽¹⁾.

Antonium de Perutiis ei commendat.

SANCTissime ac Beatissime Pater. Permultae rationes verissimae, efficacissimaeque existunt, ob quas promotio spectabilis viri Domini Antonii ⁽²⁾ de Perutiis ad Ecclesiam Aretinam nunc vacantem foret summe commendanda, primo quia persona ipsa Domini Antonii virtuosa est, atque sufficiens, cum adsit elegantia atque probitas morum, & gradus scientiae, atque doctoratus, & insuper commendationem sibi maximam afferre debet. Familiae di-

(1) Eugenio IV.

(2) Qui Canonicus Florentinus fuit, atque a cubiculo Eugenii IV. Populi etiam Florentini nomine Pontifici, & Car-

dinalibus eundem commendavit Leonardus per epistolas, quas in vita ejusdem Antonii adferet Vir Cl. Salvius Salvi-
vini.

dignitas, & amplitudo, & parentis excellentia, atque auctoritas. Praeterea cum sit Civitas Aretina in potestate Florentini Populi, experientia ipsa rerum magistra docuit, Episcopum origine Florentinum multo aptiorem esse ad administrationem, & conservationem illius Episcopatus. Afferit etiam hoc ipsum favorem Aretinis, cum Episcopus Florentiae auctoritatem, & fidem maximam habeat; multis enim succurrit, multisque obviat, quibus omnibus respectibus suaderem Beatitudini Vestrae, ut in Dominum Antonium potissime oculos, & voluntatem dirigere-
tis. Hoc locutus cum fiducia, quantunque revera, & corde intelligo, humiliter recompendo me ipsum & devote S. V.

XIX.

LEONARDUS ARRETINUS NICOLAO
SUO S. P.

Hortatur, ut ad Urbem se conferat.

DEus male perdat hanc tuorum perversitatem, siquidem illi te quiete vivere non siont, cujus humanitas, & facetiae, ut universi mortales studere debeant tranquillitati tuae, promerentur. In qua quidem re quod illud meum probes consilium non ex sapientia aliqua mea, sed abundantia charitatis depromptum, vehementer placet. Aut enim nulla unquam requies erit tibi domesticorum malorum, aut si ulla futura est postquam ita sunt animi, per separationem fiat necesse est. Unum tamen scias michi super omnia placere, ut non vicum, aut plateam, aut regionem aliquam urbis medius facias, sed ut ad nos te recipias tanquam in asylum quoddam perturbationum
cun-

cunctorum. Facile enim, vel dulcedo consuetudinis nostrae, vel contemplatio hujusce Urbis, vel antiquarum rerum perscrutatio omnem aegritudinem eradicabit animo. Tempus enim veniendi aprissimum nancisceris, cum propter odii temperantiam, quae iam sequetur, tum propter hanc sanctissimam, & commodissimam pacem, quam Pontifex Maximus cum Rege firmavit, de cujus conditionibus nichil singularim referre libet, praesertim ad te scribenti cujus nichil interest aequa, vel iniqua conditione sit facta. Modo itinera aperta sunt, nec a latronibus obsidentur armatis. Erit autem duplex solatium, nam & ex Urbe commoraberis, quam videre diutius cupisti, & eam relinques, cujus te non dicam odium, saevitas certe habet. Pauci autem menses apud nos eris, & notitiam rerum Urbanarum, & ut domi libenter vivas propter hanc intercapedinem temporis praestabunt. Sed haec tu videbis. Narcissinum in dies expecto, fuitque ipsa causa tardius ad te scribendi, quod in spem veneram una cum hisce litteris transmitti posse. Et certe quantum in me est, ego unum propositum laudo. Effunde habenas optimos vitae dies transire. Incoepto solum opus est, nam in hoc non dimidium facti qui coeperit habet, sed totum. Ipsa te prona amplexaque via sine ullo labore, ut sudore praecipitem trahet. De Epistolis Ciceronis, & gratias ago ingentes, & ut ad me illas transmittas, ardentissime exopto. Catonis Historiam te cupere intelligo. Faciam equidem libenti animo: sed inam rem volo non ignores, quae adhuc me quomodo eam ederem remorata fuit. Scis tu profecto, qui michi per illud tempus affuisti, quanta cum celeritate illa sit a nobis in latinum traducta, ut etiam nonnullis in locis aliquid propter festinantiam sit praetermissum ea tum spe, quod diligentius consideravissemus, & tu-

tutius. Si itaque facultas librorum michi post discessum meum affuisset, jamdudum politam, atque triam in manibus haberes. Sic autem, ut est, si edere vereor, ne obrectatoribus fenestram ad calumpniandum, quod maxime captare videntur, aperirem. De Bibliotheca Papiensi per Luscum nostrum, id quod desideras, haberi non potest. Licet enim homo sit eruditus, tamen illorum librorum eruditionem non habet. Quare ab aliis quaeramus, qui vel ipsi sciunt, vel ibi praesentes instrui possint. De Ecographia velim des operam, quantum potes, celeretur, ut ad me deferatur. Historiam Marci Antonii, & libellos Xenophontis, & Basilii cupit Luscus noster summo-pere videre, quos hic non habemus; jactura enim ipsorum facta est in illa fluctuatione, ac prope am-fragio Curiae Romanae. Itaque ad te itur, quod etiam suo nomine mandavit Luscus, ut peterem. Orationem Demosthenis pro Ctesiphonte latinam facere inccepi. Res est summe luculenta, & ⁽¹⁾ Ravennati nostro valde, ut opinor, placebit, cum refertissima sit oratorii ornamentis. Vale. Romae.

XX.

LEONARDUS NICOLAO CAVITELLO
S. P. D.

Cavitellum in amicitiam recipit.

EGo vero, mi Cavitelle, quoniam quidem tu ita vis, hoc tuum munus amplissimum profecto, ac maximum libens, gaudensque suscipio, scribamque nomen tuum, non in diario quemadmodum

(1) Johanni Ravennati Rhetori Leonardi nostri praeceptoris.

lum tu jubes, sed in perpetuario, ut ita dixerim modo. Nam amicitiae quidem illae in dies sunt, ac mutationi subjacent, quas vel utilitatis spes, vel ocunditatis ratio copulavit. Virtutis, non utilitatis gratia qui amantur, hi solum stabiles, perpetuique in amicitia perdurant. Non enim ob id amatur quod lesicere possit, cum sit virtutis stabilissima possessio, non ut inconstans, atque mutabilis, neque enim eripi neque potest virtus, neque auferri, neque fortunae subjacet ictibus, nec in eam, ut Philosophis placet, epit oblivio. Itaque ego ipse, qui Peripateticos sequutus felicitatem hominis mutari posse sentio, & mihi felix est, felicem esse desistere, de bono viro contrarium duco. Habitus quidem virtutis, & praeclara voluntas in quantuncumque afflicta fortuna remanent. Operatio autem illa, & bonorum cumulus, in quibus felicitas consistit, squallore, & carcere, & ceteris fortunae tormentis labefactatur quidem, ac praepeditur. Ex hoc fit, ut virtus ad bonum quidem virum faciendum satis sit, ad felicem vero faciendum non sit satis. Sed haec majora secundum praesens. Ad propositum ergo revertar. Tu michi visus es eo modo te dedere, qui est in antiqua delendi formula. Sic enim petitur deditis, *ne vos Urbem, Tempia, Domos, Agros, utensilia, & cetera* quae sequuntur. Respondit pater patratus: *dedit*. Sic tu cum tui ipsius potestatem habeas, te ipsum dedis, & ego suscipio, gratiasque ago permaximas Guarino nostro ⁽¹⁾, qui hoc praeclarum munus, vel comparavit michi, dum non haberem, vel patefecit, cum ignorarem. Quod autem de Operibus meis aliquid postulas, sane non occurrebat, quid nunc ad te mitterem. Sat, si certior a te fiam, quid optes. Dabitur sedulo opera, quod tuum in ea quidem re desiderium compleatur. Vale.

XXI.

(1) Vide Epistolam XVI. hujus Libri.

XXI.

LEONARDUS THOMAE CAMBIATORI S. P.

Se frustra pro amico laborasse significat.

NIL opus fuit, ut mihi gratias ageres pro his, quae locutus sum Jacobo Pagano de meo erga te desiderio. Cum enim te semel recepim amicum, omnia tibi me debere puto. Suscepis igitur superioribus litteris tuis, per quas te cupere significasti id ipsum, quod ad me fuerat oblatum, dedi operam sedulo, ut ad officium Mercantiae hic apud nos in ea commendatione atque opera deligerere. Qua in re non defuit nobis diligentia. Fortuna certe defuit; propterea quod instantibus Comitibus magni viri Ariminensem quemdam Doctorem suffragiis praetulerunt. Itaque & gratia nostra, & petitio in hac quidem re superata fuit ab aliorum potentia, & gratia. Nos tamen non desistimus si quid occurrat te dignum, partes nostras interponere. Si nil aliud emergit, at sequentibus Comitibus, quae sexto Mense futura sunt, non cessabimus experiri. Quae vero te premunt, ut significas, ea tu patienter, ac philosophice debes perferre, praesertim cum hi probentur philosophi, qui nichil enumerant in bonis praeter honestatem. Sed hoc tute ipsum non dubito, quin optime facias. Vale, & me ama.

XXII.

LEONARDUS ANONYMO S. P.

*De numero librorum T. Livii, causaque cur
plerique ex his interierint.*

QUaeritur, ut video, in literis vestris de Titi Livii Patavini libris, & quot reperiantur, & quot deperditi sint, & unde haec jactura librorum pervenerit. Nichil est, quod facilius investigari queat. Reperiuntur enim decades tres, licet una earum videatur in aliquo diminuta. Scripsit autem mihi bene memini, decades supra tresdecim, quae concipiunt libros supra centum, & triginta, ex quo constat Livii libros supra centum fuisse amissos. Causa vero amissionis, ut ad tuum quaesitum veniamus, illa puto, quod afflicta quondam Italia Gothorum, & Longobardorum longa invasione tanta calamitate nostros homines oppressere, ut omnino librorum, studiorumque obliviscerentur. Tenuerunt autem Italiam Longobardi annis ducentis quatuor, cum prius Gothi supra sexaginta annos Italiam afflixissent. In tanta igitur calamitate, & tam longa servitute vastatis, atque incensis pluribus urbibus, quasi desperatis rebus studia, librique interiere. Id tale aliquid fuit tunc in Italia, quale nunc est in Graecia a Turcis occupata. Sic enim nunc afflicta est gens Graecorum, ut qui dudum magistri, & principes studiorum erant, vix nunc reperiantur ex eis, qui primas literas sciant. Vale.

XXIII.

LEONARDUS ANGELO S. P. D.

Aequissime cum eo actum esse ostendit.

Verba sunt Juris consulti, cui ego magis credo, quam Bartolo, aut Cino, quae ita dicunt. Quod illud rectissime receptum est, ut leges non solum suffragio legislatoris, sed etiam tacito consensu Civium per desuetudinem abrogentur. Cum igitur habeamus haec verba, & hanc Juris Consulti sententiam, nullo modo dubitandum censeo, quin legibus illis, quae dabant excusationem aetatis, sit postmodum per longam dissuetudinem abrogatum. Nulla siquidem memoria extat, ut alicui permissa fuerit hujuscemodi excusatio, se allegata quidem est a quoquam, licet quotidie majores sexaginta annis extrahantur. Notanda sunt insuper illa verba = *tacito consensu* = Quae quidem verba excludunt illorum dubitationem, qui putant oportere, ut incongruum opponatur, ac judicetur. Quomodo enim esset tacitus consensus, ubi & contradicendum, & judicatum esset? Praeterea Lex nostra non penitus compellit senem ad munus suscipiendum, sed aut ire jubet, aut pecuniam solvere. Et si aetas est inhabilis ad eundem, nichilominus est habilis ad solvendum. Tu certe, mi charissime Angele, graviter ferre non debes, te eodem modo tractari, & eodem jure censeris, quo reliqui cives. Si quidem jus civile nichil aliud est, quam aequitas, & paritas civium, in quo plus velle, quam ceteri aut voluerint, aut habuerint, inhonestum videri potest.

De

denique cum allegantur excusationes, lex nostra ad Dominos Priores, & Collegas referri jubet, & eorum decretum expectari debere, eoque nos jure sumus in Prioratu, in Legationibus, & aliis muneribus publicis, quod & tibi facere licet. Nam ut ea refert opinio, excusatio illa tua nova quidem, insueta aliis de jure nostro nequaquam subsistit. Oterunt tamen & Collegae, si eis videbitur, comobare. Vale.

XXIV.

LEONARDUS ARCHIEPISCOPO
MEDIOLANENSI⁽¹⁾ S. P. D.

Alphonfi epistolae respondet.

TU michi videris, optime Pater, in Alphonfiana controversia vere personam judicis sustinere. Siquidem libelli per utramque partem ad te tribuntur. Tu autem postmodum copiam eorum lititibus facis, ut veram esse judicium formam, ac tantum a te diffinitivam sententiam expectari appareat. Additum est michi noviter exemplum epistolae, nam Excellentiae tuae scripsit Alphonfus, & simul sponsum Candidi⁽²⁾ defensoris mei coram te eidem epistolae factum. Primum igitur Candido viro dicto, atque facundo gratias ago, quod invocatus, michi advocatum se praestitit; declaravit enim & iudicio quid sentiret, & studio quid vellet. Cujus

N 2

illu-

(1) Brancisco Piccolpasso. Porro haec epistola nunc primum lucem adspicit ex Cod. Bibl. Laurentianae, cumque eadem

confer Epistolam IV. Libri VII., quae de eadem re tractat.

(2) Petri Candidi Decembrii.

illuſtre ingenium, oratioque locuples, & jocunda per-
magnae michi fuit voluptati. Epistolam deinde Al-
phonſi legens uſque adeo diverſa ſentire illum & opi-
nari video ab iis, quae ego ſentio & opinor, &
toto ſimul iudicio diſcordare videamur. Statim enim
quo de agitur in ipſo firmamento cauſae principa-
liae iudicio cum omnis contentio nobis de inter-
pretatione ſit, & probatum fuerit a me omnem in-
terpretationem ita demum eſſe rectam, ſi graeco reſ-
pondeat, vitioſam, ſi non reſpondeat, nec poſſe
qui graecum nescit de interpretationis veritate co-
gnoſcere: iſte eo confugit, ut quamvis fateatur ſe
linguam graecam ignorare, nichilominus de veritate
interpretationis diſputare ſe poſſe contendat per con-
jecturas quaſdam & veriſimilitudines, nec intel-
ligit diſputandi genus a ſe induci, in quo nichil
aliud ſit, niſi plane divinare. In hoc igitur primo
diverſiſſimi ſumus, deinde in illo, quod putat, eum
qui libros Ariſtotelis de graeco in latinum transfert,
non ad verba Ariſtotelis reſpicere debere, nec quid
dicat Ariſtoteles, ſed quid dicere debeat, in latinum
transferre. Ego vero abſurdiſſimum in hoc eius iu-
diciuſ puto, ac periculoſam nimium licentiam, ut
de interprete fiat aliquis diſſinitor, & iudex. Nam
cum interpretatio nichil aliud ſit, quam unius lin-
guae in alteram expreſſio, officiuſ certe interpretis
eſt non divinare, neque conjectare, nec pro arbi-
trio ſuo dicere, nec ad opinionem aliquam ſuam
verba deſſectere; ſed ſimpliciter, ac procius ſine ul-
la mutatione, ut in aliena eſt lingua, ſic in ſua re-
ferre: nam variare interpreti nefas eſt. Praeterea
in eo multum diſtat illius ſententia a mea; quod ipſe
de doctis hominibus, ac de politionibus iſtis diſciplinis
& ſtudiis non ſatis police michi ſentire videtur, ſed
quaſi ad opinionem vulgi de illis arbitrari & loqui.

At-

attribuit enim (ut suis vocabulis utar) juristis, qui
 ummas componunt, & talia quaedam scribunt, at-
 tribuit inquam hujusmodi hominibus stylum; &
 loquentiam, & in Philosophia eos versari credit,
 & disciplinarum omnium cognitionem habere. Ego
 utem perfectius quiddam, & majus, & eruditius in
 praesentanti homine requiro. Dino autem, & Cino
 & aliis hujusmodi magnam juris scientiam tribuo;
 nam in ea studium & operam suam posuere. Cete-
 ras vero disciplinas & artes, quae doctum & eloquen-
 tem faciunt hominem, vix primis, ut ita dixerim,
 ab eis degustarunt. Insuper illud non laudo, quod
 verba quaecunque & undecunque passim collecta
 tiam barbara, & graeca latino sermoni admiscenda
 esset, neque considerat Ciceronem, Livium, Sa-
 nctium, aliosque probatos auctores semper hujusmo-
 di mixturam tanquam labem, & corruptelam latini
 loquii refugisse. Verum haec suis locis ostendentur.
 Nam ad singula, prout ab eo posita sunt, respon-
 dere constitui, ac primo ad illud, quod de honestate
 scribendi dixit, in quo non minus laboro tibi sa-
 tisfacere, quam in ceteris rebus, de quibus contendi-
 mus. Itaque ad illud primo & ante omnia respon-
 dere placet. Tu autem iudex eris & honestatis scri-
 bendi, & veritatis. Excusat se in principio epistolae
 tuae, asserens non mei irritandi causa ab initio scri-
 psisse. Haec illi credo. Sed non ego quidem quae
 respondi, irritandi sui causa respondi, sed mei de-
 fendendi. Illud tamen interesse video ad honesta-
 tem, quod ego laceffitus ab eo restiti, & oppugna-
 tus repugnavi: ille voluntarius me impetivit. Ho-
 norasse me verbis dicit, cum appellavit novellum Ci-
 ceronem. Haud equidem tali me dignor honore, ut
 est apud Virgilium ⁽¹⁾. Michi enim mea tarditas, & in-

(1) Lib. 1. Aeneid.

santia nota est. Habeo tamen sibi gratias, quod de me bene existimarit. Sed ipse profecto non minor tulit ex me honoris verba, cum & doctissimum, & praestantissimum virum saepius appellarim oppugnatorem meum. Debere, inquit, de moribus disputantes magis esse moderatos, quam in ceteris disputationibus. Recte quidem. Sed cum hoc sciret, cur me lapidibus impetivit, qui actus non est moderati hominis, sed immoderati, atque vesani? Gratum videlicet hominem, ac moderatum Alphonsum, qui pro tot laboribus vigiliisque meis in communem utilitatem collatis mercedem michi retribuit lapidationis. Vide nunc ex opposito moderationem meam. Cum ad haec ipsa responderem, diligenter cavi, ne illam offenderem, & alium supposui dicens; ut si alius quidam phrenesi correptus venientem ad se medicum lapidibus repellat. Et paulo post haec ipsa illius verba asperius dicta in mitiorem traducens partem inquam⁽¹⁾: sed de lapidibus quidem quemadmodum ab illo praestantissimo viro urbane dictum puto, sic etiam urbane suscipio: nec miror id michi accidere, quod ne Hieronymus quidem vir doctissimus potuit evitare, adversum cuius labores utilissimos multi aetatis suae, nec ii sane admodum indocti reclamabant. An potuit mitius & honestius responderi, quam ego respondi? Enimvero tu alio loco puerilia, & inepta & levia illius quaedam esse dixisti. Quid ergo? cum ille contra me diceret, oppugnet, persequeretur; dicta ejus matura, & gravia, & apta debui dicere? Neganda certe illa fuerunt, & cum aliquo aculeo reperiendi praesertim indigne, inhonesteque obiecta. An cum ille diceret, me fingere posse in graeco esse

(1) Haec sunt verba Leonardi. || ex qua multa alia in hanc epistolam ex Epist. IV. Lib. VII., || stolam translata sunt.

se, quod non sit, ac tantae levitatis, improbitatis-
 ue me suspectum faceret, ac veluti falsi accusaret,
 rationes vero Demosthenis & Aeschinis a me transla-
 tis, ne Ciceroni furatus essem, suspicionem induce-
 ret; quisquamne fuerit, qui me asperitatis repre-
 endat, quod ejus dicta levia, & puerilia, & inepta
 iixerim? ac non potius moderationem meam admi-
 stur, quod non ut flagitiosa, ut improba, ut stul-
 ta, ut maligna illius dicta refutarim? Non me igi-
 ur accuset immoderationis, sed potius se ipsum,
 ui causam dedit, ut sic responderetur. Non vider-
 ur Alphonsus ponderare quae dixit, sed solummodo
 mae audivit, nec meminit Vespasiani decreti, qui
 equit: non licet maledicere Senatori; sed licet, si
 enator maledixerit, ei male redicere. Quamquam
 uid mali est in illis verbis, si is qui refutat crimen,
 licat leve & puerile, quod sibi ab adversario sit obje-
 tum? Suspectas illi video fuisse commendationes
 neas, cum inter occupationes maximas eum dixerim
 multa egere, multaque indagari, Philosophis, & Ora-
 toribus, & Poëtis, & divinis secularibusque litteris ope-
 ram suam continuo impertientem. Nescio, cur ista
 non potius in bonam partem accipiat, praesertim
 cum nil de eo dixerim, quod non fuerit honorificum.
 Nam quod de Theophrasto & Archesilao dixi, cum
 sint illi duo, quasi Principes in tradenda Philoso-
 phiae disciplina, non ad homines, sed ad Philoso-
 phiae praecepta intellectum direxi, dicens eum in-
 dagari illa, quae Plato & Aristoteles cum Theophra-
 sto, & Archesila tractaverunt. Nam qui dicit Plato-
 nem & Aristotelem cum Theophrasto & Archesila
 indagatur, non ad personas philosophorum se re-
 fert, quae non extant, sed ad eorum disciplinas, &
 scripta, quae vivunt & extant. Haec enim indaga-
 ri possumus & debemus: Personas vero indagari ri-

diculum foret. Inquit, me, si praesens adesset, interrogatum fuisse: a temetipso hæc dicis, an alii tibi dixerunt de me? Cui responderem, non a me ipso dico, nec alii michi dixerunt, sed tu ipse. Quicunque enim studium philosophiae proficitur, is Theophrasti & Archesilae disciplinam se indagari proficitur. Nec video, cur hoc non ad laudem sibi debeat imputare: dicit nescio quid de syllogismo & enthymemate. Ego autem cum dixi sacrae paginae codices crebro evoluit, non dixi illum scire sacram paginam, sed aliqualem operam ei praebere. Qui tamen de singulis scientiis quaedam libarent, eos multa & varia scire inquam, nec reprehendere me eos dixi, sed illud monui, nec cum alicuius rei corticem gustassent, sibi de tota re iudicium arrogarent. Haec & conclusisse me recte, & monuisse salubriter puto. Sed ut video haec a me simpliciter dicta non in bonam accipit partem. Putat enim se notari a me, quasi gloriatus sit de occupationibus suis, & quasi se iactaverit de tot librorum lectione. Profecto non fuit haec mens mea, dum illa scripsi. Nec verba sane eo modo sonant, sed illud ostendere volui, cum tam multis, ac magnis occupationibus impediretur: & praeterea juri, quae est praecipua illius professio curiosam operam daret, & insuper tam multa & varia lectione delectaretur, ac tempus suum tot rebus impartiret, non verisimile videri hominem in tot studia distractum, & per tot impedimenta occupatum eam philosophiae operam dedisse, ut solidum sibi iudicium de ea debeat arrogare. Haec fuit mens mea, haec ratio loci illius. In quo tamen ipso ne laederem Alphonsum, personam aliam subieci inquit: Nostri quidem Itali, qui juris studium proficentur, nichil fere aliud sciunt, quam ipsum jus, & si in ceteris vagentur studiis, ac philosophis
&

& Poëtis, & Oratoribus, & Historicis impartiri operam velint, ridiculi habentur: nichil enim plane tenent, qui cuncta sectantur. Contingit enim illis, quod de viatoribus dici solet, permultos quidem habere hospites, sed amicos nullos. Non ergo gloriarum occupationibus suis, sed occupatum ostendere volui, nec jactantem se, quod tam multa legerit, sed distractum varia, multiplicique lectione monstrari. Ex quibus illud conficiebatur, quod ego quasi conjecturam inducere volebam, non esse verisimile satis operae studio philosophiae dare eum potuisse, nec esse solidum ejus judicium in philosophia existimandum. Consulere sibi me dicit per exemplum Italorum juris peritorum, ut fines suos obstruat, nec aliena castra temere ingrediatur. Hinc ille duas arripit litigandi ansas, unam de consilio, alteram de exemplo. In utraque vero, quemadmodum ei mos est, verba mea desecit, atque distorquet. Primum igitur, quod de consilio inquit, nego me sibi consuluisse. Patet ex verbis meis, quae talia fuerunt. Nostris ego hominibus suaderem, ut juris periti in suo jure se contineant, aliena vero castra non temere ingrediantur. Deinde cum castra sint loca militiae & belli, illud monere volui, ne juris periti in disputationibus & contentionibus temere procederent in alienas facultates, sed infra suos se fines continerent. Ut enim philosophus si de Lege Falcidia, vel de Pupillari substitutione disputaret, ridiculus inter juris consultos haberetur; ita juris consultus si de subtilitatibus philosophiae disputare vellet, ridiculus foret inter philosophos. Separata enim haec studia sunt, nec de ullo me legisse memini vel ex veteribus, vel ex modernis, qui idem fuerit juris consultus & philosophus, vel juris consultus, & Poëta. Non igitur dico temerarium esse, si juris periti
ali-

aliqua philosophiae praecepta sibi adipiscantur; sed esse temerarium, si cum pauca sciant in aliena facultate, ad judicandum de ea quasi scientes progrediantur. Declarant id verba mea in hoc ipso loco subjecta, quae talia fuerunt. Nec ego illos reprehendo, qui multa ista ac varia quantulumcumque ex parte attigerunt; sed illud moneo, ne cum superficiali aliquam norint, sibi de aota re iudicium arrogare pergant. Tota igitur vis in verbo *temere* posita est, quod significat *inconsulte*, *inconsiderate*, *incaute*. Alphonsus vero, ut paec sua dicam, non videtur recte capere huius verbi significationem. Scire enim capit, quasi significet *inhoneste*. Itaque petere honestum ne sit, an temerarium juris peritos philosophiae studere? Nec videt esse aliud facere temere, quam facere *inhoneste*. Miles enim si cum evidentissimo periculo in medios ruat hostes, temere quidem facit, non tamen *inhoneste* ⁽¹⁾:

Reddere qui voces jam scit puer, & pede certo

Signat humum, gessit paribus colludere, & iras

Colligit, ac ponit temera, & mutatur in boras.

Et Ovidius ⁽²⁾:

..... *Nescis, temeraria, nescis,*
Quem fugias, ideoque fugis:

Non dicit Horatius puerum *inhoneste* capere & porretrare, sed *inconsiderate* & *inconsulte*: nec Phoebe amatam suam vocabat *inhonestam*, sed *inconsideratam*, & *inconsultam*. Quare petere honestum ne sit an temerarium, imperita est interrogatio. Nec sane congruit, cum non sit idem temere ac *inhoneste*: nec contraria igitur temerarium & honestum. Diximus de consilio; nunc de exemplo dicemus. Vocat me in invidiam apud Italicos juris consultos, quod

(1) Horatius in epistola ad Pisones.

(2) Apollo apud Ovidium Lib. I. Metamorphoseon.

uod dixerim, eos nichil fere aliud scire, quam ipsum
 is. Putat enim per hoc me dignitati eorum de-
 taxisse. Ego vero non minuisse eorum laudem, sed
 majorem in modum auxisse me puto, quod cum
 magnum, ut ita dixerim, mare sit juris corpus, in
 o perdiscendo & acquirendo totam operam suam
 ceteris omnibus posthabitis posuerint. Neque enim
 liter potuissent tantam in eo studio excellentiam
 dipisci. Ut enim faber, & sutor, & quivis artifex
 multo melius proprium munus adimplet, si totum
 e praebeat opificio suo, nec aliis artificiis distraha-
 ur: ita qui juris studium proficitur, si solum ei stu-
 dio incumbat, opus suum multo melius adimplebit.
 Logat nunquid sit crimen juris studiosum philoso-
 phiae studere? Respondeo non esse crimen; quin-
 mo suaderem omnibus juris studiosis, ut potius se
 d Philosophiam conferrent utpote digniorem, di-
 nioremque scientiam. Sed quid hoc ad rem? Nos
 nim non de eo, qui eligere vellet studium, sed de
 o, qui jam se se juris studio mancipasset loqueba-
 mur, qui monitus fuit a nobis, ne temere progre-
 deretur ad judicandum de alienis a studio suo facul-
 tatibus. Nec tamen dixi, doctores Italicos nichil aliud
 cire, sed dixi nichil fere aliud scire, ut hoc tem-
 veramento ostenderem, optimos juris professores
 circa admodum pauca vacare extra suam facultatem.
 At enim principia juris a philosophia sunt, inquit:
 itaque debet juris studiosus circa eam laborare, nam
 ex illa jus existit. Cur ergo cum philosophia ubique
 errarum sit una & eadem, leges Venetiis aliae sunt,
 quam Florentiae, ac multo magis diversae apud Gal-
 os, & Persas? Cur jus civile michi dicit omnem ser-
 vitutem esse contra naturam, cum philosophia me
 doceat, aliquos esse natura servos? Possent multa
 per hunc modum in contrarium adduci: verumta-
 men

men· ego fateor principia juris esse a philosophia, sed admodum illa quidem alte repetita & generalia, ceu virtutes & vitia in potestate nostra existere; ideo illas proëmia, haec paenas promereri, & nec impar paribus, nec par imparibus convenire, & talia quaedam, quae nos intelligentes nichilo magis tamen particularia juris teneremus. At quidam Italorum dixit, habitus elicitos a jure canonico esse virtutes intellectivas, ex quo patet illum de philosophia gustasse. Magnum certe negotium fuit hoc dicere, praesertim cum audire potuisset, omnem habitum scientiae, vel sapientiae, vel prudentiae, vel artis esse virtutem intellectivam. Praeterea quatenam haec significatio est? Nam Cicero inquit: *scripsi ad te potius, ut elicerem epistolas tuas, quam quod haberem, quid scriberem*. An ergo ut Cicero epistolas ab amico, sic iste tentavit habitus a jure canonico elicere? Quis non videt, illum ineptè & imperite locutum esse? Reprehendit, quia scriptum fuerit a me de Hispania non esse consentaneum, ut in extremo mundi angulo plus humanarum occupationum sit, quam in medio. Afferit enim mundum non habere angulos, ac me redarguit quasi Geometriae ignarum. In quo longe aberrat. Mundus enim permultos habet angulos; tot enim habet, quot in mundo sunt. Ut enim silvas, & stagna, & montes, & planities, & promontoria, & sinus maritimos habet mundus, sic etiam habet angulos. Caesar in Commentariis belli Gallici Britanniam describens inquit: *Ejus unum latus est contra Galliam. Hujus lateris alter angulus qui est ad Cantium ad orientem solem, alter ad meridiem spectat*. Livius quoque inquit; *excepto Venetorum angulo, qui sinum accolunt maris*. Quaero igitur ab hoc geometra nostro, utrum anguli, de quibus & Caesar, & Livius scribunt, ex-

tra mundum sint, vel in mundo? Si extra mundum esse dicat, doceat ubi sunt. Si vero sunt in mundo, ut silvae omnes quae ubique terrarum sunt, mundi sunt silvae, & regna omnia, quae ubique terrarum sunt, mundi sunt regna; sic etiam anguli omnes, qui ubique terrarum sunt, mundi sunt anguli. Quid ad haec respondere potest? Extremum vero mundi vocari Hispaniam non est inusitatum; Sesostris enim Rex Aegyptiorum, quem ad Hispaniam usque venisse cum exercitu tradunt, sic a Luciano describitur:

*Venit ad Occasum, mundique extrema Sesostris,
Et Pharios currus Regum cervicibus egit.*

& alio loco de bello contra Petreum, & Afranium in Hispania gesto inquit:

*At procul extremis terrarum Caesar in oris
Martem saevus agit.*

Putat me situm ac magnitudinem Hispaniae ignorare, & causam subdit; inquit enim ignoscendum esse michi, si in meis studiis consistens haec attendere non curavi. Quasi vero aut Eratosthenes, aut Ptolemaeus, aut Plinius cum situs regionesque describunt, oculis eas viderint, ac non potius in suis studiis consistentes mente intelligentiaque conspexerint. Equidem michi satis multa legisse de Hispania videor, situmque & magnitudinem ejus, portusque tam in hoc Mediterraneo, quam in Oceano mari existentes non, ut Alphonsus putat, ignore. Magna quidem illa videri potest, si ad minores Provincias comparetur: sin autem ad magnitudinem orbis terrarum perparva reperietur. Alphonsus autem noster cum sit geometra & mathematicus nimio patriae detinetur amore. Itaque magnam putat, quae exigua est. Quam enim magnitudinem Hispania habere potest, cum universa terra, quae a nobis in

tolitur, veluti parva quaedam insula sit, de qua praecclare Cicero noster in Sexto de Republica libro inquit: *Vides habitari in terris raris, & angustis locis.* Et paulo post: *Omnis enim terra, quae incolitur a vobis, angusta verticibus, lateribus latior, parva quaedam Insula est.* Et alio loco: *Jam vero ipsa terra ita parva mihi visa est, ut imperii nostri, quo quasi ejus punctum attingimus, paeniteret.* Si igitur universa terra, quae a nobis incolitur, parva est, & in ea ipsa parvitate Imperium Romanum, quod a Gadibus ad Euphratem patebat, quasi punctum ejus attingere secundum rationem veram putabatur; quanta existimanda est unius millesimae particulae illius quasi puncti magnitudo? Quare non dedignetur Alphonsus, si aut extremam mundi appellari illam regionem; quae Oceano mari abluatur, cum & alii eodem modo appellarint, aut si angustam dixerim, cum etiam universa terra dicatur angusta, a quo reguli quoque nomen descendit. Jam vero his omittis ad fundamentum controversiae nostrae venimus, & repeto illa verba mea, quae tunc scripti: fuerunt autem haec. De re autem ipsa, principalique negotio quid ipse sibi velit vix equidem intelligo. Omnis quippe contentio nobis de interpretatione est: Interpretatio autem omnis recta, si graeco respondet, viciosa, si non respondet. Itaque omnis interpretationis contentio unius linguae ad alteram est. Hic autem graecam linguam se ignorare fateatur. Quae igitur mecum disputandi ratio illi relinquitur, nisi per divinationem quandam rei penitus incognitae? Si nescientem se plus in ea lingua intelligere putat, quam ego qui scio, intolerabilis est. Sin me plus intelligere concedit, quid mecum contendit? Confesso, inquit, antiquam interpretationem ad tuam quod possum, & illam longe antepono. Utrum tu eam
an-

nteposis, quia elegantior sit, an quia verior? Si
 nia elegantior, nichil profecto sapis. Si quia verior,
 uomodo id judicare potes, qui graecum nescis, ad
 uod omnis veritas interpretationis est necessario re-
 erenda? Nullo certe modo, nullaque ratione. Ita-
 ne tecum de veritate interpretationis contendere
 ichil est aliud, quam cum raticinante aliquo, so-
 nianenteve contendere. Quid ad ista, quaeso, res-
 ondere potest? Nichil profecto, nisi positionem suam
 egandi pertinacia custodire velit. Etenim si de ele-
 antia traductionis antiqui interpretis, ac meae di-
 utaretur, nil vetaret id probabiliter posse facere,
 uoniam utranque in latino discernit. Sin de veri-
 ue interpretationis, cum nec sciat graece, nec vim
 aturamque verborum ejus linguae intelligat, quo-
 modo de his judicare possit, non equidem video.
 id significatum enim graeci verbi, cum de interpre-
 tionis veritate contenditur, est necessario veniendum:
 quidem interpretatio nichil aliud est, quam unius
 guae in alteram expressio, quarum unam cum iste
 et sciat neque intelligat, aliter de his disputare
 on potest, quam per existimationem quandam, &
 aticinationem. Capiam unum aliquod verbum exem-
 li causa. Nam verba quidem in illa translatione,
 nam iste praefert, aut relictæ sunt in graeco, ut
 icebant, aut aliter posita in latino, quam a me
 onantur. Capiam igitur unum aliquod illorum,
 nec sane refert quod capiam. Eutrapelian graeci di-
 unt, quam nos appellamus comitatem. Hanc Ari-
 loteles virtutem esse vult circa conversationem jo-
 undam. Ego igitur id verbum transferens comi-
 atem dixi. Ille non probat, sed ut est in graeco,
 ic etiam in latino dicendum eutrapelian contendit.
 Quaero, num graece sciat? Non scio inquit, sed opi-
 or aliud significare eutrapelian, quam comitatem.

Si

Si quaeris unde id opinetur, exorditur quandam cantilenam suam cum longa verborum circulatione nichil ad rem pertinentium. At enim, inquam, scit eutrapelian graece comitatem proprie significare, idque esse verbum e verbo. Non quaero, inquit, quid tu te scire dicas, sed quid michi videatur. Ea praeclara disputatio, en dissertatio, cui aures scientis hominis sint accommodandae. Quid enim, quaeso, cum hoc homine agas, qui nec ipse scit, nec scienti credere vult? Nam cum de significatione verbi simpliciter probetur aut ex vi ipsius verbi, aut ex usu, ex vi, si apud latinos de verbi *postlimini* significatione probare velim, ostendam ex post & limen esse compositum: ex usu, ut adducam testimonium, quod apud Servium Sulpitium, & C. Aquilium, & Murium Scaevolam in hac significatione scriptum verbum *postliminum* legatur: ex his ergo duobus modis nulla michi facultas datur huic ostendi, quia graecarum litterarum penitus est ignarus. Itaque neque vim verbi, neque testimonium scriptorum in ea lingua capere potest. Nec scienti autem, nec per se intelligere valenti, neque credenti ei, qui intelligit, quae tandem restat facultas, aut via de veritate interpretationis disputandi, nisi, ut supra dixi, per divinationem quandam, ac vaticinationem? Atque ego non solum de eutrapelia, de bomolochos, de agricós, deque ceteris verbis, quae antiquus interpres propter ignorantiam in graeco reliquit, quae permulta sunt, adeo ut quasi semigraeca ejus traductio videatur, quae omnia ille probat, & interpretationi meae latinae haec illius graeca anteponit, non solum de his inquam hoc dico, verum etiam de iis, quae aliter ab eo, aliter a me interpretata sunt. Ad dijudicandum enim veritatem necessarium est, ut ad graecum tanquam ad

caput, & fontem, & discerniculum recurratur. In eo nanque dijudicatio veri, probatioque consistit. Qui vero absque graecae linguae cognitione per credulitates quasdam & opiniones judicare pergit, tanquam in tenebris ambulans aberrat. Non est ita inquit: Possum enim, licet graecum nesciam, neque capax intelligendi sim, tamen de interpretationis veritate per conjecturas quasdam disputare referendo ad id, quod magis verisimile & convenientius videatur. O praeclaram disputationem! Perinde est enim, ac si ego templum Dei Genitricis, quod Bononiae imminet, diligenter contemplatus referam alicui in partibus Galliae, aut Hispaniae constituto templum id in vertice montis esse situm. Ille vero, qui nunquam in Italia fuerit, non in monte, sed in planitie situm esse templum illud contendat: interrogatus vero si sciat, fateatur se nescire, sed non verisimile sibi videri, cum Bononia in plano posita existat, templum illud tamen propinquum esse in monte, & conjecturam afferat longa atque inani inculcatione verborum, quod periculosum esset urbibus montem in propinquo supereminentem habere, nec esse credendum primos positores talem situm delegisse. Haec igitur verisimilitudo illi forsan probabilis videtur, qui nescit. At ego qui intuitus sum, ridiculum ac prope miserabilem hujus errorem esse intelligo, & quanto pertinacius contendat, tanto miserabiliorum. Accidit enim sibi idem, quod Phormioni accidit, qui audiente Hannibale de officio duces, & de rei militaris disciplina differebat. De quo Hannibal interrogatus inquit, se multos deliros senes vidisse, sed qui magis deliraret vidisse neminem. Homo enim, qui nunquam castra viderat, nec ullam partem attigerat militaris disciplinae per existimationem quandam loquens aures Hannibalis experti, atque scientis

ducis obtundebat, ac delirare merito videbatur. iste profecto quisquis sit, qui nunquam litteras graecas, ut ita dixerim, vidit, si non modo loqui, si certare etiam, si Deo placet, de illarum interpretatione velit cum eo, qui scit, nolo dicere, ut Hannibal Phormione, parco enim dignitati personae, sed illi dico, si intelligeret de quibus contendit, non esse et taturum. Respondebit credo, me non esse Hannibalem. Nec mehercule velim esse, si possim; nam la enim claritate nominis adducerer, ut vexator Mundi, & interfector tot millium hominum esse velim. Sed ne ipse quidem Phormio est. Licet enim de maioribus ad minores similitudinem facere. Ubique enim scientis experti cognitio incredibile quantum superat rudem ex estimationem ejus, qui nescit & tantum modo opinatur. Non curo, inquit, de verbis graecis. At enim curare debes, vel de interpretatione, vel loqui. Nam interpretatio, ut saepe jam dixi, nihil aliud est, quam unius linguae in alteram expressio, in qua necesse est iudicium tuum esse claudum & mancum, si linguam unam scis, alteram nescis. Non debemus, inquit, quid Aristoteles dicat attendere, sed quid consonet morali philosophiae: nam Aristoteles ipse tanquam princeps philosophiam nobis tradidit, neque tanquam potestatem habens, sed potuit & ipse aberrasse. Haec sunt illius verba, in quibus vide quo ruat, dum se tueri vult. Quaerere libenter ab eo, nunquid iste, quem transfero, Aristotelis sermo? negare non posset. An igitur interpretes aliter loquentem faciam Aristotelem in latino, quam ipse loquatur in graeco? Et levis munio tantum philosophum corrigam? Crede mihi, Reverendissime Pater, opiniones istae Alphonsi ut pace sua dixerim, stare non possunt. Refugit inquit, mecum disputare. Immo jam pridem dispu-

ans ostendo, te de his rebus disputare non posse, nisi tanquam per somnium & vaticinationem: ego autem neque somniis, neque vaticiniis fidem praesto. Quod si me docere aliquid vis, libenter te audiam, modo ea doceas, in quibus non habeas divinare. De interpretatione autem graecae linguae, quid aut tu locere me potes, qui nescis, aut ego te, qui capax non es? Et si forte aliqua in parte capax fieri valeas, per certamen & pertinaciam adversaris. Atqui hic nosce, inquit alio loco, eos qui de moribus disputant, sine jactantia esse debere. Recte quidem. Quamquam nescio an de interpretatione disputare id sit de moribus disputare, sed si per me licet, vellem addidisset & sine arrogantia & sine pertinacia, utrumque moribus inimicissimum est. An vero quicquam arrogantius esse potest, quam sibi ipsum graecum nesciat, de interpretatione graeci veri judicium attribuere? An quicquam pertinacius, quam in opinione sua qualiscunque ea sit, velle persistere? Summum bonum dixi, quod omnia appetunt: Hic bonum dicendum esse contendit. Demonstravi verbum in graeco esse Tagaton: de hoc agitur controversiam esse, utrum bonum significet, vel summum bonum. Attulit vero fortuna, quod vero contingit, facultatem, ut etiam nescienti graecas litteras per testimonium Eustratii graeci auctoris doctissimi hominis, & horum ipsorum librorum commentatoris probare potuerim. Agaton enim in graeco significat bonum; sed si addatur T littera, & dicatur Tagathon augetur ejus significatio, & designat finem, & extremum bonorum. Verba illius tunc recitavi, quae talia sunt: Tagathon, quod componitur ex to & agathon nichil significat aliud, quam primum bonum ac summum bonum, & est intellectus quidem Agathon, non tamen Tagathon,

& virtus Agathon, non tamen Tagathon. Sic per hoc elementum T ad verbum Agathon conjunctum ostendit principium, & causam, & extremum omnium bonorum. Adversus hanc probationem tuam claram, tam certam, tam indubitatam qui repugnare ac errorem suum pertinacia defendere pergit, quomodo pudorem, aut modestiam in disputando conservat? Atque ego libenter ab eo quaererem, utrum dicere velit non esse ibi verbum Tagathon, aut non illud significare, aut me interpretem aliud quam graecum verbum significat, debuisse exponere. Enim vero esse ibi verbum Tagathon negari non potest, cum sit manifestissimum. Significari autem per id verbum illud extremum bonum, cujus gratia certam cupimus, testimonio tanti auctoris probavimus, & mille locis in graeco, si opus esset, probaremus. Debere autem interpretem non aliud exponere, quam in graeco significetur, constat. Quid ergo dicere vult iste correptor meus, aut quid potest dicere? Melius, inquit, congruit, si dicatur bonum, quod omnia appetunt. Respondeo: hoc tu jam ab Aristotele requirere debes, non a me; nam ego interpretis officio recte functus sum, ut in graeco est, sic in latinum transtuli. Deinde ut pro Aristotele respondeam dico, te non recte intelligere; nam longeverior & congruentior sententia est, si dicatur summum bonum, quod omnia appetunt. Cujus rationem vide quaeso, & omissa certandi studio te rationi aliquando permittas. Etenim quod inquit Aristoteles bene ostenderunt, ad antiquorum dictum se referre constat. Videamus igitur, utrum dixerint antiqui bonum esse, quod omnia appetunt, vel summum bonum esse, quod omnia appetunt. Ex hoc enim veritas hujus sententiae apparebit. Est autem textus ad litteram hoc ipsum declarans in decimo Ethic.

Ethicorum libro, ubi opinionem recitat Eudoxi an-
 tiqui Philosophi. Verba sunt haec: Eudoxus volu-
 ratem summum bonum esse censebat, propterea
 quod omnia tam rationalia, quam irrationalia illam
 appetere cernebat. Ecce ratio Eudoxi: Quia enim
 cernebat omnia voluptatem appetere, propterea
 summum bonum esse voluptatem existimabat. Et
 addit: singula enim sibi bonum reperire, quemad-
 modum escam. Quod autem omnibus bonum sit,
 et quod omnia appetunt, id esse summum bonum.
 Non posset esse quicquam tam clarum, tam apertum,
 tam indubitatum, quam est haec antiquorum sen-
 tentia ostendentium id esse summum bonum,
 quod omnia appetunt? Satis est auctoritate antiquo-
 rum id probasse. Sed ego insuper ratione mea do-
 cebō summum bonum esse dicendum. Et capio
 la principia: omnis ars, omnisque doctrina finem
 suum appetit & summum bonum persequitur, ut
 medicina sanitatem, navicularia navigium, res mili-
 taris victoriam, oeconomica divitias. Non ergo victo-
 riam appetit medicina, sed sanitatem, nec res mili-
 taris sanitati studet, sed victoriae, neque rhetori-
 ca navigium facit, sed suasionem. Nec victoria igi-
 tur, neque sanitas est summum bonum, quia non
 omnia victoriam appetunt, neque sanitatem; esset
 vero summum bonum, si omnia illam appeterent.
 Vides nunc aperte rationem illius dicti, & quod
 non bonum dicendum est, sed summum bonum
 quod omnia appetunt. Adducam insuper probatio-
 nem aliam, quae forsitan erat ceteris praemittenda,
 hoc est ut videamus quid sit summum bonum, &
 quid bonum. Ex horum enim diffinitione veritas
 illius sententiae manifestius apparebit. Haec verba
 summum bonum eam puto vim apud Latinos habe-
 re, ut per illa notetur extremum illud, ac perfectum

bonum, ad quod cum tandem perventum fuerit, appetitus omnis conquiescit, id est quod semper propter se expetitur, & nunquam propter aliud, cujus gratia cetera fiunt omnia & ad illud referuntur, ipsum autem nusquam refertur. Media vero, per quae ad hoc extremum ascenditur, bona quidem sunt, non tamen summa, quoniam propter aliud, quod supra se erat, expetuntur. At summum bonum nichil supra se habet, sed in eo appetitus conquiescit, nec ultra requirit. Nec latere non oportet hoc idem, quod summum bonum diximus, appellari finem bonorum, & extremum & ultimum, & primum. Dicitur enim extremum & ultimum, quia non est ultra progressio. Primum autem quod principium est, & causa. Inde liquidem motus est; nam ejus gratia omnia omnes agunt, de quo praeclare Tullius in libro de Finibus Bonorum inquit: Quærimus enim quid sit extremum, quid ultimum bonorum, quod omnium philosophorum sententia tale esse debet, ut ad illud omnia referri oporteat, ipsum autem nunquam. Ecce quid nos bonum, & quid summum bonum latine dicimus. Est igitur summum bonum id, ad quod omnia referuntur, & cujus gratia omnia fiunt. Haec autem verba idem sonant apud latinos, quod apud graecos verba illa, quod omnia appetunt. Idem est enim dicere, quod omnia appetunt, & dicere ad quod omnia referuntur, & cujus gratia omnia fiunt. Ex quo manifestum est, diffinitionem summi boni esse, quod omnia appetunt. Denique summum bonum & felicitas idem est: at bonum & felicitas non idem, propterea quod felicitas omnia complectitur, bonum autem non omnia, ut de sanctitate, ac victoria probavimus. Est igitur summum bonum, quod omnia appetunt, ut auctoritate anti-

quo.

uorum, & rationibus ostendimus. Ex quo patet & verba sonare, & sententiam poscere, ut dicatur summum bonum, quod omnia appetunt. Modus utem dicendi est: Omnis ars omnisque doctrina, militer autem, & actus, & electio bonum quoddam appetere videtur. Quapropter bene ostenderunt antiqui illud esse summum bonum, quod omnia appetant. Nam fines bonorum sunt alii sub aliis, donec perveniatur ad unum extremum & ultimum, quod omnia appetunt, & cuius gratia cetera fiunt, & illud extremum est summum bonum. Hanc rationem Aristoteles statim prosequitur & probat inquiring: Num multi sint actus, & artes, & scientiae, sit etiam, ut multi sint fines. Nam medicinae quidem sanitas, naviculariae vero navigium, rei militaris autem victoria, oeconomicae vero divitiae. Quot autem sunt hujusmodi sub una aliqua virtute, ut ars frenorum faciendorum, & aliae omnes, quae ad structuram equorum pertinent, sub equestri consistunt. Ipsa vero equestris, & omnis bellica actio sub re militari, eodemque modo aliae sub aliis. In cunctis autem finibus, eorumque magis principes sunt omnibus inferioribus anteponendi; nam illorum gratia istos prosequimur. Si igitur agibilibus finis quispiam est, quem propter se ipsum velimus, alia vero propter illum, nec omnia propter aliud optamus, jam sic infinitum est progressus, vanaque & stulta resultaret cupiditas, manifestum est id esse summum bonum. Non posset clarius apertiusque probari, singula appetere bonum quoddam, & ex hoc fieri necessario, ut summum bonum sit, quod omnia appetunt. In quo admirari soleo hebetudinem quorundam, qui haec tam dilucida non intelligunt. Extrema est illius epistolae pars, in qua de verbis agitur. Probat vero Alphonsus, & laudat permixtionem linguarum

O 4

omnium

omnium. Ego autem puritatem latini sermonis observandam censeo, neque coinquinandam graecis aut barbaris dictionibus. Hoc enim Ciceronem observasse video, qui philosophiam nobis tradidit latinis verbis, eodemque modo Hieronymus cum de hebraico in latinum interpretatur, hebraica verba non ponit, sed latina. Alphonso autem placet aliter. In quo faciat ut libet; sui enim est juris. Ego tamen Ciceroni & Hieronymo longe magis crediderim, quam Alphonso. Quaero enim, cum Marcus Tullius & Livius, & Salustius, & Lactantius, & Hieronymus rempublicam dicant, cur Alphonsus malit dicere politiā, quam rempublicam? cur quod placet doctissimis viris, non placet Alphonso? Verum de graeca lingua se plus videre putat, quam illi viderint, ac de latina. Legat quaeso Hieronymum, Tullium, Lactantium, Livium, Salustium, Caesarem, & michi dicat, si unquam in aliquo illorum reperit politiā. Quod si hos legere non placet, saltem juris consultos legat suos, ac michi ostendat, si unquam in eorum libris scriptum sit politia, aut oligarchia, aut Aristocratia. Atqui permagna sunt juris consultorum volumina, ac frequens in eis ponitur reipublicae verbum: politiae autem verbo quis unquam juris consultorum usus est? Quid illa, quam Graeci dicunt epicheam, quae est pars iustitiae, & pertinet ad leges, & ad juris consultos utpote materia propria suae artis? An quisquam Jurisconsultorum nostrorum posuit epicheam in libris suis? nunquam reperitur posuisse. Cur ergo Alphonsus ignorantiam interpretis antiqui secutus dicere mavult epicheam, quam ex bono & aequo, ut dicunt, Jurisconsulti nostri? Tullius autem popularem statum dicit in libris suis. Cur non merito plus michi debeat placere, quam dicere Democratiam? Idem Tullius pau-
rum

um potentiam, & optimorum gubernationem vocat, quas Graeci oligarchiam, & Aristocratiam dicunt. Ut igitur ego haec vocabula latine dictauisse a Cicerone, a Hieronymo, a Livio, a Salustio, a Lactantio, a ceteris praestantibus viris ostendo: sic Alphonsus michi ostendat, si potest, quod aliquis eorum quos modo nominavi, vel aliquis juris consultorum unquam scripserit vel politiam, vel Denocratiam, vel Oligarchiam, vel Aristocratiam, vel Epicheam. Quod si ostendere non potest, quae tantem ejus pervicacia, se malle cum indoctissimis errare, quam cum doctissimis laudem sequi?

XXV.

LEONARDUS FRANCISCO GONZAGAE
PRINCIPI MANTUANORUM S. P. D.

De origine Urbis Mantuae.

Non sum nescius, generosissime Duxor, cum ab hominibus litterarum studio deditis pro cognitione rerum quicquam exquiritur, solere eos tenuitatem ingenii sui, & rerum ipsarum difficultatem allegare, denique se non sponte, sed coacte, cum voluntati petentis denegare nequeant ad scribendum accedere, ut partim major gratia sibi quod scripserint habeatur, partim, si quid erraverint, veniam facilius consequantur. Ego autem tantum abest, ut invicem scribere me protester, ut etiam gratias tibi agendas putem, quod per familiares tuos homines michi notos atque amicos, ista ut scriberem flagitasti. Quis enim majorum suorum vetustam gloriam non libenter enarret? Aut cognatio-

tionem & consanguinitatem praesertim honestissimam non cupienter agnoscat? Tenuitatem vero ingenii allegare quid attinet? Cum nemo, qui id alleget, sibi ut credatur velit, & contra votum suum ipse depugnet. Difficultas autem in his quidem non maxima est, quoniam res planae & perspicaces in testimonio veterum positae recitantur. Peris enim, ut ad te scribam, quid de Mantuanae Urbis origine tenendum sit, quive ejus conditores, auctoresque fuere. De quo cum a Tito Livio, & Plinio Secundo ac ab ipso Virgilio pluribus locis apertissime scriptum sit, non video equidem quomodo aut cuiquam dubium esse possit, aut a me vel ab alio quicquam sit jam de ea re amplius requirendum. Etenim si alienis testibus de origine alicujus rei credendum est, quibus magis quam Livio, & Plinio crediderim gravibus certe & doctissimis viris suis & cognatis? Quibus magis, quam Virgilio? Qui Mantuanus cum fuerit Mantuae originem ignorasse illum nefas est credere. Atqui hi omnes Mantuam a Tuscis conditam fuisse manifestissime tradunt. Sunt & alii auctores latini & graeci qui idem asseverent; sed ego ut prolixitatem fugiam, paucorum testimonio contentus ero. Primum igitur rem, ut illi tradunt, narrabo: deinde illorum verba pro fide subnectam. Tuscorum gentem ex Lydia venisse constat multos annos ante Trojanum bellum: incoluisse vero eam Italiae partem, quae inter Apenninum montem & Inferum mare, Tiberimque, & Macram fluvios clauditur, quae primo Tyrrhenia ab rege eorum Tyrrheno, mox Etruria dicta est, quoniam & ipsi Etrusci appellari sunt coepti. Fuit autem tota Etruscorum gens in XII. populos divisa antiquitus, quoniam XII. capita originis ex Lydia fuerant ab initio deducta. Qua de causa Graeci dodecapolis, & nostri duodecim

(Si
nisi, eod. d.
p. 104)

cim populos Etruscōs appellant. Omnes tamen alii
 quandiu uno sub rege vixere. Mox ut regia potestas
 gravior illis visa ex singulis populis singulos Lucu-
 mones, sic enim Magistratum vocitabant, qui com-
 muni consilio totam regerent gentem, creare coepe-
 runt. Sub hoc igitur Magistratu pari voluntate, au-
 thoritateque duodecim populorum Etruria governa-
 ta tantum opibus, potentia, multitudine sobolis
 accrevit, ut se intra fines suos non amplius concine-
 ret, sed ipsos transgressa longe lateque dominaretur.
 Cis Apenninum primo per inferiorem Italiae par-
 tem usque ad Fretum Siculum, postea trans Apen-
 ninum usque ad Alpes praeter extremum Vene-
 torum angulum vi & armis subacta Tusci cuncta
 possederunt. Testes eorum potentiae sunt duo Ma-
 ria, quibus Italia modo Insulae cingitur utraque
 sane non ab aliis populis, quam a Tuscis nomina-
 ra, Inferum Tuscum, idemque Tirrhenum vetusto
 gentis nomine, quae appellatio, ut quibusdam grae-
 cis placet, ab Sardinia in Siciliam obtinet, Superum
 vero Adriaticum ab Adria Oppido maritima po-
 tentia maxime inclyto, quod Tusci his quoque lo-
 cis dominantes non longe a mari inter Padi ostia
 condidere. Ab hac igitur gente cum maxime flore-
 ret, duodecim Colonias, quot capita originis erant,
 trans Apenninum missas tradunt, quarum prae-
 cipuae fuerunt urbes Mantua, & Adria, a qua nomen
 Adriatico mari datum ostendimus. Quis autem Prin-
 ceps Etruscorum in condenda Mantua fuerit, & ce-
 tera quae ad particularem rei seriem pertinent po-
 stea dicemus. Nunc ista, quae adhuc retulimus, ne
 forte a nobis ficta credas, testimonio veterum con-
 firmemus. Verba Virgilii ⁽¹⁾ quod ex Lydia venerint:

Haud procul hinc saxo colitur fundata vetusto

Ur.

(1) Lib. VIII. Aeneidos.

*Urbis Agyllinae sedes, ubi Lydia quondam
Gens bello praeclara jugis confedit Etruscis.
Hanc multos florentem annos rex deinde superbus
Imperio, & saevis tenuit Mezentius armis;
& quae sequuntur. Verba Horatii ⁽¹⁾ de eadem re:
Non quia Maecenas Lydorum quicquid Etruscos
Incoluit fines, nemo generosior est te:*

Verba Plinii ex libro de Naturali Historia III. *Adae-
ctitur huic septima Italiae regio, in qua Etruria est
ab amne Macra, ipsa mutatis saepe nominibus. Um-
bros inde exegere antiquitus Pelasgi, hos Lydi, a quo-
rum rege Tyrrheni, mox a sacrisco ritu lingua Grae-
corum Tusci sunt cognominati. Primum igitur Um-
bri hanc partem Italiae, quae nunc Etruria dicitur,
tenuerunt, qui postea a Pelasgis pulsi sunt. Pe-
lasgos deinde Lydi pepulere, qui primo Tyrrheni,
mox Tusci sunt dicti. Hanc historiam Dionysius
Halicarnasseus graecus auctor diligentius profecutus
est docens & qua ratione ex Lydia, quae fuit quon-
dam Meoniae pars, abierint, & quibus jactati casib-
us in Italiam pervenerint. Meminit etiam hujus
rei Plutarchus philosophus nobilis, & historiarum
antiquarum curiosissimus. Satis probatum est, quod
ex Lydia venerint. Quod autem multum in Italia
mari terraque potuerint, & quod utrumque mare ab
illis nominatum sit, & quod omnia ferme loca trans
Padum usque ad Alpes tenuere, & duodecim Urbes
trans Padum habuere, quarum una Mantua est,
jam ostendam. Verba Titi Livii ex libro ab Urbe
condita V. *Tuscorum ante Romanum Imperium late
terra marique opes patuere. Mari supero inferoque,
quibus Italia modo Insulae cingitur, quantum potue-
rint, nomina sunt argumento: quod alterum Tuscum
communi vocabulo gentis, alterum Adriaticum mare
ab**

(1) Lib. I. Sermonum Sat. VI.

ab *Adria Tuscorum Colonia vocavere Italicae gentes. Graeci eadem Tyrrhenum atque Adriaticum vocant, & in utrumque mare vergentes incolere Urbibus duodenis terras prius cis Apenninum ad inferum Mare; postea trans Apenninum totidem, quot capita originis erant Colonis missis, quae trans Padum omnia loca excepto Venetorum angulo, qui sinum circumco-
lunt maris usque ad Alpes tenuere. Haec sunt Titi Livii verba quanti auctoris, & quantae fidei? Quibus relatis quid opus est jam me loqui? Duodenis inquit Urbibus, terras in utrumque mare vergentes incolere, hoc est XII. Urbes habuerunt in Etruria, quae vergit in inferum mare; & XII. trans Apenninum in terris, quae in Superum mare vergunt. Nam quot erant originis capita in Etruria, totidem postea Colonias trans Apenninum per terras in Superum mare vergentes. misere, quae omnia trans Padum loca praeter extremum Venetorum angulum occuparunt. Harum unam nominat Adriam, a qua Adriaticum appellatur Mare, ceterarum nomina tacuit. Sed locorum circumscriptione comprehendit, cum Transpadanam regionem totam excepto Venetorum extremo angulo dixerit tenuisse. Verba Plinii Secundi de Tuscorum potentia, & de ceteris, quae supra narravimus, ex libro Naturalis Historiae III. *Umbrorum gens antiquissima Italiae existimatur. Trecenta eorum oppida Tusci debellasse reperiuntur. Item ex eodem libro cum de Padi Fluvii ostiis loquitur, sic inquit: Nobili portu oppidi Tuscorum Atrinae, a quo Atriatum mare appellabatur, quod nunc Adriaticum. Utrumque igitur mare a Tuscis nominatum constat, & Adriam unam fuisse ex XII. Urbibus, quas trans Apenninum Tusci habuere, & Titus Livius, & Plinius expresse testantur. Nunquid igitur & Mantua*
una*

una ex illis est? Vide quaeso quam aperte. Verba Plinii ex Libro item III. *Mantua Tuscorum Colonia ex Transpadanis sola reliqua*. Ergo temporibus Plinii omnes aliae Tuscorum Coloniae trans Padum positaе interierant, Mantua sola restabat. Quid Virgilius? Nonne & ipse hoc idem testatur? Recita Virgilii verba de Mantua ex Libro X.

Ipsa caput populis, Tusco de sanguine vires.
 Natam de Tusco sanguine patriam suam Virgilius gloriatur. Verba Servii Virgilii Commentatoris viri doctissimi: *Tuscos paene omnem Italiam subegisse manifestum est*: Item alio loco. *Origo Mantuanorum a Tuscis venit*. Quid igitur aut certius, aut testimonia veterum confirmatius esse potest, quam Mantuam a Tuscis conditam? Cum & T. Livius omnia trans Padum loca praeter extremum Venetorum angulum tenuisse dicat Etruscos, & XII. urbibus eas terras incoluisse, & Plinius Mantuam Tuscorum Coloniam fuisse expresse asserat, & Virgilius ortam a Tusco sanguine patriam gloriatur, & Servius originem Mantuanorum a Tuscis venisse confirmet? Si unus mehercule aliquis istorum hoc scriberet propter summam auctoritatem verum putarem: nunc omnibus simul asserentibus nullis contradicentibus quis tandem locus ambigendi relinquitur? Venisse igitur ex Lydia Tuscos, & late terra marique eorum opes in Italia patuisse, Colonias XII. trans Apeninum misisse, quarum una Mantua fuit, usque adeo manifestum est, ut nulla prorsus dubitatio de illius origine cuiquam esse debeat tot tamque praeclaris auctoribus eadem asserentibus. Quare hoc fixè & immobilitè teneamus, Etruscos Mantuae fuisse conditores; id enim exploratissimum est, nec dubitationem habet ullam. Particularis vero series rei, idest quo tempore condita sit, & quamobrem Mantuae

nae nomen illi inditum, & quis Etruscorum Princeps in condenda urbe deducendaque Colonia fuit, & quo ex populo Etruriae origo ducatur non sive adeo clara est, nec auctores tradunt ulli, quod quidem sciam, praeter unum Virgilium. Nec id certe mirum; nam critica quidem ista, atque minuta pleraque historia negligit: alioquin infinita est etiam scribendi prolixitas, satisque facit historia si dixerit, Tuscos duodecim Colonias trans Apenninum misisse, unam illarum Mantuam fuisse. At Virgilius, utpote civis & sciens minutiora haec de patria prodidit, qui nobis sufficere debet. Locuples enim testis est, modo poetam esse illum meminerimus. Tempus igitur conditae Mantuae vetustum sane est, & ante advenum Aeneae in Italiam. Id enim Virgilius tradit, & procul dubio verum est, cum per ea tempora Etruscorum opes maxime floruerint. Quod si ita est, supra trecentos annos ante Romam conditam fuisse Mantuam constat, ante vero quam Mediolanum supra quadringentos & quinquaginta, ante Cremonam vero & Placentiam, quae duae Urbes a populo Romano conditae sunt per tempus fere secundi Punici belli, supra octingentos. Haec de tempore satis sit in tam vasta antiquitate dixisse. Nam diem & annum quaerere perabsurdum esset. Princeps autem Etruscorum in condenda Mantua fuisse traditur. vir quidam divinarum rerum scientia clarus nomine Ocnus, quem Virgilius poetico more describens filium fuisse ait Tusci amnis, & facidicae Mantus. Nam cum Aeneas bello a Rutulis Turnoque premeretur, ad florentes Etruscorum opes confugisse illum Virgilius dicit, & auxilium adversus Turnum Rutulosque impetrasse, cujus illa sunt pro Tuscorum gloria dicta.

*Ast tibi ego ingentes populos, opulentaque regni
Jungere castra paro,*

& quae sequuntur. Praestantibus autem auxilia Civitatibus Etruscorum Mantuam quoque ut a Tusco ortam misisse auxilia dicit, & conditorem ejus in hoc loco nominat. Verba Virgilii ⁽¹⁾ haec sunt:

*Ille etiam patris agmen ciet Ocnus ab oris
Fatidicae Mantus, & Tusci Filius amnis,*

Qui muros, matrisque dedit tibi Mantua nomen.

Tam fictio est, quod fuerit filius Mantos, quam est etiam fictio, quod fuerit filius amnis Tusci. Hic est enim Poëtarum mos, veritatem aliquo velamento obtegere. Nam quia Tuscus erat, Tusci amnis filium dixit, quia divinandi arte pollebat, fatidicae Mantos filium esse ait. Augures enim & vates ac hujusmodi homines, qui vaticinantes futura praedicunt, Graece mantes appellantur, & divinatio ipsa mantia. Haec autem scientia usque adeo praecipua apud Tuscos fuit, ut Romani postea rerum domini quotiens grave quicquam reipublicae imminebat, vates & aruspices ex Etruria accersirent, quod & apud Livium frequentissime legimus, & M. Cicero ante Consularum suum ob timorem conjurationis factum ostendit, & Lucanus in Arrunte testatur, qui imminente terrore civilis belli Romam ex Etruria accersitus, cum incoheret desertae maenia Lunae futura vaticinatus est. In hac itaque disciplina excellens Ocnus filius Mantus poëtica dicitur, & a matris nomine, idest a divinandi scientia, quae Mantia est, Mantuam nominasse. Muros inquit & nomen tibi dedit: muros & nomen dare, idest urbem condere. Tuscum autem fuisse, paulo post aperte declarat, dum dicit:

Ipsa caput populis, Tusco de sanguine vires.

Quod

(1) Lib. X. Aeneidos.

Quod si quis est a poëticis moribus omnino abhorrens, qui simplicius & grossiori modo ista accipiat, & non fictionem, sed veram historiam putet Ocnum Mantonis fuisse filium; tamen id ad improbandum genus nichil attinet, cum filius paternam originem equatur, non autem maternam. Ocnus enim Tuscus fuit quacunq; tandem matre fuerit genitus; & Mantuam a Tuscis conditam non poëta modo se, verum etiam certissimi auctores tradidere. Ex quo autem Etruriae populo (nam XII. fuisse supra ocuimus) Mantuani originem ducant, nemo id adit; sed videntur ex tribus simul populis Etruriae orti, quod Virgilius significat dicens: ⁽¹⁾

Mantua dives avis, sed non genus omnibus unum:

Gens illi triplex, populi sub gente quaterni.

Ipsa caput populis: Tusco de sanguine vires.

gens, inquit, illi triplex idest ex tribus originis capitibus; nam XII. originis capita erant in Etruria, quod Livium scripsisse supra ostendi. Populi sub gente quaterni, idest unaquaeque gens illarum tum in quatuor dividebatur tribus. Sic tota Mantuana Civitas XII habebat tribus, quas populos non solenter appellat. His autem omnibus Mantuana, idest Urbs Mantuana caput erat. Est enim iud urbs, aliud civitas, cum urbs quidem stru-
uram murorum significet, civitas autem hominum multitudinem jure sociatorum. Nam qui dicunt, Mantuam conditam quidem ab initio a Tuscis, sed posteris temporibus una cum Tuscis contoribus Gallos, & Venetos habitare coepisse, hi non multum satisfaciunt. Nam si ita esset, cur subiret Poëta doctissimus:

Ipsa caput populis: Tusco de sanguine vires?

super temporibus Aeneae, de quibus Poëta loquitur

Tom. II.

P

tur

) Lib. X. Aeneidos.

tur, nondum Galli in illas regiones venerant. Quippe circiter centesimum & quinquagesimum annum post Romam conditam duce Belloveso primum alpe transiere. Quod si hoc ad posteriora referas tempora, & Gallos, atque Venetos in civitatem receptas; tamen id remanet Mantuam ab initio conditam fuisse a Tuscis, & postmodum alias quoque gentes in civitatem receptas ita tamen, ut Tusci dominarentur, atque praecessent. Hoc enim significant verba illa:

Ipsa caput populis: Tusco de sanguine viret:
idest robur & potentia Tusci sanguinis. Restat ergo utcumque tandem verferis Mantuam a Tuscis conditam fuisse: quod Virgilius ipse Mantuanus totius antiquitatis peritissimus, & alii probatissimi rerum scriptores tradidere. Nec ullus est auctor, qui contra sentiat praeter unum Dantem, de quo valde admirari compellor, quod cum Tuscus ipse fuerit, & Virgili, ut asserit, sectator, ea, quae de Tuscorum potentia a tot & tam claris auctoribus scripta sunt, neque legisse unquam, neque notasse videtur, & usque adeo a Virgilio discedit, ut cum ille de Tusco sanguine ortos Mantuanos asserat, & Oceanum nominet conditorem, iste quasi ignarus omnium aliam quandam originem assignet. Sed neque auctorem ullum opinionis suae, neque argumentum aliquod ad confirmandum inducit. Quare cedat ipse opinioni eorum, quos supra nominavimus, qui & proximiores temporibus illis fuere, & ab aliis scriptoribus vetustioribus acceperunt. Equidem scio, quae de Tyresia poëtae scribunt, omnia simulata esse atque conficta, neque veritatem habere, sed intellectum veritatis vilius anguibus percussisque primo de mare in semina versum, rursus deinde post aliquot annos percussu reversum in mare. Mox arbitrum sumptum inter

Jo-

Jovem & Junonem pro feminae libidine tulisse sententiam, ob quam irata Juno lumen ademit. Jupiter casum miseratus cum oculos reddere fas non esset, divinandi scientiam in compensationem retribuit. Haec poëtarum deliramenta puerilia certe, ac nescio an satis pudica perscrutari omittamus. De eo solum videamus, quod ad Mantos fabulam attinet. Plato Philosophus in illo praeclarissimo libro, cui Phaedo nomen est, inde mantiam scribit, quod vates cum futura praedicunt, quasi quodam divino corripuntur furore. Itaque mantes eos dici, quasi insanos & furentes, quod in delphicis Oraculis & sybillinis appareret responsis. Cum ergo Tiresiam Vatem fuisse constet, ac divinandi artem praecipuam habuisse, Manto, quae divinationem ipsam significat, hominem fuisse credam, atque non artem? Nimis socordis est fabulas sic accipere ut res veras, & in figmentis poëtarum non supra verba animum attollere. Nam quod filia Tiresiae dicitur, id ad omne, quod ex nobis peperimus, commune est. Enimvero peperisse Tiresiam divinandi artem ex eo patet, quod non ab homine aliquo inventore, sed a Jove largitore dicitur accepisse. Haec igitur divinandi ars Tiresiae filia, idest inventio fuit, quam Dantes quidem Virginem dixit, Virgilius autem doctius & verius matrem appellavit. Nam Virgo quidem nichil parit: itaque nec mater cujusquam est. Ars vero divinandi, & multos jam alios, & Ocnus in lucem, idest in claritatem produxit. Ut enim mater filium in lucem edit; sic ars, quae clarum aliquem & conspicuum reddit, mater illius merito nuncupatur. Vanum igitur & puerile est credere, Manto fuisse hominem, in Italiam venisse cum servis intra paludem remotam ab omni humano commercio constituisse, nisi hoc totum poëticae

accipiatur, divinandi scilicet artem a graeco Tresa repertam, postea in Italiam delatam esse, ex eaque arte Mantuae nomen datum. Plura, quam proposueram ab initio circa haec locutus sum ex tractatus, quod plerique poetici mors ignari figmentum pro veritate suscipiunt, & Manto hominem fuisse existimant, cum revera non fuerit homo, sed divinatio. Ad extremum contra pertinaces & repugnantes illuc redibo, etsi homo fuit Manto, & conditoria mater, tamen ipse conditor Tuscus fuit, nec mater graeca filii conditionem mutavit. Mantuam certe utcumque sit a Tuscis conditam fuisse plusquam certissimum est. Quod non poëta modo, de cuius sensu interdum ambigi solet, sed & Livius, & Plinius, & Servius stabiles certe ac firmi auctores tradidere. Neque vero te poeniteat, o inclyte Mantuanorum Ductor, originem tuae Civitatis a Tuscis venisse. Nulla enim ante Romanum Imperium gens in Italia, aut bello potentior, aut opibus insignior, aut pacis artibus gloriosior fuit. Haec enim ab Alpibus ad Fretum usque Siculum vi & armis domitas regiones Italiae possedit. Haec solagentium Italicarum supero, inferoque mari nomen indidit. cum multum terra, plurimum mari posset. Haec Pelasgos graecam gentem Italia pepulit, haec Umbros antiquissimos Italiae populos bello superavit, trecenta illis oppida vi & armis ademit. Haec eadem gens postea adulescente jam Romano Imperio sola omnium bis Romam obsedit primum Porcenna Duce, secundum Veientibus. Sola omnium a Romanis obsides accepit, & quidem tanta confessione victoriae, ut non solum mares, sed quod turpius est etiam feminas virgines dandi necessitas videtur imponeretur, inter quas Consul filia Valeria fuit, & Cloelia, quae ruptis vinculis fugiendo natavit. Nec
ul-

Nullum ob hostem, si gesta Romanorum legas, magis Romae trepidatum reperies, quam ob Etruscum, neque dictatores saepius dictos. Ab hac eadem gente, ut ad pacem venias, litterae in Italiam adluctae, quas Romani quoque, ut postea graecas, sic primum Etruscas discere solebant. Ab hac ceremoniarum solemnitas, ab hac numinis colendi scientiam, ritum, disciplinam Romani sumpsere. Ab hac Regum, Magistratuumque ornamenta omnia. Nam & XII. lictores, qui Regibus, Consulibusque apparent a XII. Etruriae populis accepti, & sella curulis, ac toga praetexta, palmataque tunica, & curus aurei, ceteraque insignia Regum, & Magistratum, tubae denique ipsae, quibus pugna accenditur, & hujusmodi omnia Tuscorum inventio sunt, postea a Romanis propter summam auctoritatem gentis imitando suscepta. Quid dicam de scientiis divinorum rerum, & prospicientia futurorum, quae semper Etrusca disciplina vocitata est, & jam apud Romanos rerum dominos, atque victores? Quid igitur aut pace, aut bello magis inclytum esse potest, quam Etruscum nomen, si antiquitatem, & vetustam gentis gloriam inspicias? Denique haec eadem gens hodie quoque non postrema Italiae est. Sed & splendore urbium, & magnitudine ingeniorum, opumque & potentia nulli Italicae genti, ut sine invidia dicam, inferior. Vale ex Florentia VI. Kal. Ianuas. MCCCCXVIII.

XXVI

LEONARDUS ARRETINUS S. D. JOHANNI
NICOLAE SUO.*Suam Ethicorum versionem defendit.*

ADmiratum dixisti doctum quemdam virum quod in Ethicorum interpretatione, quam super edidi ita scriptum fuerit *summum bonum, quod omnia appetunt*, quoniam antiqua interpretatio habuerit non summum bonum, sed bonum. Ego autem illud ante omnia oro, ut neque tibi, neque cuiquam admiratio sit, si antiquus interpres in locis quamplurimis aliter ac ego dixerit. Hoc enim ipsum interpretatio mea pollicetur in quibus ille non bene dixerit, me aliter dicere. Deinde illud peto, ne putet quisquam me temere quicquam, aut inconsulte posuisse. Videbam enim ab ipso initio magnas michi controversias non defuturas praesertim adversus eos, qui vetustas, ut vere dicam, ambages ex antiqua illa interpretatione imbibissent. Itaque hoc impendente metu nullum est verbum a me immutatum, quod non millies olfecerim prius. Si unus apex vel unum jota ad sensum Aristotelis additum scienter a me sit, vel detractum, non recuso equidem, quominus falsi condemnem. Quamobrem commonefacio omnes benigne, & amice, ne in legenda interpretatione mea damnare quicquam properent. Intelligant prius graecas litteras, & vim verborum probe norint, in quibus nos supra XVIII. annum assiduo paene studio versati nullum praestantem graecae linguae nitorem in-

tractum, illectumque dimisimus. Tam multa etiam
 ex Platone, Demosthene, Plutarcho, Xenophonte in-
 cinum traduximus, ut jam in ea arte veterani si-
 nus, non tyrones. Cur haec pluribus verbis ad te
 scripsi? Non hujus mehercle gratia doctissimi viri,
 qui admiratus est, sed imperitorum, quorum certe
 maximus est numerus, ac leviter ad singula carpen-
 la provolant. Nunc venio ad rationem verbi. Ver-
 bum enim τὸ ἀγαθόν illud significat, quod M. Tullius
 praecarum litterarum peritissimus in his libris, in
 quibus de hoc ipso disputat, Finem Bonorum in-
 terpretatur, quandoque etiam extremum appellat,
 quandoque summum. Nobis autem summum bo-
 num placuit appellare, quoniam magis consuetum
 id verbum videbatur, quam aut extremum bonum,
 ut finem bonorum. Omnia tamen haec idem si-
 gnificant. Est igitur aliud ἀγαθόν, aliud τὸ ἀγαθόν.
 Primum enim bonum significat, secundum autem
 summum, & extremum bonorum, quod paulo post
 Aristoteles clarius ostendens inquit: *si igitur agibi-*
um finis quispiam est, quem propter se ipsum veli-
mus, alia vero propter illum nec omnia propter aliud
optamus, nam sic in infinitum esset progressus, jeju-
aque, & stulta resultaret cupiditas, manifestum
est id esse summum bonum, & optimum. Hic idem
 verbum ponit τἀγαθόν, quod supra posuerat. Clarius
 in X. Libro hoc expressit, dum de voluptate dispu-
 tat, quam nonnulli summum bonum esse putabant,
 utque in ea felicitatem consistere arbitrabantur, sic
 enim dicit: *Eudoxus voluptatem summum bonum esse*
ensebat, propterea quod cuncta rationalia & irra-
tionalia illam appetere cernebat. Singula enim, quod
sibi bonum sit reperire, quemadmodum escam. Quod
autem omnibus bonum sit, & quod omnia appetunt,
id esse summum bonum. Hic idem verbum est in

græco, quod fuit ibi: *propterea quod bene ostenderunt summum bonum, quod omnia appetunt*. Ea sane eadem sententia. Nam quod ibi dicit *bene ostenderunt*, de Endoxo, & sequacibus intelligit, cujus hic recitat sententiam, ita utrobique est τοῦ ἀγαθοῦ. Sed interpretres ille in primo dixit *bonum quod omnia appetunt*: hic autem dicit *per se bonum*, & sic ex eodem verbo, ac iisdem syllabis diversam pro suo arbitrio prompsit sententiam. Nam si bonum dicendum fuit, & ea est significatio verbi, cur dixit postea *per se bonum*? Sin autem per se bonum dicendum magis erat, cur dixit *bene enuntiaverunt bonum, quod omnia appetunt*. Nam quod inquit *enuntiaverunt*, id quoque alienum est a græco, quod manifeste dicit *ostenderunt*, non *enuntiaverunt*. Sed hoc leve: illud grave, & non ferendum, quod idem verbum alibi *bonum* alibi *per se bonum* interpretatur, cum utrobique dicendum fuerit summum bonum. Nam in verbo τοῦ ἀγαθοῦ nichil est, quod significet *per se*. Dicere autem *bonum* non potest, cum dicatur quod omnibus bonum sit, & quod omnia appetunt, id esse τοῦ ἀγαθοῦ. Absurdum enim foret, si diceremus, quod bonum sit omnibus, & quod omnia appetunt id esse bonum; sed dicendum est id esse summum bonum, hoc est finis, & extremum bonorum. Haec est procul dubio verissima, ut vides, interpretatio, & significatio verbi, nec ullam habet dubietatem, quin ita sit. Duas igitur propositiones in principio libri Aristoteles praemittit; Una est omnem artem, omnemque doctrinam bonum aliquod appetere. Alia est omnium tandem appetitum ad summum bonum referri. Haec secunda propositio ex prima deducitur. Ratio hujus est, quia bona, quae appetuntur alia sub aliis continentur, donec perveniatur ad unum summum. Quapropter bene ostenderunt sum-

mm

num bonum, quod omnia appetunt. Hanc argumentationem Aristoteles artificiose prosequitur usque ad conclusionem, quae est ibi: *necesse est id esse summum bonum, & optimum*, & huic sententiae utroque verae omnia consonant, quae sequuntur. Vale. Post scriptas litteras aliud occurrit, quod subjiciam ad probationem, quod τὸ ἀγαθόν significet summum bonum. Aristoteles in primo Ethicorum circa finem dum quaerit an felicitas sit laudabilem, vel honorabilem sic ait: videtur Eudoxus probe voluntati principatum defendere, quod cum non laudetur voluptas, & sit bonum, praestabilius aliquid significari putat, quam ea, quae laudantur. Talem enim esse Deum, & summum bonum, ad haec enim & illa referri. Litera habet in graeco talem esse Deum, & τὸ ἀγαθόν, quod aliter exponi non potest, quam summum bonum. Nam dicere per se bonum alienum est a significatione graeci verbi, ut patet etiam mediocriter in ea lingua eruditis. Dicere autem bonum alienum est a sententia ut quisvis intueri potest. Repugnaret enim sibi ipsi, si diceret praestabilius aliquid significari, quam bonum, & postea concluderetur esse bonum. Sed est dicendum summum bonum, quod Deo parificat, & ad ea referri cetera asseverat. Ut autem videant increduli, & pertinaces dicendum esse summum bonum, & non per se bonum, subjiciam Boetii verba, qui unus omnium nostrorum in graecis litteris doctissimus fuit. Ex hoc enim Aristotelis dicto, quo asseritur ad Deum & summum bonum cuncta referri, Boetius probat Deum & felicitatem esse idem. Verba illius haec sunt. Quod a summo bono diversum est sui natura, id summum bonum non est, quod nefas est de Deo cogitare, quo nichil constat esse praestantius. Sed summum bonum beatitudinem esse concessum est.

Igitur Deum esse ipsam beatitudinem necesse est confiteri. Item paulo post inquit: Duo summa bona, quae a se diversa sint, esse non possunt: Atqui & Deum, & beatitudinem summum bonum esse collegimus.

Finis secundae & ultimae Partis Epistolarum
Familiarium Leonardi Arretini.





LEONARDI BRUNI
ARRETINI
ALIQUOT
EPISTOLAE

POPULI FLORENTINI NOMINE AD CON-
CILIIUM BASILEENSE CONSCRIPTAE.



I.

SACROSANCTAE SYNODO BASILEENSI:

*Nullam Urbem Florentia aptiorem ad
Concilium recipiendum.*

Reverendissimi in Christo Patres, & Domini
post humilem recommendationem. Jampridem
audientes mirabilia, ac fructuosissima o-
pera Sacrosanctæ Synodi Basileensis incredibili
affectione, immo potius devotione erga illam inflam-
mati

mati eramus. Quis enim non admiretur illius opera? Quis non ad coelum laudibus extollat? a qua conspiciat usque adeo pestiferas haereses amputatas, ac sanata tam periculosa populi vulnera, a qua etiam prolapsa permulta sanctiori disciplina correpta, ac deformia reformata esse videamus. Quid dicemus de pace atque concordia Christianissimum ab eadem Synodo multis laboribus procurata? Quid de nefariis bellorum turbinibus, aut sublati omnino, aut certe compositis? Fatemur nos quidem pro huiusmodi sollicitudinibus, atque curis, pro huiusmodi operibus, ac beneficiis in Populum Christianum collatis omnes teneri, atque debere sanctissimam Synodum praecipua reverentia, devotioneque complendi. Nunc autem cum ardet eadem sacrosancta Synodus circa reductionem unionemque Graecorum, ex eadem officina caritatis, & sapientiae, ac beneficentiae manat, ut ad ceteros labores pro communi utilitate susceptos hoc unum opus vere laudabilissimum superaddatur. Ad quod quidem conficiendum si dignabitur sacrosancta Synodus urbem nostram pro loco, quemadmodum Orator vester asserit, acceptare, gaudebimus nos quidem tamquam participes, atque coadiutores tanti boni. Et profecto affirmare audemus nullum in tota Italia locum magis idoneum ad tantam rem conficiendam reperiri posse, quam civitatem nostram, tum propter animos nostrorum Civium mirabili devotione erga eandem Synodum affectos, tum propter capacitatem loci, tum propter opportunitatem situs, tum propter ubertatem, & abundantiam rerum ad vitam pertinentium, ac super omnia propter securitatem, & libertatem. Et de affectione quidem nostra satis superius dictum sit. De capacitate vero loci quid attinet disputare? Cum sit civitas nostra spatiosa, & in-

gens

gens, atque plena splendidissimorum aedificiorum infinitae quasi multitudinis capacium? Situs autem opportunitas major reperiri non posset, cum sit terra, marique accessibilis. Duobus siquidem maribus Italia cingitur, quorum alterum territorio nostro contingimus, portumque in eo habemus inclytum, & famosum, ab altero vero littore nostro ultra viginti passuum millibus cum territorio nostro distans, ut si Graeci per superius mare, quod est illis aptius, venire velint, & vel Ravennae, vel Ariminum suis navibus applicare, propinquum sit territorium nostrum ad eos suscipiendos. Sin per inferius mare adventare velint, in Portum nostrum Pisanum latim descendant. Abundantia vero rerum summa est, cum & maria undique multa importent, & territorium habeamus uberrimum tritici, olei, vinique optimi, ac ceterarum omnium rerum imprimis abundans, tanquamque latitudo est territorii nostri, ut supra centum millia passuum quoquo versus extendatur, habemusque in eodem territorio oppida permulta, & aliquot urbes longis spatiis inter se distantes, quarum unaquaeque sufficiens esset, si forsitan aliquam ob causam expediret, Concilium recipere, atque optime alere. Securitas autem praecipua nostris in locis est propter libertatem civitatis, quae nullius dominio paret, sed se ipsam in iusticia & aequitate gubernat, neque cuiquam patitur violentiam inferri. Hac igitur fiducia induci quam arge & affectuose responderimus praestantissimo viro Domino Guaspari de Perusio Oratori vestro super hac materia ad nos misso, Reverendissimae P. V. ab eo potuerunt intelligere. Nam & securitates postulatas plenissime dedimus, & circa summam septuaginta millium Florenorum ab eo requisitam, quam ipse mandatum non habebat, parati erimus,

cum

cum assignamentum, & cautiones ad hoc opportunae praestabuntur, quod postulatur efficere. De ceteris autem, quae pertinent ad pretia rerum, & taxationes domorum, & alia hujusmodi larga manus permisimus, atque concessimus recordantes, quod jam saepius Curia Romana fuit in civitate nostra, & semper Curiales invicissimi, & contra eorum desiderium recesserunt. Ita se bene tractatos in illis rebus per experientiam cognoscebant, quod multo magis nunc facere parati sumus. Datum die III Julii 1436.

II.

SACROSANCTAE SYNODO BASILEENSI.

Pecuniam a Concilio postulatam promittit.

Reverendissimi in Christo Patres, & Domini post humilem recommendationem. Scripsimus nuper Sacrosanctae Synodo per litteras duplicatas ostendentes sinceritatem devotionis nostrae, & quod gratissimum nobis foret, quodque summi beneficii loco acciperemus, si sacrosancta Synodus, quemadmodum nobis per Oratorem suum intimavit, civitatem nostram pro loco, atque sede Concilii in hac laudabilissima reductione Graecorum tractanda, & Deo auctore concludenda recipere dignaretur. Verum quia in eisdem litteris mentio fit de summa septuaginta millium Florenorum postulata, & dubia quaedam possent apud mentes aliquorum exoriri, ad declarandam, rectificandamque eam partem offerimus assertive, & expresse summam illam septuaginta millium florenorum juxta postulationem fa-

istam nobis per Dominum Guasparem de Perusio
 Oratorem vestrum. Et rursus quia de assignamen-
 tis, & cautionibus faciendis pro restitutione ejusdem
 summae in litteris nostris fit mentio, ad declaran-
 dam quoque istam partem, & omnem dubietatem
 tollendam dicimus nos in Reverendissimorum Pa-
 trum, idest Sanctae Sabinae Legati, & Sancti Petri
 ad Vincula Cardinalium declaratione remittere
 ejusmodi assignamenta, & cautiones remansuri
 contenti ad illos modos, & ad illa assignamenta,
 & cautiones, quae per eosdem Dominos Cardinales
 sufficere fuerit declaratum. Cum igitur pars ista
 pecuniarum nullum habeat dubium, ac devotio po-
 puli nostri erga Sanctissimam Synodum sit explora-
 ta, & certa, & opportunitas hujus loci tanta sit,
 ut reperiri major non possit, humiliter supplicamus
 eidem Synodo, & omni prece instamus, ut dignetur
 pro gloria sempiterna civitatis nostrae hunc locum
 acceptare atque eligere, cujus quidem opportunitas
 tanta est, ut non sit facile majorem reperire. Sive
 enim de situ quaeritur, duplicia maria opportunis-
 sime illi deserviunt, & a terra insuper habilissimus
 est, sive salubritas, nullo in loco amoenior aer est,
 nullo purior, sive commoditas, nullo in loco spe-
 ciosiora, & capaciora aedificia reperientur cum tem-
 plorum magnificentissima amplitudine, atque orna-
 tu, sive abundantia, & bonitas rerum ad vitam
 pertinentium, nullo in loco praestantiora omnia.
 Quid dicemus de securitate, & libertate? Quae una
 res maxime per Sanctissimam Synodum ponderanda.
 Certe dicere audemus nullo in loco parem securita-
 tem, libertatemque reperiri propter aequalitatem ci-
 vium, & popularem gubernationem. Accedit etiam
 nomen, & gloria civitatis nostrae, quae non est
 postrema, neque obscura, sed profecto talis, ut il-
 lum

hustrari a Sanctissima Synodo, & decorari a tanto
 cœtu præstantissimorum virorum facillime possit,
 & ipsa certe non nichil dignitatis, ac reputationis
 versa vice asserre. Quibus quidem rationibus nemo
 recte judicans alterum locum civitati nostrae in hac,
 quae tractanda est, materia anteferebat. Datum die
 XIV. Augusti 1436.

III.

CARDINALI SANCTAE SABINAE, ET SANCTI PETRI AD VINCULA.

Eis gratias agit, eorumque arbitrio se permitti.

Reverendissimi in Christo Patres, & Domini.
 Si de agendis dignis gratiis Reverendissima
 Paternitatibus Vestris pro tantis beneficiis,
 quanta Reipublicae nostrae conferre studetis, scri-
 bere aggredieremur, longa nimis verborum series
 foret a nobis explicanda. Sed nos verba dimitten-
 tes, gratam, sempiternamque memoriam suscepto-
 rum beneficiorum mentibus nostris defixam perpe-
 tuo reservamus. Scripsimus autem prius Sacro-
 sanctae Synodo, quae scribenda nobis videbantur
 per litteras duplicatas. Nunc autem materiam acco-
 lerantes & omnem dubietatem rescicare properantes,
 & simul fiduciam eximiam, quam in Vestris Pater-
 nitatibus habemus, ostendere volentes iterato scribi-
 mus Sacrosanctae Synodo magis assertive offerentem
 summam septuaginta millium Florenorum juxta re-
 quisitionem nobis factam, & in declaratione V. R. P.
 remittentes assignamenta, & cautiones pro restitu-
 tione ejusdem summae septuaginta millium Flo-
 reno-

horum nobis facienda remansuri contenti ad illos
modos, & ad illa assignamenta, & cautiones, quae
sufficere nobis per V. R. P. fuerit declaratum. In-
super hoc R. P. V. specialiter dicimus, quod etiam
i majori summa indigebit Sacrosancta Synodus pro
confessione tanti boni, quantum scilicet est reductio
Trasecorum, parati erimus de illa subvenire, atque
supplere, si modo eligi locum istum, & hic tractari
tantum bonum contingat. Quare R. P. V.horta-
mur, rogamus, atque etiam supplicamus, ut non
tantum pro bono nostro, verum multo magis pro
universali, & pro tantae rei confessione velitis hunc
secum nostrum promovere, quia nullus habilior, nul-
lus aptior, nullus efficacior ad tantam rem confi-
endam posset faciliter reperiri, neque in quo secu-
ritatem, atque libertatem maiorem possit sibi Sacro-
sancta Synodus absque ullo dubio repromittere. Da-
tum die XIII. Augusti 1436.

IV.

DOMINIS CARDINALIBUS SANCTAE SABINAE, ET SANCTI PETRI AD VINCULA.

*Ostendit Picinium non invasisse ditionem
Florentinam*

Reverendissimi in Christo Patres, & Domini:
Deductum est ad notitiam nostram, quod
nonnulli apud Sanctum Concilium fama di-
ulgaverunt Nicolaum Picinium cum gentibus Du-
is Mediolani territorium nostrum invasisse, ac per-
venisse cum vexillis suis usque ad portas nostrae ci-

vitatis. Sive igitur ex calumnia, sive ex errore huiusmodi famam divulgaverunt, necessarium putavimus R. P. V. de veritate certiores reddere. Venit enim Nicolaus Picininus cum omni robore Ducis Mediolani in territorium civitatis Lucanae, & a nobis per litteras, & nuntios rogando petivit, ut transitum sibi per territorium nostrum concederemus, ut ipse duo millia equitum ad Franciscum Picinium filium suum, qui est in finibus Regni Apuliae posset transmittere. Promittebat vero indemnitatem pro suis, qui transmitterentur, & quod non amplius una nocte in territorio nostro moram traherent. Nos autem utpote qui non satis de huiusmodi transitu confidebamus, magnificum Comitem Franciscum Sfortiam, ac reliquas gentes nostras Nicolao Picinino, & suis opposuimus aditus illos occupantes, per quos verisimiliter transitum ab eodem Nicolao, & suis fieri oportebat. Quo facto nec Nicolaus Picininus se se movit de territorio, nec transire tentavit veritus magnitudinem copiarum, quae sibi, & suis per nos fuerunt oppositae. Itaque si leant qui dicunt illum invasisse territorium nostrum. Neque enim intrare fines nostros ausus est, nec de territorio Lucano exivit, nec illum ipsum, quem postulavit, transitum potuit obviare obstantibus, & repugnantibus validissimis copiis nostrae civitatis. Quare Paternitates Vestras rogamus, ut velint de hoc ipso apud Sacrum Concilium notitiam praebere, & forsan aliqui astute, & maligne famam istam vulgaverint ad opinionem civitatis nostrae deprimendam. Datum die 30. Octobris 1436.

CONCILIO BASILEENSI.

Negat Florentinos foedus iniisse cum Pontifice.

Reverendissimi in Christo Patres, & Domini post humilem recommendationem. Quia percipimus esse nonnullos, qui ad excludendam civitatem nostram in sacrosancta Synodo divulgaverunt nos habere confederationem, & ligam cum Domino Papa, visum est nobis declarare per literas nostras veritatem, ut illi, qui falso vulgaverunt, de suo mendacio fructum non reportent. Noverint igitur R. P. Vestrae, quod haec Civitas nostra utpote Christiana, atque fidelis semper fuit, magnam habuit devotionem, ac reverentiam erga Romanam Ecclesiam, ut probari potest per multos casus, & res gestas. Cum Papa tamen Eugenio Romano Pontifice hodierno neque ligam habemus, neque confederationem ullam, & praeter devotionem, & reverentiam, quam sibi ut Romano Pontifici debemus, a nullo penitus obligati sumus. Haec est veritas, quam illi ipsi non ignorant, qui contraria divulgant, sed faciunt causa decipiendi, atque fallendi. Quocirca V. R. P. humiliter rogamus, ne velint huiusmodi disseminatoribus fidem impartiri, utpote falsis, itque variis. Nostra enim civitas libertatem habet purissimam, & securitatem omnimodam, neque Romano Pontifici aliqua ratione obligata existit, nisi illa communi, per quam ipsi tamquam Pontifici reverentiam debitam impertimur, quemadmodum ceteri populi Christiani. Datum die XXIII. Decembris 1436.

INDEX I.

EORUM, AD QUOS EPISTOLAE
SCRIPTAE SUNT.

A

- A**lphonso Episcopo Burgenſi Lib. IX. Epiſt. XI.
 Andreſcio Petruccio Lib. IX. Epiſt. VIII.
 Angelo Lib. X. Epiſt. XXIII.
 Anonymo Lib. X. Epiſt. XVII. & XXII.
 Antonio Cremonenſi Lib. VII. Epiſt. V.
 Antonio Caſino Episcopo Senenſi Lib. IV. Epiſt. XVI.
 Antonio Grammatico Lib. I. Epiſt. XIV., & Lib. VIII
 Epiſt. II.
 Antonio Lib. III. Epiſt. XI.
 Arpino Lib. X. Epiſt. I.
 Atto Militi Saxoferratenſi Lib. VI. Epiſt. VII.

B

- B**aptiſtae Alberto Lib. IX. Epiſt. X.
 Bartholomaeo Lib. VII. Epiſt. III.
 Benedicſto Anagnino Lib. VII. Epiſt. X.
 Bernabae Senenſi Lib. VII. Epiſt. VII.
 Bonifacio Salutato Coluſii Filio, fratribusque Lib. II. Epiſt. XI.

C

- C**ardinali de Columna Lib. IX. Epiſt. VI. Lib. X. Epiſt. XV.
 Cancellario Lucenſi Lib. VI. Epiſt. IV.
 Cyriaco Anconitano Lib. VI. Epiſt. IX., & Lib. IX. Epiſt. V.
 Colucio Salutato Cancellario Florentino Lib. I. Epiſt. I II.
 III. IV. V. VI. VII. Lib. X. Epiſt. V.
 Corvino Lib. IV. Epiſt. VI.
 Coſmo Mediceo Lib. VII. Epiſt. I.

D

Demetrio Lib. IV. Epist. XXII.

E

Eugenio Papae IV. Lib. X. Epist. XVIII.

F

Felici Lib. IV. Epist. VII.

Feltrino Bojardo Equiti Ferrariensi Lib. X. Epist. VII.

Flavio Blondo Eporoliyensi Lib. VI. Epist. X. Lib. VIII.

Epist. I., & Lib. X. Epist. X., & XI.

Francisco Barbaro Lib. IV. Epist. X. XVII.

Francisco Gonzagae Principi Mantuanorum Lib. X. Epist. XXV.

Francisco Piccolpasso Archiepiscopo Mediolanensi Lib. V.

Epist. III. Lib. VII. Epist. IV. Lib. VIII. Epist. IV., &

VI. Lib. X. Epist. II. VIII. XXIV.

Francisco Philelpho Lib. V. Epist. VI., & Lib. VI. Epist. XI.

Francisco Principi Cortonensium Lib. II. Epist. II. III. VII. VIII.

G

Gerardo Landriano Cardinali Comensi Lib. VIII. Epist. VII. & VIII.

Guarino Veronensi Lib. IV. Epist. XIV. Lib. V. Epist. VII.

& Lib. X. Epist. XII. & XVI.

H

Hugoni Bentio Medico Senensi Lib. V. Epist. I.

I

Jacobo Foscare Veneto Lib. VII. Epist. VIII. & Lib. VIII. Epist. III.

Johanni Marrasio Poëtae Siculo Lib. VI. Epist. I.
 Johanni Cirignano Lucensi Lib. IX. Epist. XII.
 Johanni Tortellio Lib. IV. Epist. XVIII. & XX. Lib. IX.
 Epist. IX.

L

L Apo Juniori Lib. X. Epist. IX.
 Laurentio Lib. IV. Epist. XIII.
 Lauro Quirino Lib. IX. Epist. II. III.
 Leonardo Dato Juniori Lib. IX. Epist. VII.

M

M Arco Trivensi Lib. VIII. Epist. V.
 Marco Dandulo Lib. V. Epist. VII.
 Martino Papae V. Lib. V. Epist. V.

N

Nicolao Atbergio Cardinali S. Crucis Lib. VI. Epist. I.
 Nicolao Gavittello Lib. X. Epist. XX.
 Nicolao Cebae Lib. IX. Epist. IV.
 Nicolao Mediceo Lib. I. Epist. XIII.
 Nicolao Nicole Lib. I. Epist. VIII. X. XI. XII. XV. Lib.
 II. Epist. I. IV. V. VI. IX. X. XII. XIII. XVI. XVIII.
 Lib. III. Epist. II. III. IV. V. VII. IX. XIII. XIV.
 XV. XVI. XVIII. XIX. XX. Lib. IV. Epist. I. II. III.
 XII. Lib. X. Epist. VI. XIX.
 Nicolao Equiti Veronensi Lib. X. Epist. XXVI.
 Nicolao Lib. VI. Epist. VI. , & VIII.

P

Panagatho Lib. I. Epist. IX. & Lib. X. Epist. IV.
 Petrillo Neapolitano Lib. II. Epist. XXI.
 Petro Lib. X. Epist. III.
 Petro Turco Lib. IV. Epist. VIII.
 Petro Aemiliano Lib. II. Epist. XV. Lib. III. Epist. I. X.
 Lib. IV. Epist. XI. Lib. X. Epist. XIV.
 Pilco de Marinis Archiepiscopo Januensi Lib. IV. Epist. XX.

Oggio Bracciolino Lib. III. Epist. XVII. Lib. IV. Epist. IV. V. IX. XV. XXI. XXIII. Lib. V. Epist. IV. Lib. VI. Epist. III. V. Lib. X. Epist. XIII.

R

Regi Aragonum Lib. VII. Epist. II. VI. Lib. IX. Epist. I. & XIII.
 Baccio Lib. III. Epist. VI.
 Roberto Ruffo Lib. II. Epist. XVII. XIX. XX. XXII. Lib. III. Epist. XII.


T

Tito Livio Ferrariensi Lib. VII. Epist. IX.
 Thomae Cambiatori Lib. V. Epist. II. Lib. X. Epist. XXI.

Z

ZUcharo Lib. II. Epist. XIV. Lib. III. Epist. VIII.





INDEX II.

**QUI EXHIBET RES, ET CLARISSIMORUM
VIRORUM NOMINA, QUORUM IN
HIS EPISTOLIS MENTIO FIT.**

A

- A** Draſtus quid ſignificet Tom. I. pag. 11. & 13.
 Agamemnon quid ſignificet Tom. I. pag. 11.
 Alamannus Adimarius Archiepſcopus Piſanus Tom. I. pag. 57.
 Ambroſius Camaldulenſis Tom. II. pag. 31.
 —Ejus ſtudium de Philelpſo Florentiam evocando Tom.
 II. pag. 31.
 Angelus Corraſius Venetus Pontifex eligitur ſub nomine
 Gregorii XII. Tom. I. pag. 34.
 —Ejuſdem promiſſio, atque juſjurandum Tom. I. pag. 34.
 —Benedictum Antipapam ad pacem invitat Tom. I. pag. 39.
 —Quatuor novos Cardinales Lucae creat Tom. I. pag. 65.
 Antonius Caſinus ad Epiſcopatum Piſaurienſem aſſumitur
 Tom. I. pag. 47.
 Antonius Luſcus Vicentinus Tom. I. pag. 89.
 Aquilae Mons Tom. I. pag. 105.
 Aſconius a Poggio repertus Tom. I. pag. 112.
 Aſtynaſta quid ſignificet Tom. I. pag. 11. & 13.
 Athiſis Fluvius Tom. I. pag. 103.

B

- B** Bartholomaeus Capra Cremonenſis Tom. I. pag. 44. & 58.
 Tom. II. pag. 28.
 Bartholomæus Montis Politiani Tom. 2. pag. 46. ſeq.
 Benedictus Anagninus Tom. 2. pag. 185.
 Benedictus Antipapa Tom. I. Pag. 31.
 —Gregorium XII. ad Sſchiſma tollendum per litteras
 hortatur Tom. I. pag. 40.

C

- C**andidus December Tom. 2. pag. 119.
 —Leonardum contra Alphensum defendit Tom. 2. pag. 195.
 Cardinales Lucae Pontificem deserunt Tom. I. pag. 64.
 Caroli Malatestae Asiminensium Principis laus Tom. I. pag. 80. seq.
 Cautius Leonardi Familiaris Tom. I. pag. 97.
 Ciceronis Orationes duae in Gallia a Poggio repertae Tom. I. pag. 111.
 —Epistola a Leonardo Arretii inventa Tom. I. pag. 111.
 —Epistolae ad Atticum librariorum vicio corruptae Tom. 2. pag. 115.
 —Eiusdem genus regium Tom. I. pag. 115. seq.
 Colucius moritur Tom. 1. pag. 21.
 Constantiae descriptio Tom. I. pag. 107. seq.

D

- D**athus Leonardus junior adversus invidiam scripsit Tom. 2. pag. 152.
 Demetrius Bononiam cum Guarino venit Tom. I. pag. 90.

E

- E**ustratius Ethicorum Aristotelis commentator Tom. II. pag. 4.

F

- F**ranciscus Arretinus Episcopus Pontificum Secretarius Tom. II. pag. 28.
 Franciscus Brandalia Tom. I. pag. 114.
 Franciscus Barbarus sacris litteris incumbit Tom. I. pag. 135.
 —Laurentio Cancellario Cretensi respondet Tom. I. pag. 95.
 —Florentia Romam proficiscitur Tom. I. pag. 141.
 Franciscus Mini Tom. 2. pag. 154.
 Franciscus Philadelphus Dionem e graeco erudite traducit Tom. II. pag. 31.

G

- G** Aspar Bononiensis laudatur Tom. 2. pag. 136.
 Gerardinus Fulginas Tom. 2. pag. 182.
 Guarinus Veronensis Bononiam venit Tom. 1. pag. 90.

H

- H** Ebraicarum litterarum studium minus utile Tom. 2.
 pag. 150.
 Hector quid significet Tom. 1. pag. 11.
 Hippolitus quid significet Tom. 1. pag. 12. seq.

I

- I**acobus Angeli filius Leonardi competitor Tom. 1. pag. 22.
 — A Leonardo superatus a Pontifice rejicitur Tom. 1.
 pag. 24.
 Jacobus Nicolaus Nicolai Frater Tom. II. pag. 21.
 Innocentius VII. Romam proficiscitur Tom. 1. pag. 10.
 — Viterbium petit Tom. 1. pag. 10.
 — Romam revertitur Tom. 1. pag. 19.
 — Apud Basilicam Vaticanam moritur Tom. 1. pag. 37.
 Johannes Cincius eques Britannus Tom. 1. pag. 72.
 Johannes Colucii Nepos Tom. 1. pag. 21.
 Johannes Dominici a Florentinis apud Cardinales Orator
 Tom. 1. pag. 33.
 — Archiepiscopus eligitur Tom. 1. pag. 36.
 — Cardinalis creatur Tom. 1. pag. 66.
 Johannes Graecus miles Bononiam cum Guarino venit Tom.
 I. pag. 90.
 Johannes Mediceus Tom. 1. pag. 30.
 Johannes Nicolaus Nicolai Frater Tom. II. pag. 19.
 Johannes Praepositus Insulensis Francorum Regis Legatus
 Tom. 1. pag. 101.

Johannes Tortellius Sacris Litteris operam dat Tom. II.
pag. 155.

L

- L** Adislaus Siciliae Rex pacem Ecclesiae inhibet Tom. I.
pag. 40.
- Romam adoritur Tom. I. pag. 42.
- A Paulo Ursino in fugam vertitur Tom. I. pag. 42.
- Lapus Lecturam adipiscitur Tom. II. pag. 179.
- Laurentius de Monacho Cretenfis Cancellarius Tom. I. pag. 126.
- Leonardus Arretinus Romam proficiscitur Tom. I. pag. 1.
- ob aetatem a Pontifice paene rejicitur Tom. I. pag. 1.
- Pontificiarum Epistolarum Magister eligitur Tom. I.
pag. 4.
- A Colucio Pontifici commendatur Tom. I. pag. 5.
- Viterbium cum Pontifice petit Tom. I. pag. 10.
- Platonem traducit Tom. I. pag. 16.
- Laudationem Florentinae Urbis Nicolao, & Colucio
mittit Tom. I. pag. 17.
- De Colucio queritur Tom. I. pag. 20.
- Viterbii aegrotat Tom. I. pag. 20.
- Romam redit Tom. I. pag. 21.
- In Picenum & Gallicum agrum a Pontifice dimittitur
Tom. I. pag. 21.
- Inter duos disceptantes Grammaticos Judex a Pontifice
constituitur Tom. I. pag. 26.
- Colucii laudationem componit Tom. I. pag. 28.
- Episcopatum ab Innocentio sibi ultro oblatum respuit
Tom. I. pag. 47.
- Canonicus Florentinus eligitur Tom. I. pag. 47.
- Constantiam petit Tom. I. pag. 103. seq.
- Ejus inimicitiae cum Nicolo Tom. II. pag. 18. seq.
- Quintilianum cum alio Ms. confert, & corrigit Tom. I.
pag. 116.
- Contra Alphonsum se defendit Tom. II. pag. 81., &
seq. & pag. 195. seq.
- Cum eodem in gratiam redit Tom. II. pag. 185.

M

- M** Ansel. Chrysoloras Tom. I. pag. 52. & 90.
 Marcellus Stroza Tom. I. pag. 64.
 Marini Caravelli laus Tom. I. pag. 5. & 68.
 Matthacus Albitius Tom. I. pag. 113.

N

- N** icolaus Cavitellus Tom. II. pag. 186.

P

- P** aulus Florentinus juvenis egregius Tom. II. pag. 167.
 Paulus Galtretanus Tom. II. pag. 176.
 Paulus Guiniſius Princeps Lucensis Tom. II. pag. 43.
 Petrus Mianus laudatur Tom. I. pag. 39.
 Pisae captae Tom. I. pag. 31.
 Poeticorum libri a Leonardo e graeco Aristotelis traducuntur Tom. I. pag. 69.

R

- R** ainerius Petri filius Tom. I. pag. 121.
 Regium nomen Imperatorio praestantius Tom. II. pag. 58.
 Rhenus flumen Tom. I. pag. 106.

S

- S** avona ad congressum eligitur Tom. I. pag. 4.
 Sermo vulgaris Tullii aetate diversus a litterato Tom. II. pag. 61.
 Stephanus Arretinus Leonardi Arretini necessarius Tom. II. pag. 41.
 — Inter Domesticos Cardinalis Columnensis recipitur Tom. II. pag. 41.
 Stulticia invidia pejor Tom. II. pag. 151.

T

T *tyro* quid significet Tom. 1. pag. 3. seq. 26. seq. &
231. seq.

Temere quid sit Tom. 2. pag. 175.

Thomas Britannus Tom. 1. pag. 55.

Thomas Salveſtus Tom. 2. pag. 177.

Tramenum Tom. 1. pag. 104.

Tridentum Tom. 1. pag. 103.

Tusci Mantuae conditores pag. 218. seq.

Tuscorum Reges Trabea, & palmata tunica utebantur Tom.
2. pag. 61.

U

Utrum Secretarii Advocatos praecire debeant Tom. 2.
pag. 25. seq.

Ursinus Paulus Pontificii exercitus Dux Tom. 1. pag. 42.

— Ladislai copias, in fugam vertit Tom. 1. pag. 42.

V

Valerius Flaccus a Poggio repertus Tom. 1. pag. 112.

Z

Zabarellus Cardinalis Florentinus Tom. 1. pag. 92.

Zachariae Trivisani laus Tom. 1. pag. 51.

Zucharus Tom. 1. pag. 95.

